

ଯୋହନ ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର **ଜୋହନ ରାସ୍ତିମାନି ଜିସୁ କ୍ରିସ୍ତଦି** **ନେଗିକାବୁର୍** **ଜୋହନ ବଇ ବିସୟତାନ୍ ଏସ ମାଟା**

ଜିସୁ କ୍ରିସ୍ତଦି ଜିବନ୍ ଝେର୍ସିମାନି ପୁନି ନିୟମତି ନାଲ୍ଗି ବଇଙ୍ଗାଁ ମାଣ୍ଡକୁ ଜୋହନ ରାସ୍ତିମାନି ସୁସମାଚାର ଉନ୍ତୁ । ଆୟାଞ୍ଜିକୁ ବଇଙ୍ଗାଁ ସୁସମାଚାର ଇନାର୍, ଆମାତାନି ଅର୍ତ୍ତ “ନେଗିକାବୁର୍ ।” ଆୟାଞ୍ଜିକୁ ଜିସୁ ସାତି ଝେନ୍ଦକା ମାଥୁର, ମାର୍କ, ଲୁକ ମାରି ଜୋହନତି ମାଣାନ୍ ରାସାତେମାନେ । ଜୋହନ ରାସ୍ତି ସୁସମାଚାର କ୍ରିସ୍ତ ଜନମ୍ତି ନବେ ବାର୍ଦ୍ଧେକ୍ ଝେନ୍ଦକା ପ୍ରେରିତ ଜୋହନତି ମାଣ୍ଡକୁ ରାସାତାମାନାଡ୍ । ଜଦିବା ଇୟା ସୁସମାଚାରତୁ ଇୟା ବଇଦି ରାସ୍ତିକାନ୍ ଜୋହନ ଇଜି ନେସ୍ତି ଖାଜା ରାସାଏଡ୍, ମାତର୍ ଇୟା ସୁସମାଚାରତି ରାସ୍ତି ବଲ୍ ୧ ଜୋହନ, ୨ ଜୋହନ ମାରି ୩ ଜୋହନତି ଖାଲେ ପୁରା ସାମାନ୍ । ଏସ ପୁର୍ବେଦି ରାସ୍ତିକାର୍ ବିସ୍ବାସ୍ କିନାର୍, ଇୟା ସୁସମାଚାର ଏପିସିଦାନ୍ ରାସାତାମାନାଡ୍, ଇରିଙ୍ଗ୍ ଇୟା ସମୟତିଖାଲେ ଜୋହନ ଏପିସିଦୁ ତେବାଜି ମାର୍ହାନ୍ ।

ଜୋହନ ବୁଜାନିଖାଜା ଇନାନ୍, “ଜିସୁନେ କ୍ରିସ୍ତ ଜିବନ୍ମାନି ମାପୁରୁଦି ମାରିସି” ଜୋହନ ୨୦:୩୧, ଇକା ବିସ୍ବାସ୍ କିଦେଙ୍ଗ୍ ଇଜି ଲୋକାଙ୍ଗ୍ ସାକା କିନିକା ଆଜିନାଡ୍ ଇୟା ସୁସମାଚାରତି ମୁକ୍ୟ ଉଦେସ୍ । ଇକା ବିସ୍ବାସ୍ କିନି ମାଣାନ୍ ମାଡ୍ ଏଣ୍ଡେସ୍ ଜିବନ୍ ପୟ୍ଦେଙ୍ଗ୍ ଆଟ୍ନିକା । ଇୟା ସୁସମାଚାର ଜିହୁଦି ମାରି ଅଣଜିହୁଦି ରିଏରି ଉଣ୍ଡିଙ୍ଗ୍ ରାସାତା ମାର୍ହାଡ୍ । ଇୟା ସୁସମାଚାରତୁ ଜିସୁଦି କାତା ଡିସ୍ତିଙ୍ଗ୍ ଖାନି କାବାଆନି ପାଣିଙ୍ଗ୍ ନାଣ୍ଡ ଦିୟାନ୍ ସିଆୟାଆତାମାନାଡ୍ । ଜିସୁଦି ତୁବନ୍ ମାରି ବାଲିରୁମିଦୁ ଖାନି ପରିକା ଖାଜା ବିସେସ୍ ଗଟ୍ଟେଙ୍ଗ୍ ବିସୟତାନ୍ ଜୋହନ ଇୟା ସୁସମାଚାରତୁ

ଇନିକା ରାସ୍ତାନ୍ । ଇୟା ସୁସମାଚାର୍ ଆଇ ମୁନ୍ତ୍ରୀ ସୁସମାଚାର୍ ମାଣ୍ଡକୁ ଆଇକା ।

ଇୟା ବଇଦୁ ମାନି ମୁକ୍ତିସ୍ ବିସୟ୍

୧. ସୁସମାଚାର୍ ଆରାମ୍ ଜୋହନ । ୧:୧-୧୮

୨. ଜିସୁସ୍ ଏସ କାବାଆନି ପାଣିଙ୍ ଜୋହନ । ୧:୧୯-୧୨:୫୦

୩. ଜିସୁସ୍ ଜିବନ୍, ସାନିକା ମାରି ନିଙ୍ ନିକା ଜୋହନ । ୧୩:୧-୨୦:୩୧

୪. ଜିସୁସ୍ ଡେସିଜିବନ୍ ଆଜି ଝେନ୍‌କା ତର୍‌ୟାଆନିକା ଜୋହନ । ୨୧:୧-୨୫

ଜିବନ୍ତି ବାକ୍ୟ

୧ ଆଗତି ବାକ୍ୟ ମାର୍‌ଆଡ୍, ବାକ୍ୟ ମାପୁରୁଝାଲେ ମାର୍‌ଆଡ୍, ଆୟା ବାକ୍ୟ ମାପୁରୁ ମାର୍‌ଆଡ୍ ।

୨ ବାକ୍ୟ ଆଗତି ମାପୁରୁଝାଲେ ମାର୍‌ଆଡ୍ ।

୩ ଖାନି ମାଣାନ୍ ମାପୁରୁ ଝିନ୍ନୁ ତିଆର କିତାଡ୍; ମାରି ଆମାଝିନ୍ନୁ ତିଆର ଆତାମାନାଡ୍, ଆୟା ଲୋଇରାନ୍ ଉଣ୍ଡେ_ବା ଖାନିଙ୍ ଡିସ୍‌ତିଙ୍ ତିଆର ଆଏଡ୍ ।

୪ ଖାନିମାନୁ ଜିବନ୍ ମାର୍‌ଆଡ୍ ମାରି ଆୟା ଜିବନ୍ ଲୋକା ଜାୟ୍ ।

୫ ଆୟା ଜାୟ୍ ସିକାଟିଦୁ ଜାୟ୍‌ଆଜି ଖାନିନାଡ୍, ମାରି ସିକାଟି ଆକା ମାନାଏଜିନାଡ୍ ।

୬ ☆ମାପୁରୁ ଖାନି କାବୁର୍ ସିନିଖାନିଙ୍ ପୋକ୍‌ତାନ୍; ଖାନି ଦର୍ ଜୋହନ ।

୭ ଖାନ୍ ଏଣ୍ଡେସ୍ ଜାୟ୍ ବିସୟ୍‌ତାନ୍ ସାକି ସିନାନ୍, ମାରି ଆକା ଝେନ୍‌ଞ୍ଜି ଝିଜେରେ ବିସ୍‌ବାସ୍ କିନାର୍, ଆୟାଉଣ୍ଡିଙ୍ ଖାନ୍ ଖାତାନ୍ ।

୮ ଜୋହନ ନିଜେ ଆୟା ଜାୟ୍ ସିଲେତାନ୍, ମାତର୍ ଜାୟ୍ ବିସୟ୍‌ତାନ୍ ସାକି ସିଦେଙ୍ ଇଜି ଖାତାନ୍ ।

୯ ଏମେ ସଡ୍ ଜାୟ୍ ଦୁନିଆଦି ଖାଜି ଝିନ୍ନୁ ଲୋକାଙ୍ ଜାୟ୍ ସିନାଡ୍, ଆକାଦେ ସଡ୍‌ତି ଜାୟ୍ ।

୧୦ ବାକ୍ୟ ଦୁନିଆଦୁ ମାର୍‌ଆଡ୍ ମାରି ଦୁନିଆ ଖାନି ମାଣାନ୍ ତିଆର ଆତାଡ୍, ଆରିଙ୍‌ବା ଦୁନିଆ ଖାନିଙ୍ ସିନିସ୍ କିଏତାଡ୍ ।

☆ ୧:୬ ମାତିଉ ୩:୧; ମାର୍କ ୧:୪; ଲୁକ ୩:୧,୨.

୧୧ ଖାନ୍ ନିଜେଦି ରାଜିଦୁ ଖାତାନ୍, ଆରିଙ୍ଗବା ଖାନ୍ ନିଜେଦି ଲୋକୁ ଖାନିଙ୍ଗ ମାନାଏତାର ।

୧୨ ମାତର୍ ଏସୋ ଲୋକୁ ଖାନିଙ୍ଗ ମାନାତାର, ଅର୍ତ୍ତାତ୍ ଏମେକାର୍ ଖାନି ଦର୍ତ୍ତାନ୍ ବିସ୍ବାସ୍ କିତାର, ଆୟା ଓଜେରିଙ୍ଗ ଖାନ୍ ମାପୁରୁଦି କଡର୍ ଆଦେଙ୍ଗ ଅଦିକାର ସିତାନ୍;

୧୩ ଖାର୍ ମାପୁରୁଦି ମାରିସିର୍ ନିଜେଦି ବଦାଦାନ୍ କି, ମେନ୍ଦଲ୍ତି ନେତେର୍ତ୍ତାନ୍ କି ଲୋକା ବଦାଦାନ୍ ଜନମ୍ ଆଏର୍, ମାତର୍ ମାପୁରୁ ନିଜେ ଖାରି ବୁବା ।

୧୪ ମାରି, ଆୟା ବାକ୍ୟ ନର୍ ମେନ୍ଦଲ୍ ଆସ୍ସି ମା ଖାଲେ ଜିତାନ୍ । ଖାନ୍ ଦୟା ନି ସତ୍ତୁ ପୁରା ଆଜିମାର୍ହାନ୍ । ମାରି ମାପୁରୁଦି ଅରେନ୍ନେ ମାରିସିଖାଜା ଖାନ୍ ଏମେ କାବାଆନି ମହିମାକି ପୋଇତାମାର୍ହାନ୍, ଆକା ମାପ୍ ସୁଡ଼ୁପ୍ ।

୧୫ ଜୋହନ ଖାନି ବିସୟତାନ୍ ସାକି ସିଜି ନାଣ୍ଡ ଆଉଲି ଆଜି ଇରୁଆନ୍, “ଏନ୍ ନା ଝେନ୍କା ଖାଜିନାନ୍, ଖାନ୍ ନାଙ୍ଗ୍ ପେରିକାନ୍, ଇରିଙ୍ଗ ଖାନ୍ ନା ଜନମ୍ ଆନି ଆଗ୍ତି ମାର୍ଆନ୍, ଏମେଖାନି ବିସୟତାନ୍ ନାନ୍ ଇକା ଇର୍ହାମାର୍ହା, ଖାନ୍ ଇକାନ୍ ।”

୧୬ ଆଦେଙ୍ଗ ଖାନି ଦୟାଦି ପୁରାଦାନ୍ ମାଡ଼ ଓଜେରେ ଆସିର୍ବାଦ୍ ପୋଇତିମାନିକା, ହୁଁ, ଆସିର୍ବାଦ୍ ମୁସ୍କୁ ଆସିର୍ବାଦ୍ ପୋଇତିମାନିକା ।

୧୭ ଇରିଙ୍ଗ ନିୟମ ମାପୁରୁ ମୋସା ମାଣାନ୍ ସିତାନ୍, ମାତର୍ ଦୟା ନି ସତ୍ ଜିସୁ କ୍ରିସ୍ତ ମାଣାନ୍ ଖାତାତ୍ ।

୧୮ ଏନ୍ ଏସାଙ୍ଗ ମାପୁରୁଙ୍ଗ୍ ସୁଡ଼ୁନ୍, ବୁବାସି ଗାଡୁବୁ ମାନି ଅରେନ୍ନେ ଖାନି ଲାଡ଼ ମାରିସି, ଖାନିଙ୍ଗ ନେସିସ୍ କିତାମାନାନ୍ ।

ତୁବନ୍ସିନି ଜୋହନତି କାରୁର

(ମାତିଡ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଜିରୁସାଲାମତି ଜିହୁଦି ପେରିକାର୍ ଏସ ଲୋକ୍ ଦାର୍ମୁଜାଜକରିଙ୍ଗ ମାରି ଲେବିୟରିଙ୍ଗ ଜୋହନତି ଲାକ୍ତୁ, “ନିନ୍ ଏନ୍ ?” ଇଜି ଝେନ୍ବାଦେଙ୍ଗ ପୋକ୍ତାର୍,

୨୦ ଖାନ୍ ମାନାଏଜି ସତ୍ତାନ୍ ଝେର୍ତାନ୍, “ନାନ୍ କ୍ରିସ୍ତ ଆଏ ।”

୨୧ ଆବେଟ୍ ଝାର ଜୋହନତିଙ୍କୁ ଝେନ୍ବାତାର, ଆରିଙ୍କୁ, “ନିନ୍
ଇନିକା ଏଲିୟୁ ?”

ଝାନ୍ ଇରଥାନ୍, “ନାନ୍ ଆଏ ।”

ନିନ୍ ଇନିକା ଆୟା ବାବବାଦି ?

ଝାନ୍ ଇର୍ହାନ୍, “ସିଲେ ।”

୨୨ ଆବେଟ୍ ଝାର ଝାନିଙ୍କୁ ଇର୍ହାର, “ମାଙ୍କୁ ପୋକ୍ତିମାନି ଝାରିଙ୍କୁ
ଏଣ୍ଡେସ ଇନ୍ତେକ୍ ଆଟ୍‌ନାପ୍, ଆୟାଉଣ୍ଡିଙ୍କୁ ନିନ୍ ଏନ୍ ? ନିନ୍ ନିଜେଦି
ବିସୟତାନ୍ ଇନିକା ଇଜିନି ?”

୨୩ ଜିସାୟ ବାବବାଦି ଏଣ୍ଡେସ ଝେରତାମାରଥାନ୍, ଆୟାଝାଜା
ଜୋହନ ଇର୍ହାନ୍ ।

“ନାନ୍ ଆୟା ସିମ୍ବାବାଡିଦୁ ଆଉଲିଆଜିମାନି ଅରେନ୍‌ଝାନି ବଲ୍,

ପ୍ରବୁଦି ସାରି ସାଡକ୍ କିଆ ।”

୨୪ ମାରି, ପାରୁସିର୍ ପୋକ୍ତିମାନି କାରୁର୍ ଅନିକାର ଝାନିଙ୍କୁ
ଝେନ୍ବାତାର,

୨୫ “ନିନ୍ ଜଦି କ୍ରିସ୍ତ ମାରି ଏଲିୟୁ ମାରି ଆୟା ବାବବାଦି ଆଇ,
ଆରିଙ୍କୁ ଏୟା ତୁବନ୍ ସିଜିନି ?”

୨୬ ଜୋହନ ଝାରିଙ୍କୁ ଇରଥାନ୍, “ନାନ୍ ଏରତୁ ତୁବନ୍ ସିଜିନା;
ଆମାଝାନିଙ୍କୁ ମିର୍ ନେସଇଦେର୍, ଝାନ୍ ମିବାନ୍ ମାନାନ୍;

୨୭ ଝାନ୍ ନା ଝେନ୍‌କା ଝାଜିନାନ୍, ଝାନି ଜୁଡେଙ୍କୁଟି ଗାଟି କୁଡଡେଙ୍କୁ
ବା ନାନ୍ ଜଗ୍ ସିଲେ ।”

୨୮ ଜର୍ଦନ ଗାଡାଦି ଆୟାପାଡିରି ଆମା ବେତନିଆଦୁ ଜୋହନ
ତୁବନ୍ ସିଜିମାରଥାନ୍, ଆୟା ବାଡିଦୁ ଇୟାଝିଜୁ ଗଟାତାଡ୍ ।

ମାପୁରୁଦି ମେଣ୍ଡାପିଲା

୨୯ ମାରନାଣ୍ଡିଙ୍କୁ ଜୋହନ ଜିସୁଙ୍କୁ ଝାନି ଲାକ୍ତୁ ଝାନିକା ସୁଡ଼ୁ
ଇରଥାନ୍, ଇକା ସୁଡ଼ୁ, ମାପୁରୁଦି ମେଣ୍ଡାପିଲା, ଏନ୍ ଦୁନିଆଦି ପାପ୍
ପିଣ୍ଡୁନା ଅନାନ୍ ।

୩୦ ନା ଝେନ୍‌କା ଏନ୍ ଝାଜିନାନ୍, ଝାନ୍ ନାମାଣାନ୍ ପେରିକାନ୍,
ଇରିଙ୍କୁ ଝାନ୍ ନା ଜନମ୍ ଆଗ୍ତି ମାରଥାନ୍, ଆମାଝାନି ବିସୟତାନ୍
ନାନ୍ ଇକା ଇରଥାମାର୍ହା, ଝାନ୍ ଆକାନ୍ ।

୩୧ ନାନ୍ ବା ଖାନିଙ୍ଗ୍ ସିନିସ୍ କିଏ ମାର୍ହା, ମାତର୍ ଖାନ୍ ଏଣ୍ଡେସ୍ ଇସ୍ରାଏଲ୍ ଲୋକାମାନ୍ ନେସାଇ ଆନାନ୍, ଆୟାଉଣ୍ଡିଙ୍ଗ୍ ନାନ୍ ଏରୁଡୁ ତୁବନ୍ ସିଦେଙ୍ଗ୍ ଖାତାମାନା ।

୩୨ ମାରି ଜୋହନ ସାକି ସିଜି ଇର୍ହାନ୍, “ନାନ୍ ପବିତ୍ର ଆମ୍ବା ପାରୁଝାଦି ଖାଜା ବାଦଡ଼ତାନ୍ ରେତାଜି ଖାଦ୍ ଖାନି ମୁସ୍କୁ ବାସ୍ନିକା ସୁଡ଼ତୁ ।

୩୩ ନାନ୍ ବା ଖାନିଙ୍ଗ୍ ସିନିସ୍ କିଏ ମାର୍ହା, ମାତର୍ ଏନ୍ ନାଙ୍ଗ୍ ଏରୁଡୁ ତୁବନ୍ ସିଦେଙ୍ଗ୍ ପୋକ୍ତାନ୍, ଖାନ୍ ନାଙ୍ଗ୍ ଇରୁଆନ୍, ଆମାଖାନି ମୁସ୍କୁ ଆମ୍ବା ବାସ୍ନିକା ସୁଡ଼ନ୍ତି, ଏନ୍ ପବିତ୍ରଆମ୍ବାଦୁ ତୁବନ୍ ସିନାନ୍, ଆକାନ୍ ଆୟା ଲୋକୁ ।

୩୪ ମାରି, ନାନ୍ ଆକା ସୁଡ଼ତୁମାନା ମାରି ଖାନ୍ ମାପୁରୁଦି ମାରିସି ଇଜି ସାକି ସିତାମାନା ।”

ଜିସୁଦି ପାରୁଡୁମ୍ ସିସୁର

୩୫ ମାର୍ନାଣ୍ଡିଙ୍ଗ୍ ମାରିଡ଼େସି ଜୋହନ ନି ଖାନି ସିସୁରି ଲୋଇ ରିଏରି ଖାଲେ ନିରୁଆମାରୁଆର୍;

୩୬ ମାରି, ଖାନ୍ ଜିସୁଙ୍ଗ୍ ଆୟା ସାରି ସିଜି ସନିକା ସୁଡ଼ନ୍ତି ଖାନିଙ୍ଗ୍ କାଶ୍ଟା କିଜି ଇର୍ହାନ୍, ଇକାନ୍ ସୁଡ଼ତୁ, ମାପୁରୁଦି ମେଣ୍ଡା ପିଲା ।

୩୭ ଆୟା ରିଏର୍ ସିସୁର ଖାନି ମାଟା ଝେନ୍ଜି ଜିସୁଖାଲେ ଖାଲେ ସରଆର୍ ।

୩୮ ଜିସୁ ମାରୁଜି ଝେସ୍ସି ଖାରିଙ୍ଗ୍ ଝେନ୍କା ଝେନ୍କା ଖାଜିମାନିକା ସୁଡ଼ନ୍ତି ଝେନ୍ବାତାନ୍, “ମିର୍ ଇନିକା ପୋୟଜିନିଦେର୍ ?” ଖାର୍ ଖାନିଙ୍ଗ୍ ଇର୍ହାନ୍, “ରାବ୍ବି” ଅନୁବାଦ୍ କିତିଙ୍ଗ୍ ତେନି ଅର୍ଡ “ଗୁରୁ,” ନିନ୍ ଏମେ ତେବାନି ?

୩୯ ଜିସୁ ଖାରିଙ୍ଗ୍ ଇର୍ହାନ୍, ରାଦୁ, ସୁଣିଦେର୍ । ଆବେଟ୍ ଖାର୍ ସଲ୍ସି ଖାନି ବାସାନିକା ସୁଡ଼ତୁର, ମାରି ଆୟା ନାଣ୍ଡିଙ୍ଗ୍ ଖାନିଖାଲେ ତେବାତାର୍; ନାସ୍ତିଖାଲେ ମିଲ୍ମିଲିକା ସାର୍ଟା ଝେଡ଼ା ଆତାମାରୁଆଡ଼ ।

୪୦ ଏମେ ରିଏର୍ ଜୋହନତି ମାଟା ଝେନ୍ଜି ଜିସୁଦି ଖାଲେ ଖାଲେ ସରୁଆମାରୁଆର୍, ଖାରି ଲୋଇ ଅରେନ୍ ସିମୋନ୍ ପିତର୍ଡି ତଡ଼ାନ୍ ଆନ୍ଦ୍ରିୟ ମାରୁଆନ୍ ।

୪୧ ଖାନ୍ ପାର୍ତୁମ୍ ଖାନି ତଡ଼ାନ୍ ସିମୋନ୍‌ତିଙ୍କ ପୋୟୁଜି ଖାନିଙ୍କ ଇରଥାନ୍, ମାପ୍ “ମସିହଦି*” ସୁଡ଼ତୁମାନାପ୍ ।

୪୨ ଖାନ୍ ଖାନିଙ୍କ ଜିସୁ ଲାକ୍‌ତୁ ତାତାନ୍ । ଜିସୁ ପିତର୍ ତରିନ୍ ସୁଡ଼ତୁ ଇରଥାନ୍, “ନିନ୍ ସିମୋନ୍ ଜୋହନତି ମାରିସି । ନିନ୍ କେପା ଦର୍ତ୍ତାନ୍ ଖେଙ୍ଗ୍ ନି ଅନୁବାଦ କିତିଙ୍କ ତେନି ଅର୍ତ୍ତ କାଲୁ ।”

ଜିସୁ ପିଲିପ୍‌ତିଙ୍କ ନି ନିତନିଏଲ୍‌ତିଙ୍କ କୁକ୍‌ତାନ୍

୪୩ ମାର୍‌ନାଣ୍ଟିଙ୍କ ଜିସୁ ଗାଲିଲିଦୁ ସହସ ସନ୍‌ଡ୍ରେଙ୍କ ବଦା କିତାନ୍, ମାରି ଖାନ୍ ପିଲିପ୍‌ତିଙ୍କ ସୁଡ଼ତୁନ୍‌ନୋ ଖାନିଙ୍କ ଇରଥାନ୍, “ନା ଖାଲେ ରାଆ ।”

୪୪ ପିଲିପ୍ ବେତ୍‌ସାଇଦାଦି ଲୋକୁ ମାର୍‌ଥାନ୍, ଆକା ଆନ୍ଦ୍ରିୟ ନି ପିତର୍‌ତି ଗାଡ଼୍ ମାର୍‌ଥାଡ଼ ।

୪୫ ପିଲିପ୍ ନିତନିଏଲ୍‌ତିଙ୍କ ପୋୟୁଜି ଖାନିଙ୍କ ଇରଥାନ୍, ଆମାଖାନି ବିସୟତାନ୍ ମୋସା ନିୟମ୍ ବଇଦୁ ରାସ୍‌ତାମାନାନ୍, ମାରି ବାବବାଦିର୍ ବା ରାସ୍‌ତାମାନାର୍, “ମାପ୍ ଖାନିଙ୍କ ପୋୟୁତାମାନାପ୍; ଖାନ୍ ଜୋସେପ୍‌ତି ମାରିସି ନାଜରିତୟଦି ଜିସୁ ।”

୪୬ ନିତନିଏଲ୍ ଖାନିଙ୍କ ଖେନ୍‌ବାତାନ୍, “ନାଜରିତଦାନ୍ ନୋ ଇନି ନେଗି ବିସୟ ସନା ଖାନାଡ଼ ନୋ ?”

ପିଲିପ୍ ଖାନିଙ୍କ ଇରଥାନ୍, “ଖାଜ ସୁଡ଼ଆ ।”

୪୭ ଜିସୁ ନିତନିଏଲ୍‌ତିଙ୍କ ଖାନି ଲାକ୍‌ତୁ ଖାନିକା ସୁଡ଼ତୁ ଖାନି ବିସୟତାନ୍ ଇରଥାନ୍, “ଇଦି ସୁଡ଼ଦୁ, ସତେନେ ଇକାନ୍ ଅରେନ୍ ଇସ୍ରାଏଲ୍‌ତି ଲୋକୁ, ଖେନିମାନୁ ଇନି ତାଗ୍‌ଇକା ସିଲେଡ଼ ।”

୪୮ ନିତନିଏଲ୍ ଖାନିଙ୍କ ଖେନ୍‌ବାତାନ୍, “ନାଙ୍ଗ୍ ନିନ୍ ଏଣ୍ଡେସ୍ ସିନିସ୍‌କିତି ?”

ଜିସୁ ଖାନିଙ୍କ ଇର୍ହାନ୍, “ପିଲିପ୍ ନିଙ୍ଗ୍ କୁକ୍‌ନି ଆଗ୍‌ତି ନିନ୍ ଏସ୍ତ୍ରାଲେ ତଗା ମାରାନ୍ ଆଡ଼ଗି ମାହ୍, ନାସ୍ତ୍ରାଲେ ନାନ୍ ନିଙ୍ଗ୍ ସୁଡ଼ତୁମାର୍ହା ।”

୪୯ ନିତନିଏଲ୍ ଖାନିଙ୍କ ଇର୍ହାନ୍, “ଏ ଗୁରୁ, ନିନ୍ ମାପୁରୁଦି ମାରିସି, ନିନ୍ ଇସ୍ରାଏଲ୍‌ତି ରାଜା ।”

* ୧:୪୧ ମସିହଦି ଆମାତାନି ଅର୍ତ୍ତ କ୍ରିସ୍‌ଟଙ୍କ

୫୦ ଜିସୁ ଖାନିଙ୍ଗ୍ ଇର୍ହାନ୍, “ନାନ୍ ନିଙ୍ଗ୍ ତଗା ମାରାନ୍ ଆଡ଼ଗି ସୁତଡ଼ାମାରହା ଇଜି ଇର୍ହାଆକା ନୋ ନିନ୍ ବିସ୍ବାସ୍ କିଜିନି ? ନିନ୍ ତେନେ ମାଣାନ୍ ପେରି ପେରି ବିସ୍ବ୍ ସୁଣି ।”

୫୧ ମାରି, ଖାନ୍ ଖାନିଙ୍ଗ୍ ଇର୍ହାନ୍, “ସଡ଼ ସଡ଼ ନାନ୍ ମିଙ୍ଗ୍ ଇଜିନା, ମିର୍ ମୁସ୍ବୁସ୍ବୁ ରେଆଡିକା ମାରି ମାପୁରୁଦି ଦୁଡ଼କୁ ମନ୍ଦୁସ୍ୟପୁତ୍ରଦି ମୁସ୍ବୁ ଏକ୍ବିକା ନି ରେତାନିକା ସୁଣିଦେର୍ ।”

୨

କାନା ନାଟ ପେଡ଼ି

୧ ରିନେଟି ଝେନ୍କା ଗାଲିଲିଦି କାନା ଗାଡ଼ତୁ ଉଣ୍ଡି ପେଡ଼ି ଆଜିମାର୍ହାଡ଼, ମାରି ଜିସୁରି ଆଇସି ଆବେ ମାର୍ଆଡ଼ ।

୨ ଜିସୁ ନି ଖାନି ସିସୁରିଙ୍ଗ୍ ବା ଆୟା ପେଡ଼ିଦୁ କୁକ୍ତାମାର୍ଆର୍ ।

୩ ଏସ୍ତ୍ରାଘାଲେ ଅଙ୍ଗୁରରସ୍ ଓଜିତେଆକା ଜିସୁରି ଆଇସି ଖାନିଙ୍ଗ୍ ଇର୍ହାଡ଼, “ଖାରି ଅଙ୍ଗୁରରସ୍ ସିଲୁ ।”

୪ ଆବେଟ୍ ଜିସୁ ତାନିଙ୍ଗ୍ ଇର୍ହାନ୍, “ନାଙ୍ଗ୍ ଇନିକା କିଦେଙ୍ଗ୍ ଆନାଡ଼ ନିନ୍ ଝେର୍ମା, ନା ଝେଡ଼ା ଇୟାସାନ୍ ଇଗା ରେଏଦେ ।”

୫ ଜିସୁଦି ଆଇସି ସେବାକିନିଖାରିଙ୍ଗ୍ ଇର୍ହାଡ଼, “ଖାନ୍ ମିଙ୍ଗ୍ ଆମାକା ଇନାନ୍, ଆକା କିଦୁ ।”

୬ ମାରି, ଆବେ ଜିହୁଦିର୍ ନରବାନି ନିୟମତାନ୍ ସଗୋଟା କାଲ୍‌କାଣ୍‌କୁ ତିଆର୍‌ଆତି ପେରି ପେରି ଏର୍ କୁଣ୍ଡକୁ ମାର୍‌ଏ, ଓଜୁ କୁଣ୍ଡକାଙ୍ଗ୍ ୍ପୁରା ସହେ ଲିଟର ଏର୍ ଆସ୍ତେଙ୍ଗ୍ ଆର୍‌ନାଡ଼ ।

୭ ଜିସୁ ସାକରକାଙ୍ଗ୍ ଇର୍ହାନ୍, କୁଣ୍ଡକାଙ୍ଗ୍ ଏର୍ ପୁରା କିଦୁ । ଆବେଟ୍ ଖାନ୍ ଆୟାଓଜୁ ମୁସ୍ବୁ ସାନ୍ଦି ପୁରା କିତାର୍ ।

୮ ମାରି, ଖାନ୍ ଖାରିଙ୍ଗ୍ ଇର୍ହାନ୍, ଇଲେଇ ଆନ୍ଦି ଅସି ବୋଜିଦି ନେତା ଲାକ୍‌ଡୁ ଅଡୁ । ଆବେଟ୍ ଖାନ୍ ଅତାର୍ ।

୯ ବୋଜିଦି ନେତା ଅଙ୍ଗୁରରସ୍ ଆତିମାର୍‌ଇ ଆୟା ଏର୍ଡିଙ୍ଗ୍ ଝେଡ଼ଜି ଆକା ଆମାଣ୍‌କୁ ଖାତାଡ଼, ଇକା ନେସ୍‌ଏପ୍ ମାର୍‌ଆନ୍ ମାତର୍ ଏମେ ସେବାକିନିକାର୍ ଏର୍ ଆନ୍ଦିତା ମାର୍‌ଆର୍, ଖାନ୍ ନେସ୍‌ତାମାର୍‌ଆର୍, ଆଦେଙ୍ଗ୍ ଖାନ୍ ପେଡ଼ିମୁରୁଲିଙ୍ଗ୍ କୁକ୍ସି ଇର୍ହାନ୍,

୧୦ “ଝିଜେରେ ପାର୍ତୁମ୍ ନେଗି ଅଙ୍ଗୁରରସ ସିନାର୍, ମାରି ଲୋକୁ ସସ୍ତି ଝେନ୍‌କା ତାଗ୍‌କେଙ୍ଗ୍ ସିନାର୍; ନିନ୍ ଇୟାସାନ୍‌ ନେଗି ଅଙ୍ଗୁରରସ ଇଟ୍‌ମାନି ।”

୧୧ ଜିସୁ ଇୟାଞ୍ଜାଲ ଗାଲିଲିଦି କାନା ଗାଡ଼ୁ ଝାନି ପାର୍ତୁମ୍ କାବାଆନି ପାଣି ଆରାମ୍ କିଜି ନିଜେଦି ମହିମା ତରତାନ୍, ମାରି ଝାନି ସିସୁର୍ ଝାନିବାନ୍‌ ବିସବାସ୍ କିତାର୍ ।

୧୨ ଇୟା ଝେନ୍‌କା ଜିସୁ ଝାନି ଆଇସି, ତଡ଼ାନ୍‌କୁ ମାରି ସିସୁରିଞ୍ଜାଲେ କପରନାହୁମ୍‌ତୁ ସରଆର୍; ମାରି, ଝାର୍ ଆବେ ନାଣ୍ଟ ଦିନ୍‌ ତେବାଏତାର୍ ।

ଜିସୁ ଜିରୁସାଲମ୍ ମନ୍ଦିରତୁ ସରଆନ୍

(ମାତିତ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ନାସ୍ତିଞ୍ଜାଲେ ଜିହୁଦିର୍ ନିସ୍ତାର ପଣ୍ଡୟ ଲାକ୍‌ତୁ ଇଗାଞ୍ଜାତା ମାରଆଡ଼, ମାରି ଜିସୁ ଜିରୁସାଲମ୍‌ତୁ ସରଆନ୍ ।

୧୪ ମାରି, ଜିସୁ ମନ୍ଦିରତୁ ଡାକ୍, ମେଣ୍ଟେଙ୍ଗ୍ ମାରି ପାର୍‌ଝେଙ୍ଗ୍ ପୋର୍‌ନିଞ୍ଜାରିଙ୍ଗ୍ ମାରି ତାବୁଙ୍ଗ୍ ପର୍‌ନିଞ୍ଜାରିଙ୍ଗ୍ ବାସ୍‌ତିମାରିକା ସୁଡ଼ୁତାନ୍ ।

୧୫ ଆବେଟ୍ ଝାନ୍ ନାସ୍‌ତାନ୍ ଉଣ୍ଟି କରଡ଼ା ତିଆର୍ କିଜି ମେଣ୍ଟେଙ୍ଗ୍ ନି ଡାକାଞ୍ଜାଲେ ଝିଜେରିଙ୍ଗ୍ ମନ୍ଦିରତାନ୍ ସପ୍‌ତା ସିତାନ୍ । ମାରି, ତାବୁଙ୍ଗ୍ ପର୍‌ନିଞ୍ଜାରି ତାବୁଙ୍ଗ୍ ଆଡ଼ଗି ଝିଡ଼୍‌ସିପକ୍‌ସି ଝାରି ଟେବୁଲ୍‌ଙ୍ଗ୍ ମାର୍‌ତାପକ୍‌ତାନ୍ ।

୧୬ ମାରି, ଝାନ୍ ପାର୍‌ଝେଙ୍ଗ୍ ପର୍‌ନିଞ୍ଜାରିଙ୍ଗ୍ ଇଟ୍‌ଆନ୍, ଇକେଙ୍ଗ୍ ଝିଜୁ ଇବେଟ୍‌କୁ ଅତୁ, ନା ବୁବାଦି ଇଲ୍‌ତିଙ୍ଗ୍ କଣି ପର୍‌ନି ଇଲୁ କିମାଟ୍ ।

୧୭ ଇକା ସୁଡ଼ୁଜି ଝାନି ସିସୁର୍ ସାସ୍ତୁ ରାସାତାମାନାଡ଼ ଇଜି ଏଡ଼କିତାର୍, ମାପୁର୍ “ନି ଇଲୁଦିଙ୍ଗ୍ ନା ଦ୍ୟାନ୍, ନା ଲୋଇ ସିସୁ କାସ୍‌ନି ଞାଜା ଆଜିନାଡ଼ ।”

୧୮ ଆବେଟ୍ ଜିହୁଦିର୍ ପେରିକାର୍ ଡେସିଞ୍ଜାଜି ଜିସୁଦି ଲାକ୍‌ତୁ ଡେସିଞ୍ଜାଜି ଇୟା ପ୍ରସ୍ନ ଝେନ୍‌ବାତାର୍, “ନିନ୍ ଜେ ଇୟାଝିଜୁ ପାଣି କିଦେଙ୍ଗ୍ ଇଜି ଅଦିକାର୍ ପୋୟ୍‌ତିମାନି ଇଜି ମାପ୍ ଏଣ୍ଟେସ୍ ନେସ୍‌ନାପ୍ ? ମାଙ୍ଗ୍ ଏମେ ସିନା ଦାନ୍ ତରସିନି ?”

୧୯ ✧ ଜିସୁ ଖାରିଙ୍ଗ ଇର୍ହାନ୍, “ମିର ଇୟା ମନ୍ଦିରତିଙ୍ଗ ରୁକ୍ତୁ, ମାରି ମୁନେନ୍ ଲୋଇ ନାନ୍ ଆକା ପେରନା ।”

୨୦ ଆବେଟ୍ ଜିହୁଦିର ଇର୍ହାନ୍, “ଇୟା ମନ୍ଦିର ତିଆର୍ କିଦେଙ୍ଗ ଇଜି ସାଲିସ୍ ସୋ ବାରସେକ୍ ଆସ୍ତା ମାର୍ଆଡ୍; ମାରି ନିନ୍ ଇନିକା ତାନିଙ୍ଗ୍ ମୁନେଟାନ୍ ପେରନି ?”

୨୧ ମାତର୍ ଜିସୁ ନିଜେଦି ମେନ୍ଦଲୁପ୍ତି ମନ୍ଦିର ସୁଡ଼ୁ ମନ୍ଦିର ବିସୟତାନ୍ ଇଜିମାର୍ଆନ୍ ।

୨୨ ଆବେଟ୍ ଖାନ୍ ସାତିମାଣ୍ଟୁ ନିଙ୍ଗ୍ ତି ଖେନ୍କା ଖାନି ସିସୁର୍ ଖାନ୍ ଇକା ଇର୍ହାମାର୍ହାନ୍ ଇଜି ଏଡକିତାର୍; ମାରି, ଖାର ଦାର୍ମୁସାସ୍ତ୍ର ନି ଜିସୁ ଇରଇମାର୍ଇ ମାଟା ବିସ୍ବାସ୍ କିତାର୍ ।

ଜିସୁ ଲୋକା ବୁଦି ନେସନାନ୍

୨୩ ନିସ୍ତାର ପଣ୍ଡା ଆନିଖାଲେ ଜିସୁ ଜିରୁସାଲମ୍‌ତୁ ମାନିଖାଲେ ନାଣ୍ଟ ଲୋକୁ ଖାନ୍ କିତି କାବାଆନି ପାଣିଙ୍ଗ୍‌ଞ୍ଜୁ ସୁଡ଼ୁ ଖାନି ଦରତାନ୍ ବିସ୍ବାସ୍ କିତାର୍ ।

୨୪ ମାତର୍ ଜିସୁ ଖାରି ମୁସ୍‌କୁ ବିସ୍ବାସ୍ କିଏଣ୍ଟା ଖାରି ମାଣ୍ଟୁ ନିଜେଦିଙ୍ଗ୍ ଖେରେହେ ଇର୍ତାନ୍, ଇରିଙ୍ଗ୍ ଖାନ୍ ଖିଜେରିଙ୍ଗ୍ ନେସ୍‌ସି ମାର୍ଆନ୍ ।

୨୫ ମାରି, ଏନ୍ ଜେ ଲୋକା ବିସୟତାନ୍ ସାକି ସିନାନ୍, ଇକା ଖାନି ଦରକାର୍ ସିଲେତାଡ୍, ଇରିଙ୍ଗ୍ ଲୋକା ଜିବନ୍‌ତୁ ଇନିକା ମାନାଡ୍, ଆକା ଖାନ୍ ନିଜେ ନେସ୍‌ସି ମାର୍ଆନ୍ ।

୩

ଜିସୁ ନି ନିକଦିମ

୧ ପାରୁସିର୍ ଲୋଇ ନିକଦିମ ଦର୍ତ୍ତି ଅରେନ୍ ଲୋକୁ ମାର୍ଆନ୍, ଖାନ୍ ଜିହୁଦିରି ଅରେନ୍ ନେତା ମାର୍ହାନ୍ ।

୨ ଖାନ୍ ନାଡ଼ା ସମୟତୁ ଜିସୁଦି ଲାକ୍‌ତୁ ଖାଜି ଖାନିଙ୍ଗ୍ ଇର୍ଆନ୍, ଏ ଗୁରୁ, ନିନ୍ ଜେ ମାପୁରୁ ମାଣ୍ଟୁ ଖାତିମାନି, ଇକା ମାପ୍ ନେସ୍‌ନାପ୍, ଇରିଙ୍ଗ୍ ନିନ୍ ଇୟା ଏମେ ଖିଜୁ କାବାଆନି ପାଣି କିଜିନି, ମାପୁରୁ ନିଖାଲେ ସିଲେତିଙ୍ଗ୍ ଆୟାଞ୍ଜି ଏନ୍ କିଦେଙ୍ଗ୍ ଆର୍‌ଏନ୍ ।

✧ ୨:୧୯ ମାତିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

୩ ଜିସୁ ଖାନିଙ୍ଗ୍ ଇର୍ହାନ୍, “ସତ୍ ସତ୍ ନାନ୍ ନିଙ୍ଗ୍ ଇଜିନା, ମାରିଡେସି ଜନମ୍* ଆଏତିଙ୍ଗ୍ ଏନ୍ ମାପୁରୁଦି ରାଜି ସୁଡ଼େଦେଙ୍ଗ୍ ଆଟ୍‌ଏନ୍ ।”

୪ ନିକଦିମ ଜିସୁଙ୍ଗ୍ ଖେନ୍‌ବାତାନ୍, “ଡକ୍ରା ଆତିଙ୍ଗ୍ ଲୋକୁ ଏଣ୍ଡେସି କିଜି ଜନମ୍ ଆଦେଙ୍ଗ୍ ଆଟ୍‌ନାନ୍ ? ଖାନ୍ ଇନିକା ରିଜା ନିଜେଦି ଆଇସି ପଟାବୁ ଡଗୁଜି ଜନମ୍ ଆନାନ୍ ?”

୫ ଜିସୁ ଇର୍‌ଆନ୍, ସତ୍ ସତ୍ ନାନ୍ ନିଙ୍ଗ୍ ଇଜିନା, “ଏର୍ ନି ଆମ୍ବାଦାନ୍ ଜନମ୍ ଆଏତିଙ୍ଗ୍ ଏନ୍ ମାପୁରୁଦି ରାଜିବୁ ଡଗୁଦେଙ୍ଗ୍ ଆଟ୍‌ଏନ୍ ।

୬ ମେନ୍‌ଲ୍‌ତାନ୍ ଆମାକା ଜନମ୍, ଆକା ମେନ୍‌ଲ୍‌ତିକା; ମାରି, ଆମ୍ବାଦାନ୍ ଆମାକା ଜନମ୍, ଆକା ଆମ୍ବାଦିକା ।

୭ ନିଙ୍ଗ୍ ଜେ ମାରିଡେସି ଜନମ୍ ଆଦେଙ୍ଗ୍ ଆନାଡ୍ ଇଜି ନାନ୍ ଜେ ନିଙ୍ଗ୍ ଇର୍‌ଆ, ଆବେନ୍ କାବା ଆମା ।

୮ ଗାଲି ଆମା ତରିନ୍ ବଦାକିନାଡ୍, ଆୟା ତରିନ୍ ସନାଡ୍, ମାରି ମିର୍ ତାନି ବଲ୍ ଖେନିଦେର୍, ମାତର୍ ଆକା ଆମାଟ୍‌କୁ ଖାନାଡ୍ ମାରି ଏମେ ସନାଡ୍, ଆକା ନେସ୍‌ଇଦେର୍; ଆମ୍ବାଦାନ୍ ଜନମ୍ ଆତି ଝିଜେରି ଲୋକୁ ଆୟାଝାଜା ।”

୯ ନିକଦିମ ଜିସୁଙ୍ଗ୍ ଇର୍ହାନ୍, “ଇୟାଝିଜୁ ଏଣ୍ଡେସି ଆଦେଙ୍ଗ୍ ଆଟ୍‌ନାଡ୍ ?”

୧୦ ଜିସୁ ଖାନିଙ୍ଗ୍ ଇର୍ହାନ୍, “ନିନ୍ ଇସ୍ରାଏଲ୍‌ତି ଅରେନ୍ ଗୁରୁ ଆଜି ବା ଇନିକା ଇୟାଝିଜୁ ବୁଜାଈଜିନି ?

୧୧ ନାନ୍ ନିଙ୍ଗ୍ ସତ୍ ସତ୍ ଇଜିନା, ମାପ୍ ଆମାକା ନେସ୍‌ନାପ୍, ଆକା ଇନାପ୍, ମାରି ଆମାକା ସୁଡ଼ତ୍‌ମାନାପ୍, ଆୟା ବିସ୍‌ୟତାନ୍ ସାକି ସିନାପ୍, ମାରି ମିର୍ ମା ସାକି ମାନାଈଜିନିଦେର୍ ।

୧୨ ନାନ୍ ମିଙ୍ଗ୍ ଦୁନିଆଦି ବିସ୍‌ୟ ଖେର୍‌ତିଙ୍ଗ୍ ଜଦି ମିର୍ ବିସ୍‌ବାସ୍ କିଇଦେର୍, ଆରିଙ୍ଗ୍ ମିଙ୍ଗ୍ ମୁସ୍‌କୁପୁର୍‌ତି ବିସ୍‌ୟ ଖେର୍‌ତିଙ୍ଗ୍ ଏଣ୍ଡେସି ବିସ୍‌ବାସ୍ କିନିଦେର୍ ?

୧୩ ଏମେ ମନ୍‌ସ୍ୟପୁତ୍ ମୁସ୍‌କୁପୁର୍‌ତାନ୍ ରେତାତାନ୍, ଖାନିଙ୍ଗ୍ ଡିସ୍‌ତିଙ୍ଗ୍ ମାରି ଏନ୍‌ବା ମୁସ୍‌କୁପୁର୍‌ତୁ ସଲ୍‌ଏର୍ ।”

* ୩:୩ ମାରିଡେସି ଜନମ୍ ମାପୁରୁ ମାଣାନ୍ ପୁନି ଜିବନ୍ ପଇନିକା

୧୪ ମାରି, ମୋସା ଏଣ୍ଡେସ୍ ସୁନ୍‌ସାନ୍‌ବାତିଦୁ ସାରାସତିଙ୍ଗ ମୁଣ୍ଡାଦୁ ମୁସକୁ ପେରତାମାର୍ହାର, ମନ୍ତ୍ରସ୍ୟପୁତ୍ର ବା ଆୟାଞ୍ଜାଜା ମୁସକୁ ପେରାନାନ୍,

୧୫ ଏଣ୍ଡେସ୍ ଏନ୍‌ଆପିନ୍ ଖାନିମାନୁ ବିସ୍‌ବାସ୍ କିନାନ୍, ଖାନ୍ ଏସ୍କାଙ୍ଗ୍‌ଞ୍ଜିଜ୍‌ଜ ଜିବନ୍ ପଇନାନ୍ ।

୧୬ ଇରିଙ୍ଗ୍ ମାପୁରୁ ଇୟା ଜଗତ୍‌ତିଙ୍ଗ୍ ନିସା ଜିବନ୍ ନତାନ୍ ଜେ, ଖାନ୍ ନିଜେଦି ଅରେନ୍ ମାରିନ୍‌ତିଙ୍ଗ୍ ସିତାନ୍, ଏଣ୍ଡେସ୍ ଏନ୍‌ଆପିନ୍ ଖାନିମାନୁ ବିସ୍‌ବାସ୍ କିନାନ୍, ଖାନ୍ ନାସ୍‌ଆ ଏସ୍କାଙ୍ଗ୍‌ଞ୍ଜିଜ୍‌ଜ ଜିବନ୍ ପଇନାନ୍ ।

୧୭ ମାପୁରୁ ଖାନି ମାରିନ୍‌ତିଙ୍ଗ୍ ଦୁନିଆଦୁ ବିସାର୍ କିନି ଉଣ୍ଡିଙ୍ଗ୍ ପକ୍‌ଏନ୍, ମାତର୍ ଦୁନିଆ ଏଣ୍ଡେସ୍ ଖାନି ମାଣାନ୍ ରକିୟା ଆନାଡ୍, ଇୟାଉଣ୍ଡିଙ୍ଗ୍ ପୋକ୍‌ତାମାନାନ୍ ।

୧୮ ଏନ୍ ମାରିନ୍‌ମାନୁ ବିସ୍‌ବାସ୍ କିନାନ୍, ଖାନ୍ ବିସାର୍ କିଆୟ୍‌ଆଏନ୍; ଏନ୍ ବିସ୍‌ବାସ୍ କିଏନ୍, ଖାନ୍ ବିସାର୍ ଆତା ଝିଜିତାନ୍‌ନି, ଇରିଙ୍ଗ୍ ଖାନ୍ ମାପୁରୁଦି ଅରେନ୍ ମାରିନ୍‌ତି ଦର୍ତ୍ତାନ୍ ବିସ୍‌ବାସ୍ କିଏନ୍ ।

୧୯ ମାରି, ଆୟା ବିସାର୍ ଇୟା, ଜଗତ୍‌ତଦୁ ଜାୟ୍ ତରିତା ମାନାଡ୍, ମାରି ଲୋକୁ ଜାୟ୍‌ତି ବାଦୁଲୁ ସିକାଟିଦିଙ୍ଗ୍ ବଦା କିତାର୍, ଇରିଙ୍ଗ୍ ଖାରି ପାଣିଞ୍ଜିଜ୍‌ଜ ତାଗିଇକା ।

୨୦ ଇରିଙ୍ଗ୍ ଏନ୍ ତାଗିଇପାଣି କିନାନ୍, ଖାନ୍ ଜାୟ୍‌ତିଙ୍ଗ୍ କାଡ୍‌ନାନ୍, ମାରି ଆତିଙ୍ଗ୍ ଖାନି ପାଣିଦି ଦୋସ୍ ତରାନାଡ୍, ଇୟାଉଣ୍ଡିଙ୍ଗ୍ ଖାନ୍ ଜାୟ୍ ଲାକ୍‌ତୁ ରେଏନ୍ ।

୨୧ ମାତର୍ ଏନ୍ ନେରିପାଣି କିନାନ୍, ଏଣ୍ଡେସ୍ ଖାନ୍ କିତିମାନି ପାଣିଞ୍ଜିଜ୍‌ଜ ମାପୁରୁଦି ବଦାଦାନ୍ କିତାନ୍ ଇଜି ତରାନାଡ୍, ଆୟାଉଣ୍ଡିଙ୍ଗ୍ ଖାନ୍ ଜାୟ୍ ଲାକ୍‌ତୁ ଖାନାନ୍ ।

ଜିସୁ ମାରି ଭୁବନ୍‌ସିନି ଜୋହନ୍

୨୨ ତାନେଞ୍ଜେନ୍‌କା ଜିସୁ ମାରି ଖାନି ସିସୁର୍ ଜିହୁଦା ଦେସ୍‌ତୁ ସର୍ହାର୍, ମାରି ଖାନ୍ ଆୟାବାତିଦୁ ଖାରି ଖାଲେ ମାନ୍‌ଜି ଭୁବନ୍ ସିଦେଙ୍ଗ୍ ଆସ୍‌ତାନ୍ ।

୨୩ ଜୋହନ୍ ବା ସାଲମ ଲାକ୍‌ତୁରି ଏନୋନଦୁ ତୁବନ୍ ସିଜିମାର୍ହାନ୍, ଇରିଙ୍ଗ୍ ଆୟା ବାଡ଼ିଦୁ ନାଣ୍ଡ ଏରୁ ମାରେଏ, ମାରି ଲୋକୁ ଝାଜି ତୁବନ୍ ଅସିମାର୍ହାନ୍ ।

୨୪ ☆ ଜୋହନ୍ ଆୟା ସାନ୍ତି ଜଇଲ୍‌ତୁ ତେବାଏତା ମାର୍ହାନ୍ ।

୨୫ ଆୟାମାନୁ ନେଗେନ୍‌ଆନିପାଣିଦି ବିସୟତାନ୍ ଜୋହନ୍‌ତି ଏସ ସିସୁରି ତରିଟାନ୍ ଅରେନ୍ ଜିହୁଦି ଝାଲେ ଆସସିସାତାର ।

୨୬ ମାରି, ଝାର୍ ଜୋହନ୍‌ତି ଲାକ୍‌ତୁ ସଲ୍‌ସି ଝାନିଙ୍ଗ୍ ଇର୍ହାନ୍, ଏ ଗୁରୁ, ଏନ୍ ଜର୍ଦ୍ଦନ ଗାଡାଦି ଆୟା ପାଡ଼କା ନି ଝାଲେ ମାର୍ହାନ୍, ଆମାଝାନି ବିସୟତାନ୍ ନିନ୍ ସାକ୍ୟ ସିତିମାନି, ସୁଡ଼ଆ, ଝାନ୍ ତୁବନ୍ ସିଜିମାନ୍ ମାରି ଝିଜେରେ ଝାନି ଲାକ୍‌ତୁ ସଲ୍‌ସିମାର ।

୨୭ ଜୋହନ୍ ଇର୍ହାନ୍, ମାପୁରୁ ସିଏତିଙ୍ଗ୍ ଲୋକୁ ଇନିକା ପଇଦେଙ୍ଗ୍ ଆଟ୍‌ଏନ୍ ।

୨୮ ☆ ନାନ୍ ଜେ କ୍ରିସ୍ତ ଆଏ, ମାତର୍ ଝାନି ଆଗ୍ତି ଝାତା ମାନା, ଇକା ନାନ୍ ଇର୍‌ଆମାର୍ହା ଇଜି ମିର୍ ନିଜେନିଜେ ନା ସାକି ।

୨୯ ଏନ୍ ଆଇଲି ତାନାନ୍, ଝାନ୍ କାନ୍ୟାମୁରୁଲି, ମାତର୍ କାନ୍ୟାମୁରୁଲିଦି ଏମେ ସଙ୍ଗ୍ ଲାକ୍‌ତୁ ନିନାନ୍‌ନୋ ଝାନି ମାଟା ଝେନାନ୍, ଝାନ୍ କାନ୍ୟାମୁରୁଲିଦି ବଲ୍ଲୁ ଉଣ୍ଡିଙ୍ଗ୍ ନାଣ୍ଡ ଝେଡ଼ିକାଆନାନ୍ । ମାରି, ଇୟାଝାଜା ନା ଇୟା ଝେଡ଼ିକା ପୁରା ଆତାମାନାଡ଼ ।

୩୦ ଝାନିଙ୍ଗ୍ ଏଣ୍ଡେସ୍‌ବା ପିର୍‌ଦେଙ୍ଗ୍ ପଡ଼ାନାଡ଼, ମାତର୍ ନାଙ୍ଗ୍ ଉଣା ଆଦେଙ୍ଗ୍ ମାନାଡ଼ ।

ମୁସକୁପୁରତାନ୍ ଝାଜିମାନି ଅରେନ୍ ଲୋକୁ

୩୧ ଏନ୍ ମୁସକୁରାନ୍ ଝାନାନ୍, ଝାନ୍ ଝିଜେରିମାଣକୁ ପେରିକାନ୍, ଏନ୍ ଦୁନିଆଦାନ୍ ଝାନାନ୍, ଝାନ୍ ଦୁନିଆଦିକାନ୍, ମାରି ଝାନ୍ ଦୁନିଆଦି ମାଟା ଇନାନ୍; ଏନ୍ ମୁସକୁପୁରତାନ୍ ଝାନାନ୍, ଝାନ୍ ଝିଜେରିମାଣକୁ ପେରିକାନ୍ ।

୩୨ ଝାନ୍ ଆମାକା ସୁଡ଼ତୁମାନାନ୍ ମାରି ଝେରାମାନାନ୍, ଆୟା ବିସୟତାନ୍ ଝାନ୍ ସାକିୟ ସିନାନ୍, ମାତର୍ ଝାନି ସାକିୟ ଏନ୍ ମାନାଏନ୍ ।

୩୩ ଏନ୍ ଖାନି ସାକିୟ ମାନାତା ମାନାନ୍, ମାପୁରୁ ଜେ ସତ୍, ଇକା ଖାନ୍ ପାରାମାଣ୍ କିତାମାନାନ୍ ।

୩୪ ଇରିଙ୍ଗ୍ ମାପୁରୁ ଆମାଖାନିଙ୍ଗ୍ ପୋକ୍ତାତା ମାନାନ୍, ଖାନ୍ ମାପୁରୁଦି ବାକ୍ୟ ଇନାନ୍, ଇରିଙ୍ଗ୍ ମାପୁରୁ ଖାନିଙ୍ଗ୍ ପୁରାଦାନ୍ ଖାନି ଆମା ସିନାନ୍ ।

୩୫ ☆ବୁବା ମାରିନ୍ତିଙ୍ଗ୍ ଜିବନ୍ନୋନାନ୍, ମାରି ଓଜୁ ବିସୟ ଖାନି କିୟୁଦୁ ସର୍ପେ କିତାମାନାରୁ ।

୩୬ ଏନ୍ ମାରିନ୍ତିଙ୍ଗ୍ ବିସବାସ୍ କିନାନ୍, ଖାନ୍ ଏସକାଙ୍ଗ୍ଓଜିଇ ଜିବନ୍ ପଇନାନ୍, ମାତର୍ ଏନ୍ ମାରିନ୍ତିଙ୍ଗ୍ ଅମାନ୍ୟ କିନାନ୍, ଖାନ୍ ଜିବନ୍ ସୁଡ଼ୁନ୍, ମାରି ଆୟା ଲୋକୁ ମୁସକୁ ମାପୁରୁଦି ରିସା ତେବାତାନ୍ ।

୪

ଜିସୁ ମାରି ସମିରୋଣିୟା ଆଇମା

୧ ଜିସୁ ଜେ ଜୋହନତି ବାଦଲୁ ନାଣ୍ଟ ସିସୁର୍ କିଜିନାନ୍ ମାରି ଖାରିଙ୍ଗ୍ ତୁବନ୍ ସିଜିନାନ୍ ଇଜି ପାରୁସିର୍ ଝେର୍ଆର୍ ।

୨ ଜଦିବା ଜିସୁ ନିଜେନେ ତୁବନ୍ ସିଏଜିମାର୍ହାନ୍, ଖାନି ସିସୁର୍ ସିଜିମାର୍ହାର୍ ।

୩ ଇକା ପାରୁସିର୍ ଝେର୍ସିନାରୁ ଇଜି ଏସ୍ତିଖାଲେ ଜିସୁ ଝେର୍ଆନ୍, ନାସ୍ତିଖାଲେ ଖାନ୍ ଜିହୁଦା ଦେସ୍ ଡିସ୍ସିତାନ୍ନୋ ମାରିଡେସି ଗାଲିଲିଦୁ ସର୍ହାନ୍ ।

୪ ସମିରୋଣ ନାଡ଼୍ମି ସାରି ସିଜି ଖାନିଙ୍ଗ୍ ସନ୍ତେଙ୍ଗ୍ ପଡ଼ାତାଡ଼ ।

୫ ଆଦେଙ୍ଗ୍ ଖାନ୍ ସଲ୍ସି ଜାକୁବ ନିଜେଦି ମାରିନ୍ ଜୋସେପ୍ତିଙ୍ଗ୍ ଆମା ବୁନିକାଣ୍ଟେକ୍ ଦାନ୍ ସିତାମାର୍ହାନ୍, ଆବେଣି ଲାକ୍ତୁରି ସମିରୋଣିଦି ସୁକାର ଦର୍ଡି ଉଣ୍ଡି ନାର୍ତୁ ଇତାନ୍;

୬ ଆୟା ବାଡିଦୁ ଜାକୁବଦି କୁଇକାଲ୍ ମାର୍ହାଡ଼ । ମାରି, ଜିସୁ ବୁଲାଜି ବୁଲାଜି ଖାଦିତାନୋ ଆୟା କୁଇକାଲ୍ ଲାକ୍ତୁ ବାସ୍ତାନ୍ । ନାସ୍ତିଖାଲେ ମାଦ୍ଲାମ୍ଝେଡ଼ା ଆତାମାର୍ହାଡ଼ ।

☆ ୩:୩୫ ମାଡିଉ ୧୧:୨୭; ଲୁକ ୧୦:୨୨.

୭ ଅରେଡ଼ ସମିରୋଣିୟା ଆଇମା ଏରୁ ଅତେଙ୍ଗ ଖାତାଡ଼, ଜିସୁ ତାନିଙ୍ଗ ଇର୍ହାନ୍, ନାଙ୍ଗ୍ ଏରୁ ଉଣ୍ଡେଙ୍ଗ ସିଦା ।

୮ ନାସ୍ତିଝାଲେ ଖାନି ସିସୁର୍ ଉଣ୍ଡେଙ୍ଗ କାଦି କଣ୍ଡେଙ୍ଗ ଗାଡ଼ତୁ ସରହାମାହାର ।

୯ ଆବେଟ୍ ସମିରୋଣିୟା ଆଇମା ଜିସୁଙ୍ଗ୍ ଇର୍ହାଡ଼, ନିନ୍ ଅରେନ୍ ଜିହୁଦି ମାରି ନାନ୍ ସମିରୋଣିୟା ଏଣ୍ଡେସ୍ ନା କିୟୁଦାନ୍ ଏର୍ ଉଣ୍ଡେଙ୍ଗ ଲସ୍‌ସିନି ? ଇରିଙ୍ଗ୍ ସମିରୋଣିୟାରି ଖାଲେ ଜିହୁଦିର୍ ମିସାଜିସାଏର୍ ।

୧୦ ଜିସୁ ତାନିଙ୍ଗ ଇର୍ହାନ୍, ମାପୁରୁ ଇନିକା ସିଦେଙ୍ଗ ଆଟ୍‌ନାନ୍, ନିନ୍ ଜଦି ନେସ୍‌ତିମାନ୍ ମାରି ଏନ୍ ନି କିୟୁଦାନ୍ ଏର୍ ଉଣ୍ଡେଙ୍ଗ ବଦାକିଜିନାନ୍ ଆରିଙ୍ଗ୍ ଜଦି ନିନ୍ ଖାନିଙ୍ଗ୍ ଲସ୍‌ତିମାନ୍, ମାରି ଖାନ୍ ନିଙ୍ଗ୍ ଜିବନ୍‌ତି ଏରୁ ସିତାନ୍‌ମାନ୍ ।

୧୧ ଆୟା ଆଇମା ଖାନିଙ୍ଗ୍ ଇର୍ହାଡ଼, ଆଜ୍ଜା, ଏରୁ ଆନ୍‌ନି ଉଣ୍ଡିଙ୍ଗ୍ ନି ଲାକ୍‌ତୁ ଇନି ଗିନା ବା ସିଲେଡ଼, ମାରି କୁଇକାଲ୍ ତୋ ନାଣ୍ଡ ଆଡ଼ଗି; ଆଦେଙ୍ଗ୍ ନିନ୍ ଏମେମାଣ୍‌କୁ ଆୟା ଜିବନ୍‌ତି ଏରୁ ପଇତିମାନି ?

୧୨ ମା ଏମେ ପୁର୍ବେଦି ତକ୍ରାଦାଦା ଜାକୁର୍ ମାଙ୍ଗ୍ ଇୟା କୁଇକାଲ୍ ସିତାମାହାନ୍, ମାରି ନିଜେ, ମାରି ଖାନି କଡ଼ର୍ ମାରି ଜାଡୁଙ୍ଗ୍‌ମାନ୍ ଇବେଣ୍‌କୁ ଉଟେ ମାର୍‌ଏ, ଖାନିମାଣ୍‌କୁ ଇନିକା ନିନ୍ ପେରିକିନ୍ ?

୧୩ ଜିସୁ ତାନେଙ୍ଗ୍ ଇର୍ହାନ୍, ଏନ୍‌ଆପିନ୍ ଇୟା ଏରୁ ଉଣାନ୍, ଖାନ୍ ମାରିଡେସି ଏର୍କିଆନାନ୍;

୧୪ ମାତର୍ ନାନ୍ ଏମେ ଏରୁ ସିନା, ଆକା ଏନ୍‌ଆପିନ୍ ଉଣାନ୍, ଖାନ୍ ଏସ୍‌କାଙ୍ଗ୍‌ବା ଏର୍କିସାଏନ୍, ମାରି ନାନ୍ ସିଜିମାନି ଏର୍ ଖାନି ଜିବନ୍‌ତୁ ଉଣ୍ଡି ଜିବନ୍ ସିନି ଖାଙ୍ଗ୍ ନି ଖାଜା ଆନାଡ଼ । ଆବେଟ୍‌କୁ ଉଟିଙ୍ଗ୍ ଖାନ୍ ଏସ୍‌କାଙ୍ଗ୍‌ଝିଜ୍‌ଜି ଜିବନ୍ ପୋଇନାନ୍ ।

୧୫ ଆଇମା ଖାନିଙ୍ଗ୍ ଇର୍ହାଡ଼, ଆଜ୍ଜା, ଆୟାଉଣ୍ଡିଙ୍ଗ୍ ନାଙ୍ଗ୍ ଆୟା ଏର୍ ସିଦା, ନାଙ୍ଗ୍ ଏଣ୍ଡେସ୍ ଏର୍କି କାଟ୍‌ଏଡ଼, ମାରି ଏରୁ ଆନ୍‌ନି ଉଣ୍ଡିଙ୍ଗ୍ ନିସା ଆକ ସାରି ଇବେନ୍‌କୁ ଖାଦେଙ୍ଗ୍ ପଡ଼ାଏଡ଼ ।

୧୬ ଜିସୁ ତାନେଙ୍ଗ୍ ଇର୍ହାନ୍, “ସାଙ୍ଗ୍‌ଆ, ନି କୋନ୍‌ଲିଙ୍ଗ୍ କୁକ୍‌ସ ଇବେନ୍‌ ତାଗା ।”

୧୭ ଆଇମା ଖାନିଙ୍ଗ୍ ଇର୍ହାଡ଼, ନା କୋନ୍‌ଲି ସିଲେନ୍ । ଜିସୁ ତାନେଙ୍ଗ୍ ଇର୍ହାନ୍, ନା କୋନ୍‌ଲି ସିଲେନ୍ ଇଜି, ସଡ଼ ଖେରଡ଼ି;

୧୮ ଇରିଙ୍ଗ୍ ନି କୋନ୍‌ଲିର୍ ପାସଲୋକ୍ ମାର୍ହାର୍, ମାରି ଇଲେଇ ନିନ୍ ଆମାଖାନିଖାଲେ ମାନି, ମାରି ନି ଲାକ୍‌ତୁ ଏନ୍ ମାନାନ୍, ଇକା ସଡ଼ ଖେରଡ଼ିମାନି ।

୧୯ ଆଇମା ଖାନିଙ୍ଗ୍ ଇର୍ହାଡ଼, ଆଜ୍ଜା, ନିନ୍ ଜେ ଅରେନ୍ ବାବବାଦି, ଇକା ନାନ୍ ସୁଡ଼ଚୁଦଙ୍ଗ୍ ଆଟ୍‌ସିନା ।

୨୦ ମା ପୁର୍ବେଦିଡ଼କରାଦାଦାର ଇୟା ଗରନ୍‌ତୁ ଉପାସନା କିତାର୍, ମାରି, ମିର୍ ଜିହୁଦିର୍ ଇଜିନିଦେର୍, ଏମେ ବାଡ଼ିଦୁ ଉପାସନା କିନି ନିୟମ୍, ଆକା ଜିରୁସାଲାମ୍ ମନ୍ଦିର ।

୨୧ ଜିସୁ ତାନିଙ୍ଗ୍ ଇର୍ଆନ୍, ଏ ଆଇମା, ନା ମାଟା ବିସବାସ୍ କିଆ, ଇୟାଖାଜା ସମୟ୍ ଖାଜିନାଡ଼, ଏମେ ସମୟ୍‌ତୁ ମିର୍ ଇୟା ଗରନ୍‌ତୁ ମାରି ଜିରୁସାଲାମ୍‌ତୁ ବୁବାଦି ଉପାସନା କିଇଦେର୍ ।

୨୨ ମିର୍ ସମିରୋଣିୟର୍ ଆମାଖାନିଙ୍ଗ୍ ସଡ଼ତାନ୍ ନେସ୍‌ଇଦେର୍, ଆକା ଉପାସନା କିଜିମାନିଦେର୍; ମାତର୍ ମାପ୍ ଜିହୁଦିର୍ ଆମାଖାନିଙ୍ଗ୍ ନେସ୍‌ନାପ୍, ଖାନି ଉପାସନା କିଜିମାନାପ୍, ଇରିଙ୍ଗ୍ ରକିୟା ଜିହୁଦିର୍ ମାଣ୍ଡିକୁ ଖାନାଡ଼ ।

୨୩ ମାତର୍ ଏମେ ସମୟ୍‌ତୁ ସଡ଼ ଉପାସନା କିନିକାର୍ ଆମ୍ବାଦୁ ନି ସଡ଼ତାନ୍ ବୁବାଦି ଉପାସନା କିନାର୍, ଆୟାଖାଜା ସମୟ୍ ଖାଜିନାଡ଼; ମାରି, ଇଲେଇବା ଇଗା ଖାତାଡ଼; ଇରିଙ୍ଗ୍ ବୁବା ଇୟାଖାଜା ଉପାସନା କିନିଖାରିଙ୍ଗ୍ ବଦାକିନାନ୍ ।

୨୪ ମାପୁରୁ ଆମ୍ବା, ମାରି କେବଲ୍ ଆମ୍ବାଦି ସାକ୍ତି ନି ସଡ଼ତାନ୍ ଖାନି ଉପାସନା କିନିକାର୍ ଖାନି ଉପାସନା କିଦେଙ୍ଗ୍ ଆଟ୍‌ନାର୍ ।

୨୫ ଆଇମା ଜିସୁଙ୍ଗ୍ ଇର୍ହାଡ଼, “ମସିହ, ଆମାଖାନିଙ୍ଗ୍ କ୍ରିସ୍ ଇନାର୍, ଖାନ୍ ଖାଜିନାନ୍ ଇଜି ନାନ୍ ନେସ୍‌ନା; ଏସ୍ତିଖାଲେ ଖାନ୍ ଖାନାନ୍, ଖାନ୍ ମାଙ୍ଗ୍ ଖିଜୁ ବିସୟ୍ ଖେରନାନ୍ ।”

୨୬ ଜିସୁ ତାନିଙ୍ଗ୍ ଇର୍ଆନ୍, “ନି ଖାଲେ ଖାରଗିଜିନା ଜେ ନାନ୍, ନାନ୍ ଆୟାକାନ୍ ।”

୨୭ ନାସ୍ତିଖାଲେ ଜିସୁଦି ସିସୁର୍ ଖାଜି ଖାନ୍ ଅରେଡ଼ ଆଇମାଦି ଖାଲେ ଖାରଗିସାନିକା ସୁଡ଼ଡ଼ି କାବା ଆତାର୍, “ଆତିବା ନିନ୍ ଇନିକା

ବଦାକିନି, ମାରି ଏହା ତାରି ଖାଲେ ଖାରଗିଜିନାନ, ଇକା ଏନ୍ ଜିସୁଙ୍କୁ
ଝେନ୍‌ବାଦେଙ୍ଗ୍ ସାସ୍ କିଏତାର ।”

୨୮ ଆବେଟ୍ ଆୟା ଆଇମା ନିଜେଦି ଏର ସାଟି ଇଡ଼ଜି ଗାଡ଼ତୁ
ସଲ୍‌ସି ଲୋକାଙ୍ଗ୍ ଇର୍ହାଡ଼,

୨୯ “ରାତୁ, ଅରେନ୍‌ଝାନିଙ୍ଗ୍ ସୁଣିଦେର୍, ନାନ୍ ଆମା ଆମାକା
କିତାମାନା, ଆୟାଝିନ୍ତୁ ଖାନ୍ ନାଙ୍ଗ୍ ଇର୍ଆନ୍, ଖାନ୍ ଏମୋ କ୍ରିସ୍ତ
ଆନାନ୍ ସୁଜି ?”

୩୦ ଆବେଟ୍ ଲୋକୁ ଗାଡ଼ତାନ୍ ସହସି ଖାନି ଲାକ୍‌ତୁ ସନ୍‌ଡ୍ରେଙ୍ଗ୍
ଆସ୍‌ତାନ୍ ।

୩୧ ଆୟାଦାପ୍ରେ ସିସୁର୍ ଜିସୁଙ୍କୁ ମାଡ଼ିସ୍ କିତାର, “ଏ ଗୁରୁ, କାଣ୍ଡେକ୍
ଉଣୁଆ ।”

୩୨ ମାତର୍ ଜିସୁ ଖାରିଙ୍ଗ୍ ଇର୍ଆନ୍, “ଉଣ୍ଡେଙ୍ଗ୍ ଇଜି ଏମେ କାଦି
ନାବାନ୍ ମାନାଡ଼, ଆୟା ବିସୟ୍‌ତାନ୍ ମିର୍ ଇନିକା ନେସ୍‌ଇଦେର୍ ।”

୩୩ ଆବେଟ୍ ସିସୁର୍ ତାମେଲୋଇ ଖାରଗିଦେଙ୍ଗ୍ ଆସ୍‌ତାର, “ଏନ୍
ଝାନିଙ୍ଗ୍ କାଦି ତାତା ସିତା ମାନାନ୍ ସୁଗି ?”

୩୪ ଜିସୁ ଖାରିଙ୍ଗ୍ ଇର୍ଆନ୍, “ନାଙ୍ଗ୍ ପକ୍ତିମାନିଝାନିଦି ବଦା ପୁରା
କିଦେଙ୍ଗ୍ ମାରି ଖାନି ସିଡ଼ିମାନି ପାଣିଝିନ୍ତୁ ଝିସ୍‌ଡେଙ୍ଗ୍ ଇକାନେ ନା କାଦି
।

୩୫ ମିର୍ ଇଜିମାନିଦେର୍, ପାସି କୟ୍‌ଦେଙ୍ଗ୍ ମାରି ନାଲ୍‌ଗି ଲେଙ୍ଗ୍‌କୁ
ମାନେ, ମାତର୍ ନାନ୍ ମିଙ୍ଗ୍ ଇଜିନା, ପାସି କିଡ଼ିଇ ଆଙ୍ଗ୍ ନେଗେନ୍
କିଜି ସୁଡ଼ତୁ; ଆୟାଝିନ୍ତୁ କୟ୍‌ଦେଙ୍ଗ୍ ଇଜି ପାଣିଡେନି ।

୩୬ ଇଲେଇବା କୟ୍‌ନିକାନ୍ ମୁଲ୍ ପୟ୍‌ଜିନାନ୍ ମାରି
ଏସ୍‌କାଙ୍ଗ୍‌ଝିଇ ଜିବନ୍ ଉଣ୍ଡିଙ୍ଗ୍ ପଲ୍ ଉଣ୍ଡା କିଜିନା, ଏଣ୍ଡେସ୍
ଝିଡ଼ିନିକାନ୍ ମାରି କୟ୍‌ନିକାନ୍ ରିଏର୍ ମିସାଜି ଝେଡ଼ିକା କିନାର
।

୩୭ ଇରିଙ୍ଗ୍ ଅରେନ୍ ଝିଡ଼ିନାନ୍ ମାରି ଆଇକାନ୍ କୟ୍‌ନାନ୍, ଇୟା
ମାଟା ସଡ଼ ।

୩୮ ମିର୍ ଆମା ଉଣ୍ଡିଙ୍ଗ୍ ପାଣି କିଇଦେର୍, ଆକା କୟ୍‌ଦେଙ୍ଗ୍ ଇଜି
ନାନ୍ ମିଙ୍ଗ୍ ପକ୍ତା; ଆଇକାର ପାଣିକିତାମାନାର୍, ମାରି ମିର୍ ଖାରି
ପାଣିକିତି ପଲ୍ ପୟ୍‌ଜିନିଦେର୍ ।”

୩୯ ନାନ୍ ଆମା ଆମାକା କିତାମାନା, ଆୟାଞ୍ଜିକୁ ଖାନ୍ ନାଙ୍ଗ୍
 ଇରୁଆନ୍ ଇଜି ଏମେ ଆଇମା ସାକି ସିତାମାରୁଆଡ଼, ତାନି ମାଟା
 ଉଣ୍ଡିଙ୍ଗ୍ ଆୟା ଗାଡ଼ତି ସମିରୋଣାଦି ଲୋକା ଲୋଇ ନାଣ୍ଡ ଲୋକୁ
 ଜିସୁମାନୁ ବିସ୍ବାସ କିତାର ।

୪୦ ମାରି ସମିରୋଣାୟଦି ଲୋକୁ ଖାନି ଲାକ୍ତୁ ଖାଜି ଖାରି ଖାଲେ
 ତେବାଦେଙ୍ଗ୍ ଇଜି ଖାନିଙ୍ଗ୍ ମାଡ଼ିସ୍ କିତାର, ମାରି ଖାନ୍ ରିନେନ୍ ଆୟା
 ବାଡ଼ିଦୁ ତେବାତାନ୍ ।

୪୧ ମାରି ଜିସୁଦି ବାକ୍ୟ ଝେନ୍ଝି ମାରି ନାଣ୍ଡ ଲୋକୁ ବିସ୍ବାସ
 କିତାର,

୪୨ ମାରି, ଖାର ଆୟା ଆଇମାଦିଙ୍ଗ୍ ଇର୍ହାର, “ଇଲେଇ ନି
 ମାଟାଦି ଉଣ୍ଡିଙ୍ଗ୍ ମାପ୍ ବିସ୍ବାସ କିଏପ୍, ଇରିଙ୍ଗ୍ ମାପ୍ ନିଜେନିଜେ
 ଝେରୁଆମାନାପ୍, ମାରି ଇକାନ୍ ଜେ ସତେନେ ଦୁନିଆଦି ରକିୟା
 କିନିକାନ୍, ଇକା ମାପ୍ ନେସ୍ତାମାନାପ୍ ।”

ଜିସୁ ଅପିସରତି କଡ଼ଦିଙ୍ଗ୍ ନେଗେଣ୍ଡୁ କିତାନ୍

୪୩ ରିନେନ୍ ଝେନ୍କା ଜିସୁ ଆବେଟ୍ତାନ୍ ସହସି ଗାଲିଲିଦୁ ସରୁଆନ୍
 ।

୪୪ ✧ ଇରିଙ୍ଗ୍ ବାବବାଦି ନିଜେଦି ଦେସ୍ତୁ ସମ୍ମାନ୍ ପୟ୍‌ଏର୍ ଇଜି
 ଜିସୁ ନିଜେ ସାକି ସିତାମାରୁଆନ୍ ।

୪୫ ମାରି, ଖାନ୍ ଗାଲିଲିଦୁ ଇଗା ଖାତାନ୍, ନିସ୍ତାର ପଣ୍ଡୟତିଖାଲେ
 ଖାନ୍ ଜିରୁସାଲାମ୍‌ତୁ ଇନି ଇନିକା କିତାମାରୁଆନ୍, ଆୟାଞ୍ଜିକୁ
 ସୁଡ଼ତୁମାରୁଆରୁଆକା ଗାଲିଲିଦିକାର ଖାନିଙ୍ଗ୍ ମାନାତାର, ଇରିଙ୍ଗ୍
 ଖାନ୍ ବା ପଣ୍ଡୟତୁ ସରୁଆମାରୁଆନ୍ ।

୪୬ ✧ ଆବେଟ୍ ଗାଲିଲିଦି ଆମା କାନା ଗାଡ଼ତୁ ଖାନ୍ ଏର୍ଡିଙ୍ଗ୍
 ଅଙ୍ଗୁରରସ୍ କିତାମାରୁଆନ୍, ଆୟା ବାଡ଼ିଦୁ ଜିସୁ ମାରିଡେସି ସର୍ହାନ୍ ।
 ମାରି ଆବେନ୍ ଅରେନ୍ ରାଜାଦି ପାଣିକିନିକାନ୍ ମାହାନ୍, ଖାନି ମାରିସି
 କପରନାହୁମ୍‌ତୁ ନବ୍ ଆତାମାରୁଆନ୍ ।

୪୭ ଜିସୁ ଜିହୁଦା ଦେସ୍ତାନ୍ ଗାଲିଲିଦୁ ସତାଖାତାମାନାନ୍, ଇକା
 ଝେନ୍ଜି ଖାନ୍ ଖାନି ଲାକ୍ତୁ ସଲ୍‌ସି ଖାନ୍ ଏଣ୍ଡେସ୍ ଖାଜି ଖାନି ମାରିସିଙ୍ଗ୍

ନେଗେଣ୍ଡ କିନାନ୍, ଆୟାଉଣ୍ଡିଙ୍ଗ୍ ଖାନିଙ୍ଗ୍ ମାଡ଼ିସ୍‌ଡେଙ୍ଗ୍ ଆସ୍‌ତାନ୍, ଇରିଙ୍ଗ୍ ଖାନ୍ ସାନିଝାଜା ଆତାମାର୍‌ଆନ୍ ।

୪୮ ଆବେଟ୍ ଜିସୁ ଖାନିଙ୍ଗ୍ ଇରୁଆନ୍, “ସିନା ନି କାବାଆନିପାଣିଙ୍ଗ୍ ଯୁଡ଼ୁସୁଡ଼ିଙ୍ଗ୍ ମିର୍ ଏଣ୍ଡେସ୍‌ବା ବିସ୍‌ବାସ୍ କିଇଦେର୍ ।”

୪୯ ରାଜାଦି ପାଣିକିନିକାନ୍ ଜିସୁଙ୍ଗ୍ ଇରୁଆନ୍, “ଏ ଗୁରୁ,” ନା କଡ଼ ସାନି ଆଗଡ଼ିନେ ରାଆ ।

୫୦ ଜିସୁ ଖାନିଙ୍ଗ୍ ଇରୁଆନ୍, ସାଙ୍ଗ୍‌ଆ, ନି କଡ଼ ଜିତାନ୍‌ନି । ଆୟା ଲୋକୁ ଜିସୁ ଖେରତିମାନି ମାଟାଦିଙ୍ଗ୍ ବିସ୍‌ବାସ୍ କିଜି ସରୁଆନ୍ ।

୫୧ ମାରି, ଖାନ୍ ସଲ୍‌ପୁ ସଲ୍‌ପୁ ତାନି ଗତିମୁରୁଲିରି ଖାନିଙ୍ଗ୍ ବେଟ୍‌ବୁଡ଼ାଜି ଖାନି କଡ଼ ଜିତାନ୍‌ନି ଇଜି ଇର୍ହାର୍ ।

୫୨ ଆଦେଙ୍ଗ୍ ଏସ୍‌ଝାଲେ ଖାନି କଡ଼ଦିଙ୍ଗ୍ ନବ୍ ଡ଼ିସ୍‌ତାଡ଼, ଆକା ଖାନ୍ ଖାରିଙ୍ଗ୍ ଖେନ୍‌ବାତାନ୍ । ଆବେଟ୍ ଖାର୍ ଖାନିଙ୍ଗ୍ ଇର୍ହାର୍, “ଇଏନ୍ ଗନ୍‌ଣ୍ଡେ ଖେଡ଼ାଦୁ ଖାନିଙ୍ଗ୍ ନବ୍ ଡ଼ିସ୍‌ତାଡ଼ ।”

୫୩ ଆବେଟ୍ ଖାନି ବୁବାସି ବୁଜାତାନ୍ ଜେ, ଜିସୁ ଏସ୍‌ଝାଲେ ନି କଡ଼ ଜିତାନ୍‌ନି ଇଜି ଖାନିଙ୍ଗ୍ ଇରୁଆମାର୍‌ଆନ୍, ଟିକ୍ ନାସ୍‌ଝାଲେ ଇୟା ଗଟାନ୍‌ନା ଗଟାତାଡ଼ । ମାରି, ଖାନ୍ ନିଜେ ନି ଖାନି ଖିନ୍ତୁ ଇଲୁଦିକାର୍ ଜିସୁଙ୍ଗ୍ ବିସ୍‌ବାସ୍ କିତାର୍ ।

୫୪ ଜିହୁଦାଦାନ୍ ମାରିଡ଼େସି ଗାଲିଲିଦୁ ଖାତି ଖେନ୍‌କା ଇକା ଜିସୁଦି ମାରିଅର୍ସୁ କାବାଆନି ପାଣି ।

୫

ଜିସୁ ସେରୁ ଲାକ୍‌ତୁ ରୋଗ୍ ଲୋକତିଙ୍ଗ୍ ନେଗେନ୍ କିତାନ୍

୧ ଇୟା ଖେନ୍‌କା ଜିହୁଦିର୍ ଉଣ୍ଡି ପଣ୍ଡୟ ଖାତାଡ଼, ମାରି ଜିସୁ ଜିରୁସାଲମ୍‌ତୁ ସର୍ହାନ୍ ।

୨ ଜିରୁସାଲମ୍‌ତି ମେଣ୍ଡାସେର୍‌ଲା ଲାକ୍‌ତୁ ଉଣ୍ଡି ସେରୁ ମାର୍‌ହାଡ଼; ଏହି ବାସାଦାନ୍ ତାନିଙ୍ଗ୍ ବେଡେସ୍‌ଦା ଇଜି ଇନାର୍, ତାନି ପାସ୍‌ଗୋଟା ଗୁଡ଼ିକାଲ୍‌କୁ ମାନେ ।

୩ ଆୟା ଗୁଡ଼ିକାଲ୍‌କାଙ୍ଗ୍ ମୁସ୍‌କୁ ନାଣ୍ଡ ନବ୍‌ଆଡ଼ିକାର୍, କାଣାର୍, ସଟାର୍ ମାରି କିକୁକାଲ୍‌କୁ ଖାରତିକାର୍ ମାନ୍‌ଜିମାର୍‌ହାର୍ । ଖାର୍ ଏର୍‌ଦୁଙ୍ଗ୍ ନିକା କାପ୍‌କିଜି ମାନ୍‌ଜିମାର୍‌ହାର୍ ।

୪ ଇରିଙ୍ଗ ଏସୋ ଏସୋ ସମୟରୁ ପ୍ରବୁଦି ଅରେଡ୍ ଦୁଡ୍ ଇସ୍ତିଗାତା ରେତାଜି ଏଡ୍‌ତିଙ୍ଗ ଦୁକ୍‌ସିମାର୍ହାଡ୍, ମାରି ଏର ଦୁଙ୍ଗ୍ ିଁ ଖେନକା ଏନ୍ ଆଗ୍‌ତି ଆବେ ଡଗୁଜି ମାର୍‌ଆନ୍, ଖାନ୍ ଏମେ ରୋଗ୍‌ତୁ ଆସ୍‌ତିମାରିଙ୍ଗ ବା ନେଗେନ୍ ଆଜିମାର୍‌ହାଡ୍ ।

୫ ଆବେ ଡିରିସ୍‌ଆର୍ ବାରସେକ୍ ସାନ୍ତି ରୋଗ୍‌ଆସ୍‌ତି ଅରେନ୍ ଲୋକୁ ମାର୍‌ଆନ୍ ।

୬ ଜିସୁ ଖାନିଙ୍ଗ୍ ଆବେମାନିକା ସୁଡ୍‌ଜି ନାଶ୍ ବାରସେକ୍‌ତି ରୋଗି ଲୋକୁ ଇଜି ନେସ୍‌ସି ଖାନିଙ୍ଗ୍ ଖେନ୍‌ବାତାନ୍, “ନିନ୍ ଇନିକା ନେଗେନ୍ ଆଦେଙ୍ଗ୍ ବଦା କିଜିନି ?”

୭ ରୋଗ୍ ଲୋକୁ ଜିସୁଙ୍ଗ୍ ଇରୁଆନ୍, “ଆଜ୍ଞା, ଏର୍ ଦୁଙ୍ଗ୍ ନିଝାଲେ ନାଙ୍ଗ୍ ସେରୁ ଲୋଇ ଅଡେଙ୍ଗ୍ ଇଜିନା ଏନ୍ ସିଲେନ୍; ମାରି, ନାନ୍ ସଲ୍‌ପୁ ସଲ୍‌ପୁ ଆଇକାନ୍ ନା ଆଗ୍‌ତି ଡଗୁଜିନାନ୍ ।”

୮ ଜିସୁ ଖାନିଙ୍ଗ୍ ଇରୁଆନ୍, “ନିଙ୍ଗ୍‌ଆ, ନି ଗାଟି ଆସ୍‌ସି, ମି ଇଶ୍‌ସାଙ୍ଗ୍‌ଆ ।”

୯ ଆୟାଦାପ୍ରେ ଆୟା ଲୋକୁ ନେଗେଶ୍ ଆତାନ୍ ମାରି ନିଜେଦି କାଟେଲ୍ ଆସ୍‌ସି ବୁଲାଦେଙ୍ଗ୍ ଆସ୍‌ତାନ୍ । ଆୟାଦିନ୍ ରମ୍‌ନିଦିନ୍ ମାର୍‌ହାଡ୍ ।

୧୦ ଆୟାଉଣ୍ଡିଙ୍ଗ୍ ଜିହୁଦିର୍ ନେଗେଶ୍ ଆତି ଲୋକ୍‌ତିଙ୍ଗ୍ ଇନ୍‌ଡ୍ରେଙ୍ଗ୍ ଆସ୍‌ତାର୍, ନେର୍ ରମ୍‌ନିଦିନ୍, କାଟେଲ୍ ପିଶ୍‌ଜି ସନ୍‌ଡ୍ରେଙ୍ଗ୍ ନି ନିୟମ୍ ସିଲେଡ୍ ।

୧୧ ମାତର୍, ଖାନ୍ ଖାରିଙ୍ଗ୍ ଇରୁଆନ୍, “ଏନ୍ ନାଙ୍ଗ୍ ନେଗେଶ୍ କିତାନ୍, ଖାନ୍ ନାଙ୍ଗ୍ ଇରୁଆନ୍, ନି କାଟେଲ୍ ଆସ୍‌ସୋ ବୁଲାଆ ।”

୧୨ ଖାର୍ ଖାନିଙ୍ଗ୍ ଖେନ୍‌ବାତାର୍, “ନି କାଟେଲ୍ ଆସ୍‌ସୋ ବୁଲାଆ ଇଜି ଏନ୍ ନିଙ୍ଗ୍ ଇରୁଆନ୍, ଆୟା ଲୋକୁ ଏନ୍ ?”

୧୩ ମାତର୍ ଜିସୁ ଏନ୍, ଆକା ଆୟା ନେଗେଶ୍ ଆତିମାର୍‌ଇ ଲୋକୁ ନେସ୍‌ଏପ୍ ମାର୍‌ଆନ୍, ଇରିଙ୍ଗ୍ ଆୟା ବାଡିଦୁ ଲୋକୁ ଗଲି ମାର୍‌ହାର୍‌ଆକା ଜିସୁ ଖେର୍‌ଏ ଏର୍‌ଜି ସର୍‌ହାମାର୍‌ଆନ୍ ।

୧୪ ତାନିଖେନକା ଜିସୁ ମନ୍ଦିରୁ ଖାନିଙ୍ଗ୍ ତରାଜି ଖାନିଙ୍ଗ୍ ଇରୁଆନ୍, ସୁଡ୍‌ଆ, ନିନ୍ ନେଗେଶ୍ ଆତିମାନି, ମାରି ପାପ୍ କିମା, ସିଲ୍‌ତିଙ୍ଗ୍ ନି ଉଣ୍ଡିଙ୍ଗ୍ ମାରି ନାଶ୍ କାସ୍ ଖାନାଡ୍ ।

୧୫ ଆୟା ଲୋକୁ ସୋଲସି, ଏନ୍ ଖାନିଙ୍ଗ୍ ନେଗେଣ୍ଡୁ କିତାମାର୍ଥାନ,
ଖାନ୍ ଜିସୁ ଇଜି ଜିହୁଦିର୍ ପେରିଝାରିଙ୍ଗ୍ ଇର୍ହାନ ।

୧୬ ଆବେଟ୍ ଜିସୁ ରମ୍ବିନିଦିନ୍ତୁ ଇକା କିତାମାର୍ହାନଆକା ଜିହୁଦିର୍
ଖାନିଙ୍ଗ୍ ନିଦା କିଦେଙ୍ଗ୍ ଆସ୍ତାର ।

୧୭ ମାତର୍ ଜିସୁ ଖାନିଙ୍ଗ୍ ଇର୍ଥାନ, “ନା ବୁବା ଝିଜୁଝାଲେ ପାଣି
କିଜିନାନ୍, ମାରି ନାନ୍ ବା କିଜିନା ।”

୧୮ ଇୟାଉଣ୍ଡିଙ୍ଗ୍ ଜିହୁଦିର୍ ପେରିକାର୍ ଖାନିଙ୍ଗ୍ କାଡ଼ଡେଙ୍ଗ୍ ଇଜି
ମାରି ନାଣ୍ଡ ବଦା କିଦେଙ୍ଗ୍ ଆସ୍ତାର, ଇରିଙ୍ଗ୍ ଖାନ୍ ଜେ ରମ୍ବିନିଦିନ୍ତି
ନିୟମ୍ ମାନାଏଜିମାର୍ହାନ, କେବଲ୍ ଆକାନେ ସିଲେ, ମାତର୍
ମାପୁରୁଙ୍ଗ୍ ନିଜେଦି ବୁବା ଇଜି ଇନ୍ଝି ଖାନ୍ ନିଜେଦିଙ୍ଗ୍ ମାପୁରୁଝାଲେ
ସାମାନ୍ କିଜିମାର୍ହାନ ।

ମାରିନ୍ଦି ଅଦିକାର୍

୧୯ ଆବେଟ୍ ଜିସୁ ଖାନିଙ୍ଗ୍ ଇର୍ଥାନ, ସଡ଼ ସଡ଼ ନାନ୍ ମିଙ୍ଗ୍
ଇଜିନା, ମାରିସି ନିଜେ ଇନିକା କିଦେଙ୍ଗ୍ ଆଟ୍ଏନ୍, ଖାନି ବୁବା ଆମାକା
କିନାନ୍, ମାରିସି ବା ଆକା ସୁଡ଼ୁ ଆୟାଝିଜୁ କିନାନ୍ ।

୨୦ ଇରିଙ୍ଗ୍ ବୁବା ମାରିସିଙ୍ଗ୍ ଲାଡ଼ କିନାନ୍, ମାରି ନିଜେ ଆମାକା
କିନାନ୍, ଆୟାଝିଜୁ ଖାନିଙ୍ଗ୍ ତର୍ନାନ୍, ମାରି ଝେନିମାଣାନ୍ ମାରି
ପେରି ପାଣିଙ୍ଗ୍ଝିଜୁ କିନି ଉଣ୍ଡିଙ୍ଗ୍ ଖାନ୍ ଖାନିଙ୍ଗ୍ ତର୍ନାନ୍, ମାରି ମିର୍
ଝିଜେରେ କାବା ଆନିଦେର୍ ।

୨୧ ମାରି ବୁବା ଏଣ୍ଡେସ୍ ସାତିଝାରିଙ୍ଗ୍ ନିକ୍ସି ଜିବନ୍ ସିନାନ୍,
ଆୟାଝାଜା ମାରିସି ବା ଆମାଝାନିଙ୍ଗ୍ ବଦାକିନାନ୍, ଖାନିଙ୍ଗ୍
ଜିବନ୍ସିନାନ୍ ।

୨୨ ମାରି, ବୁବା ନିଜେ ଏଙ୍ଗ୍ ବିସାର୍ କିଏନ୍, ମାତର୍ ନିଜେ ମାରିସିଙ୍ଗ୍
ଝିଜୁ ବିସାର୍ କିନି ଅଦିକାର୍ ସିତାମାନାନ୍ ।

୨୩ ଆୟାଉଣ୍ଡିଙ୍ଗ୍ ଏଣ୍ଡେସ୍ ବୁବେଙ୍ଗ୍ ମାନାନାର୍, ମାରିସିଙ୍ଗ୍ ବା
ଆୟାଝାଜା ଝିଜେରେ ମାନାନାର୍ । ମାତର୍ ଏନ୍ ମାରିସିଙ୍ଗ୍ ମାନାଏନ୍,
ଖାନିଙ୍ଗ୍ ପୋକ୍ତିମାନି ବୁବେଙ୍ଗ୍ ବା ଖାନ୍ ମାନାଏନ୍ ।

୨୪ ସଡ଼ ସଡ଼ ନାନ୍ ମିଙ୍ଗ୍ ଇଜିନା, ଏନ୍ ନା ବାକ୍ୟ ଝେନ୍ଜି
ନା ପୋକ୍ତାତିଝାନିଙ୍ଗ୍ ବିସ୍ବାସ୍ କିନାନ୍, ଖାନ୍ ଏସ୍କାଙ୍ଗ୍ଝିଜୁ

ଜିବନ୍ ପୟତାମାନାନ୍, ମାରି ଖାନ୍ ବିସାର୍ ଆଏଣ୍ଡା ମାତର୍ ଖାନ୍ ସାନିତାନେଙ୍ଗ୍ ଜିଣାଜି ଜିବନ୍ତୁ ଡୁରିତାମାନାନ୍ ।

୨୫ ସତ୍ ସତ୍ ନାନ୍ ମିଙ୍ଗ୍ ଇଜିନା, ଇୟାଞ୍ଜା ସମୟ ଖାଜିନାତ୍, ମାରି ଇଲେଇବା ଇଗା ଖାତାତ୍, ଏମେଖାଲେ ସାତିକାର୍ ମାପୁରୁଦି ମାରିସିଦି ବଲ୍ ଖେନାର୍, ମାରି ଏମେକାର୍ ଖେନାର୍, ଖାର୍ ଜିବନ୍ ଆନାର୍ ।

୨୬ ଇରିଙ୍ଗ୍ ବୁବା ଏଣ୍ଡେସ୍ ଜିବନ୍ତି ମୁଲ୍, ମାରିସିଙ୍ଗ୍ ବା ଆୟାଞ୍ଜା ଖାନ୍ ଜିବନ୍ତି ମୁଲ୍ କିତାମାନାନ୍;

୨୭ ମାରି, ଖାନ୍ ମନ୍ଦୁସ୍ୟପୁତ୍ର ଆକା ଖାନ୍ ଖାନିଙ୍ଗ୍ ବିସାର୍ କିଦେଙ୍ଗ୍ ଅଦିକାର୍ ସିତାମାନାନ୍ ।

୨୮ ଆବେ କାବା ଆମାଟ୍, ଇରିଙ୍ଗ୍ ଇୟାଞ୍ଜା ସମୟ ଖାଜିନାତ୍, ଏସ୍ତୁଖାଲେ ସାତିକାର୍ ଖିଜେରେ ଖାନି ବଲ୍ ଖେନାର୍

୨୯ ମାରି ଦୁକିଦାନ୍ ମାରିଡେସି ନିଙ୍ଗ୍ ଜି ଖାନାର୍, ଏମେକାର୍ ନେଗି ପାଣି କିତାମାନାର୍, ଖାର୍ ଜିବନ୍ ପୟଜି ନିଙ୍ଗ୍ ନାର୍ ମାରି ଜିନାର୍ ମାରି ଏମେକାର୍ ତାଗ୍‌ଇପାଣି କିତାମାନାର୍, ଖାର୍ ନିଙ୍ଗ୍ ଦଣ୍ଡ ପୟନାର୍ ।

ଜିସୁ ତରିନ୍ ସାକି

୩୦ ନାନ୍ ନା ନିଜେଦି ସାକ୍ତିଦାନ୍ ଇନିକା କିଦେଙ୍ଗ୍ ଆଟ୍‌ଏ; କେବଲ୍ ମାପୁରୁଦି ଆଦେସ୍‌ତାନ୍ ବିସାର୍ କିନା, ମାରି ନା ବିସାର୍ ଟିକ୍, ଇରିଙ୍ଗ୍ ନାନ୍ ନିଜେଦି ବଦା ସାଲ୍‌କିଦେଙ୍ଗ୍ ବଦା କିଏନ୍‌ଣ୍ଡା ନାଙ୍ଗ୍ ପୋକ୍‌ତାତିଖାନିଦି ବଦା ସାଲ୍‌କିଦେଙ୍ଗ୍ ବଦାକିନା ।

୩୧ ଜଦି ନାନ୍ ନା ନିଜେଦି ବିସୟ୍‌ତାନ୍ ନିଜେ ସାକି ସିନା, ଆରିଙ୍ଗ୍ ନା ସାକି ସତ୍‌ତି ପାର୍‌ମାଣ୍ ଆଏଡ୍ ।

୩୨ ନା ତରିନ୍ ଏନ୍ ସାକି ସିନାନ୍, ଖାନ୍ ମାରି ଅରେନ୍; ମାରି ନା ବିସୟ୍‌ତାନ୍ ଖାନି ସାକି ଜେ ସତ୍, ଆକା ନାନ୍ ନେସ୍‌ନା ।

୩୩ ☆ମିର୍ ଜୋହନତି ଲାକ୍‌ତୁ କାରୁର୍ ଅନିଞ୍ଜାରିଙ୍ଗ୍ ପୋକ୍‌ତିମାନିଦେର୍ ମାରି ଖାନ୍ ସତ୍ ତରିଟାନ୍ ସାକି ସିତାମାନାନ୍ ।

୩୪ ମାତର୍ ନାନ୍ ଲୋକାମାଣ୍‌କୁ ସାକିୟ୍ ଅଏ, ମାତର୍ ମିର୍ ଏଣ୍ଡେସ୍ ରକିୟା ପୟନିଦେର୍, ଆୟାଉଣ୍ଡିଙ୍ଗ୍ ଇୟାଞ୍ଜି ଇଜିନା ।

୩୫ ଜୋହନ୍ କାସସି ମାରି ଜାୟୁଆନି ଦିଝାଝାଜା ମାର୍ହାନ୍, ମାରି ମିର୍ ସାଣେକ୍ତି ଝାନି ଜାୟୁତୁ ଝେଡ଼ିକା କିନି ଉଣ୍ଡିଙ୍ଗ୍ ବଦା କିତିଦେର୍ ।

୩୬ ମାତର୍ ଜୋହନତି ସାକି ବାଦ୍‌ଲୁ ନା ନାଣ୍ଡିଅଦିକାର୍ତି ସାକି ମାନାଡ଼, ଇରିଙ୍ଗ୍ ବୁବା ନାଙ୍ଗ୍ ଏମେ ଏମେ ପାଣି ଝିସ୍‌ତେଙ୍ଗ୍ ସିତାମାନାନ୍, ଆୟାଝିକୁ ପାଣି ନାନ୍ କିଜିନା, ବୁବା ନାଙ୍ଗ୍ ପକ୍ତାମାନାନ୍ ଇଜି ଆୟାଝିକୁ ନା ବିସୟତାନ୍ ସାକି ସିଜିନିଦେର୍ ।

୩୭ ☆ମାରି, ଏମେ ବୁବା ନାଙ୍ଗ୍ ପକ୍ତାନ୍, ଝାନ୍ ନା ବିସୟତାନ୍ ସାକି ସିତାମାନାନ୍ । ମିର୍ ଏସାଙ୍ଗ୍ ବା ଝାନି ବଲ୍ ଝେନ୍‌ଇଦେର୍ କି ଝାନି ମକମ୍ ସୁଡ଼ୁଦେର୍ ।

୩୮ ମାରି ଝାନି ବାକ୍ୟ ଉଣ୍ଡିଙ୍ଗ୍ ମି ଜିବନ୍‌ତୁ ବାତି ସିଇଦେର୍, ଇରିଙ୍ଗ୍ ଝାନ୍ ଆମାଝାନିଙ୍ଗ୍ ପକ୍ତାନ୍, ଝାନିଙ୍ଗ୍ ମିର୍ ବିସବାସ୍ କିଇଜିନିଦେର୍ ।

୩୯ ମିର୍ ଦାର୍ମୁସାସ୍ତ ପୟ୍‌ଜିନିଦେର୍, ଇରିଙ୍ଗ୍ ଆବେଟ୍ ଏସ୍‌କାଙ୍ଗ୍‌ଝିଜ୍‌ଜି ଜିବନ୍ ପୟ୍‌ନାପ୍ ଇଜି ଅଡ଼୍‌ବିଜିନିଦେର୍, ମାରି, ଆୟା ଦାର୍ମୁସାସ୍ତ ନା ବିସୟତାନ୍ ସାକି ସିଜିନାଡ଼ ।

୪୦ ମାତର୍ ମିର୍ ଜିବନ୍ ପୟ୍‌ଦେଙ୍ଗ୍ ଇଜିନା ଲାକ୍‌ତୁ ଝାଦେଙ୍ଗ୍ ବଦା କିଇଜିନିଦେର୍ ।

୪୧ ନାନ୍ ଲୋକାମାଣ୍‌କୁ ଗୌରବ୍ ପୟ୍‌ଦେଙ୍ଗ୍ ବଦାକିଏ ।

୪୨ ମାତର୍ ନାନ୍ ମିଙ୍ଗ୍ ନେସ୍‌ନା, ମିର୍ ଏଣ୍ଡେସ୍ ନାନି ଲୋକୁ ମି ଜିବନ୍‌ତୁ ମାପୁରୁଦି ଉଣ୍ଡିଙ୍ଗ୍ ଜିବନ୍‌ନୋନିକା ସିଲେଡ଼ ।

୪୩ ନାନ୍ ନା ବୁବାଦି ଦର୍ତ୍ତାନ୍ ଝାତାମାନା, ମାରି ମିର୍ ନାଙ୍ଗ୍ ଆସ୍‌ଇଜିନିଦେର୍; ଆଇକାନ୍ ଜଦି ନିଜେ ଦର୍ତ୍ତାନ୍ ଝାନାନ୍, ଆରିଙ୍ଗ୍ ମିର୍ ଝାନିଙ୍ଗ୍ ମାନାନିଦେର୍ ।

୪୪ ମିର୍ ଏଣ୍ଡେସ୍ ନାଙ୍ଗ୍ ବିସବାସ୍ କିଦେଙ୍ଗ୍ ଆଟ୍‌ନିଦେର୍ ? ମିର୍ ତୋ ନିଜେନିଜେମାଣ୍‌କୁ ଗୌରବ୍ ପୟ୍‌ଜିନିଦେର୍, ମାରି ଅରେନ୍ ମାପୁରୁମାଣ୍‌କୁ ଏମେ ଗୌରବ୍, ଆକା ପୟ୍‌ଦେଙ୍ଗ୍ ବଦା କିଇଜିନିଦେର୍ ।

୪୫ ନାନ୍ ଜେ ବୁବାଦି ଆଗ୍‌ଡ଼ି ମି ବିରଦ୍‌ତାନ୍ ଦୋସ୍ କିନା, ଇକା ଅଡ଼୍‌ବିମାଟ୍; ଏମେ ମୋସାମାନ୍ ମିର୍ ଆସା ଇଟ୍‌ତିମାନିଦେର୍, ଝାନ୍

ମି ବିରଦ୍‌ତାନ ଦୋସ୍ କିଜିନାନ ।

୪୭ ଇରିଙ୍ଗ୍ ମିର୍ ଜଦି ସତ୍‌ତାନ ମୋସାଦିଙ୍ଗ୍ ବିସ୍‌ବାସ୍ କିତିଙ୍ଗ୍‌ମାନ୍, ଆରିଙ୍ଗ୍ ନାଙ୍ଗ୍ ବିସ୍‌ବାସ୍ କିତିଦେର୍‌ମାନ୍, ଇରିଙ୍ଗ୍ ଖାନ୍ ନା ବିସ୍‌ୟତାନ ରାସ୍‌ତାମାନାନ ।

୪୭ ମାତର୍ ମିର୍ ଜଦି ମୋସା ରାସ୍‌ତିମାନି ବାକ୍ୟ ବିସ୍‌ବାସ୍ କିଜିଜିନିଦେର୍, ଆରିଙ୍ଗ୍ ଏଣ୍ଡେସ୍ ନା ବାକ୍ୟ ବିସ୍‌ବାସ୍ କିନିଦେର୍ ।



ଜିସୁ ୫,୦୦୦ ହାଜାର୍ ଲୋକାଙ୍ଗ୍ ଉଣ୍ଡେଙ୍ଗ୍ ସିତାନ

(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ତାନେଝେନ୍‌କା ଜିସୁ ଗାଲିଲି ବା ତିବିରିୟା ଗାତା ଆୟାପାଡ୍‌କା ସର୍ହାନ୍ ।

୨ ମାରି, ଖାନ୍ ରୋଗ୍‌ଆତିଲୋକା ଉଣ୍ଡିଙ୍ଗ୍ ଏମେ ଏମେ କାବାଆନି ପାଣି କିଜିମାହାନ୍, ଆୟାଞ୍ଜିକୁ ସୁଡ଼ୁଟ୍ଟି ନାଣ୍ଟ ଲୋକୁ ଖାନି ଝେନ୍‌କା ଝେନ୍‌କା ସନ୍‌ଡେ ଆସ୍‌ତାର୍ ।

୩ ଆବେର୍ ଜିସୁ ଗରନ୍ ମୁସ୍‌କୁ ସଲ୍‌ସି ନିଜେଦି ସିସୁରି ଖାଲେ ଆବେନ୍‌ ବାସ୍‌ତାର୍ ।

୪ ନାସ୍ତିଖାଲେ ଜିହୁଦିର୍ ନିସ୍ତାର୍ ପଣ୍ଡୟ ଲାକ୍‌ତୁଝାଜି ଖାଜିମାହାନ୍ ।

୫ ମାରି, ଜିସୁ ନାଣ୍ଟ ଲୋକାଙ୍ଗ୍ ନିଜେଦି ଲାକ୍‌ତୁ ଖାନିକା ସୁଡ଼ୁଟ୍ଟି ପିଲିପ୍‌ତିଙ୍ଗ୍ ଇର୍ହାନ୍, “ଇୟାଝେରିଙ୍ଗ୍ ଉଣ୍ଡେଙ୍ଗ୍ ଇଜି ମାଡ୍ ଏମେଣ୍‌କୁ ନାଣ୍ଟ ରୁଟି କଣାଟ୍ ?”

୬ ମାତର୍ ଖାନ୍ ପିଲିପ୍‌ତିଙ୍ଗ୍ ପରିକା କିନି ଇସାବ୍‌ତାନ ଇକା ଇର୍ହାନ୍, ଇରିଙ୍ଗ୍ ଖାନ୍ ଇନିକା କିଦେଙ୍ଗ୍ ସଲ୍‌ସିନାନ୍, ଆକା ଖାନ୍ ନିଜେ ନେସ୍‌ତାମାହାନ୍ ।

୭ ପିଲିପ୍ ଖାନିଙ୍ଗ୍ ଇର୍ହାନ୍, “ଝିଜେରେ ଲୋକୁ କାଣ୍ଡେକ୍ ପୟ୍‌ଦେଙ୍ଗ୍ ଝେରି ଉଣ୍ଡିଙ୍ଗ୍ ଦୁଇସଦାନ୍ ନାଣ୍ଟ ଝେଣ୍ଡିଅଦୁଲି ତାବୁଙ୍ଗ୍* ଦାରାଦି ରୁଟି କଣ୍ଡେଙ୍ଗ୍ ଆନାଡ୍ ।”

୮ ସିମୋନ୍ ପିତରତି ତଡାନ୍ ଆନ୍ଦ୍ରିୟ ଦର୍‌ତି ଖାନି ସିସୁରି ମାଣ୍‌କୁ ଅରେନ୍ ଖାନିଙ୍ଗ୍ ଇର୍ହାନ୍,

* ୬:୭ ଝେଣ୍ଡିଅଦୁଲି ଉଣ୍ଡି ଦିନ୍‌ତି କୁଲିତାବୁଙ୍ଗ୍

୯ ଇବେନୁ ଅରେନ କଡ଼ ମାନାନ୍, ଖାନି ମାନୁ ଗଦମୁଦି ପାସଗୋଟା ରୁଟିଙ୍ଗ୍ ମାରି ରୁଣ୍ଡି ମିନ୍‌କୁ ମାନେ, ମାତର୍ ନିସା ଲୋକା ଉଣ୍ଡିଙ୍ଗ୍ ଆକା ନାଣ୍ଡ ଆଏଡ଼ ।

୧୦ ଜିସୁ ସିସୁରିଙ୍ଗ୍ ଇର୍ହାନ୍, “ଲୋକାଙ୍ଗ୍ ବାସାକିଦୁ ।” ଆୟା ବାଡ଼ିଦୁ ନାଣ୍ଡ ଲାଟା ମାର୍ହାଡ଼ । ଆୟା ଲାଟା ମୁସକୁ ଝିଜେରେ ବାସତାର୍, ଆବେନ୍ ଇସାବ୍‌ତାନ୍ ପୁରା ୫,୦୦୦ ହାଜାର ମେମାରୁଙ୍ଗ୍ ମାର୍ହାଡ଼ ।

୧୧ ଆବେଟ୍ ଜିସୁ ଆୟା ରୁଟି ଆସ୍‌ତାନ୍‌ନୋ ମାପୁରୁଙ୍ଗ୍ ଦନ୍‌ସବାଦ୍ ସିଜି ବାସ୍‌ତିମାର୍‌ଇ ଲୋକାଙ୍ଗ୍ ଆକା ବାଟାକିତାସିତାନ୍, ଆୟାଖାଜା ମିନ୍‌କୁ ବା ବାଟାକିତାସିତାନ୍, ଖାର୍ ଏସ ଲସ୍‌ତିଙ୍ଗ୍, ନାସ ସିତାର୍ ।

୧୨ ମାରି, ଖାର୍ ପଟାପାଜିତି ଝେନ୍‌କା, ଜିସୁ ନିଜେଦି ସିସୁରିଙ୍ଗ୍ ଇର୍ହାନ୍, “ଏଣ୍ଡେସ୍ ଇନିକା ନାସୁ ଆଏଡ଼, ଇୟାଉଣ୍ଡିଙ୍ଗ୍ ଏଜିତିମାନି ରୁକ୍‌ତି ମକେଙ୍ଗ୍ ଉନ୍‌ଡ୍ରେମାନୁ କିଦୁ ।”

୧୩ ଆବେଟ୍ ଖାର୍ ଆୟାଝିଜୁ ଉନ୍‌ଡ୍ରେମାନୁ କିତାର୍, ମାରି ଲୋକୁ ଉଟି ଝେନ୍‌କା ଗଦମୁଦି ଆୟା ପାସଗୋଟା ରୁଟିଣିକୁ ଏମେ ରୁକ୍‌ତି ମକେଙ୍ଗ୍ ରୁଟିଙ୍ଗ୍ ଏଜିଡେମାର୍‌ଏ, ଆବେଟ୍ ଖାର୍ ବାରଗୋଟା ଡାଡ଼ିଆଙ୍ଗାଁ ବରଡି କିତାର୍ ।

୧୪ ଆବେଟ୍ ଜିସୁ କିତିମାନି କାବାଦି ପାଣି ସୁଡ଼ୁ ଆବେମାନି ଲୋକୁ ଇର୍ହାଡ଼, ଦୁନିଆଦୁ ଏମେ ବାବବାଦି ଖାନିକା ମାର୍ହାଡ଼, ଇକାନ୍ ପୁରା ଖାନିନେ ।

୧୫ ମାରି, ଲୋକୁ ଖାଜି ରାଜା କିନି ଉଣ୍ଡିଙ୍ଗ୍ ଜେ ଖାନିଙ୍ଗ୍ ଡାଟ୍‌ତାନ୍ ଆସ୍‌ତେଙ୍ଗ୍ ବଦା କିଜିନାର୍, ଜିସୁ ଇକା ନେସ୍‌ସି ଖାନ୍ ମାରିଡେସି ଆୟା ବାଡ଼ି ଡିସ୍‌ସି ଅରେନ୍‌ନେ ଗରନ୍‌ଡୁ ସତାସର୍ହାନ୍ ।

ଜିସୁ ଏରୁ ମୁସକୁ ବୁଲାତାନ୍

(ମାତିଉ ୧୪:୨୨-୩୩; ମାର୍କ ୬:୪୫-୫୨)

୧୬ ଆୟାନାଣ୍ଡିଙ୍ଗ୍ ମିଲ୍‌ମିଲିକା ଆତାଡ଼ ଜିସୁଦି ସିସୁର ଗାତା ପାଡ଼ି ସର୍ହାଡ଼

୧୭ ମାରି ଡଙ୍ଗାଁଦୁ ଏକ୍‌ତାର୍‌ରୋ ଗାତାଦି ଆୟାପାଡ଼ି କପର୍‌ନାହୁମ୍ ତରିନ୍ ସନ୍‌ଡ୍ରେଙ୍ଗ୍ ଆସ୍‌ତାର୍ । ସିକାଟି ଆଜି ଖାଜି ମାର୍ହାଡ଼, ମାରି ଜିସୁ ଆୟାସାନ୍ ଖାରି ଲାକଡୁ ରେଏନ୍ ମାର୍ହାନ୍,

୧୮ ମାରି ନାଣ୍ଡ ଗାଲି ଆଜିମାରିଙ୍ଗ ଏବଂ ଉଲ୍ଲକା ନିଙ୍ଗିମାରୁଏ ।

୧୯ ଆୟାଦାପ୍ରେ ସିସୁର ପୁରା ପାସ୍ ନୋ ସଅ କିଲୋମିଟରୁ ସାବ୍‌ଝା ଡାକସି ସରୁଇ ଖେନକା ଜିସୁଙ୍ଗ୍ ଏବଂ ମୁସକୁ ବୁଲାଜି ତଙ୍ଗା ଲାକ୍‌ତୁ ଖାନିକା ସୁଡ଼ୁଜ୍ଜି, ଆବେବ୍ ଖାର ତିଲାତାର ।

୨୦ ମାତର ଜିସୁ ଖାରିଙ୍ଗ୍ ଇର୍ହାନ୍, “ଇକାନତ ନାନୁ, ତିଲାମାର୍ ?”

୨୧ ଆଦେଙ୍ଗ୍ ଖାର ଜିସୁଙ୍ଗ୍ ତଙ୍ଗାଦୁ ଅତେଙ୍ଗ୍ ବଦା କିତାର, ମାରି ଖାର ଏମେ ବାଡିଦୁ ସଲ୍‌ସିମାର୍ହାର, ତଙ୍ଗା ଆୟାଦାପ୍ରେ ଆୟା ବାଡିଦୁ ଇତାଡ ।

ଲୋକୁ ଜିସୁଙ୍ଗ୍ ପୟତାର

୨୨ ଆୟା ବାଡିଦୁ କେବଲ୍ ଉନ୍‌ଡ୍ରୁ ତଙ୍ଗା ମାର୍‌ଆଡ୍, ମାରି ଆବେବ୍ ଜେ ଜିସୁ ନିଜେଦି ସିସୁରି ଖାଲେ ସଲ୍‌ଏନ୍ ମାର୍ହାନ୍, ମାତର କେବଲ୍ ଖାନି ସିସୁର ସର୍‌ଆମାର୍ହାର, ଇକା ଏମେ ଲୋକୁ ଆୟା ମାର୍‌ନାଣ୍ଡିଙ୍ଗ୍ ଗାତାଦି ଆୟାପାଡି ନିର୍‌ଆ ମାର୍ହାର, ଖାର ସୁଡ଼ୁତୁ ମାର୍ହାର ।

୨୩ ପ୍ରବୁ ଦନ୍‌ଏବାଦ୍ ସିତି ଖେନକା ଲୋକୁ ଏମେ ବାଡିଦୁ ରୁଟି ତିର୍‌ଆମାର୍ହାର, ଆୟା ବାଡି ଲାକ୍‌ତୁ ତିବିରିୟାଦାନ୍ ମାରି ଏସ ତଙ୍ଗେଙ୍ଗ୍ ଖାଜି ଇତେ;

୨୪ ମାତର ଜିସୁ ମାରି ଖାନି ସିସୁର ଜେ ଆବେବୁ ସିଲେର୍, ଇକା ଏସ୍ତିଖାଲେ ଲୋକୁ ଓଜେରେ ସୁଡ଼ୁତୁର୍, ନାସ୍ତିଖାଲେ ଖାର ଓଜେରେ ତଙ୍ଗେଆଙ୍ଗା ଏକ୍‌ସି ଜିସୁଙ୍ଗ୍ ପୟଜି ପୟଜି କପର୍‌ନାହୁମ୍‌ତୁ ଖାତାର ।

ଜିସୁ ଜିବନ୍ ସିନି କାଦି

୨୫ ମାରି, ଲୋକୁ ଗାତା ଆୟାପାଡି ଜିସୁଙ୍ଗ୍ ସୁଡ଼ୁଜ୍ଜି ଖାନିଙ୍ଗ୍ ଖେନବାତାର, “ଏ ଗୁରୁ, ନିନ୍ ଏସ୍ତିଖାଲେ ଇବେବୁ ଖାଡି ?”

୨୬ ଜିସୁ ଖାରିଙ୍ଗ୍ ଇର୍ହାନ୍, ସଡ୍ ସଡ୍‌ନେ ନାନ୍ ମିଙ୍ଗ୍ ଇଜିନା, କାବାଆନି ପାଣି ସୁଡ଼ୁଜ୍ଜିନୋ ଜେ ମିର୍ ନାଙ୍ଗ୍ ପୟଜିନିଦେର୍, ଆକା ସିଲେ, ମାତର ରୁଟି ତିନ୍‌ଜ ପାଜିତିଦେର୍‌ନୋ ନାଙ୍ଗ୍ ପୟଜିନିଦେର୍ ।

୨୭ ଆମା କାଦି ସେଏଣ୍ଡୁ ଆନାଡ୍ ଆୟାଉଣ୍ଡିଙ୍ଗ୍ ପାଣି କିମାର୍ ମାରି ଆମାକା ଏସ୍‌କାଙ୍ଗ୍‌ଓଜ୍‌ଇ ଜିବନ୍ ସିନାଡ୍, ଆୟାଉଣ୍ଡିଙ୍ଗ୍ ପାଣି କିଦୁ;

ଆୟା କାଦି ମନୁଷ୍ୟପୁତ୍ର ମିଙ୍ଗୁଁ ସିନାନ୍, ଇରିଙ୍ଗ ବୁବା ମାପୁରୁ ଇୟାଉଣ୍ଡିଙ୍ଗ୍ ଖାନିଙ୍ଗ୍ ଅଦିକାର୍ ସିତାମାନାନ୍ ।

୨୮ ଆବେର୍ ଖାର୍ ଖାନିଙ୍ଗ୍ ଖେନ୍ବାତାନ୍, “ମାପୁରୁ ଆମାକା ବଦାକିଜିନାନ୍ ଆକା ମାପ୍ କିଦେଙ୍ଗ୍ ମାଙ୍ଗୁଁ ଇନିକା କିଦେଙ୍ଗ୍ ଆନାଡ୍ ?”

୨୯ ଜିସୁ ଖାରିଙ୍ଗ୍ ଇର୍ହାନ୍, “ମାପୁରୁ ଆମାଖାନିଙ୍ଗ୍ ପୋକତାମାନନାନ୍, ଖାନିମାନୁ ବିସ୍ବାସ୍ କିନି ଉଣ୍ଡିଙ୍ଗ୍ ମିର୍ ଆକା କିଦେଙ୍ଗ୍ ଆଟ୍‌ନିଦେର୍ ।”

୩୦ ଆବେର୍ ଖାର୍ ଖାନିଙ୍ଗ୍ ଖେନ୍ବାତାର୍, “ଆରିଙ୍ଗ୍ ନିନ୍ ସିନାଦିଖାଜା ଇନିକା କିଜିନି ଜେ, ଆକା ସୁଡ଼ୁଜି ମାପ୍ ନିଙ୍ଗୁଁ ବିସ୍ବାସ୍ କିଦେଙ୍ଗ୍ ଆଟ୍‌ନାପ୍ ? ନିନ୍ ଇନିକା ପୁଜା କିଜିନି ?

୩୧ ମା ପୁର୍ବେଦିତକ୍‌ରାଦାଦାର୍ ସୁନ୍‌ସାନ୍‌ବାଡିଦୁ ମାନ୍ନା ଉଣ୍ଡିଙ୍ଗ୍ ମାର୍ହାର୍, ଏଣ୍ଡେସ୍ ଦର୍ମିସାସ୍ତ୍ରୁ ରାସ୍‌ତାମାନତା, ଉଣ୍ଡେଙ୍ଗ୍ ଇଜି ଖାନ୍ ଖାରିଙ୍ଗ୍ ମୁସ୍‌କୁପୁରତାନ୍ କାଦି ସିତାମାର୍ହାନ୍ ।”

୩୨ ଆବେର୍ ଜିସୁ ଖାରିଙ୍ଗ୍ ଇର୍ହାନ୍, “ସଡ୍ ସଡ୍‌ନେ ନାନ୍ ମିଙ୍ଗୁଁ ଇଜିନା,” ଆମାକା ମିଙ୍ଗୁଁ ମୋସା ସିତାମାର୍‌ହାନ୍ ଆକା ମୁସ୍‌କୁପୁରତାନ୍ ଖାତିମାନି କାଦି ସିଲେ, ମାତର୍ ନା ବୁବା ମିଙ୍ଗୁଁ ମୁସ୍‌କୁପୁରତାନ୍ ସଡ୍‌ତେନେ କାଦି ସିନାନ୍;

୩୩ ଆମା କାଦି ମୁସ୍‌କୁପୁରତାନ୍ ରେତାଜିଖାଜି ଦୁନିଆଦିଙ୍ଗ୍ ଜିବନ୍ ସିନାନ୍, ଖାନ୍ ଆଜିନାନ୍ ଆୟା ମାପୁରୁ ସିତିମାନି କାଦି ।

୩୪ ଖାର୍ ଖାନିଙ୍ଗ୍ ଇର୍ହାର୍, ଆଜ୍ଜା, “ଝିଜୁଦିନ୍ ମାଙ୍ଗୁଁ ଇୟା କାଦି ସିଦା ।”

୩୫ ଆବେର୍ ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ଆୟା ଜିବନ୍ ସିନି କାଦି, ଏନ୍ ନା ଲାକ୍‌ତୁ ଖାନ୍‌ନାନ୍, ଖାନ୍ ମୁଡ଼ୁକେ ବାଙ୍ଗୁଁ ସାଏନ୍, ମାରି ଏନ୍ ନା ମାନୁ ବିସ୍ବାସ୍ କିନାନ୍, ଖାନ୍ ମୁଡ଼ୁକେ ଏରକିସାଏନ୍ ।

୩୬ ମାତର୍ ମିର୍ ନାଙ୍ଗୁଁ ସୁଡ଼ୁଜିଙ୍ଗ୍ ବା ବିସ୍ବାସ୍ କିଇଜିନିଦେର୍, ଇକା ନାନ୍ ମିଙ୍ଗୁଁ ଖେରତାମାନା ।

୩୭ ବୁବା ଜେ ଝିଜେରିଙ୍ଗ୍ ନାଙ୍ଗୁଁ ଦାନ୍ କିନାନ୍, ଖାର୍ ନା ଲାକ୍‌ତୁ ଖାନାର୍; ମାରି, ଏନ୍ ନା ଲାକ୍‌ତୁ ଖାନାନ୍, ଖାନିଙ୍ଗ୍ ନାନ୍ ଇନି ଖାଜାବା ସୋପ୍‌ତେଙ୍ଗ୍ ଆଟ୍‌ଏ;

୩୮ ଇରିଙ୍ଗ ନା ନିଜେଦି ବଦାଦାନଦିଙ୍ଗ ପୁରା କିଦେଙ୍ଗ ସିଲେ, ମାତର ନା ପୋକ୍ତିଞ୍ଜାନି ବଦା ପୁରା କିଦେଙ୍ଗ ନାନ୍ ମୁସକୁପୁରତାନ୍ ଖାତାମାନା ।

୩୯ ମାରି, ନା ପୋକ୍ତିକାନ୍ ଜେ ଓଜେରିଙ୍ଗ ନାଙ୍ଗ୍ ସିତାମାନାନ୍, ନାନ୍ ଖାରି ମାଣୁକୁ ଅରେନ୍‌ଞ୍ଜାନିଙ୍ଗ ବା ଆରାକିଏ, ନାନ୍ ଓଜିନି ନାଣ୍ଡିଙ୍ଗ ଆୟା ଓଜେରିଙ୍ଗ ମାରିଡେସି ଜିବନ୍ କିନା, ଇକା ଖାନି ବଦା ।

୪୦ ଇରିଙ୍ଗ ଏନ୍ ମାରିସିଙ୍ଗ ସୁଡ଼ଜି ଖାନିମାନ୍ ବିସବାସ କିନାନ୍, ଖାନ୍ ଏଣ୍ଡେସ୍ ଏସକାଙ୍ଗ୍‌ଓଜିଙ୍ଗ ଜିବନ୍ ପୟନାନ୍, ଇକାନେ ନା ବୁବାଦି ବଦା; ଇୟାଉଣ୍ଡିଙ୍ଗ ନାନ୍ ଓଜିନି ନାଣ୍ଡିଙ୍ଗ ଆୟା ଓଜେରିଙ୍ଗ ମାରିଡେସି ଜିବନ୍ କିନା ।”

୪୧ ନାନ୍ ମୁସକୁପୁରତାନ୍ ରେତାତିମାନି କାଦି, ଖାନ୍ ଇକା ଇହାନ୍‌ଆକା ଜିହୁଦିର୍ ଜିସୁଦି ବିରଦତାନ୍ ନିଦା କିଦେଙ୍ଗ ଆସତାର ।

୪୨ ମାରି ଖାର ଇହାର “ଇକାନ୍ ଇନିକା ଜୋସେପତି ମାରିନ୍ ଜିସୁ ଆଏନ୍ ? ମାରି ମାପ୍ ଖେନି ବୁବାୟାୟାଙ୍ଗ୍ ନେସନାପ୍ ଆରିଙ୍ଗ୍ ନାନ୍ ମୁସକୁପୁରତାନ୍ ରେତାତାମାନା ଇଜି ଖାନ୍ ଇଲେ ଏଣ୍ଡେସ୍ ଇଜିନାନ୍ ?”

୪୩ ଜିସୁ ଖାରିଙ୍ଗ୍ ଇହାନ୍, “ନିଜେ ନିଜେଦି ମାନ୍ ନିଦା କିମାର୍ ।

୪୪ ନାଙ୍ଗ୍ ପୋକ୍ତାତିମାନି ବୁବା ଏମେଞ୍ଜାନିଙ୍ଗ୍ ଆସ୍ କିନାନ୍, କେବଲ୍ ଖାନ୍ ନା ଲାକ୍ତୁ ଖାଦେଙ୍ଗ୍ ଆଟ୍‌ନାନ୍, ମାରି ନାନ୍ ଓଜିନି ନାଣ୍ଡିଙ୍ଗ୍ ଆୟା ଓଜେରିଙ୍ଗ୍ ମାରିଡେସି ଜିବନ୍‌କିଜି କିନା ।

୪୫ ବାବବାଦିର୍ ଦାର୍ମୁସାସ୍ତ୍ରୁ ରାସତା ମାନାର୍, ଓଜେରେ କେବଲ୍ ମାପୁରୁଦି ମାଣାନ୍ ସିକିୟା ପୟନାର୍ । ଏନ୍‌ଆପିନ୍ ବୁବାଦିମାଣ୍‌ନା ଖେନ୍‌ଜି ସିକିୟା ପୟନାନ୍, ଖାନ୍ ନା ଲାକ୍ତୁ ଖାନାନ୍ ।

୪୬ ତେନି ଅର୍ଥ ଆଏଡ୍ ଜେ, ଖାନ୍ ବୁବେଙ୍ଗ୍ ସୁଡ଼ତୁ ମାନ୍‌ନାନ୍, ଏନ୍ ମାପୁରୁଦିମାଣ୍‌ନା ଖାତାମାନ୍‌ନାନ୍, କେବଲ୍ ଖାନ୍‌ନେ ବୁବେଙ୍ଗ୍ ସୁଡ଼ତୁମାନ୍‌ନାନ୍ ।

୪୭ ସତେ ସତେନେ ନାନ୍ ମିଙ୍ଗ୍ ଇଜିନା, ଏନ୍ ବିସବାସ କିନାନ୍, ଖାନ୍ ଏସକାଙ୍ଗ୍‌ଓଜିଙ୍ଗ୍ ଜିବନ୍ ପୟତାମାନାନ୍ ।

୪୮ ନାନ୍ ଜିବନ୍ ସିନି କାଦି ।

୪୯ ମି ପୁର୍ବେଦିତକରାଦାଦାର ସୁନ୍ସାନବାତିଦୁ ମାନ୍ନା ଉଚାର ଆରିଙ୍ଗବା ସାତାସର୍ହାର ।

୫୦ ମାତର୍ ଏମେ କାଦି ମୁସକୁପୁରୁତାନ୍ ଖାନାଡ଼, ତାନିଙ୍ଗ୍ ଏନ୍ ଉଣାନ୍ ଖାନ୍ ଏସକାଙ୍ଗ୍ଝିଜ୍ଝ ଜିବନ୍ ପୋୟନାନ୍ ।

୫୧ ନାନ୍ ମୁସକୁପୁରୁତାନ୍ ଖାତିମାନି ଆୟା ଜିବନ୍ତି କାଦି, ଏନ୍ ଜଦି ଇୟା କାଦି ଉଣୁନାନ୍, ଖାନ୍ ଏସାଙ୍ଗ୍ଝିଜ୍ଝଦିନ୍ ସାନ୍ତି ଜିବନ୍ ମାନାନ୍; ହୁଁ, ନାନ୍ ଏମେ କାଦି ସିନା, ଆକା ନା କାଣ୍ଡା, ନାନ୍ ଆକା ଦୁନିଆଦିଙ୍ଗ୍ ଜିପିସ୍ତି ଉଣ୍ଡିଙ୍ଗ୍ ସିନା ।”

୫୨ ଆବେଟ୍ ଜିହୁଦିର୍ ନିଜେନିଜେଦିମାନୁ ଗିଦ୍ରିଆଜି ଜାଟି କିଦେଙ୍ଗ୍ ଆସ୍ତାର, “ଇକାନ୍ ଏଣ୍ଡେସ୍ ମାଙ୍ଗ୍ ନିଜେଦି କାଣ୍ଡା ତିନ୍ତେଙ୍ଗ୍ ସିଦେଙ୍ଗ୍ ଆଟ୍ନାନ୍ ?”

୫୩ ଆବେଟ୍ ଜିସୁ ଖାରିଙ୍ଗ୍ ଇର୍ହାନ୍, “ସଡ଼ ସଡ଼ ନାନ୍ ମିଙ୍ଗ୍ ଇଜିନା, ମନୁସ୍ୟପୁତ୍ରଦି କାଣ୍ଡା ତିନ୍ଏତିଙ୍ଗ୍ ମାରି ଖାନି ନେତେର୍ ଉଣୁଏତିଙ୍ଗ୍, ମିର୍ ଜିବନ୍ ପୋୟଦେଙ୍ଗ୍ ଆଟ୍ଟଦେର୍ ।

୫୪ ଏନ୍ ନା କାଣ୍ଡା ତିନ୍ନାନ୍ ମାରି ନା ନେତେର୍ ଉଣୁନାନ୍, ଖାନ୍ ଏସକାଙ୍ଗ୍ଝିଜ୍ଝ ଜିବନ୍ ପୟନାନ୍, ମାରି ନାନ୍ ଝିଜିନି ନାଣ୍ଡିଙ୍ଗ୍ ଖାନିଙ୍ଗ୍ ନିକିନା ।

୫୫ ଇରିଙ୍ଗ୍ ନା କାଣ୍ଡା ସତେନେ କାଦି ମାରି ନା ନେତେର୍ ସତେନେ ଏରୁ ।

୫୬ ଏନ୍ ନା କାଣ୍ଡା ତିନ୍ନାନ୍ ମାରି ନା ନେତେର୍ ଉଣୁନାନ୍, ଖାନ୍ ନା ମାନୁ ତେବାନାନ୍ ମାରି ନାନ୍ ଖାନିମାନୁ ତେବାନା ।

୫୭ ଜିବନ୍ମାନି ବୁବା ନାଙ୍ଗ୍ ପୋକ୍ତାମାନାନ୍ ମାରି ନାନ୍ ଖାନି ଉଣ୍ଡିଙ୍ଗ୍ ଜିବନ୍ ମାନା, ଆୟାଖାଜା ଏନ୍ ନାଙ୍ଗ୍ ଉଣୁନାନ୍, ଖାନ୍ ବା ନା ଉଣ୍ଡିଙ୍ଗ୍ ଜିବନ୍ ତେବାନାନ୍ ।

୫୮ ଏମେ କାଦି ମୁସକୁପୁରୁତାନ୍ ଖାତାମାନାଡ଼, ଆୟାକା ଇକା; ପୁର୍ବେଦିତକରାଦାଦାର ଏଣ୍ଡେସ୍ ଉଚାର ସାତାସର୍ହାର, ଇକା ଆୟାଖାଜା ସିଲେ; ଏନ୍ ଇୟା କାଦି ଉଣୁନାନ୍, ଖାନ୍ ଏସାଙ୍ଗ୍ଝିଜ୍ଝଦିନ୍ ସାନ୍ତି ଜିବନ୍ ତେବାନାନ୍ ।”

୫୯ ଜିସୁ କପରନାହୁମତି ଉନ୍ତ୍ରି ପାର୍ତନା ଇଲୁତୁ ସିକିୟା ସିନିଖାଲେ ଇୟାଝିଜ୍ଝ ମାଟା ଝେର୍ତାନ୍ ।

ଏସକାଙ୍ଗୁଜିଜିଇ ଜିବନ୍ତି ବାକ୍ୟ

୭୦ ମାରି, ଜିସୁଦି ସିସୁରି ମାଣକୁ ଏସଲୋକ୍ ଇକା ଝେନ୍‌ଜି ଇର୍ହାନ୍, “ଇୟା ସିକିୟା ବୁଜାଦେଙ୍ଗ୍ ବଡେ କାସ୍ତୁ ଏନ୍ ଇକା ଝେନ୍‌ଡ୍ରେଙ୍ଗ୍ ଆର୍‌ନାନ୍ ?”

୭୧ ଇୟା ବିସୟତାନ୍ ଜିସୁଙ୍ଗ୍ ଏନ୍ ଇନିକା ଇନ୍‌ଏତି ମାରିଙ୍ଗ୍ ବା ସିସୁର୍ ଝାରି ଲୋଇ ନିଦା କିଜିନାର୍ ଇଜି ନେସସି ଜିସୁ ଝାରିଙ୍ଗ୍ ଇର୍ହାନ୍, “ଇକା ଇନିକା ମିଙ୍ଗ୍ ବାଦା ଆଜିନାଡ୍ ?

୭୨ ମନୁସ୍ୟପୁତ୍ର ଆଗ୍ତି ଏମେ ବାଡିଦୁ ମାର୍ହାନ୍, ଆୟା ବାଡିଦୁ ଏସକାଙ୍ଗ୍ ଝାନିଙ୍ଗ୍ ସନିକା ସୁଣିଦେର୍, ଆରିଙ୍ଗ୍ ମିର୍ ଇନିକା କିନିଦେର୍ ?

୭୩ କେବଲ୍ ମାପୁରୁଦି ଆମ୍ବା ଜିବନ୍ ସିନାଡ୍; ଲୋକା ସାକ୍ତି ଇନି ପାଣିକିଦେଙ୍ଗ୍ ଆର୍‌ଏଡ୍; ମାପୁରୁଦି ଆୟା ଜିବନ୍ ସିନି ଆମ୍ବାଦିଙ୍ଗ୍ ମିର୍ ଏଣ୍ଡେସ୍ ନେସନିଦେର୍, ଆୟାଉଣ୍ଡିଙ୍ଗ୍ ନାନ୍ ଇୟାଞ୍ଜି ମାଟା ଇର୍‌ଆ ।

୭୪ ଆତିଙ୍ଗ୍‌ବା ମି ମାଣକୁ ଏନ୍ ଏନ୍ ବିସବାସ୍ କିଏଜିନାର୍ । ଇରିଙ୍ଗ୍ ଜିସୁଙ୍ଗ୍ ଏର୍ ବିସବାସ୍ କିଏର୍ ମାରି ଏନ୍ ଝାନିଙ୍ଗ୍ ସାଡୁରି କିୟୁଦୁ ସର୍ପେ କିନ୍‌ନାନ୍, ଆକା ଜିସୁ ଆଗ୍ତିରାନ୍‌ନେ ନେସତା ମାର୍ହାନ୍ ।

୭୫ ମାରି ଝାନ୍ ଇର୍ହାନ୍, ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଇର୍‌ଆମାନା, ବୁବାସିମାଣାନ୍ ପକ୍‌ଏତିଙ୍ଗ୍ ଏନ୍ ନା ଲାକ୍‌ତୁ ଝାଦେଙ୍ଗ୍ ଆର୍‌ଏନ୍ ।”

୭୬ ଆୟାଝାଲେରାନ୍ ଜିସୁଦି ସିସୁରି ମାଣକୁ ଏସଲୋକ୍ ଝେର୍‌ଏ ଏର୍‌ଜି ସତାସର୍ହାର୍, ମାରି ଝାନି ଝାଲେ ମାରି ବୁଲାସାଲା କିଏଡାର୍‌ନି ।

୭୭ ଆବେର୍ ଜିସୁ ବାରଲୋକ୍ ସିସୁରିଙ୍ଗ୍ ଝେନ୍‌ବାତାନ୍, “ମିର୍ ବା ଇନିକା ନାଙ୍ଗ୍ ତ୍ରିସସି ସନ୍‌ଡ୍ରେଙ୍ଗ୍ ବଦା କିଜିନିଦେର୍ ?”

୭୮ ☆ସିମୋନ ପିତର୍ ଜିସୁଙ୍ଗ୍ ଇର୍ହାନ୍, “ପ୍ରବୁ, ଏ ଲାକ୍‌ତୁ ସନାଟ୍ ? ନି ଲାକ୍‌ତୁ ଏସକାଙ୍ଗୁଜିଜିଇ ଜିବନ୍ତି ବାକ୍ୟ ମାନାଡ୍;

୭୯ ମାରି, ନିନ୍ ଜେ ମାପୁରୁଦି ମାଣାନ୍ ଝାତିମାନି ଆୟା ପବିତ୍ର ଲୋକ୍, ଇକା ମାପ୍ ବିସବାସ୍ କିତାମାନାପ୍ ମାରି ନେସତାମାନାପ୍ ।”

୮୦ ଜିସୁ ଝାରିଙ୍ଗ୍ ଇର୍ହାନ୍, “ନାନ୍ ଇନିକା ମି ବାରଲୋକାଙ୍ଗ୍ ଆସକିଏ ନୋ ? ମାରି, ମି ମାଣକୁ ଅରେନ୍ ସୟତାନ୍ ।”

୭୧ ଜିସୁ ଇସ୍ତାରିୟୋତିୟ ସିମୋନତି ମାରିନ୍ ଜିହୁଦାଦିଙ୍ଗ୍ ସୁଡ଼ୁଜି ଇକା ଇହୀନ୍, ଇରିଙ୍ଗ୍ ଖାନ୍ ବାରଲୋକ ସିସୁରି ମାଣ୍ଟୁ ଅରେନ୍, ମାରି ଖାନ୍ ଖାନିଙ୍ଗ୍ ସାଡୁରି କିୟୁଡୁ ସପେ କିଦେଙ୍ଗ୍ ସଲ୍‌ସି ମାର୍ହାନ୍ ।

୭

ଜିସୁ ନି ଖାନି ତଡ଼ାନ୍‌କୁ

୧ ତାନେଝେନ୍‌କା ଜିସୁ ଗାଲିଲିତୁ ବୁଲାଦେଙ୍ଗ୍ ଆସତାନେ, ଇରିଙ୍ଗ୍ ଜିହୁଦିର୍ ଖାନିଙ୍ଗ୍ ସାୟାମାରଗା ତାକ୍‌ତେଙ୍ଗ୍ ଇଜି ସେସ୍ତା କିଜିମାରିଙ୍ଗ୍ ଖାନ୍ ଜିହୁଦା ଦେସ୍‌ତୁ ବୁଲାଦେଙ୍ଗ୍ ବଦା କିଏଜି ମାର୍ହାନ୍ ।

୨ ଜିହୁଦିର୍ ଇଲୁଦୁବାସାନି ପଶୁୟତି ଦିନ୍ ଇଗା ଖାତାଡ଼,

୩ ଖାନି ତଡ଼ାନ୍‌କୁ ଜିସୁଙ୍ଗ୍ ଇହୀର୍, ନିନ୍ ଆମା ଆମା ପାଣି କିଜିନି, ଆୟାଞ୍ଜି ଏଣ୍ଡେସ୍ ନି ସିସୁର୍ ବା ସୁଡ଼ୁନାଟ୍ ଇୟାତଣ୍ଡିଙ୍ଗ୍ ଇବେଣାନ୍ ସସିସୋଲ୍‌ସ ଜିହୁଦା ଦେସ୍‌ତୁ ସାନ୍‌ଡୁ,

୪ ଇରିଙ୍ଗ୍ ଏନ୍ ତରାଦେଙ୍ଗ୍ ବଦାକିତିଙ୍ଗ୍ ମାର୍‌ଗିଜି ଇନିକା କିଏନ୍ । ମିର୍ ଜଦ ଇୟାଞ୍ଜି କିଜିନିଦେର୍, ଆରିଙ୍ଗ୍ ନିଜେଦିଙ୍ଗ୍ ଦୁନିଆ ଆଗ୍‌ଡି ତରୁଆ ।

୫ ଇରିଙ୍ଗ୍ ଖାନି ତଡ଼ାନ୍‌କୁ ବା ଖାନିମାନୁ ବିସ୍‌ବାସ୍ କିଏଜିମାର୍‌ଆର୍ ।

୬ ଆବେଟ୍ ଜିସୁ ଖାରିଙ୍ଗ୍ ଇରୁଆନ୍, “ନା ସମୟ ଇୟାସାନ୍ ଇଗା ରେଏଦେ, ମାତର୍ ମି ଉଣ୍ଡିଙ୍ଗ୍ ସମୟ ଡିଜୁଦିନ୍ ମାନାଡ଼ ।

୭ ଦୁନିଆ ମିଙ୍ଗ୍ କାଡ଼ଏଡ଼, ମାତର୍ ନାଙ୍ଗ୍ କାଡ଼ନାଡ଼, ଇରିଙ୍ଗ୍ ଖାନି ପାଣି ଜେ ତାଗ୍‌ଇକା ଇଜି ନାନ୍ ଆୟା ବିସ୍‌ୟତାନ୍ ଇୟା ସାକି ସିଜିନା ।

୮ ମିର୍ ଇୟା ପଶୁୟତୁ ସାନ୍‌ଡୁ, ନାନ୍ ଇଲେଇ ଇୟା ପଶୁୟତୁ ସଲ୍‌ଏଜିନା, ଇରିଙ୍ଗ୍ ନା ସମୟ ଇୟାସାନ୍ ରେଏଦେ ।”

୯ ଜିସୁ ଖାରିଙ୍ଗ୍ ଇୟାଞ୍ଜି ମାଟା ଇଜି ଗାଲିଲିତୁ ତେବାତାନ୍ ।

ଗୁଡ଼ାଦୁବାସାନି ପଶୁୟତୁ ଜିସୁ

୧୦ ମାତର୍ ଖାନି ତଡ଼ାନ୍‌କୁ ପଶୁୟତୁ ସର୍‌ରି ଝେନ୍‌କା ଜିସୁ ବା ସର୍‌ହାନ୍, ତରାଇଆଜି ସିଲେ, ମାତର୍ ମାର୍‌ଗିଜି ସର୍‌ହାନ୍ ।

୧୧ ଆଦେଞ୍ଜ ଜିହ୍ଵାଦି ନେତାର ପଶ୍ଚାତ୍ତପ୍ତ ଖାନିଙ୍ଗ ପୟବୁ ପୟବୁ
ଝେନ୍‌ବାତାର, “ଝାନ ଏମେ ?”

୧୨ ମାରି, ଜିସୁ ବିସୟତାନ ଲୋକା ମାନୁ ପୁସ୍ତୁର ପାସ୍ତୁର
ଝାରଗିଦେଞ୍ଜ ଆସ୍ତାର; ଏନ୍ ଏନ୍ ଇର୍ହାର, “ଝାନ ଅରେନ୍ ନେଗି
ଲୋକୁ,” ମାରି ଏନ୍ ଏନ୍ ଇର୍ହାର, “ସିଲେ, ଝାନ ଲୋକାଙ୍ଗ ବାୟା
କିଜିନାନ ।”

୧୩ ମାତର ଜିହ୍ଵାଦି ନେତାର ତିଲାଜି ଖାନି ବିସୟତାନ ଝେକ୍‌ସି ଏନ୍
ଇନିକା ଇନ୍‌ଏଜି ମାର୍ହାର ।

୧୪ ମାତର ପଶ୍ଚାତ୍ତପ୍ତ ଆଦା ସମୟ ଓଜିତି ଝେନ୍‌କା, ଜିସୁ ମନ୍ଦିରତୁ
ସଲ୍‌ସି ସିକିୟା ସିଦେଞ୍ଜ ଆସ୍ତାନ ।

୧୫ ଆବେଟ୍ ଜିହ୍ଵାଦି ନେତାର କାବାଆଜି ଇର୍ହାର, “ଇକାନ ପାଟ୍
ପଡାଏଣ୍ଡା ଏଣ୍ଡେସ ନେସ୍‌ତାନ ?”

୧୬ ଆବେଟ୍ ଜିସୁ ଝାରିଙ୍ଗ ଇରଆନ୍, “ନା ସିକିୟା ନା ନିଜେଦିକା
ଆଏଡ୍, ମାତର ନା ପକ୍ତିମାନି ମାପୁରୁଦି ମାଣାନ୍ ଝାତାମାନାଡ୍ ।

୧୭ ଏନ୍ ଜଦି ମାପୁରୁ ବଦା ମାନାଦେଞ୍ଜ ଇଙ୍ଗା ଆନାନ୍, ଆରିଙ୍ଗ ନା
ସିକିୟା ମାପୁରୁ ମାଣ୍‌କୁ ଝାତାମାନାଡ୍‌ନୋ, ନା ନିଜେଦି ସାକ୍ତିଦାନ୍ ନୋ
ଇଜିନା, ଆକା ଝାନ ନେସ୍‌ନାନ ।

୧୮ ଏନ୍ ନିଜେଦି ମାଣାନ୍ ଇନାନ୍, ଝାନ ନିଜେଦି ଗୌରବ୍
ପଇନାନ୍, ମାତର ଏନ୍ ନିଜେଦି ପକ୍ତିଝାନିଦି ଗୌରବ୍ କିଦେଞ୍ଜ
ବଦା କିନାନ୍, ଝାନ ସଡ୍ ଇନାନ୍, ମାରି ଝାନିମାନୁ ଇନି ମିସ୍ ସିଲେଡ୍
।

୧୯ ମୋସା ଇନିକା ମିଙ୍ଗ୍ ନିୟମ୍ ସିଏନ୍‌ନୋ ? ଆତିଙ୍ଗ୍‌ବା
ମି ମାଣ୍‌କୁ ଏନ୍ ନିୟମ୍ ମାନାଏଜିନାନ୍ । ମିର ଏନ୍‌ ନାଙ୍ଗ୍
ଡାକ୍‌ଡେଙ୍ଗ୍ ବଦା କିଜିନିଦେର୍ ।”

୨୦ ଲୋକ୍ ଓଜେରେ ଇର୍ହାର, “ନିଙ୍ଗ୍ ଦୁବା ଆସ୍ତାମାନାଡ୍, ଏନ୍
ନିଙ୍ଗ୍ ଡାକ୍‌ଡେଙ୍ଗ୍ ବଦାକିଜିନାନ ?”

୨୧ ଜିସୁ ଝାରିଙ୍ଗ ଇରଆନ୍, “ନାନ୍ ଉଣ୍ଡି କାବା ପାଣି କିତା, ମାରି
ମିର ଓଜେରେ କାବା ଆତିମାନିଦେର୍ ।

୨୨ ଇୟାଉଣ୍ଡିଙ୍ଗ୍ ମୋସା ମିଙ୍ଗ୍ ସୁନ୍‌ଡ ନିୟମ୍ ସିତାମାନାନ୍,
ଇକା ଜେ ମୋସା ମାଣାନ୍ ଆତାମାନାଡ୍, ଆକା ସିଲେ ମାତର

ପୁର୍ବେଦିବାଦାରି ମାଣ୍ଡକୁ, ମାରି ମିର ରମ୍ଭି ନାଣ୍ଡି କଡ଼ରିଙ୍ଗ ସିନାଡ଼ କିଜିନିଦେର ।

୨୩ ✧ ମୋସାଦି ନିୟମ୍ ଅମାନ୍ୟ କିଇ ଉଣ୍ଡିଙ୍ଗ ଜଦି ରମ୍ଭିନାଣ୍ଡି କଡ଼ଦି ସୁନ୍ନତ କିନିଦେର, ଆରିଙ୍ଗ ନାନ ରମ୍ଭିନାଣ୍ଡି ଅରେନ୍ ଲୋକ୍ତିଙ୍ଗ ଝିଜୁ ନେଗେଣ୍ଡ କିତାଆକା ମିର ଏନ୍ଦା ନା ମୁସ୍ତୁ ରିସା ଆଜିନିଦେର ?

୨୪ ସୁପ୍ ଆଦୁ, ଆଡ଼ରେରି ବିସୟ୍ ସୁଡ଼ଜି ବିସାର୍ କିଏଣ୍ଡା ନ୍ୟାୟ୍ ବିସାର୍ କିଦୁ ।”

ଇକାନ୍ ଇନିକା ମସିହ ?

୨୫ ଆବେଟ୍ ଜିରୁସାଲମ୍‌ତୁ ବାସା କିନି ଲୋକା ଲୋଇ ଏନ୍ ଏନ୍ ଇଡ୍ରେଙ୍ଗ୍ ଆସ୍ତାର୍, “ଜିହ୍ୱଦି ନେଡାର୍ ଆମାଞ୍ଜାନିଙ୍ଗ୍ ଡାକ୍ତେଙ୍ଗ୍ ବଦା କିଜିନାର୍, ଇକାନ୍ ଇନିକା ଝାନ୍ ଆଏନ୍ ?

୨୬ ମାରି ସୁଡ଼ଦୁ, ଝାନ୍ ତରାଜି ମାଟା ଇଜିନାନ୍, ମାରି ଝାର୍ ଝାନିଙ୍ଗ୍ ଇନିକା କିଏଜିନାର୍ । ଇକାନ୍ ଜେ ମସିହ ଇଜି ଇକା ଇନିକା ନେଡାର୍ ସତେ ନେସତାଞ୍ଜିସ୍ତାର୍ନି ?

୨୭ ଆମାକା ଆପିଡ଼, ଝେନି ଝାନିକା ମାପ୍ ନେସ୍ନାପ୍, ମାତର୍ ମସିହ ଏସ୍ତ୍ରିଞ୍ଜାଲେ ଝାନାନ୍, ନାସ୍ତ୍ରିଞ୍ଜାଲେ ଝାନି ଝାନିକା ଏନ୍ ନେସ୍‌ଏପ୍ ।”

୨୮ ଆବେଟ୍ ଜିସୁ ମନ୍ଦିରତୁ ସିକିୟା ସିବୁ ସିବୁ ନାଣ୍ଡ ଆଉଲି ଆଜି ଇହ୍ନାନ୍, ନାନ୍ ଏନ୍ ମାରି ଏମେଟ୍‌କୁ ଝାତାମାନା, ମିର ଇନିକା ସଡ଼ତାନ୍ ନେସ୍ନିଦେର ? ନାନ୍ ନିଜେଦିମାଣାନ୍ ରେଏ, ମାତର୍ ନା ପକ୍ତିକାନ୍ ସଡ଼, ଝାନିଙ୍ଗ୍ ମିର ନେସ୍‌ଇଦେର ।

୨୯ ନାନ୍ ଝାନିଙ୍ଗ୍ ନେସ୍ନା, ଇରିଙ୍ଗ୍ ନାନ୍ ଝାନିମାଣ୍ଡକୁ ଝାତାମାନା, ମାରି ଝାନ୍ ନାଙ୍ଗ୍ ପକ୍ତିକାନ୍ ।

୩୦ ଆବେଟ୍ ଝାର୍ ଜିସୁଙ୍ଗ୍ ଆସ୍ତେଙ୍ଗ୍ ବଦା କିତାର୍; ମାତର୍ ଏନ୍ ଝାନି ମୁସ୍ତୁ କିୟୁ ମୁଟ୍‌ଏତାନ୍, ଇରିଙ୍ଗ୍ ଝାନି ସମୟ୍ ଆୟା ସାନ୍ଦି ଇଗା ରେଏଡ଼ମାହାଡ଼ ।

୩୧ ମାତର୍ ଲୋକା ଲୋଇରାନ୍ ନାଣ୍ଡ ଲୋକୁ ଝାନିମାନ୍ ବିସ୍‌ବାସ୍ କିଜି ଇନ୍‌ଡ୍ରେଙ୍ଗ୍ ଆସ୍ତାର୍, “ଇୟାଞ୍ଜିଜୁ କାବାଆନି ପାଣି କିଜିନାନ୍, ମସିହ ଝାଜି ଝେନିମାଣାନ୍ ଇନିକା ନାଣ୍ଡ କିନ୍‌ନାନ୍ ?”

ଜିସୁଙ୍କୁ ତରତେଇଁ କାପକିନିଝାରିଙ୍ଗ ପୋକ୍ତାର

୩୨ ପାରୁସିର ଲୋକାଙ୍ଗ ଜିସୁଦି ବିସୟତାନ୍ ପୁସୁର ପାସୁର
ଝାରଗିନିକା ଝେରଥାର ମାରି ପେରି ଜାଜକର ନି ପାରୁସିର ଝାନିଙ୍ଗ
ଆସ୍ତେଇଁ ଇଜି କାପକିନିଝାରିଙ୍ଗ ପୋକ୍ତାର ।

୩୩ ଆବେର୍ ଜିସୁ ଇର୍ହାନ, “ନାନ୍ ମାରି ଅଡ଼ପ୍ ସମୟ ମି ଝାଲେ
ତେବାଜି ନା ପକ୍ତିଝାନିମାନୁ ଡେସି ସଲ୍‌ସିନା ।

୩୪ ମିର୍ ନାଙ୍ଗ ପଇନିଦେର୍, ମାତର୍ ପୟଇଦେର୍; ମାରି, ନାନ୍
ଏମେମାନୁ ମାନା, ମିର୍ ଆବେ ସନ୍‌ଡେଇଁ ଆର୍‌ଇଦେର୍ ।”

୩୫ ଆବେନୁ ଜିହୁଦି ନେତାର ନିଜେ ନିଜେଦିମାନୁ ଇର୍ହାର, “ଇକାନ୍
ଏମେମାନୁ ସନ୍‌ଡେଇଁ ଇଜି ସତାମାନନାନ୍ ଜେ, ମାଡ଼ ଝାନିଙ୍ଗ
ପୋୟଇକା ? ଇକାନ୍ ଇନିକା ଗ୍ରିକ୍‌ରି ଗାଡ଼କାଙ୍ଗ ଲୋଇ ଇନିଙ୍ଗ
ଆନିଙ୍ଗ ଜିହୁଦିର୍ ଲାକ୍‌ଡୁ ସୋଲ୍‌ସି ଗ୍ରିକ୍‌ରିଙ୍ଗ ସିକିୟା ସିଦେଇଁ
ସତାମାନନାନ୍ ?

୩୬ ମିର୍ ନାଙ୍ଗ ପଇନିଦେର୍, ମାତର୍ ପୟଇଦେର୍, ମାରି ନାନ୍
ଏମେମାନୁ ମାନା, ମିର୍ ଆବେନୁ ସନ୍‌ଡେଇଁ ଆର୍‌ଇଦେର୍, ଝାନ୍ ଇୟା
ଏମେ ମାଟା ଇର୍ହାନ, ତାନି ଅର୍ତ୍ତ ଇନିକା ?”

ଜିବନ୍ ସିନି ମୁଲ୍

୩୭ ପଶ୍ଚୟତି ଝିଜିନି ନାଣ୍ଡିଙ୍ଗ, ମାରି, ପଶ୍ଚୟତି ନେଗି ନାଣ୍ଡିଙ୍ଗ,
ଜିସୁ ନିଙ୍ଗ ତାନ୍‌ନୋ ନାଣ୍ଡ ଆଉଲି ଆଜି ଇର୍ହାନ, “ଏନ୍ ଜଦି ଏରକି
ସାନାନ୍, ଆଦେଇଁ ଝାନ୍ ନା ଲାକ୍‌ଡୁ ରାପିନ୍,

୩୮ ମାରି ଏନ୍ ନା ମାନୁ ବିସ୍‌ବାସ୍ କିନନାନ୍, ଝାନ୍ ଉଣିନ୍,
ଦାର୍ମ୍‌ସାସ୍ତ୍ରୁ ରାସ୍‌ତାମାନାଡ଼ ଏନ୍ ନାବାନୁ ବିସ୍‌ବାସ୍ କିନାନ୍ ଝାନି
ଜିବନ୍‌ତାନ୍ ଜିବନ୍‌ସିନି ଏରୁ ପୋଗ୍‌ଜିସନେ ।”

୩୯ ଜିସୁ ପବିତ୍ର ଆତ୍ମାଦି ବିସୟତାନ୍ ଝେରତାନ୍, ଏମେକାର୍
ଜିସୁମାନୁ ବିସ୍‌ବାସ୍ କିଜିମାର୍ହାର ଝାର ଝେନ୍‌କା ଇୟା ପବିତ୍ର
ଆତ୍ମାଦିଙ୍ଗ ପୟନାର ଆୟାସାନ୍ତି ଜିସୁ ଦନ୍‌ସ୍‌ବାଦ୍ ପୟଏନ୍ ମାରିଙ୍ଗ
ଝାର ପବିତ୍ରଆତ୍ମା ପୟଏନ୍ ମାର୍ହାନ ।

ଲୋକା ଲୋଇ ଝେରଏ ଏରନିକା

୪୦ ମାରି, ଲୋକା ଲୋଇରାନ୍ ଏନ୍ ଏନ୍ ଇୟା ମାଟା ଖେନ୍ତି
ଇନ୍ତେଜ୍ ଆସ୍ତାର୍, “ଇକାନ୍ ସତେନେ ଆୟା ବାବବାଦି ।”

୪୧ ମାରି ଆଇକାର୍ ଇର୍ହାର୍, “ଇକାନ୍ନେ ମସିହ୍,”

ମାତର୍ ଏନ୍ ଏନ୍ ଇର୍ହାର୍, “ଇନିକା ! ମସିହ ଗାଲିଲିଦାନ୍ ରେଏନ୍
!

୪୨ ମସିହ ଜେ ଦାଉଦଦି କୁଟୁମ୍ବତାନ୍ ମାରି ଦାଉଦ ଏମେମାନ୍
ମାର୍ହାନ୍, ଆୟା ବେତଲିହିମ୍ ନାର୍ତାନ୍ ଜନମ୍ ଆନାନ୍, ଇକା ଇନିକା
ଦାର୍ମୁସାସ୍ତୁ ବାକ୍ୟ ଇନ୍ଏର୍ ?”

୪୩ ଆରିଜ୍ ଲୋକୁଝିଜେରି ଲୋଇ ଖାନି ଉଣ୍ଡିଜ୍ ଖେରଏ ଖେରଏ
ଆତାର୍

୪୪ ମାରି, ଖାରି ଲୋଇରାନ୍ ଏସ ଖାନ୍ ଜିସୁ ଦରା ପଡାପିନ୍ ଇଜି
ବଦା କିଜିମାର୍ହାର୍, ମାତର୍ ଏନ୍ ଖାନି ମୁସକୁ କିୟୁ ମୁଟ୍ଏତାର୍ ।

ଜିହୁଦି ନେତାରି ଅବିସ୍ବାସ୍

୪୫ ଆୟାଦାପ୍ରେ ମନ୍ଦିର୍ତ୍ତି କାପ୍‌କିନିକାର୍ ପେରି ଜାଜକ ମାରି
ପାରୁସିର୍ ଲାକ୍ତୁ ଡେସି ଖାତାର୍, ମାରି ଖାରିଜ୍ ଖେନ୍ବାତାର୍,
“ମିର୍ ଏକ୍ସା ଖାନିଜ୍ ଆସୋସ ତେଇତିଦେର୍ ?”

୪୬ କାପ୍‌କିନିକାର୍ ଇର୍ହାର୍, “ଇୟା ଲୋକୁ ଏଣ୍ଡେସ୍‌ମାରି ମାଟେଜ୍
ଇନାନ୍, ଆମା ଲୋକୁ ଏସ୍‌କାଜ୍ ଆୟାନାନି ମାଟେଜ୍ ଇନ୍ଏର୍ ।”

୪୭ ଆବେର୍ ପାରୁସିର୍ ଖାରିଜ୍ ଇର୍ହାର୍, “ମିଜ୍ ବା ଇନିକା ଖାନ୍
ବାୟା କିତାନ୍ ?”

୪୮ “ନେତାରି ଲୋଇରାନ୍ ମାରି ପାରୁସିର୍ ଲୋଇରାନ୍ ଇନିକା ଏନ୍
ଖାନିମାନ୍ ବିସ୍ବାସ୍ କିତାମାନାର୍ ଇକା ମିର୍ ନେସ୍‌ତିମାନିଦେର୍ ନୋ
?

୪୯ ମାତର୍ ଇୟା ଲୋକୁ ମୋସାଦି ନିୟମ୍ ନେସ୍‌ଏର୍, ଆୟାଉଣ୍ଡିଜ୍
ଖାରି ଅବିସାପ ।”

୫୦ ☆ଆମା ନିକଦିମ ଇୟାଆଗ୍ତି ଖାନି ଲାକ୍ତୁ ଖାତାମାର୍ହାନ୍ ମାରି
ଏନ୍ ଖାରି ଲୋଇ ଅରେନ୍ନେ, ଖାନ୍ ଖାରିଜ୍ ଖେନ୍ବାତାନ୍,

୫୧ ଇରିଙ୍ଗ ଅରେନ୍ ଲୋକାମାଣକୁ ଆଗତି ଝେନ୍‌ଏଶ୍‌ଗା ମାରି ଝାନି ବୁଲ୍‌ସାଲାନି ବିସୟ ନେସ୍‌ଏଶ୍‌ଗା ମା ସାସ୍ତ୍ର ଇନିକା ଝାନିଙ୍ଗ ଦୋସ୍ କିନାଡ଼ ?

୫୨ ଝାର ଝାନିଙ୍ଗ ଇର୍ହାର୍, “ନିନ୍ ବା ଇନିକା ଅରେନ୍ ଗାଲିଲିୟୁଦି ଲୋକୁ ? ଗାଲିଲିୟାନ୍ ଏମେ ବାବବାଦି ସଏନ୍, ଇକା ନେଗେନ୍ କିଜି ଦାର୍ମୁସାସ୍ତ୍ର ପୟଦୁ ।”

୫୩ ତାନେ ଝେନ୍‌କା ଆୟା ବାଡ଼ି ଡିସ୍‌ସି ଝିଜେରେ ଜିହୁଦି ନେତାର୍ ନିଜେ ନିଜେଦି ଇଲ୍‌କାଙ୍ଗ ସର୍ହାର୍ ।

୮

ଦାରିପାଣି କିତି ଆଇମା

୧ ମାତର୍ ଜିସୁ ଜିତ ଗରନ୍‌ତୁ ସର୍ହାନ୍ ।

୨ ଆୟା ମାରାନାଣ୍ଡିଙ୍ଗ ସାଲ୍‌ଦିନେ ଜିସୁ ମାରିଡେସି ମନ୍ଦିରତୁ ଝାତାନ୍, ମାରି ଝିଜେରେ ଲୋକୁ ଝାନି ଲାକଡ଼ ଉଣ୍ଡାତାର୍‌ଆକା, ଝାନ୍ ବାସ୍‌ତାନ୍‌ନୋ ଝାରିଙ୍ଗ ସିକିୟା ସିଦେଙ୍ଗ୍ ଆସ୍‌ତାନ୍ ।

୩ ମାରି, ସାସ୍ତ୍ରର୍ ମାରି ପାରୁସିର୍ ଦାରିପାଣି କିତିମାନି ଅରେଡ଼ ଆଇମାଦିଙ୍ଗ୍ ଆସ୍‌ତାତାତାର୍ ତାନିଙ୍ଗ୍ ଝିଜେରିନାଣ୍ଡି ନିଲ୍‌ପ୍‌ତାରୋ ଜିସୁଙ୍ଗ୍ ଇର୍ହାର୍,

୪ “ଏ ଗୁରୁ, ଇୟା ଆଇମା ଦାରିପାଣି କିନିଝାଲେ ଦରାପଡ଼ାତାମାନିଡ଼ ।

୫ ଇୟାଝାଜା ଆଇମେକାଙ୍ଗ୍ କାଲ୍‌କାଣ୍ଡୁ ପୋକ୍‌ସି ତାକ୍‌ଡେଙ୍ଗ୍ ମୋସା ମାଙ୍ଗ୍ ସାସ୍ତ୍ରଦୁ ଆଦେସ୍ ସିତାମାନାନ୍; ଆରିଙ୍ଗ୍ ନିନ୍ ଇନିକା ଇଜିନି ?”

୬ ଝାର ଏଣ୍ଡେସ୍ ଝାନି ବିରଦ୍‌ତାନ୍ ଦୋସ୍ ପୟଦେଙ୍ଗ୍ ଆର୍‌ନାର୍, ଆୟାଉଣ୍ଡିଙ୍ଗ୍ ଝାର ଝାନିଙ୍ଗ୍ ପରିକା କିନି ଉଣ୍ଡିଙ୍ଗ୍ ଇକା ଇର୍ହାର୍ । ମାତର୍ ଜିସୁ ପାଡ଼୍‌ଗିତାନ୍‌ନୋ ଡାସ୍‌କେଶ୍‌କୁ ବୁଫିଦୁ ରାସ୍‌ଡେଙ୍ଗ୍ ଆସ୍‌ତାନ୍ ।

୭ ମାତର୍ ଝାର ଝାନିଙ୍ଗ୍ ଡେସି ଡେସି ଝେନ୍‌ବାତାର୍‌ଆକା, ଝାନ୍ ତାଲା ପେର୍‌ଜି ଝାରିଙ୍ଗ୍ ଇର୍ହାନ୍, “ମି ଲୋଇ ଏନ୍ ପାପ୍‌ସିଲିକାନ୍, ଝାନ୍ ଆଗିଡ଼ି ତାନିଙ୍ଗ୍ କାଲୁ ପକିନ୍ ।”

୮ ମାରିଦେସି ଜିସୁ ପାଡ଼ଗିଲି ବୁନିଦୁ ରାସ୍ତେଙ୍ଗ ଆସ୍ତାନ ।

୯ ଆକା ଝେନ୍‌ଜି ଝାର ପେରି ଲୋକାମାଣକୁ ଝିଜେରେ ଅରେନ୍ ଅରେନ୍ ଆଜି ସହସି ସନ୍‌ଡେଙ୍ଗ ଆସ୍ତାର, ମାରି କେବଲ୍ ଜିସୁ ନି ମଜାୟ ନାଡ଼ି ଆୟା ଆଇମା ତେବାତାର ।

୧୦ ମାରି, ଜିସୁ ତାଲା ପେରଜି ତାନିଙ୍ଗ ଇର୍ହାନ, “ଏ ଆଇମା, ଝାର ଏମେ ? ଏନ୍ ନିଙ୍ଗ ଦୋସ୍‌କିଦେଙ୍ଗ ସିଲେନ୍ ନୋ ?”

୧୧ ଆଇମା ଇର୍ହାଡ଼, “ଏନ୍ ସିଲେ, ପ୍ରବୁ ।” ଆବେଟ୍ ଜିସୁ ଇର୍ହାନ, “ନାନ୍ ବା ନିଙ୍ଗ ଦୋସ୍ କିଏଜିନା; ସାଙ୍ଗ୍‌ଆ, ନେରୁଆନ୍ ମାରି ପାପ କିମା ।”

ଜିସୁ ଦୁନିଆଦି ଜାୟ

୧୨ ☆ଜିସୁ ମାରିଦେସି ପାରୁସିରିଙ୍ଗ ଇର୍ହାନ, “ନାନ୍ ଦୁନିଆଦି ଜାୟ; ଏନ୍ ନା ଝେନ୍‌କା ଝାନାନ୍, ମାତର୍ ଜିବନ୍‌ତି ଜାୟ ପଇନାନ୍ ଝାନ୍ ଏସାଙ୍ଗ୍ ବା ସିକାଟିଦୁ ବୁଲାଏନ୍ ।”

୧୩ ☆ଆବେଟ୍ ପାରୁସିର୍ ଜିସୁଙ୍ଗ୍ ଇର୍ହାର୍, “ନିନ୍ ନିଜେ ନିଜେଦି ବିସୟତାନ୍ ସାକି ସିଜିନି, ନି ସାକି ସଡ଼ ସିଲେ ।”

୧୪ ଜିସୁ ଝାରିଙ୍ଗ ଇର୍ହାନ, ସିଲେ, “ନାନ୍ ନିଜେଦି ଉଣ୍ଡିଙ୍ଗ୍ ସାକି ସିଡିଙ୍ଗ୍‌ବା ନାନ୍ ଆମାକା ଇଜିନା, ଆକା ସଡ଼, ଇରିଙ୍ଗ୍ ନାନ୍ ଏମେଣ୍‌କୁ ଝାତାମାନା ମାରି ଏମେମାନୁ ସଲ୍‌ସିନା, ଆକା ନାନ୍ ନେସ୍‌ନା, ମାତର୍ ମିର୍ ନାନ୍ ଏମେଣ୍‌କୁ ଝାତାମାନା ମାରି ଏମେମାନୁ ସନା, ଆକା ମିର୍ ନେସ୍‌ଇଦେର୍ ।

୧୫ ମିର୍ ଲୋକା ଝାଜା ବିସାର୍ କିନିଦେର୍, ନାନ୍ ଏ ବିସାର୍ କିଏ ।

୧୬ ମାତର୍ ନାନ୍ ଜଦି ବିସାର୍ କିନା, ଆରିଙ୍ଗ୍‌ବା ନା ବିସାର୍ ଟିକ୍; ଇରିଙ୍ଗ୍ ନାନ୍ ଅରେନେ ସିଲେ, ମାତର୍ ନା ପକ୍ତିମାନିବୁବା ନା ଝାଲେ ମାନାନ୍ ।

୧୭ ମାରି, ରିଏରି ସାକି ସାମାନ୍ ଆତିଙ୍ଗ୍, ଝାର ଆମାକା ଇଜିନାର୍ ଆକା ସଡ଼, ଇକା ମି ନିୟମତୁ ବା ରାସାତାମାନାଡ଼ ।

୧୮ ନାନ୍ ନିଜେ ନିଜେଦି ସାକି, ମାରି ନା ପୋକ୍ତିମାନି ବୁବା ନା ବିସୟତାନ୍ ସାକି ସିଜିନାନ୍ ।”

୧୯ ଆବେଟ୍ ଖାର୍ ଖାନିଙ୍ଗ୍ ଖେନ୍ବାତାର୍, “ମି ବୁବା ଏମେ ?” ଜିସୁ ଇର୍ହାନ,

“ମିର୍ ନାଙ୍ଗ୍ ନେସ୍‌ଇଦେର୍ ମାରି ନା ବୁବେଙ୍ଗ୍ ବା ନେସ୍‌ଇଦେର୍; ଜଦି ନାଙ୍ଗ୍ ନେସ୍‌ତିଙ୍ଗ୍, ଆରିଙ୍ଗ୍ ନା ବୁବେଙ୍ଗ୍ ବା ନେସ୍‌ତିଦେର୍ମାନ୍ତି ।”

୨୦ ମନ୍ଦିରତି ଦାନ୍ ଉଣ୍ଡାକିନି ପେଡେଙ୍ଗ୍ ଇର୍ତିମାର୍‌ଇ ବାକ୍‌ରାଦୁ ଜିସୁ ଇୟାଞ୍ଜିକୁ ବିସୟ୍ ସିକିୟା ସିଜିମାର୍ହାନ, ମାତର୍ ଏନ୍ ଖାନିଙ୍ଗ୍ ତର୍‌ଏତାର୍, ଇରିଙ୍ଗ୍ ଖାନି ଖେଡ଼ା ଆୟାସାନ୍ତି ରେଏଡ଼ ମାର୍ହାଡ଼ ।

ଜିସୁ ଖାନି ସନି ବିସୟ୍‌ତାନ୍ ବବିସଡ଼ ମାଟା ଇର୍ହାନ

୨୧ ଆବେଟ୍ ଜିସୁ ମାରିଡେସି ଖାରିଙ୍ଗ୍ ଇର୍ହାନ, “ନାନ୍ ସୋଲ୍‌ସିନା, ମାରି ମିର୍ ନାଙ୍ଗ୍ ପୋୟ୍‌ନିଦେର୍ ମାତର୍ ମିର୍ ନିଜେ ନିଜେଦି ପାପ୍‌ତାନ୍ ସାନିଦେର୍, ନାନ୍ ଏମେମାନ୍ ସୋଲ୍‌ସିନା, ମିର୍ ଆବେନ୍ ସନ୍‌ଡେଙ୍ଗ୍ ଆଟ୍‌ଇଦେର୍ ।”

୨୨ ଆବେଟ୍ ଜିସୁଦି ନେତାର୍ ଇନ୍‌ଡେଙ୍ଗ୍ ଆସ୍‌ତାର୍, ଖାନ୍ ଇଜିନାନ୍, ଖାନ୍ ଏମେମାନ୍ ସଲ୍‌ସିନା, “ମାପ୍ ଆବେ ସନ୍‌ଡେଙ୍ଗ୍ ଆଟ୍‌ଏପ୍ । ଖାନ୍ ସାଦେଙ୍ଗ୍ ସଲ୍‌ସିନାନ୍ ନୋ ?”

୨୩ ଆବେଟ୍ ଜିସୁ ଖାରିଙ୍ଗ୍ ଇର୍ହାନ, “ମିର୍, ଦୁନିଆଦାନ୍ ଜନମ୍ ଆତିମାନିଦେର୍, ମାତର୍ ନାନ୍ ମୁସ୍‌କୁରାନ୍ ଖାତାମାନା; ମିର୍ ଇୟା ଦୁନିଆଦାନ୍ ଖାତିମାନିଦେର୍, ନାନ୍ ଇୟା ଦୁନିଆଦାନ୍ ରେଏ ।

୨୪ ଆରିଙ୍ଗ୍ ମିର୍ ଜେ ନିଜେ ନିଜେଦି ପାପ୍‌ତାନ୍ ସାନିଦେର୍, ନାନ୍ ମିଙ୍ଗ୍ ଇକା ଖେର୍‌ତା; ଇରିଙ୍ଗ୍ ନାନ୍ ଜେ ନିଜେ ଆୟା ଲୋକୁ, ଇକା ମିର୍ ବିସ୍‌ବାସ୍ କିଇତିଙ୍ଗ୍ ନିଜେ ନିଜେଦି ପାପ୍‌ତାନ୍ ସାନିଦେର୍ ।”

୨୫ ଆବେଟ୍ ଖାର୍ ଖାନିଙ୍ଗ୍ ଖେନ୍ବାତାର୍, “ନିନ୍ ଏନ୍ ?” ଜିସୁ ଖାରିଙ୍ଗ୍ ଇର୍ହାନ, “ଆୟା ମାଟା ନାନ୍ ଆଗ୍‌ଡିରାନ୍ ଇଜି ଖାଜିନା ।

୨୬ ମି ବିସୟ୍‌ତାନ୍ ମାଟା ଇନ୍‌ଡେଙ୍ଗ୍ ମାରି ବିସାର୍ କିଦେଙ୍ଗ୍ ନାଙ୍ଗ୍ ଗାଦି ବିସୟ୍‌କୁ ମାନେ; ଆମାକାଆପିଡ଼; ନା ପୋକ୍‌ତାତିମାନିକାନ୍ ସଡ଼, ମାରି ନାନ୍ ଖାନିମାଣ୍‌କୁ ଆମା ଆମାକା ଖେର୍‌ଆମାନା, ଆୟାଞ୍ଜିକୁ ଦୁନିଆଦିଙ୍ଗ୍ ଖେର୍‌ସିନା ।”

୨୭ ଜିସୁ ଖାନି ବୁବାଦି ବିସୟ୍‌ତାନ୍ ଖାରିଙ୍ଗ୍ ଖେର୍‌ସି ମାର୍ହାନ, ଇକା ଖାର୍ ବୁଜାଏତାର୍ ।

୨୮ ମାରି, ଜିସୁ ଇର୍ହାନ, “ଏସ୍ତ୍ରାଲେ ମିର୍ ମନ୍ତୁସ୍ୟପୁତ୍ରଞ୍ ମୁସକୁ ପେର୍ନିଦେର୍, ନାସ୍ତ୍ରାଲେ ନାନ୍ ଜେ ନିଜେ ଆୟା ଲୋକୁ; ମାରି ନାନ୍ ନିଜେଦି ଅଦିକାରତାନ୍ ଇନିକା କିଏ ମାତର୍ ଆମାକା ନା ବୁବା ନାଞ୍ ଏଣ୍ଡେସ୍ ସିକିୟା ସିତାନ୍, ଆୟାଞ୍ଜା ଇୟାଞ୍ଜୁ ମାଟା ଜେ ଝେର୍ସିନା, ଇକା ମିର୍ ବୁଜାନିଦେର୍ ।

୨୯ ନା ପୋକ୍ତାତିମାନିକାନ୍ ନା ଖାଲେ ମାନାନ୍; ଖାନ୍ ନାଞ୍ ଅରେନ୍‌ଖାନିଞ୍ ଡିସ୍‌ଏନ୍, ଇରିଞ୍ ନାନ୍ ଝିକୁଞ୍ଜାଲେ ଆମାକା ଖାନି ଝେଡିକାଦି ପାଣି କିନା ।”

୩୦ ଜିସୁଦି ଇୟା ମାଟା ଝେନ୍‌ଞ୍ଜି ନାଣ୍ଟ ଲୋକୁ ଖାନିଞ୍ ବିସ୍‌ବାସ୍ କିତାର୍ ।

ସତ୍ ମିଙ୍ଗ୍ ମୁକୁଡ଼ା କିନାଡ଼

୩୧ ମାରି, ଜିସୁ ଖାନିଞ୍ ବିସ୍‌ବାସ୍ କିତିମାନି ଜିହୁଦିରିଞ୍ ଇର୍ହାନ, “ଜଡି ମିର୍ ନା ସିକିୟାଦୁ ମାନାନିଦେର୍ କିନିଦେର୍, ଆରିଞ୍ ମିର୍ ସତ୍‌ତାନ୍ ନା ସିସୁର୍,

୩୨ ମାରି ମିର୍ ସତ୍ ନେସ୍‌ନିଦେର୍ ମାରି ଆୟା ସତ୍ ମିଙ୍ଗ୍ ଡିସିସ୍ କିନାଡ଼ ।”

୩୩ ☆ ଖାନ୍ ଜିସୁଞ୍ ଇର୍ହାର୍, “ମାପ୍ ଅବ୍ରାହାମତି କୁଟୁମ୍, ମାରି ଏସାଞ୍ ବା ଏମୋଞ୍ଜାନି କଟିସାକର୍ ଆଏପ୍, ଆରିଞ୍ ମିର୍ ଡିସାଈ ଆନିଦେର୍ ଇଜି ଏଣ୍ଡେସ୍ ଇଜିନିଦେର୍ ? ତେନି ଅର୍ତ୍ତ ଇନିକା ?”

୩୪ ଜିସୁ ଖାରିଞ୍ ଇର୍ହାନ, “ସତ୍ ସତ୍ ନାନ୍ ମିଙ୍ଗ୍ ଇଜିନା, ଏନ୍ ପାପ୍ କିନାନ୍, ଖାନ୍ ପାପ୍‌ତି ସାକର୍ ।

୩୫ ସାକର୍ ଝିଜୁଦିନ୍ ଉଣ୍ଡିଞ୍ ଇଲୁଦି ଅରେନ୍ ଆଜି ତେବାଏନ୍, ମାତର୍ ଇଲୁଦି ମାରିନ୍ ଝିଜୁଦିନ୍ ତେବାନାନ୍ ।

୩୬ ମାରିନ୍ ଜଡି ମିଙ୍ଗ୍ ଡିସିସ୍ କିନାନ୍, ଆଡିଞ୍ ମିର୍ ସତ୍‌ତାନ୍ ଡିସାଈ ଆନିଦେର୍ ।

୩୭ ମିର୍ ଜେ ଅବ୍ରାହାମତି କୁଟୁମ୍, ଆକା ନାନ୍ ନେସ୍‌ନା; ମାତର୍ ନା ସିକିୟା ମି ଜିବନ୍‌ଡୁ ବାଡି ମାନାଏଦେର୍‌ଆକା ମିର୍ ନାଞ୍ ଡାକ୍‌ତେଞ୍ ବଦା କିଜିନିଦେର୍ ।

୩୮ ନା ବୁବାମାନୁ ଆମା ଆମାକା ନାନ୍ ସୁତତୁମାନା, ଆୟାଞ୍ଜିକୁ ନାନ୍
ଝେରନା; ମାତର୍ ମି ବୁବା ଇନି ଇସାବତାନ ପାଣି କିଜିନିଦେର୍ ।”

୩୯ ଜିହୁଦିର୍ ଜିହୁକୁଁ ଇର୍ହାନ୍, “ଅବ୍ରାହାମ ମା ବୁବା ।” ଜିହୁ ଖାରିଙ୍ଗ୍
ଇର୍ହାନ୍, “ଜଦି ମିର୍ ଅବ୍ରାହାମତି ମାରିସିର୍ ଆତିଦେର୍ମାନ୍, ଆରିଙ୍ଗ୍
ଅବ୍ରାହାମ କିତିମାନି ପାଣି କିତିଦେର୍ମାନ୍;

୪୦ ମାପୁରୁମାଣକୁ ଝେରଇମାନି ସତ୍ ଡିସ୍ତିଙ୍ଗ୍ ମିଙ୍ଗ୍ ମାରି
ଇନିକା ଇନ୍ଏ, ଆରିଙ୍ଗ୍ବା ମିର୍ ନାଙ୍ଗ୍ ତାକ୍ତେଙ୍ଗ୍ ବଦା
କିଜିନିଦେର୍; ଅବ୍ରାହାମ ଇୟାଞ୍ଜା ପାଣି କିଏନ୍ ମାର୍ହାନ୍ ।

୪୧ ମିର୍ ମି ବୁବାଦି ପାଣିଞ୍ଜିକୁ କିଜିନିଦେର୍ । ଖାର ଖାନିଙ୍ଗ୍ ଇର୍ହାନ୍,
ମାପ୍ ଦାରିପାଣିଦାନ୍ ଜନମ୍ ଆଏପ୍, କେବଲ୍ ମାପୁରୁ ଅରେନ୍ନେ ମା
ବୁବା ।”

୪୨ ଜିହୁ ଖାରିଙ୍ଗ୍ ଇର୍ହାନ୍, “ମାପୁରୁ ଜଦି ମି ବୁବା ଆତାନ୍ମାନ୍,
ଆରିଙ୍ଗ୍ ମିର୍ ନାଙ୍ଗ୍ ଜିବନ୍ ନତିଦେର୍ମାନ୍; ଇରିଙ୍ଗ୍ ନାନ୍ ମାପୁରୁ
ମାଣକୁ ଖାଜି ଇଲେଇ ଇବେ ମାନା; ନାନ୍ ନିଜେଦି ଅଦିକାର୍ତାନ୍
ରେଏ, ମାତର୍ ଖାନ୍ ନାଙ୍ଗ୍ ପକ୍ତାନ୍ ।

୪୩ ନାନ୍ ଆମାକା ଇଜିନା, ମିର୍ ଏନ୍ଦା ନା ମାତା ବୁଜାଏଜିନିଦେର୍ ?
ଇରିଙ୍ଗ୍ ମିର୍ ତୋ ନା ବାକ୍ୟ ଝେନ୍ଜି ମାନାଦେଙ୍ଗ୍ ଆଟ୍‌ଇଜିନିଦେର୍
।

୪୪ ମିର୍ ମି ବୁବା ସୟତାନ୍ ମାଣକୁ ଜନମ୍ ଆତିମାନିଦେର୍, ମାରି
ମି ବୁବାଦି ପାଣି କିଦେଙ୍ଗ୍ ମି ବଦା । ଖାଦ୍ ଆଗ୍ତିରାନ୍ ଲୋକାଙ୍ଗ୍
କାଡ୍‌ନିକାଡ୍, ମାରି ଖାଦ୍ ସତ୍‌ତୁ ତେବାଏଡ୍, ଇରିଙ୍ଗ୍ ତାନେମାନୁ ସତ୍
ସିଲେଡ୍ । ଏସ୍ତିଖାଲେ ଖାଦ୍ ମିସ୍ ଇନାଡ୍, ନାସ୍ତିଖାଲେ ଖାଦ୍ ନିଜେଦି
ମାଣାନ୍ ଇନାଡ୍; ଇରିଙ୍ଗ୍ ଖାଦ୍ ନିଜେ ମିସ୍‌ଇନିକାଡ୍ ନି ମିସ୍ ଝେରନି
ଲୋକା ବୁବା ।

୪୫ ମାତର୍ ନାନ୍ ସତ୍ ଇର୍ହାମାନାଆକା ମିର୍ ନାଙ୍ଗ୍ ବିସ୍‌ବାସ୍
କିଜିନିଦେର୍ ।

୪୬ ନାବାନ୍ ପାପ୍ ମାନାଡ୍ ଇଜି ମି ବାଣାନ୍ ଏନ୍ ପାର୍‌ମାନ୍ ସିଜିନାନ୍
? ନାନ୍ ଏସ୍ତିଖାଲେ ସତ୍ ଇନା, ଆରିଙ୍ଗ୍ ମିର୍ ଏନ୍ଦା ବିସ୍‌ବାସ୍
କିଜିନିଦେର୍ ?

୪୭ ଏନ୍ ମାପୁରୁ ମାଣାନ୍ ଜନମ୍ ଆତାମାନାନ୍, ଖାନ୍ ମାପୁରୁଦି

ବାକ୍ୟ ଖେନାନ; ଇୟାଉଣ୍ଡିଙ୍କ ମିର ନା ବାକ୍ୟ ଖେନଇଦେର, ଇରିଙ୍ଗ ମିର ମାପୁରୁଦି ମାଣାନ ଜନମ ଆଇଦେର ।”

ଜିସୁ ନି ଅବ୍ରାହାମ

୪୮ ଜିହୁଦି ନେତାର ଜିସୁଙ୍କୁ ଖେନବାତାର, “ନିନ୍ ଜେ ଅରେନ୍ ସମିରୋଣିୟ ମାରି ନିଙ୍ଗ ଜେ ଦୁବା ଆସ୍ତାମାନାଡ, ଇକା ଇନିକା ମାପ ଟିକ୍ ଇନ୍‌ଏପ୍ ମାର୍ହାପ୍ ?”

୪୯ ଜିସୁ ଇର୍ହାନ, “ନାଙ୍ଗ ଦୁବା ଆସ୍‌ଏଡ, ନାନ୍ ନା ବୁବେଙ୍ଗ ମାନାଜିନା, ମାତର ମିର ନାଙ୍ଗ ମାନାଈଜିନିଦେର ।

୫୦ ମାତର ନାନ୍ ନିଜେଦି ଗୌରବ୍ ପୟ୍‌ଏ; ଏନ୍ ପଇନାନ୍ ମାରି ବିସାର୍ କିନାନ୍, ଇୟାଞ୍ଜା ଅରେନ୍ ମାନାନ୍ ।

୫୧ ସଡ୍ ସଡ୍ ନାନ୍ ମିଙ୍ଗ ଇଜିନା, ଜଦି ଏନ୍ ନା ସିକିୟା ମାନାନାନ୍, ଆତିଙ୍ଗ ଖାନ୍ ଏସାଙ୍ଗ୍ ବା ସାଏନ୍ ।”

୫୨ ଜିହୁଦିର ଜିସୁଙ୍କୁ ଇର୍ହାର, “ଇଲେଇ ମାପ୍ ନେସ୍‌ତାପ୍ ଜେ ସତେନେ ନିଙ୍ଗ ଦୁବା ଆସ୍‌ତାମାନାଡ, ଅବ୍ରାହାମ ମାରି ବାବବାଦିର ସାତା ମାନାର, ମାରି ନିନ୍ ଇଜିନି, ଜଦି ଏନ୍ ନା ସିକିୟା ମାନାନାନ୍, ଆତିଙ୍ଗ ଖାନ୍ ଏସାଙ୍ଗ୍ ବା ସାଏନ୍ ।

୫୩ ନିନ୍ ଇନିକା ମା ବୁବା ଅବ୍ରାହାମତି ମାଣାନ ପେରିକିୟା ? ଅବ୍ରାହାମ ତୋ ସାତା ମାନାନ୍, ବାବବାଦିର ବା ସାତାମାନାର; ନିନ୍ ନିଜେଦିଙ୍ଗ୍ ଏନ୍ ଇଜି ଅଡ୍‌ବିଜିନି ?”

୫୪ ଜିସୁ ଇର୍ହାନ, “ନାନ୍ ଜଦି ନିଜେଦି ଦନ୍‌ଏବାଦ୍ କିଦେଙ୍ଗ୍ ବଦା କିତାମାହି, ଆରିଙ୍ଗ୍ ତେନି ଦାରା ତେବାଏତାଡ୍‌ମାହି; ଏନ୍ ନାଙ୍ଗ ଗୌରବ୍ କିନାନ୍, ଖାନ୍ ନା ବୁବା ଏମେଞ୍ଜାନିଙ୍ଗ୍ ମିର ମି ମାପୁରୁ ଇଜି ଇଜିନିଦେର ।

୫୫ ମାରି, ମିର ଖାନିଙ୍ଗ୍ ନେସ୍‌ଇଦେର, ମାତର ନାନ୍ ଖାନିଙ୍ଗ୍ ନେସ୍‌ନା । ମାରି, ନାନ୍ ଖାନିଙ୍ଗ୍ ନେସ୍‌ଏ ଇଜି ଜଦି ଇନା, ଆତିଙ୍ଗ୍ ନାନ୍ ବା ମି ଖାଜା ମିସ୍‌ବାଦି ଆନା, ମାତର ନାନ୍ ନେସ୍‌ନା ମାରି ଖାନି ବାକ୍ୟ ମାନାନା ।

୫୬ ମି ବୁବା ଅବ୍ରାହାମ ନା ଦିନ୍ ସୁଡ୍‌ନି ଆସାଦାନ୍ ଖେଡ୍‌କା କିନାନ୍, ମାରି ଖାନ୍ ଆକା ସୁଡ୍‌କ୍ରି ଖେଡ୍‌କା କିତାନ୍ ।”

୫୭ ଆବେଟ୍ ଜିହ୍ୱଦିର୍ ଜିସୁଙ୍କୁ ଇର୍ହାର୍, “ନିର୍ଜା ତୋ ଇୟାସାନ୍ତି ପସାସ୍ ବାରସେକ୍ ଆଏଦେ, ନିନ୍ ଇନିକା ଅବ୍ରାହାମ୍‌ତିଙ୍କ୍ ସୁଡ଼ୁମାନି ?”

୫୮ ଜିସୁ ଖାରିଙ୍କ୍ ଇର୍ହାନ, “ସଡ଼ ସଡ଼ ନାନ୍ ମିର୍ଜା ଇଜିନା, ଅବ୍ରାହାମ୍ ଜନମ୍ ଆନି ଆଗ୍‌ତିରାନ୍ ନାନ୍ ମାନା ।”

୫୯ ଆବେଟ୍ ଖାର୍ ଜିସୁଙ୍କୁ ଡାକ୍‌ଡେଙ୍କ୍ ଇଜି କାଲ୍‌କୁ ପେର୍‌ଡାର୍, ମାତର୍ ଜିସୁ ମାର୍‌ଗିଜି ମନ୍ଦିର୍‌ତାନ୍ ସତାସର୍ହାନ୍ ।



ଜିସୁ ଜନମ୍‌ତାନ୍ କାଣାଆତିଖାନିଙ୍କ୍ ନେଗେଶ୍ଟୁ କିତାନ୍

୧ ଜିସୁ ସନିଖାଲେ ଅରେନ୍ କାଣା ଆଜି ଜନମ୍‌ଆତି ଖାନିଙ୍କ୍ ସୁଡ଼ୁତାନ୍ ।

୨ ମାରି, ଖାନି ସିସୁର୍ ଖାନିଙ୍କ୍ ଝେନ୍‌ବାତାର୍, “ଏ ଗୁରୁ, ଏନ୍ ପାପ୍ କିତାମାନାନ୍‌ଆକା ଇକାନ୍ କାଣା ଆଜି ଜନମ୍‌ ଆତାନ୍ ? ନିଜେ ନୋ ଝେନି ଆଇସି ବୁବାସିର୍ ?”

୩ ଜିସୁ ଇର୍ହାନ, “ଇକାନ୍ କି ଝେନି ଆଇସି ବୁବାସି ପାପ୍ କିଏତାର୍, ମାତର୍ ମାପୁରୁଦି ସାକ୍ତି ଏଣ୍ଡେସ୍ ଝେନିମାନ୍ ତରାଇ ଆନାଡ଼, ଇୟାଉଣ୍ଡିଙ୍କ୍ ଖାନ୍ କାଣା ଆଜି ଜନମ୍‌ ଆତାନ୍, ଇୟାଉଣ୍ଡିଙ୍କ୍ ଇକା ଗଟାତାଡ଼ ।

୪ ଦିନ୍ ମାନାପ୍ ମାନାପ୍ ନା ପକ୍‌ତିମାନି ପାଣି କିନିକା ମା ନେଗେଟ୍; ଇୟାଖାଜା ନାଡ଼ା ଖାଜିନାଡ଼, ଆୟା ସାନ୍ ନାନ୍ ଦୁନିଆଦି ଏମେ ସମୟତୁ ଏନ୍ ପାଣି କିଦେଙ୍କ୍ ଆଟ୍‌ଏନ୍ ।

୫ ନାନ୍ ଦୁନିଆଦୁ ଆମା ସାନ୍ ମାନା, ନାନ୍ ଦୁନିଆଦି ଜାୟ ।”

୬ ଇକା ଇର୍‌ଇ ଝେନ୍‌କା ଜିସୁ ସିକ୍‌ଲାଦୁ ପୁସ୍‌ସି ଆୟା ପୁସ୍‌କାଣାଙ୍କ୍‌ତାନ୍ ଲାଦି କିତାନ୍, ମାରି ଖାନି କାଣ୍‌କାଙ୍କ୍ ଲାଦି ଉସ୍‌ସି ଖାନିଙ୍କ୍ ଇର୍ହାନ୍,

୭ “ସାଙ୍ଗ୍‌ଆ, ସେରୁଦୁ ମକମ୍ ଉର୍‌ପାଜ ରାଆ ।” ସିଲୋହଦି ଅର୍ତ୍ତ ସାଙ୍ଗ୍‌ଆ । ଆବେଟ୍ ଖାନ୍ ସଲ୍‌ସି ମକମ୍ ଉର୍‌ପାଜି ଡେସିଖାନି ଖାଲେ କାଣ୍‌କୁ ସୁଡ଼ୁ ସାକ୍ତି ପଇତାନ୍ ।

☆ ୯:୫ ମାତିଉ ୫:୧୪; ଜୋହନ ୮:୧୨.

୮ ଆବେଟ୍ ଖାନି ପାଡ଼କାତିକେଙ୍ଗ, ମାରି ଏମେକାର୍ ଖାନିଙ୍ଗ ଆଗ୍ତି ଅରେନ୍ ବିକାରି ଇଜି ସୁଡ଼ତୁମାହ୍ନାର୍, ଖାର ଝେନ୍‌ବାତାର୍, “ଏନ୍ ବାସ୍‌ସି ଭିକିୟା ଲସ୍‌ସି ମାହ୍ନାର୍, ଇକାନ୍ ଇନିକା ଆକାନ୍ ଆଏନ୍ ?”

୯ ଏନ୍ ଏନ୍ ଇହ୍ନାର୍, “ଇକାନ୍ ଖାନ୍,” ମାରି ଏନ୍ ଏନ୍ ଇହ୍ନାର୍, “ସିଲେ; ଇକାନ୍ ଖାନି ନାନିକାନ୍ ।”

ମାତର୍ ଖାନ୍ ଇହ୍ନାର୍, “ନାନ୍ ଆୟା ଲୋକୁ ।”

୧୦ ଆବେଟ୍ ଖାର ଖାନିଙ୍ଗ ଇହ୍ନାର୍, “ଆରିଙ୍ଗ ନି କାଣ୍ଡୁ ଏଣ୍ଡେସ୍ ନେଗେନ୍ ଆତେ ?”

୧୧ ଖାନ୍ ଇହ୍ନାର୍, “ଆମାଖାନିଙ୍ଗ ଜିସୁ ଇଜି ଇନାର୍, ଆୟାକାନ୍ ଲାଦି କିଜିନା କାଣ୍ଡାଙ୍ଗ ଉସ୍‌ତାନ୍, ମାରି ନାଙ୍ଗ ଇହ୍ନାର୍, ସିଲୋହତୁ ସଲ୍‌ସି ମକମ୍ ଉର୍‌ପାଆ; ଆବେଟ୍ ନାନ୍ ସହସି ସଲ୍‌ସି ଉର୍‌ପାତା ମାରି କାଣ୍ଡୁ ସୁଡ଼ତୁଦେଙ୍ଗ ଆଟ୍‌ତା ।”

୧୨ ଖାର ଖାନିଙ୍ଗ ଝେନ୍‌ବାତାର୍, “ଖାନ୍ ଏମେ ?”

ଖାନ୍ ଇହ୍ନାର୍, “ନାନ୍ ନେସେଏ ?”

ପାରୁସିର୍ ଇୟା ପାଣିଦି ବିସୟତାନ୍ ପୟ୍‌ଦେଙ୍ଗ ଆସ୍‌ତାର୍

୧୩ ଏନ୍ ଜନମ୍‌ତାନ୍ କାଣା ମାହ୍ନାର୍, ଖାର ଆୟା ଲୋକ୍‌ତିଙ୍ଗ ପାରୁସିର୍ ଲାକ୍‌ତୁ ତାତାର୍ ।

୧୪ ଜିସୁ ଆମା ନାଣ୍ଡିଙ୍ଗ ଲାଦି କିଜି ଖାନି କାଣ୍ଡା ନେଗେଣ୍ଡ କିତାମାହ୍ନାର୍, ଆୟାଦିନ୍ ରମ୍‌ନିଦିନ୍ ମାହ୍ନାର୍ ।

୧୫ ଆବେଟ୍ ଖାନ୍ ଏଣ୍ଡେସ୍ କାଣ୍ଡୁ ସୁଡ଼ତୁନ୍, ଇକା ପାରୁସିର୍ ଖାନିଙ୍ଗ ମାରିଉଣ୍ଡିଦେବା ଝେନ୍‌ବାଦେଙ୍ଗ ଆସ୍‌ତାର୍ । ଆବେଟ୍ ଖାନ୍ ଖାରିଙ୍ଗ ଇହ୍ନାର୍, “ଖାନ୍ ନା କାଣ୍ଡାତୁ ଲାଦି ଉସ୍‌ତାସିତାନ୍, ନାନ୍ ସହ୍‌ନୋ ମକମ୍ ଉର୍‌ପାତା ମାରି ଇଲେଇ ସୁଡ଼ତୁଦେଙ୍ଗ ଆଟ୍‌ସିନା ।”

୧୬ ମାରି ପାରୁସିର୍ ଲୋଇ ଏନ୍ ଏନ୍ ଇହ୍ନାର୍, “ଆୟା ଲୋକ୍ ମାପୁରୁ ମାଣାନ୍ ରେଏନ୍, ଇରିଙ୍ଗ ଖାନ୍ ରମ୍‌ନିଦିନ୍ ମାନାଏଜିନାନ୍ ।”

ମାରି, ଏନ୍ ଏନ୍ ଇହ୍ନାର୍, “ପାପି ଲୋକୁ ଏଣ୍ଡେସ୍ ଇୟାଖାଜା କାବାଆନି ପାଣିଞ୍ଜୁ କିଦେଙ୍ଗ ଆଟ୍‌ନାନ୍ ?” ଇୟାଖାଜା ଖାରି ଲୋଇ ଜାଟି ନିଙ୍ଗ୍‌ତାତ୍ ।

୧୭ ମାରି ପାରୁଥିବ ମାରିଉଣ୍ଡି ଦେବା ଆୟା କାଣା ଲୋକତିଙ୍କୁ ଝେନ୍‌ବାତାର, “ଝାନ୍ ଜେ ନିଙ୍ଗୁ କାଣୁକୁ ସୁଡ଼ିସ୍ କିତାନ୍, ଆବେନ୍‌ ନିନ୍‌ ଝାନି ବିସୟତାନ୍ ଇନିକା ଇଜିନି ?”

ଝାନ୍ ଇର୍ହାନ୍, “ଝାନ୍ ଅରେନ୍‌ ବାବବାଦି ।”

୧୮ ଝାନ୍ ଜେ ଜନମ୍‌ତାନ୍ କାଣା ମାର୍ହାନ୍ ମାରି ସୁଡ଼ତୁମାନାନ୍, ଆୟା କାଣୁକୁ ସୁଡ଼ଦେଙ୍ଗୁ ଆର୍‌ତ ଲୋକତି ବୁବାସି ଆଇସିଙ୍ଗୁ କୁକ୍‌ସି ଝେନ୍‌ବାଇ ସାଦି ଜିହୁଦି ନେତାର ଝାନି ବିସୟତାନ୍ ଇକା ବିସବାସ୍ କିଏତାର ।

୧୯ ଝାର ଝାନି ବୁବାସି ଆଇସିଙ୍ଗୁ ଝେନ୍‌ବାତାର, ମି ଏମେ କଡ଼ କାଣା ଆଜି ଜନମ୍‌ ଆତାମାନାନ୍ ଇଜି ଇଜିମାରିଇଦେର୍, “ଇକାନ୍‌ ଇନିକା ମି ଆୟା କଡ଼ ? ଆରିଙ୍ଗୁ ଝାନ୍ ଏଣ୍ଡେସ୍ ଇଲେଇ ସୁଡ଼ଦେଙ୍ଗୁ ଆର୍‌ସିନାନ୍ ?”

୨୦ ଆବେର୍ ଝାନି ବୁବାସି ଆଇସି ଇର୍ହାର, “ଇକାନ୍‌ ଜେ ମା କଡ଼ ମାରି ଇକାନ୍‌ ଜେ କାଣା ଆଜି ଜନମ୍‌ ଆତାମାର୍ହାନ୍, ହୁଁ, ଇକା ମାପ୍‌ ନେସ୍‌ନାପ୍‌;

୨୧ ମାତର୍ ଝାନ୍ ଏଣ୍ଡେସ୍ ଇଲେଇ ସୁଡ଼ଜିନାନ୍, ଆକା ନେସ୍‌ଏପ୍‌, ମାରି ଏନ୍‌ ଝାନି କାଣୁକୁ ସୁଡ଼ିସ୍‌କିତାନ୍, ଆକାବା ମାପ୍‌ ନେସ୍‌ଏପ୍‌; ଝାନିଙ୍ଗୁ ଝେନ୍‌ବାଦୁ, ଝାନ୍ ତୋ ପିରିତାମାନାନ୍, ଝାନ୍ ଝାନି ମାଟା ନିଜେ ଇନାନ୍ ।”

୨୨ ଝାନି ବୁବାସି ଆଇସି ଜିହୁଦି ନେତାରିଙ୍ଗୁ ତିଲାଜିମାର୍ହାର୍‌ଆକା ଇୟାଞ୍ଜିନ୍‌ ମାଟା ଇର୍ହାର, ଇରିଙ୍ଗୁ ଜଦି ଏନ୍‌ ଝାନିଙ୍ଗୁ ମସିହ ଇଜି ମାନାନ୍‌, ଆରିଙ୍ଗୁ ଝାନ୍ ପାର୍‌ତନା ଇଲ୍‌ତାନ୍ ସପାନାନ୍ ଇଜି ତାନି ଆଗଡ଼ି ଜିହୁଦିର୍ ଉଣ୍ଡେ ମାଟା ଆତାମାର୍ହାର ।

୨୩ ଆୟାଉଣ୍ଡିଙ୍ଗୁ ଝାନି ବୁବାସି ଆଇସି ଇର୍ହାର, “ଝାନ୍ ପିରିତାମାନାନ୍, ଝାନିଙ୍ଗୁ ଝେନ୍‌ବାଦୁ ।”

୨୪ ଆବେର୍ ଜନମ୍‌ତାନ୍ କାଣା ମାରିଇ ଲୋକତିଙ୍ଗୁ ଝାର ମାରିଅର୍‌ସୁ କୁକ୍‌ସି ଝେନ୍‌ବାତାର, “ମାପୁରୁଙ୍ଗୁ ଗୌରବ୍ ସିଆ, ଝାନ୍ ଜେ ପାପି, ଇକା ମାପ୍‌ ନେସ୍‌ନାପ୍‌ ।”

୨୫ ଆବେର୍ ଖାନ ଇର୍ହାନ, “ଖାନ ପାପି ନୋ ସିଲେ, ନାନ ଆକା ନେସେଏ; ମାତର୍ ନାନ ଉଣ୍ଡି ବିସୟ ନେସନା, ନାନ କାଣାମାର୍ହା, ଇଲେଇ ସୁଡ଼ବୁଦଙ୍ଗ ଆର୍ସିନା ।”

୨୬ ଆବେର୍ ଖାର ଖାନିଙ୍ଗ ଇର୍ହାର, “ଖାନ ନିଙ୍ଗ ଇନିକା କିତାନ ? ଖାନ ଏଣ୍ଡେସ୍ କିଜିନି କାଣୁକୁ ସୁଡ଼ିସ୍ କିତାନ ?”

୨୭ ଖାନ ଖାରିଙ୍ଗ ଇର୍ହାନ, ନାନ ଇର୍ହାଞ୍ଜିସ୍ତାନି, “ମାରି ମିର୍ ଝେନ୍‌ଇତିଦେର୍; ଏନ୍‌ ମାରି ଉଣ୍ଡି ଦେବା ଝେନ୍‌ତ୍ରେଙ୍ଗ୍ ବଦା କିଜିନିଦେର୍ ? ମିର୍ ବା ଇନିକା ଖାନି ସିସୁର୍ ଆଦେଙ୍ଗ୍ ବଦା କିଜିନିଦେର୍ ?”

୨୮ ଆବେର୍ ଖାର ଖାନିଙ୍ଗ ଆନାଦୁରିୟା ଇଡ଼ଜି ଇର୍ହାର, “ନିନ୍ ଖାନି ସିସୁ ମାତର୍ ମାପ୍ ମୋସାଦି ସିସୁର୍ ।

୨୯ ମାପ୍ ନେସନାପ୍ ଜେ, ମାପୁରୁ ମୋସାଦିଙ୍ଗ୍ ମାଟା ଇର୍ହାମାନାନ, ମାତର୍ ଇୟା ଲୋକୁ ଏମେଣ୍‌କୁ ଖାତାମାନାନ, ଆକାବା ମାପ୍ ନେସ୍‌ଏପ୍ ।”

୩୦ ଆୟା ଲୋକୁ ଖାରିଙ୍ଗ ଇର୍ହାନ, “ଖାନ କାଣୁକୁ ସୁଡ଼ିସ୍‌କିତାନ, ମାରି ଖାନ ଏମେଣ୍‌କୁ ଖାତାମାନାନ, ଆକା ମିର୍ ନେସ୍‌ଇଦେର୍, ଇକା ତୋ କାବା ମାଟା ।

୩୧ ମାପୁରୁ ଜେ, ପାପି ଲୋକା ମାଟା ଝେନ୍‌ଏନ୍, ଇକା ମାପ୍ ନେସ୍‌ନାପ୍, ମାତର୍ ଜଦି ଏନ୍ ମାପୁରୁଙ୍ଗ୍ ମାନାଜି ଖାନି ବଦାଦିଙ୍ଗ୍ ମାନାନାନ, ଆରିଙ୍ଗ୍ ଖାନ ଖାନି ମାଟା ଝେନାନ ।

୩୨ ଦୁନିଆ ତିଆର୍ ଆତି ପୁର୍ବେରାନ ଏନ୍ ଜନମ୍‌ତାନ କାଣାଆତି‌ଖାନିଙ୍ଗ୍ କାଣୁକୁ ସୁଡ଼ିନି ସାକ୍ତି ସିନି ମାଟା ଏସାଙ୍ଗ୍ ବା ଝେନ୍‌ଇ ମାରିଇକା ।

୩୩ ଇୟା ଲୋକୁ ମାପୁରୁ ମାଣାନ ରେଇତିମାରିଙ୍ଗ୍ ଏସାଙ୍ଗ୍ ଇୟା ପାଣି କିଦେଙ୍ଗ୍ ଆର୍‌ଏତାନମାନ୍ତି ।”

୩୪ ଖାର ଖାନିଙ୍ଗ ଇର୍ହାର, “ନିନ୍‌ତୋ ପୁରା ପାପୁରୁ ଜନମ୍ ଆଜି ପାପୁରୁ ପିରିତିମାନି, ମାରି ନିନ୍ ମାଙ୍ଗ୍ ସିକିୟା ସିଜିନି ?” ଆବେର୍ ଖାର ଖାନିଙ୍ଗ ପାର୍ତନା ଇଲ୍‌ତାନ ସପ୍‌ତାର ।

ଆମ୍‌ଦୁ କାଣା

୩୫ ଜିହ୍ୱାଦି ନେତାର ଜେ ଖାନିଙ୍ଗ ପାର୍ତନା ଇଲ୍ତାନ ସପ୍ତାମାନାର, ଜିସୁ ଇକା ଝେନ୍‌ଞ୍ଜି ଖାନିଙ୍ଗ ପଇଜି ଇର୍ହାନ, “ନିନ୍ ଇନିକା ମନ୍ତୁସ୍ୟପୁତ୍ରମାନୁ ବିସ୍ବାସ କିଜିନି ?”

୩୬ ଖାନ ଇର୍ହାନ, “ଏ ଆଜ୍ଞା, ଖାନ ଏନ୍ ଇନ୍‌ଆଁ, ଏଣ୍ଡେସ୍ ନାନ ଖାନିମାନୁ ବିସ୍ବାସ କିନା ?”

୩୭ ଜିସୁ ଖାନିଙ୍ଗ ଇର୍ହାନ, “ନିନ୍ ଏମେଖାନିଙ୍ଗ ସୁଡ଼ୁଡ଼ିମାନି, ମାରି ଏନ୍ ନି ଖାଲେ ମାଟା ଇଜିନାନ, ଖାନ ଆକାନ ।”

୩୮ ଆବେର୍ ଖାନ ଇର୍ହାନ, “ପ୍ରବୁ, ନାନ ବିସ୍ବାସ କିଜିନା,” ମାରି, ଖାନ ଜିସୁଙ୍କୁ ମେଣ୍ଡେଙ୍ଗ ଗଟକିଜି ମାଡ଼ିସ୍ କିତାନ ।

୩୯ ମାରି ଜିସୁ ଇର୍ହାନ, “ସୁଡ଼ୁ ଲୋକୁ ଏଣ୍ଡେସ୍ ସୁଣାର ମାରି ସୁଡ଼ୁଡ଼ିମାନି ଲୋକୁ ଏଣ୍ଡେସ୍ କାଣା ଆନାର, ଇୟା ଲୋକା ବିସାର ଉଣ୍ଡିଙ୍ଗ ନାନ ଦୁନିଆଦୁ ଖାତାମାନା ।”

୪୦ ପାରୁସିର୍ ମାଣାନ ଏମେକାର ଖାନି ଖାଲେ ମାର୍ହାର, ଖାର ଇକା ଝେନ୍‌ଞ୍ଜି ଖାନିଙ୍ଗ ଇର୍ହାର, “ମାପ୍ ବା ଇନିକା କାଣାର ?”

୪୧ ଜିସୁ ପାରୁସିରିଙ୍ଗ ଇର୍ହାନ, “ଜଦି କାଣା ଆତିମାରିଙ୍ଗ ମିର୍ ଦସ୍ ଆଇତିଦେର୍ମାଦି । ମାତର୍ ସୁଡ଼ୁଦେଙ୍ଗ ଆଟ୍‌ସିନାପ୍ ଇଜି ଇର୍ହାନିଙ୍ଗ ମିର୍ ନାଣ୍ଡ ଦସ୍ ।”

୧୦

ମେଣ୍ଡାଗାଉଡ଼ୁ କାତା

୧ ଜିସୁ ଇର୍ହାନ, ନାନ ସଡ଼ ସଡ଼ ମିଙ୍ଗ ଇଜିନା, ଏମେ ଲୋକୁ ସେର୍ଲା ସିଜି ମେଣ୍ଡାସାଡ଼ାଦୁ ଡ଼ଗୁଏନ୍, ମାତର୍ ଆଇସାରିଦୁ ଏକ୍‌ସି ଡ଼ଗୁନାନ, ଖାନ ଡଙ୍ଗା ନି ଡାକ୍ତୁ;

୨ ମାତର୍ ଏନ୍ ସେର୍ଲା ସିଜି ଡ଼ଗୁନାନ, ଖାନ ମେଣ୍ଡେଙ୍ଗା ମାନ୍ଦାଦି ଗାଉଡ଼ୁନ୍ ।

୩ ସେର୍ଲାଦୁ କାପକିନିକାନ ଖାନି ଉଣ୍ଡିଙ୍ଗ ସେର୍ଲା ରେନା ସିନାନ, ଖାନ ମେଣ୍ଡେଙ୍ଗ ଦର୍ ଆସ୍‌ସି କୁକ୍‌ନାନ ।

୪ ୱାନ୍ ନିଜେଦି ମେଣ୍ଟେଙ୍ଗ୍ ଝିନ୍ନୁ ସପଡି ଝେନ୍‌କା ୱାନିକା ଆଗଡି ଆଗଡି ଗାଉଡ଼୍‌ସୁନ୍ ବୁଲାନାନ୍ ମାରି ମେଣ୍ଟେଙ୍ଗ୍‌ଝିନ୍ନୁ ୱାନି ଝେନ୍‌କା ଝେନ୍‌କା ବୁଲାନେ, ଇରିଙ୍ଗ୍ ୱାକ୍ ୱାନି ବଲ୍ ନେସ୍‌ନେ;

୫ ମାତର୍ ମେଣ୍ଟେଙ୍ଗ୍ ନେସେଇ ଲୋକା ଝେନ୍‌କା ଝେନ୍‌କା ଏସ୍‌କାଙ୍ଗ୍‌ବା ବୁଲାଉ, ମାତର୍ ୱାନି ଲାକ୍‌ତୁରାନ୍ ଉରୁକ୍‌ସିସନେ, ଇରିଙ୍ଗ୍ ୱାକ୍ ନେସେଇ ଲୋକାଦି ବଲ୍ ନେସ୍‌ତେଙ୍ଗ୍ ଆର୍‌ତ ।

୬ ଜିସୁ ୱାରିଙ୍ଗ୍ ଇୟା କାତା ୱେରତାନ୍, ମାତର୍ ୱାନ୍ ୱାରିଙ୍ଗ୍ ଆମା ଆମାକା ୱେରସି ମାର୍‌ହାନ୍, ଆୟାଝିନ୍ନୁ ଇନିକା ଇଜି ୱାର ବୁଜାଦେଙ୍ଗ୍ ଆର୍‌ଏତାର ।

ନେଗି ଗାଉଡ଼୍‌ସୁନ୍ ଜିସୁ

୭ ଜିସୁ ମାରିଡେସି ୱେରତାନ୍, ସଡ୍ ସଡ୍‌ନେ ନାନ୍ ମିଙ୍ଗ୍ ଇଜିନା, ନାନ୍ ଆଜିନା ମେଣ୍ଟେଆଙ୍ଗ୍ ସେର୍‌ଲା ।

୮ ଏମେକାର୍ ଝିଜେରେ ନା ଆଗଡି ୱାତାମାନାର୍, ୱାର୍ ଝିଜେରେ ଡଙ୍ଗାଓର୍‌ଡ୍ ମାରି ଡଙ୍ଗାକିନିକାର୍, ମାତର୍ ମେଣ୍ଟେଙ୍ଗ୍ ଝିନ୍ନୁ ୱାରି ମାଟା ଝେନ୍‌ଉତେ ।

୯ ନାନ୍ ସେର୍‌ଲା, ଏନ୍ ନା ସାରି ସିଜି ଡଗୁନାନ୍, ୱାନ୍ ରକିୟା ପୟ୍‌ନାନ୍ ମାରି ଲୋଇ ୱାଜି ମାରି ଆତେରେ ସଲ୍‌ସି ସାରାଦେଙ୍ଗ୍ ଆର୍‌ନାନ୍ ।

୧୦ ଡଙ୍ଗାଓର୍‌ଏନ୍ ୱାନାନ୍ ଡଙ୍ଗାକିଦେଙ୍ଗ୍, କାଡ୍‌ତେଙ୍ଗ୍ ମାରି ଦଂସ କିଦେଙ୍ଗ୍ । ନାନ୍ ୱାତାମାନା, ମିଙ୍ଗ୍ ଜିବନ୍ ସିଦେଙ୍ଗ୍, ମିର୍ ଏଣ୍ଟେସ୍ ଜିବନ୍‌ତି ବିସୟ୍‌ତାନ୍ ଝେଡିକା ପୟ୍‌ଦେଙ୍ଗ୍ ଆର୍‌ନିଦେର୍ ।

୧୧ ନାନ୍ ନେଗେନ୍ ମେଣ୍ଟେଙ୍ଗ୍ ସାରାକିନିକିଦା; ନେଗେନ୍ ମେଣ୍ଟେଙ୍ଗ୍‌ସାରାକିନିକାନ୍ ମେଣ୍ଟେଆଙ୍ଗ୍ ଉଣ୍ଡିଙ୍ଗ୍ ନିଜେଦି ଜିବନ୍ ସିନାନ୍ ।

୧୨ ଏନ୍ ବୁଡିଅସି ମେଣ୍ଟେଙ୍ଗ୍‌ମାନ୍‌ କାପ୍‌କିନାନ୍, ୱାନ୍ ଗାଉଡ଼୍‌ସୁନ୍ ଆଏନ୍, ବା ମାନ୍‌ଦି ମାଲିକ୍ ଆଏନ୍, ୱାନ୍ ବେନ୍‌ଡ୍ର ୱାନିକା ସୁଡ଼ୁ ମେଣ୍ଟେଆଙ୍ଗ୍ ଡିସ୍‌ସି ସନାନ୍, ମାରି ବେନ୍‌ଡ୍ର ମେଣ୍ଟାଦିଙ୍ଗ୍ ଆସ୍‌ନା ଅନାଡ୍ ମାରି କାଣ୍ଡିଆ କାବାରା କିନାଡ୍ ।

୧୩ ଇରିଙ୍ଗ ଏନ୍ ବୁଡିଅସି ମେଣ୍ଟେଙ୍ଗ୍ କାପ୍‌କିନାନ୍, ଝାନ୍ ଉରକୁନାନ୍, ଇରିଙ୍ଗ୍ ଝାନ୍ ବୁଡିକିନିକାନ୍ ମାତର୍, ମେଣ୍ଟେଆଙ୍ଗ୍ ଉଣ୍ଡିଙ୍ଗ୍ ଝାନିଙ୍ଗ୍ ଏଡ୍ ସିଲେଡ୍ ।

୧୪ ☆ “ନାନ୍ ନେଗେନ୍ ମେଣ୍ଟେଙ୍ଗ୍‌ସାରାକିନିକିଦା । ବୁବା ଏଣ୍ଟେସ୍ ନାଙ୍ଗ୍ ନେସ୍‌ନାନ୍ ମାରି ନାନ୍ ବୁବେଙ୍ଗ୍ ନେସ୍‌ନା,

୧୫ ଆୟାଝାଜା ନାନ୍ ନା ନିଜେଦି ମେଣ୍ଟେଆଙ୍ଗ୍ ନେସ୍‌ନା, ମାରି ନା ନିଜେଦି ମେଣ୍ଟେଙ୍ଗ୍ ନାଙ୍ଗ୍ ନେସ୍‌ନେ, ମାରି ମେଣ୍ଟେଆଙ୍ଗ୍ ଉଣ୍ଡିଙ୍ଗ୍ ନାନ୍ ନା ଜିବନ୍ ସିଦେଙ୍ଗ୍ ରାଜିମାନା ।

୧୬ ଏମେ ମେଣ୍ଟେଙ୍ଗ୍ ଇୟା ମେଣ୍ଟେଙ୍ଗ୍‌ସାଡାଦିକେଙ୍ଗ୍ ଆଉ, ନା ଇୟାଝାଜା ଆଇ ମେଣ୍ଟେଙ୍ଗ୍ ମାନେ, ଝାନିକାଙ୍ଗ୍ ବା ନାଙ୍ଗ୍ ତାତେଙ୍ଗ୍ ଆନାଡ୍, ମାରି ଝାକ୍ ନା ବଲ୍ ଝେନେ; ଆବେଟ୍ ଉନ୍‌ଡ୍ରୁ ମାନ୍‌ସାଦିଙ୍ଗ୍ ମାରି ଅରେନ୍ ଗୋଡ୍ ଥୁାନାନ୍ ।

୧୭ “ନାନ୍ ନା ଜିବନ୍ ସିନିଉଣ୍ଡିଙ୍ଗ୍ ବୁବା ନାଙ୍ଗ୍ ଜିବନ୍‌ନୋନାନ୍, ମାରି ନାନ୍ ନା ଆୟା ଜିବନ୍ ମାରିଡେସି ପୟ୍‌ଦେଙ୍ଗ୍ ଆଟ୍‌ନା ।

୧୮ ଏନ୍ ନାମାଣକୁ ନା ଜିବନ୍ ଅତେଙ୍ଗ୍ ଆଟ୍‌ଏନ୍, ମାତର୍ ନା ବଦାଦାନ୍ ନା ଜିବନ୍ ଦାନ୍ କିନା । ନା ଜିବନ୍ ଦାନ୍ କିଦେଙ୍ଗ୍ ଅଦିକାର୍ ମାନାଡ୍ ମାରି ନାନ୍ ମାରିଡେସି ଜିବନ୍ ପୟ୍‌ଦେଙ୍ଗ୍ ବା ଅଦିକାର୍ ମାନାଡ୍ । ଇକା କିନି ଉଣ୍ଡିଙ୍ଗ୍ ନା ବୁବାଦିମାଣ୍‌ନା ଇୟା ଆଦେସ୍ ପୟ୍‌ତାମାନା ।”

୧୯ ଇୟାଝିଜୁ ମାଟା ଝେରୁଇ ଝେନ୍‌କା ଜିହୁଦି ଲୋକା ଲୋଇ ମାରିଡେସି ଆଇ ମାଟା ଗଟାତାଡ୍ ।

୨୦ ଝାରି ଲୋଇରାନ୍ ଏସଲୋକ୍ ଇନ୍‌ଡ୍ରୁଙ୍ଗ୍ ଆସ୍‌ତାର୍, “ଝାନିଙ୍ଗ୍ ଦୁବା ଆସ୍‌ତାମାନାଡ୍, ଝାନ୍ ବାୟା, ଏନ୍‌ସା ଝାନି ମାଟା ଝେନ୍‌ଜିନିଦେଡ୍ ?”

୨୧ ଆଇକାର୍ ଇର୍ହାର୍, ଇୟାଝିଜୁ ମାଟା ତୋ ଦୁବା କାସ୍‌ତି ଅରେନ୍ ଲୋକୁ ଇୟାଝାଜା ମାଟା ଇନ୍‌ଏନ୍; ଦୁବା ଇନିକା କାଣା ଲୋକ୍‌ତି କାଣୁକୁ ତର୍‌ତେଙ୍ଗ୍ ଆଟ୍‌ନାଡ୍ ?

ଜିସୁଙ୍ଗ୍ ମାନାଏତାର୍

୨୭ ନାସ୍ତିତ୍ରାଲେ ଜିରୁସାଲମ୍‌ତୁ ମନ୍ଦିର ତିଆର କିତି ପଶ୍ଚାତ୍ ଆଜିମାର୍ହାତ୍; ଆୟାତ୍ରାଲେ ପିନିକାତା ମାର୍ହାତ୍,

୨୮ ମାରି ଜିସୁ ମନ୍ଦିରତୁ ସଲମନ୍ତି ଗୁଡିକାଲ୍‌ତୁ ବୁଲାଇ ମାର୍ହାନ୍ ।

୨୯ ଆବେଟ୍ ଜିହୁଦି ଲୋକୁ ଜିସୁଙ୍କୁ ସାରିବେଡ୍‌ତି ଉଣ୍ଡାଜି ଝେନ୍‌ବାଦେଙ୍ଗ୍ ଆସ୍‌ତାର୍, ମାରି ଏସ ଝେଡ୍‌ସାନ୍‌ସି ମାଙ୍ଗ୍ ନାମ୍‌ଲ୍ ଝାଜା ଇଡ୍‌ନି ? ଜଦି “ନିନ୍‌ ମସିହ, ଆରତିଙ୍ଗ୍ ମାଙ୍ଗ୍ ସଡ୍‌ତାନ୍ ଝେରଥା ।”

୩୦ ଜିସୁ ଝାରିଙ୍ଗ୍ ଇର୍ହାନ୍, “ନାନ୍ ମିଙ୍ଗ୍ ଇଜିନା, ମାତର୍ ମିର୍ ବିସ୍‌ବାସ୍ କିଇଜିନିଦେର୍; ନା ବୁବାଦି ମାଣାନ୍ ଅଦିକାର୍ ନାନ୍ ପୟ୍‌ଜି ଆମା ଆମା ପାଣି କିଜିନା, ଆୟାତ୍ରାଲ୍ ନା ବିସ୍‌ୟତାନ୍ ସାକ୍‌ୟ୍ ସିଜିନା;

୩୧ ମାତର୍ ମିର୍ ବିସ୍‌ବାସ୍ କିଇଜିନିଦେର୍, ଇରିଙ୍ଗ୍ ମିର୍ ନା ମେଣ୍ଡେଙ୍ଗ୍ ଆଇଦେର୍ ।

୩୨ ନା ମେଣ୍ଡେଙ୍ଗ୍ ଝିନ୍‌ ନା ବଲ୍ ଝେନେ ମାରି ନାନ୍ ଝାନିକାଙ୍ଗ୍ ନେସ୍‌ନା, ମାରି ଝାକ୍ ନା ଝେନ୍‌କା ଝେନ୍‌କା ବୁଲାନେ,

୩୩ ମାରି ନାନ୍ ଝାନିକାଙ୍ଗ୍ ଏସ୍‌କାଙ୍ଗ୍‌ଝିଜ୍‌ଇ ଜିବନ୍ ସିନା, ମାରି ଝାକ୍ ଏସ୍‌କାଙ୍ଗ୍‌ବା ସାଉ, ମାରି ଝାନିକାଙ୍ଗ୍ ନା କିୟ୍‌ଦାନ୍ ଏନ୍ ଡିବିସ୍‌କିଜ ଅତେଙ୍ଗ୍ ଆର୍‌ଏର୍ ।

୩୪ ନା ବୁବା ନାଙ୍ଗ୍ ଆମାକା ସିତାମାନାନ୍, ଆକା ଝିନ୍‌ମାଣ୍‌କୁ ନାଣ୍ଡଦାରା, ମାରି ଝାନିକାଙ୍ଗ୍ ବୁବାଦି କିୟ୍‌ଦାନ୍ ଏନ୍ ଆକା ଡିବିସ୍‌କିଜ ଅତେଙ୍ଗ୍ ଆର୍‌ଏନ୍ ।

୩୫ ବୁବା ନି ନାନ୍ ଅରେନ୍ ।”

୩୬ ଇୟା ମାଟା ଝେନ୍‌ଞ୍ଜି ଜିହୁଦିଲୋକୁ ଜିସୁଙ୍କୁ ଡାକ୍‌ତେଙ୍ଗ୍ ଇଜି ମାରି କାଲ୍‌କୁ ପେର୍‌ତାର୍ ।

୩୭ ଜିସୁ ଝାରିଙ୍ଗ୍ ଇର୍ହାନ୍, ନାନ୍ ବୁବାଦିମାଣାନ୍ ଏସ ନେଗି ପାଣି ମିଙ୍ଗ୍ ତର୍‌ତାମାନା; ଆୟାତ୍ରାଲ୍ ପାଣିଦି ଲୋଇରାନ୍ ଏମେ ନେଗି ପାଣିଦି ଉଣ୍ଡିଙ୍ଗ୍ ନାଙ୍ଗ୍ ନେର୍ କାଲ୍‌କୁ ପୋକ୍‌ତାଜିନିଦେର୍ ?

୩୮ ଜିହୁଦିଲୋକୁ ଝାନିଙ୍ଗ୍ ଇର୍ହାନ୍, “ନେଗି ପାଣିଦି ଉଣ୍ଡିଙ୍ଗ୍ ମାପ୍ ନିଙ୍ଗ୍ କାଲ୍‌କୁ ପୋକ୍‌ତାଏଜିନାପ୍, ମାତର୍ ମାପୁରୁ ନିଦା ଉଣ୍ଡିଙ୍ଗ୍, ମାରି ନିନ୍ ଲୋକୁ ଆଜି ନିଜେଦିଙ୍ଗ୍ ମାପୁରୁ ସାମାନ୍ କିଜିନି ।”

୩୪ ଜିସୁ ଖାରିଜ୍ ଇର୍ହାନ୍, “ମି ସାସ୍ତ୍ରୁ ଇକା ରାସାତାମାନାଡ଼, ମାପୁରୁ ଇନାନ୍, ମିର୍ ମାପୁରୁଙ୍କୁ ?

୩୫ ଆମାଝାରି ଲାକ୍ତୁ ମାପୁରୁଦି ବାକ୍ୟ ଇଗା ଖାତାଡ଼, ଖାରିଜ୍ ଜଦି ଖାନ୍ ମାପୁରୁ ଇଜି ଇର୍ହାନ୍ ମାରି ଦାମ୍ବୁସାସ୍ତ୍ର ଖେରଏ କିଦେଙ୍ଗ ଆଟ୍‌ଏର୍

୩୬ ବୁବା ମାପୁରୁ ନାଙ୍ଗ୍ ପବିତ୍ର କିଜି ଆସ୍‌କିତାନ୍‌ନୋ ଇୟା ଦୁନିଆଦୁ ପୋକ୍‌ତାତାମାନାନ୍ । ଆରିଙ୍ଗ୍, ନାନ୍ ନିଜେଦିଙ୍ଗ୍ ମାପୁରୁଦି ମାରିନ୍ ଇନି ମାଣାନ୍ ମାପୁରୁଙ୍ଗ୍ ନିଦା କିଜିନା ଇଜି ଏଣ୍ଡେସ୍ ଇଜିନିଦେର୍ ?

୩୭ ଜଦି ନାନ୍ ବୁବାଦି ପାଣିଝିଜୁ କିଏ, ଆର୍‌ଡିଙ୍ଗ୍ ନାଙ୍ଗ୍ ବିସ୍‌ବାସ୍ କିମାଟ୍;

୩୮ ମାତର୍ ଜଦି ନାନ୍ ଖାନି ବଦାଦାନ୍ ନାନ୍ ପାଣି କିନା, ଆରିଙ୍ଗ୍ ନାଙ୍ଗ୍ ବିସ୍‌ବାସ୍ କିଇତିଙ୍ଗ୍‌ବା, ନା ପାଣି ସୁଡ଼ୁଜି ବିସ୍‌ବାସ୍ କିଦୁ । ଆତିଙ୍ଗ୍ ମିର୍ ପୁରା ନେସ୍‌ତେଙ୍ଗ୍ ଆଟ୍‌ନିଦେର୍, ମାରି ନା ବୁବା ନା ମାନୁ ମାନାନ୍ ମାରି ନାନ୍ ଖାନିମାନୁ ମାନା ।”

୩୯ ଆବେଟ୍ ଖାରି ଖାନିଙ୍ଗ୍ ଆସ୍‌ତେଙ୍ଗ୍ ମାରିଡେସି ସେସ୍ଟା କିତାର୍, ମାତର୍ ଜିସୁ ଖାରି କିୟୁଦୁ ଦାରାସିଏଣ୍ଡା ସତାସର୍ହାନ୍ ।

୪୦ ☆ଆୟାଝେନକା ଜିସୁ ମାରିଡେସି ଜର୍ଦନ ଗାତାଦି ଆୟାପାଡ଼ି ଇତାନ୍, ଜୋହନ ଏମେ ବାଡିଦୁ ପୁର୍ବେ ତୁବନ୍ ସିଜିମାର୍ହାନ୍, ଆୟା ବାଡିଦୁ ଖାତାନୋ ଆବେନ୍ନୁ ତେବାତାନ୍ ।

୪୧ ମାରି, ନାଣ୍ଡଲୋକୁ ଖାନି ଲାକ୍ତୁ ଖାଜି ଇର୍ହାନ୍, “ଜୋହନ ଗିଦେ କାବାଆନି ପାଣି କିଏତାନ୍, ମାତର୍ ଇୟା ଲୋକ୍‌ତି ବିସ୍‌ୟତାନ୍ ଜୋହନ ଆମାଝିଜୁ ମାଟା ଇର୍ହାନ୍, ଆୟାଝିଜୁ ସଡ଼ ।”

୪୨ ମାରି, ଆବେନ୍ନୁ ଗାଦି ଲୋକୁ ଜିସୁମାନୁ ବିସ୍‌ବାସ୍ କିତାର୍ ।

୧୧

ଲାଜାର୍‌ତି ସାନିକା

୧ ☆ବେତନିୟା ନାରତି ଲାଜାର ଦରତିକାନୁ ଅରେନ୍ ଲୋକୁ ନବ୍ ଆତାମାର୍ହାନ; ମରିୟମ୍ ମାରି ତାନି ତାଙ୍ଗ୍ ସି ମାର୍ତ୍ତା ଆୟା ନାଟ ମାନଞ୍ଜି ମାର୍ବଏ ।

୨ ☆ଇକାଡ୍ ଆୟା ମରିୟମ୍, ଏମେକାଡ୍ ପ୍ରବୁଦି ପାଦାମ୍ବାଙ୍କ ନିୟୁ ଖାକ୍ସି ନିଜେଦି କୁକୁଟିଦାନୁ ଖାନି ପାଦାମ୍ବାଙ୍କୁ ତେଲିତାମାର୍ହାଡ୍, ତାନି ତଡ଼ାସି ଲାଜାର ନବ୍ ଆତାମାର୍ହାନ ।

୩ ଆଦେଙ୍ଗ୍ ଆୟା ତାଙ୍ଗ୍ ଜିସୁଦି ଲାକ୍ତୁ କାରୁର୍ ପକ୍ତେ, “ପ୍ରବୁ ସୁଡ଼ୁଆ, ଆମାଖାନିଙ୍ ନିନ୍ ଜିବନ୍ନୋନି, ନି ସଙ୍ଗ୍, ଖାନ ନବ୍ ଆତାମାନାନୁ ।”

୪ ମାତର୍ ଜିସୁ ଆକା ଝେନ୍ଜି ଇର୍ହାନ, “ଇୟା ନବ୍ ସାନି ଉଣ୍ଡିଙ୍ଗ୍ ସିଲେ, ମାତର୍ ମାପୁରୁଦି ଦନ୍ୟବାଦ୍ତି ଉଣ୍ଡିଙ୍ଗ୍, ଏଣ୍ଡେସ୍ ଆୟାବାଣାନୁ ମାପୁରୁଦି ମାରିନ୍ ବା ଦନ୍ୟବାଦ୍ ପଇନାନୁ ।”

୫ ଜିସୁ ମାର୍ତ୍ତା, ଖାନି ତାଙ୍ଗ୍ ମରିୟମ୍ ନି ଲାଜାରତିଙ୍ଗ୍ ଜିବନ୍ ନଜି ମାର୍ହାନ ।

୬ ମାରି, ଲାଜାର ନବ୍ ଆତାମାନାନୁ ଇଜି ଏସ୍ତିଖାଲେ ଖାନ ଝେରଆନ୍, ନାସ୍ତିଖାଲେ ଖାନ ଏମେ ବାଡିଦୁ ମାର୍ହାନ, ଆୟାବାଡିଦୁ ମାରି ରିନେନ୍ ତେବାତାନୁ ।

୭ ତାନିଝେନ୍କା ଖାନ ସିସୁରିଙ୍ଗ୍ ଇର୍ହାନ, “ସାଦୁ, ମାଡ୍ ଜିହୁଦା ରାଜିଦୁ ଡେସି ସନାଟ୍ ।”

୮ ସିସୁର୍ ଜିସୁଙ୍ଗ୍ ଇର୍ହାର୍, “ଏ ଗୁରୁ, ଜିହୁଦିର୍ ଏସ ଦିନ୍ ଆଗ୍ତି ନିଙ୍ଗ୍ କାଲ୍‌କାଣ୍ ତାକ୍ତେଙ୍ଗ୍ ବଦା କିଜିମାର୍ହାର୍, ମାରି ନିନ୍ ମାରିଡେସି ଆବେ ସଲ୍‌ସିନି ?”

୯ ଜିସୁ ଇର୍ହାନ, “ଝେଡେ ଇନିକା ବାର ଗନ୍‌ଟା ସିଲେଡ୍ ? ଏନ୍ ଝେଡେ ବୁଲାତିଙ୍ଗ୍ ତାକାଏନ୍, ଇରିଙ୍ଗ୍ ଖାର ଇୟା ଦୁନିଆଦି ଜାୟ୍ ସୁଣାନୁ;

୧୦ ମାତର୍ ନାଡା ବୁଲାତିଙ୍ଗ୍ ଖାନ ତାକାନାନୁ, ଇରିଙ୍ଗ୍ ଖାରିମାନୁ ଜାୟ୍ ସିଲେଡ୍ ।

୧୧ ଜିସୁ ଇୟାଞ୍ଜିଲ୍ ମାତା ଇରଞ୍ଜ ଖେନକା ଖାରିଙ୍ଗ୍ ମାରି ଇର୍ହାନ୍, ମା ତଡ୍ ଲାଜାର୍ ସୁଜ୍ଜିନାନ୍, ମାତର୍ ଖାନିଙ୍ଗ୍ ସୁସ୍‌କାଣ୍‌କାଣ୍ ନିକ୍‌ତେଙ୍ଗ୍ ଇଜି ନାନ୍ ସଲ୍‌ସିନା ।”

୧୨ ଆବେଟ୍ ସିସୁର୍ ଜିସୁଙ୍ଗ୍ ଇର୍ହାନ୍, “ପ୍ରବୁ, ଜଦି ଲାଜାର୍ ସୁସ୍‌ତାମାନାନ୍, ଆରିଙ୍ଗ୍ ଖାନ୍ ନେଗେନ୍ ଆନାନ୍ ।”

୧୩ ଜିସୁ ଲାଜାର୍‌ତି ସାନି ବିସୟ୍‌ତାନ୍ ଇର୍ହାନ୍, ମାତର୍ ଖାନ୍ ସୁସ୍‌କାଣ୍‌କାଙ୍ଗ୍ ସୁସ୍‌ତି ବିସୟ୍‌ତାନ୍ ଇର୍ହାନ୍ ଇଜି ସିସୁର୍ ଅଡ୍‌ବିତାର୍ ।

୧୪ ମାରି, ଜିସୁ ନାସ୍ତିଖାଲେ ଖାରିଙ୍ଗ୍ ବୁଜାନିଖାଜା ଇର୍ହାନ୍, “ଲାଜାର୍ ସାତାମାନାନ୍ ।

୧୫ ମାରି, ନାନ୍ ଜେ ଆୟାବାଡିଦୁ ସିଲେତା, ଇୟାଉଣ୍ଡିଙ୍ଗ୍ ମି ଉଣ୍ଡିଙ୍ଗ୍ ଖେଡିକା ଆଜିନା, ଏଣ୍ଡେସ୍ ମିର୍ ବିସ୍‌ବାସ୍ କିନିଦେର୍; ମାତର୍ ସାଦୁ, ମାଡ୍ ଖାନିଙ୍ଗ୍ ସୁଡ୍‌ବୁଦେଙ୍ଗ୍ ସନାଟ୍ ।”

୧୬ ଆବେଟ୍ ତୋମା ଆମାଖାନିଙ୍ଗ୍ ଦିଦୁମ ଇଜି ଇନାର୍, ଖାନ୍ ଖାନି ତଡ୍ ସିସୁରିଙ୍ଗ୍ ଇର୍ହାନ୍, “ସାଦୁ, ମାଡ୍ ବା ଗୁରୁଖାଲେ ସଲ୍‌ସି ଖାନିଖାଲେ ସାନାଟ୍ ।”

ଜିସୁ ଜିନିକାନ୍ ମାରି ଜିବନ୍

୧୭ ଜିସୁ ବେତନିଆଦୁ ଇତାନ୍‌ନୋ ଖେଟ୍‌ଆନ୍ ଜେ, ଲାଜାର୍ ନାଲ୍‌ନେନ୍ ଆତାଡ୍ ଦୁକି ଗୁଟାଦୁ ମୁସ୍‌ତାର୍‌ନି ।

୧୮ ବେତନିୟା ଜିରୁସାଲାମ୍ ଲାକ୍‌ତୁ ମାର୍ହାଡ୍, ମୁନ୍‌ଡ୍ରି କିଲ୍‌ମିଟ୍‌ରତାନ୍ ଉଣା;

୧୯ ମାରି, ଜିହୁଦିର୍ ମାଣ୍ଡୁକୁ ନାଣ୍ଡ ଲୋକୁ ମାର୍ତ୍ତା ନି ମରିୟମ୍‌ତିଙ୍ଗ୍ ତାନି ତଡ୍‌ତାନ୍ ସାତି ବିସୟ୍‌ତାନ୍ ସୁକୁ ସିଦେଙ୍ଗ୍ ଇଜି ତାମେ ଲାକ୍‌ତୁ ଖାତାମାର୍ହାଡ୍ ।

୨୦ ଆବେଟ୍ ଜିସୁ ଖାନିନାନ୍ ଇଜି ଏସ୍ତିଖାଲେ ମାର୍ତ୍ତା ଖେଟ୍‌ଆଡ୍, ନାସ୍ତିଖାଲେ ଖାଦ୍ ଜିସୁଙ୍ଗ୍ ବେଟ୍‌ବୁଡାଦେଙ୍ଗ୍ ସର୍ହାଡ୍, ମାତର୍ ମରିୟମ୍ ଇନ୍‌ଡ୍ର ବାସ୍‌ତା ତେବାତାଡ୍ ।

୨୧ ମାର୍ତ୍ତା ଜିସୁଙ୍ଗ୍ ଇର୍ହାଡ୍, “ପ୍ରବୁ, ଜଦି ନିନ୍ ଇବେ ମାର୍‌ଇମାନ୍, ଆତିଙ୍ଗ୍ ନା ତଡ୍‌ନ୍ ସାଏତାନ୍‌ମାନ୍ ।

୨୨ ମାତର ଇଲେଇବା ନାନ୍ ନେସନା, ନିନ୍ ମାପୁରୁକୁ ଆମାକା ଲସ୍‌ନି, ମାପୁରୁ ଜେ ଆକା ନିଙ୍ଗି ସିନାନ୍ ।”

୨୩ ଜିସୁ ତାନିଙ୍ଗି ଇର୍ହାନ୍, “ନି ତଡ଼ାନ୍ ଜିବନ୍ ପୟ୍‌ଜି ନିଙ୍ଗି ନାନ୍ ।”

୨୪ ମାର୍ତ୍ତା ଜିସୁକୁ ଇର୍ହାନ୍, “ୱାନ୍ ଜେ ଝିଜ୍‌ନି ଦିନ୍‌ତୁ ମାରିଡ଼େସି ନିଙ୍ଗି ନି ଝାଲେ ନିଙ୍ଗି ନାନ୍, ଇକା ନାନ୍ ନେସନା ।”

୨୫ ଜିସୁ ତାନିଙ୍ଗି ଇର୍ହାନ୍, “ନାନ୍ ମାରିଜିନିକାନ୍ ମାରି ଜିବନ୍; ଏନ୍ ନାବାନ୍ ବିସ୍‌ବାସ୍ କିନାନ୍, ୱାନ୍ ଜଦିବା ସାନାନ୍, ମାତର ୱାନ୍ ମାରିଡ଼େସି ଜିନାନ୍ ।

୨୬ ମାରି ଏନ୍ ଜିନାନ୍ ମାରି ନାବାନ୍ ବିସ୍‌ବାସ୍ କିନାନ୍, ୱାନ୍ ଏସାଙ୍ଗବା ସାଏନ୍; ଇକା ଇନିକା ବିସ୍‌ବାସ୍ କିଜିନି ?”

୨୭ ମାର୍ତ୍ତା ଜିସୁକୁ ଇର୍ହାନ୍, “ହୁଁ ପ୍ରବୁ, ଆମାଝାନିଦି ଦୁନିଆଦୁ ଝାନିକା ମାର୍ହାନ୍, ନିନ୍ ଜେ ମାପୁରୁଦି ମାରିନ୍ ଆୟା ମସିହ, ଇକା ନା ବିସ୍‌ବାସ୍ ।”

ଜିସୁ ଆଡ଼ବାତାନ୍

୨୮ ଇକା ଇର୍‌ଇ ଝେନ୍‌କା ମାର୍ତ୍ତା ସଲ୍‌ସି ତାନି ତାଙ୍ଗି ମରିୟମ୍‌ତିଙ୍ଗି ନେସ୍‌ଇଝାଜା କୁକ୍‌ସି ଇର୍ହାନ୍, “ଗୁରୁ ଝାତାନ୍‌ନି ମାରି ନିଙ୍ଗି କୁକ୍‌ସିନାନ୍ ।”

୨୯ ମରିୟମ୍ ଇକା ଝେନ୍‌ଜି ବେଗି ନିଙ୍ଗି ଜିସୁ ଲାକ୍‌ତୁ ସର୍ହାନ୍ ।

୩୦ ଜିସୁ ନାସ୍ତିଝାଲେ ନାର ଲୋଇ ରେଏନ୍ ମାର୍ହାନ୍, ମାତର ମାର୍ତ୍ତା ଝାନିଙ୍ଗି ଏମେ ବାତିଦୁ ବେଟ୍‌ବୁଡ଼ାତା ମାର୍ହାନ୍, ଆୟା ସାନ୍ ୱାନ୍ ଆୟା ବାତିଦୁ ମାର୍ହାନ୍ ।

୩୧ ମାରି, ଏମେ ଜିହୁଦିର୍ ଝାନିଝାଲେ ଇନ୍‌ଡ୍ର ମାନ୍‌ଜି ମରିୟମ୍‌ତିଙ୍ଗି ସୁକୁ ସିଜିମାର୍ହାନ୍, ୱାନ୍ ମରିୟମ୍‌ତିଙ୍ଗି ବେଗି ନିଙ୍ଗି ସହସି ସନିକା ସୁଡ଼ୁଜି, ୱାନ୍ ଦୁକି ଲାକ୍‌ତୁ ଆଡ଼ବାଦେଙ୍ଗି ଇଜି ସଲ୍‌ସିନାନ୍, ଇକା ଅଡ଼ବିଜି ତାନି ଝେନ୍‌କା ଝେନ୍‌କା ସର୍ହାନ୍ ।

୩୨ ଆବେଟ୍ ଜିସୁ ଏମେ ବାତିଦୁ ମାର୍ହାନ୍, ମରିୟମ୍ ଆୟା ବାତିଦୁ ଇଗା ସଲ୍‌ସି ଝାନିଙ୍ଗି ସୁଡ଼ୁଜି ଝାନି କାଲ୍‌କା ଆଡ଼ଗି ମାଡ଼ିସ୍ କିଜି ଇର୍ହାନ୍, “ପ୍ରବୁ, ଜଦି ନିନ୍ ଇବେ ଇଗା ଝାତିମାନ୍, ଆତିଙ୍ଗି ନା ତଡ଼ାନ୍ ସାଏତାନ୍‌ମାନ୍ ।”

୩୩ ମାରି, ଜିସୁ ତାନିଙ୍ଗ ମାରି ତାନି ଖାଲେ ଖାତିମାନି ଜିହୁଦିରିଙ୍ଗ ା
ଆଡ଼ବାନିକା ସୁଡ଼ୁ ଆମାଡୁ ଆଡ଼ବାଜି, ମାରି ପାଣି ପୁରା କିଦେଙ୍ଗ
ଇଜି ନାଣ୍ଡ ବଦାଦାନ ଝେନ୍‌ବାତାନ,

୩୪ ଖାନିଙ୍ଗ ଏମେ ଇଟ୍‌ଟି ମାନିଦେର୍ ? ଖାର ଖାନିଙ୍ଗ ଇର୍ହାର,
“ପ୍ରବୁ, ଖାଜି ସୁଡ଼ୁଆ ।”

୩୫ ଜିସୁ ଆଡ଼ବାତାନ ।

୩୬ ଆବେଟ୍ ଜିହୁଦିର ଇର୍ହାର, ସୁଡ଼ୁ, ଖାନ ଖାନିଙ୍ଗ ଏଣ୍ଡେସ୍
ଜିବନ୍‌ନୋଜି ମାର୍ହାନ ।

୩୭ ମାତର୍ ଖାରି ଲୋଇ ଏନ୍ ଏନ୍ ଇର୍ହାର, “ଇୟା ଏମେକାନ ଆୟା
କାଣାଦି କାଣୁକୁ ସୁଡ଼ିସ୍ କିଏନ୍ ମାର୍ହାନ ନୋ ? ଖାନ ଇନିକା ଲାଜାର୍‌ତି
ସାନିତାନେଙ୍ଗ ବା ତେବାକିଦେଙ୍ଗ ଆର୍‌ଏତାନମାଦି ?”

ଜିସୁ ଲାଜାର୍‌ତିଙ୍ଗ ସାତିମାଣାନ ନିକ୍‌ତାନ

୩୮ ଆବେଟ୍ ଜିସୁ ମାରିଡେସି ଆମାଡୁ ଆଡ଼ବାଜି ଦୁକିଗୁଟା ଲାକ୍‌ଡୁ
ଖାତାନ; ଆକା ଉଣ୍ଡି ସାରରା, ମାରି ତାନି ଦୁଆର୍ ଆଗ୍‌ଡି ଉଣ୍ଡି କାଲୁ
ମାର୍ହାଡ଼ ।

୩୯ ଜିସୁ ଆଦେସ୍ ସିତାନ, “ଇୟା କାଲୁ ଗୁସାକିଦୁ ।” ସାତି ଲୋକ୍‌ତି
ତାଙ୍ଗ୍‌ସି ମାର୍ତ୍ତା ଜିସୁଙ୍ଗ୍ ଇର୍ହାଡ଼, “ପ୍ରବୁ, ଖାନ କାପୁ ଆଜିମାନାନ,
ଇରିଙ୍ଗ ଖାନିଙ୍ଗ ମୁସ୍‌ତାର ନାଲ୍‌ନେନ୍ ଆତାନନି ।”

୪୦ ଜିସୁ ତାନିଙ୍ଗ ଇର୍ହାନ, “ଜଦି ନିନ୍ ବିସ୍‌ବାସ୍ କିନି, ଆରିଙ୍ଗ୍
ମାପୁରୁଦି ମହିମା ସୁଣି, ଇକା ଇନିକା ନାନ ନିଙ୍ଗ୍ ଇନ୍‌ଏତା ?”

୪୧ ଆବେଟ୍ ଖାର କାଲୁ ଗୁସାକିତାର । ମାରି, ଜିସୁ ମୁସ୍‌କୁ ସୁଡ଼ୁ
ଇର୍ହାନ, “ବୁବା, ନିନ୍ ନା ପାର୍‌ତନା ଝେର୍‌ଇ ଇଜି ନାନ ନିଙ୍ଗ୍
ଦନ୍‌ଏବାଦ୍ ସିଜିନା ।

୪୨ ନିନ୍ ଜେ ଝିଜୁଖାଲେ ନା ପାର୍‌ତନା ଝେନ୍‌ଜମାନି, ଇକା
ନାନ ନେସ୍‌ତାମାନା; ମାତର୍ ଏମେ ଲୋକୁ ଝିଜେରେ ସାରିବେଡ଼୍‌ତି
ନିର୍ହାମାନାର, ନିନ୍ ନାଙ୍ଗ୍ ପକ୍‌ତିମାନି ଇଜି ଖାର ଏଣ୍ଡେସ୍ ବିସ୍‌ବାସ୍
କିନାର, ଇୟାଉଣ୍ଡିଙ୍ଗ ଖାରି ଉଣ୍ଡିଙ୍ଗ ନାନ ଇକା ଇର୍‌ଆ ।”

୪୩ ଖାନ ଇକା ଇଜି ନାଣ୍ଡ ଆଉଲି ଆଜି କୁକ୍‌ତାନ, “ଲାଜାର୍ ସହସ୍
ରାଆ ।”

୪୪ ଖାନ୍ ସତାଖାତାନ୍; ଖାନି କିନ୍ତୁ ନି ପାଦାମ୍ ଦୁକିଦି ପାଗେଣାନ୍ ତରତାମାର୍ହାର୍, ମାରି ଖାନି ମକମି ଉଣ୍ଡି ପାସିଆ କେରପତା ମାର୍ହାର୍ । ଜିସୁ ଖାରିଙ୍ ଇର୍ହାନ୍, “ଝେନି ଗାଟି କୁତସି ସନ୍ତେଙ୍ ସାରି ସିଦୁ ।”

ଜିସୁଦି ବିରଦତାନ୍ ଖାରଗିତାର୍

(ମାତିଉ ୨୭:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ମାରି, ଜିହୁଦିର୍ ମାଣ୍ଟୁ ନାଣ୍ଡ ଅର୍ତ୍ତାତ୍ ଏମେକାର୍ ମରିୟମ୍ ଲାକ୍ତୁ ଖାତାମାର୍ହାର୍ ମାରି ଜିସୁଦି ପାଣି ସୁଡ଼ୁ, ଖାର୍ ଖାନିମାନ୍ତୁ ବିସ୍ବାସ୍ କିତାର୍;

୪୬ ମାତର୍, ଖାରି ମାଣାନ୍ ଏନ୍ ଏନ୍ ପାରୁସିର୍ ଲାକ୍ତୁ ସଲ୍ସି, ଜିସୁ ଆମାକା ଆମାକା କିତାମାର୍ହାନ୍, ଆୟାଞ୍ଜି ଖାରିଙ୍ ଝେରତାନ୍ ।

୪୭ ଆବେଟ୍ ପେରି ଜାଜକର୍ ନି ପାରୁସିର୍ ପେରିମିଟିଙ୍ କିଜି ଇର୍ହାର୍, “ମାତ୍ ଇନିକା କିନିକା ? ଇୟା ଲୋକୁ ତୋ ନାଣ୍ଡ କାବାଆନି ପାଣି କିଜିନାନ୍ ।

୪୮ ଜଦି ମାତ୍ ଖାନିଙ୍ ଇୟାଞ୍ଜା ଡିସ୍ନାସିନାଟ୍, ଆରିଙ୍ ଝିଜେରେ ଖାନିମାନ୍ତୁ ବିସ୍ବାସ୍ କିନାଟ୍, ମାରି ରମିୟଅଦିକାରି ଲୋକୁ ଖାଜି ମା ମନ୍ଦିର୍ ନି ଜାତିଦି ଝିଜେରିଙ୍ ନାସ୍ତୁ କିନାଟ୍ ।”

୪୯ ମାତର୍ ଖାରିମାଣ୍ଟୁ ଆୟା ବାସେକ୍ତି ଉଣ୍ଡିଙ୍ ଆସ୍କିଆଇଆତିମାନି ଝିଜେରିଙ୍ପେରି ଜାଜକ କୟାପା ଖାରିଙ୍ ଇର୍ହାନ୍, “ମିର୍ ଇନିକା କାବାଟ୍ !”

୫୦ ମିର୍ ଇନିକା ବୁଜାଦେଙ୍ ଆଟ୍‌ଇଜିନିଦେର୍, ଝିଜୁ ଜାତି ନାସ୍ତୁ ଆନି ବାଦ୍‌ଲୁ ଅରେନ୍ ଲୋକୁ ସାନିକା ଟିକ୍‌ମାନାଟ୍ ।

୫୧ କୟାପା ନିଜେଦି ମନ୍ତାନ୍ ଇକା ଇନ୍‌ଏନ୍ ମାର୍ହାନ୍, ମାତର୍ ଖାନ୍ ଆୟା ବାସେକ୍ତି ଝିଜେରିଙ୍ପେରି ଜାଜକ ମାର୍ହାନ୍‌ଆକା ଇୟା ବବିସ୍‌ତତି ମାଟା ଖାନି ଝେୟୁଦାନ୍ ସତାମାର୍ହାଟ୍ । ଜିସୁ ଝେରତା ମାର୍ହାନ୍ ଜେ ଝିଜୁ ଜିହୁଦି ଲୋକାଦି,

୫୨ ଇନିଙ୍ ଆନିଙ୍ ଆତିମାନି ମାପୁରୁଦି ଲୋକାଙ୍ ଉଣ୍ଡେ କୁଟୁମ୍‌ତୁ ଉଣ୍ଡାକିନି ଉଣ୍ଡିଙ୍ ଜିସୁ ସାନାନ୍ ।

୫୩ ଆବେଟ୍ ଆୟା ନାଣ୍ଡିରାନ୍ ଜିହୁଦି ନେତାର୍ ଜିସୁଙ୍ ସାୟାମାର୍‌ଗାତାକ୍‌ତେଙ୍ ଇଜି ଉପାୟ୍ କିତାର୍ ।

୫୪ ମାରି, ଜିସୁ ଜିହ୍ୱଦିର ମାନୁ ମାରି ତରାୟଆଜି ବୁଲାସାଲା କିଏତାନ୍, ମାତରୁ ଖାନ୍ ଆୟାବାତିଦାନ୍ ସହସି ସଲ୍ଲସି ସୁନ୍ସାନ୍ ରାଜିଦି ଏପ୍ରିୟମ୍ ଦରତି ଉଣ୍ଡି ଗାଡ଼ତୁ ସର୍ହାନ୍, ମାରି ଖାନ୍ ସିସୁରିଖାଲେ ଆବେ ଡେବାତାନ୍ ।

୫୫ ଜିହ୍ୱଦିର ନିସ୍ତାର ପଣ୍ଡୟ ଲାକ୍ତୁ ମାର୍ହାଡ଼, ମାରି ରାଜିଦାନ୍ ନାଣ୍ଡ ଲୋକୁ ନିଜେ ନିଜେଦିଙ୍ଗ୍ ନେଗେଣ୍ଡ କିଦେଙ୍ଗ୍ ଇଜି ନିସ୍ତାର ପଣ୍ଡୟ ଆଗ୍ତିରାନ୍ନେ ଜିରୁସାଲାମ୍ତୁ ସର୍ହାଡ଼ ।

୫୬ ଆବେଟ୍ ଖାର ଜିସୁଙ୍କୁ ପୟବୁ ପୟବୁ ମନ୍ଦିରତୁ ନିରଈ ମାରଈଖାଲେ ଖାରଖାର ଇନ୍ଡ୍ରେଙ୍ଗ୍ ଆସ୍ତାର, ମିର୍ ଇନିକା ଅଡ଼ବିଜିନିଦେର ? ଖାନ୍ ପଣ୍ଡୟତୁ ଖାନାନ୍ ନୋ ରେଏନ୍ ?

୫୭ ପେରି ଜାଜକର ନି ପାରୁସିର୍ ଆଦେସ୍ ସିତାମାର୍ହାଡ଼ ଜେ ଜଦି ଏନ୍ ଜିସୁ ଏମେମାନୁ ମାନାନ୍ ଇଜି ନେସ୍ନାମାନାନ୍, ଆରିଙ୍ଗ୍ ଇୟା କାବୁର ଦାପ୍ରେ ନେତାରିଙ୍ଗ୍ ଖେରନା ସିନାର । ଆତିଙ୍ଗ୍ ଖାର ଜିସୁଙ୍କୁ ଆସିନାର ।

୧୨

ଜିସୁ ବେତନିଆବୁ ଅବିସେକ୍ ଆତାନ୍

(ମାତିଡ ୨୭:୬-୧୩; ମାର୍କ ୧୪:୩-୯)

୧ ଇୟା ଖେନକା ଜିସୁ ନିସ୍ତାର ପଣ୍ଡୟତି ସଅ ଦିନ୍ ଆଗ୍ତି ବେତନିୟାବୁ ସର୍ହାନ୍; ଏମେ ଲାଜାରତିଙ୍ଗ୍ ଖାନ୍ ସାତିମାଣ୍ଡକୁ ନିକ୍ତା ମାର୍ହାନ୍, ଆବେନ୍ନୁ ଖାନି ଇଲୁ ମାର୍ହାଡ଼ ।

୨ ଆବେଟ୍ ଖାର ଖାନି ଉଣ୍ଡିଙ୍ଗ୍ ଆୟା ବାତିବୁ ଉଣ୍ଡି ନାଡ଼ା ବଜି ତିଆର୍ କିତାର; ମାର୍ତ୍ତା ସେବା କିଜିମାର୍ହାଡ଼, ମାରି ଏମେକାର୍ ଖାନିଖାଲେ ବଜିବୁ ବାସ୍ତାମାର୍ହାଡ଼, ଲାଜାର ଖାରି ଲୋଇ ଅରେନ୍ ମାର୍ହାନ୍ ।

୩ ☆ନାସ୍ତିଖାଲେ ମରିୟମ୍ ଅଦାକାୟା ନାଣ୍ଡ ନେଗି ଦାରାଦି ବାସ୍ନା ମାରାତାନ୍ ତିଆର୍ ଆତି ନିୟୁ ଅସି ଜିସୁଦି ପାଦାମ୍ତୁ ଆକା ଖାକ୍ସି

ନିଜେଦି କୁକୁଟିଦାନ ଖାନି ପାଦାମକୁ ତେଲତାସିତାତ୍, ମାରି ନିୟୁଦି ବାସନାଦାନ ଇଲୁ ଗାମ୍ରିସିତାତ୍ ।

୪ ମାତର୍ ଜିସୁଦି ସିସୁର୍ ଲୋଇ ଇସ୍ତାରିୟୋତିୟ ଜିହୁଦା ଦରତି ଏମେ ସିସୁ ଖାନିଙ୍ଗ୍ ସାତୁରି କିୟୁଦୁ ସେର୍ପତେଙ୍ଗ୍ ସଲ୍‌ସିମାର୍ହାନ୍, ଖାନ୍ ଇର୍ହାନ୍,

୫ ଇୟା ନିୟୁ ତିନିସ ଖେଣ୍ଡି ତାରୁଙ୍ଗାଙ୍ଗ୍ ପରଜି ଏୟା କାକ୍‌କୂତ୍ ଲୋକାଙ୍ଗ୍ ସିଏତାର୍ ?

୬ ଖାନ୍ ଜେ କାକ୍‌କୂତ୍ ଲୋକାଙ୍ଗ୍ ଉଣ୍ଡିଙ୍ଗ୍ ସିନ୍ତା କିଜିମାର୍ହାନ୍ ଇଜି ଇକା ଇର୍ହାନ୍, ଆକା ସିଲେ, ମାତର୍ ଖାନ୍ ଅରେନ୍ ତଙ୍ଗାଁର୍‌ଏନ୍, ମାରି ଖାନି ଲାକ୍‌ତୁ ତାରୁଙ୍ଗାଁ ମଣି ମାର୍ହାତ୍‌ଆକା, ଆବେନ୍ ଆମା ଆମାକା ଇଡ୍‌ଜି ମାର୍ହାର୍, ଆକା ଖାନ୍ ତଙ୍ଗାଁକିଜି ଅସିମାର୍ହାନ୍ ।

୭ ମାତର୍ ଜିସୁ ଇର୍ହାନ୍, “ତେନିଙ୍ଗ୍ ଡିସ୍‌ସୋ ସିଦୁ, ତାନେଙ୍ଗ୍ ଆମାକା ମାନାତ୍, ନା ମାଡାଦିଙ୍ଗ୍ ମୁସ୍‌ନି ନାଣ୍ଡିରି ଉଣ୍ଡିଙ୍ଗ୍ ଖାଦ୍ ଇକା ଇଡ୍‌ଦେଙ୍ଗ୍ ଆର୍‌ନାତ୍ ।

୮ କାକ୍‌କୂତ୍ ଲୋକ୍ ତୋ ଖିଜୁଦିନ୍ ମି ଲାକ୍‌ତୁ ମାନାର୍, ମାତର୍ ନାନ୍ ଖିଜୁଦିନ୍ ମି ଲାକ୍‌ତୁ ତେବାଏ ।”

ଲାଜାର୍‌ତି ବିରଦ୍‌ତାନ୍ ଉପାୟକିତାର୍

୯ ନାସ୍ତିଖାଲେ ନାଣ୍ଡି ଜିହୁଦି ଲୋକ୍ ଜିସୁ ବେତନିଆଦୁ ମାନାନ୍ ଇଜି ନେସ୍‌ତେଙ୍ଗ୍ ଆର୍‌ସି ଆର୍‌କା ଜିସୁଦି ଉଣ୍ଡିଙ୍ଗ୍ ସିଲେ, ମାତର୍ ଏମେ ଲାଜାର୍‌ତିଙ୍ଗ୍ ଖାନ୍ ସାତିମାଣାନ୍ ନିକ୍‌ତାମାର୍ହାନ୍, ଖାନିଙ୍ଗ୍ ସୁଡ୍‌ବୁଦେଙ୍ଗ୍ ବା ଖାତାର୍ ।

୧୦ ମାତର୍ ଲାଜାର୍‌ତିଙ୍ଗ୍ ବା ତାକ୍‌ତେଙ୍ଗ୍ ଇଜି ପେରି ଜାଜକର୍ ଉପାୟ କିତାର୍,

୧୧ ଇରିଙ୍ଗ୍ ଖାନି ଉଣ୍ଡିଙ୍ଗ୍ ଜିହୁଦିର୍ ଲୋଇ ନାଣ୍ଡି ଲୋକ୍ ଖାରିଙ୍ଗ୍ ଡିସ୍‌ସିମାର୍ହାର୍ ମାରି ଜିସୁମାନୁ ସଲ୍‌ସି ବିସ୍‌ବାସ୍ କିଜିମାର୍ହାର୍ ।

ଜିସୁ ଜିଣାଜି ଜିରୁସାଲାମ୍‌ତୁ ଡବ୍‌ରିତାନ୍

(ମାତିଡ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ମାର୍‌ନାଣ୍ଡିଙ୍ଗ୍ ନିସ୍ତାର୍ ପଣ୍ଡୟ୍‌ତୁ ଖାତିମାର୍‌ଇ ନାଣ୍ଡି ଲୋକ୍ ଜିସୁ ଜିରୁସାଲାମ୍‌ତୁ ଖାଜିନାନ୍ ଇଜି ଖେର୍‌ଆର୍ ।

୧୩ ଆୟାଉଣ୍ଡିଙ୍ଗ୍ ଖାର କାଜିରି କମେଙ୍ଗ୍ ଆସ୍‌ସି ଖାନିଙ୍ଗ୍
ବେଟ୍‌ଆଦେଙ୍ଗ୍ ଇଜି ସତାସର୍ହାର ମାରି ନାଣ୍ଡ ଆଉଲି ଆଜି ଇନ୍‌ଡ୍ରେଙ୍ଗ୍
ଆସ୍‌ତାର୍, ହୋଶାନା । ପ୍ରବୁଦି ଦର୍ତ୍ତାନ ଏନ୍ ଖାଜିନାନ୍, ଖାନ୍ ଦନ୍‌ୟ;
ଦନ୍‌ୟ ଇସ୍‌ଆଲ୍‌ତି ରାଜା ।

୧୪ ମାରି, ଜିସୁ ଉଣ୍ଡି ଗଦପିଲା ମୁସ୍‌କୁ ବାସ୍‌ତା ଖାତାନ୍, ଏଣ୍ଡେସ୍
ଇକା ଦାର୍ମୁ ସାସ୍ତ୍ରୁ ରାସାତାମାନାଡ୍,

୧୫ ଏ ସିୟୋନ୍‌ତି ଆଇଲିକ୍, “ତିଲାମା;

ସୁଡୁଆ, ନି ରାଜା ଖାଜିନାନ୍,

ଖାନ୍ ଗଦପିଲା ମୁସ୍‌କୁ ବାସ୍‌ତାନ୍‌ନୋ ଖାଜିନାନ୍ ।”

୧୬ ଖାନି ସିସୁର ପାର୍‌ତୁମତୁ ଇୟାଞ୍ଜିକୁ ବିସୟ୍ ବୁଜାଏତାର୍, ମାତର୍
ଜିସୁ ଦନ୍‌ୟବାଦ୍ ପୟ୍‌ତି ଖେନ୍‌କା ଇୟାଞ୍ଜିକୁ ଜେ ଖାନି ବିସୟ୍‌ତାନ୍
ଦାର୍ମୁସାସ୍ତ୍ରୁ ରାସାତାମାର୍‌ହାଡ୍, ମାରି ଖାନି ଉଣ୍ଡିଙ୍ଗ୍ ଖାର ଜେ ଇୟାଞ୍ଜିକୁ
କିତାମାର୍‌ହାଡ୍, ଆକା ଖାର ଏଡ୍ କିତାର୍ ।

୧୭ ମାରି, ଜିସୁ ଲାଜାରତିଙ୍ଗ୍ ଦୁକିଦାନ୍ କୁକ୍‌ସି ସାତିମାଣାନ୍
ନିକ୍‌ତିଖାଲେ ଆମା ଲୋକ୍‌ତର୍ ଖାନିଖାଲେ ମାର୍‌ହାର୍, ଖାର ଆୟା
ଗଟନା ବିସୟ୍‌ତାନ୍ ସାକି ସିଦେଙ୍ଗ୍ ଆସ୍‌ତାର୍ ।

୧୮ ଇୟାଉଣ୍ଡିଙ୍ଗ୍ ବା ଲୋକୁ ଖିଜେରେ ଖାନିଙ୍ଗ୍ ମିସାଦେଙ୍ଗ୍
ସର୍‌ହାମାର୍‌ହାର୍, ଇରିଙ୍ଗ୍ ଖାନ୍ ଇୟା କାବାଆନି ପାଣି କିତାମାନାନ୍ ଇଜି
ଖାର ଖେଟ୍‌ଆମାର୍‌ହାର୍ ।

୧୯ ଆବେଟ୍ ପାରୁସିର୍ ତାମେ ତାମେମାନୁ ଖାର୍‌ଗିଜି ସାତାର୍,
“ସୁଡୁଜିନିଦେର୍ ତୋ, ମାଡ୍ ଇନିକା କିଦେଙ୍ଗ୍ ଆଟ୍‌ଇଜିନିକା; ସୁଡୁ,
ଦୁନିଆଞ୍ଜି ତାନି ଖେନ୍‌କା ସର୍‌ହାଡ୍‌ନି ।”

ଏସୋ ଗ୍ରିକ୍ ଲୋକୁ ଜିସୁଙ୍ଗ୍ ପୟ୍‌ତାର୍

୨୦ ପଣ୍ଡୟ ସମୟ୍‌ତୁ ଉପାସନା କିଦେଙ୍ଗ୍ ଇଜି ଜିରୁସାଲାମ୍‌ତୁ ଖାତି
ମାର୍‌ଇ ଲୋକା ଲୋଇ ଏସୋ ଗ୍ରିକ୍ ଲୋକୁ ମାର୍‌ହାର୍ ।

୨୧ ଖାର ଗାଲିଲିଦି ବେଡ୍‌ସାଇଦାଦୁ ତେବାନି ପିଲିପ୍‌ତି ଲାକ୍‌ତୁ
ଖାଜି ଖାନିଙ୍ଗ୍ ମାଡ୍‌ସି କିଜି ଇର୍‌ହାର୍, “ଆଜ୍ଞା, ଜିସୁଙ୍ଗ୍ ସୁଡୁଦେଙ୍ଗ୍ ମା
ବଦା ।”

୨୭ ପିଲିପ୍ ସଲସି ଆନ୍ଦ୍ରିୟତିଙ୍କ ଇର୍ହାନ, ମାରି ଆନ୍ଦ୍ରିୟ ନି ପିଲିପ୍ ସଲସି ଜିସୁଙ୍କୁ ଇର୍ହାର ।

୨୮ ଜିସୁ ଖାରିଙ୍ଗ ଇର୍ହାନ, ମନୁସ୍ୟପୁତ୍ର ଦନ୍ୟବାଦ ପୟଦେଙ୍ଗ ଇଜି ସମୟ ଇଗା ଖାତାମାନାତ ।

୨୯ ସତ୍ ସତ୍ ନାନ୍ ମିଙ୍ଗ ଇଜିନା, ଗଦମୁପାଡ଼ ଜୁଦି ସିକ୍ଲାନୁ ଆରଜି ସାଏଡ଼, ଆରିଙ୍ଗ ଆକା ଉଡ୍ରେନେ ତେବାନାଡ଼, ମାତର୍ ଜଦି ସାନାଡ଼, ନାଣ୍ଡ ପାଡ଼ ଆସନାଡ଼ ।

୩୦ ଏନ୍ ନିଜେଦି ଜିବନ୍ତିଙ୍କ ନାଣ୍ଡ ଜିବନ୍ନୋନାନ୍, ଖାନ୍ ଆକା ଆରାକିନାନ୍, ମାରି ଏନ୍ ନିଜେଦି ଜିବନ୍ତିଙ୍କ ଇୟା ଦୁନିଆଦୁ କାଡ଼ନାନ୍, ଖାନ୍ ଆକା ଏସକାଙ୍ଗ୍ଝିଜ୍ଝ ଜିବନ୍ ଉଣ୍ଡିଙ୍ଗ ରକିୟା କିନାନ୍ ।

୩୧ ଏନ୍ ନା ସେବା କିଦେଙ୍ଗ ବଦାକିନାନ୍, ଆରିଙ୍ଗ ଖାନ୍ ନା ଖାଲେ ରାପିନ୍; ମାରି; ନାନ୍ ଏମେନ୍ ମାନା, ନା ସେବାକିନିକାନ୍ ବା ଆବେ ତେବାନାନ୍; ଏନ୍ ଏସାଙ୍ଗ୍ ନା ସେବା କିନାନ୍, ଆରିଙ୍ଗ ନା ବୁବା ଖାନିଙ୍ଗ୍ ମାନାନାନ୍ ।

ଜିସୁ ନିଜେଦି ସାନି ବିସୟତାନ୍ ଖେରତାନ୍

୩୨ ଇଲେଇ ନା ଜିବନ୍ ଦୁକ୍‌ଦୁକ୍ ଆଜିନାଡ଼, ମାରି ନାନ୍ ଇନିକା କିନା ? ବୁବା, ନାଙ୍ଗ ଇୟା ସମୟତାନ୍ ରକିୟା କିଆ ? ମାତର୍ ଇୟାଉଣ୍ଡିଙ୍ଗ ତୋ ନାନ୍ ଖାତାମାନା । ଏଣ୍ଡେସ୍ ଦୁକ୍‌ବଗାନି ସମୟକୁ କାସ୍‌ଆଦେଙ୍ଗ ପକାତାମାନା ।

୩୩ “ବୁବା, ନିନ୍ ଦର୍ ଦନ୍ୟବାଦ୍ କିଆ । ଆବେଟ୍ ବାଦଡ଼ତାନ୍ ଇୟା ବଲ୍ ଖାତାତ୍ ମାପ୍ ଆକା ମହିମାନିତ କିତାମାନାପ୍, ମାରିଡ଼େସି ମହିମାନିତ କିନାପ୍ ।”

୩୪ ଆଦେଙ୍ଗ ଲାକ୍‌ତୁ ନିରୁଇ ମାରୁଇ ଲୋକୁ ଓଜେରେ ଇକା ଖେନଜି ବାଦଡ଼ ଡିଡିତାଡ଼ ଇଜି ଇର୍ହାର; ଆଇକାର ଇର୍ହାର, “ଅରେନ୍ ଦୁଡ଼ ଖେନିଙ୍ଗ୍ ମାଟା ଇର୍ହାମାନାନ୍ ।”

୩୫ ଜିସୁ ଖାରିଙ୍ଗ ଇର୍ହାନ, ନା ଉଣ୍ଡିଙ୍ଗ ଇୟା ବଲ୍ ଆଏଡ଼, ମାତର୍ ମି ଉଣ୍ଡିଙ୍ଗ ଆତାମାନାତ ।

୩୧ ଇଲେଇ ଇୟା ଦୁନିଆଦୁ ବିସାର ଇଗା ଖାତାଡ଼; ଇଲେଇ ଇୟା ଦୁନିଆଦି ବିସାରପତିଙ୍ଗ ଆଡ଼ରେ ପକାନାନ ।

୩୨ ମାରି, ନାନ୍ ଏସ୍ତିଖାଲେ ଦୁନିଆଦାନ୍ ମୁସକୁ ପେରାଇଆନା, ନାସ୍ତିଖାଲେ ଓଜେରିଙ୍ଗ ଟାଣିସ୍ କିନା ।

୩୩ ଖାନ୍ ଏଣ୍ଡେସ୍ ସାଦେଙ୍ଗ୍ ସଲ୍‌ସିନାନ୍, ଆୟା ସିନା ସିଜି ଇକା ଇର୍ହାନ୍ ।

୩୪ ଆବେଟ୍ ଲୋକୁ ଓଜେରେ ଇର୍ହାନ୍, “ମସିହା ଓଜୁଦିନ୍ ତେବାନାନ୍ ଇଜି ନିୟମ୍‌ତାନ୍ ମାପ୍ ଝେର୍‌ଆମାନାପ୍, ଆରିଙ୍ଗ୍ ମନୁସ୍ୟପୁତ୍ର ମୁସକୁ ପେରାନାନ୍ ଇଜି ମିର୍ ଏଣ୍ଡେସ୍ ଇଜିନିଦେର୍ ? ଇୟା ମନୁସ୍ୟପୁତ୍ର ଏନ୍ ?”

୩୫ ଆବେଟ୍ ଜିସୁ ଖାରିଙ୍ଗ୍ ଇର୍ହାନ୍, “ମାରି ଅଡ଼ପ୍ ସମୟ ମାତର୍ ଜାୟ ମିବାନୁ ମାନାଡ଼ । ସିକାଟି ଏଣ୍ଡେସ୍ ମି ଡିଙ୍ଗ୍‌ଏଡ଼, ଇୟାଉଣ୍ଡିଙ୍ଗ୍ ମି ଲାକ୍‌ତୁ ଜାୟ ମାନାପ୍ ମାନାପ୍ ବୁଲାସାଲା କିଦୁ; ଏନ୍ ସିକାଟିଦୁ ବୁଲାସାଲା କିନାନ୍, ଖାନ୍ ଏମେ ସଲ୍‌ସିନାନ୍, ଆକା ଖାନ୍ ନେସ୍‌ଏପ୍ ।

୩୬ ମିର୍ ଏଣ୍ଡେସ୍ ଜାୟତି କଡ଼ର୍ ଆଦୁ, ଆୟାଉଣ୍ଡିଙ୍ଗ୍ ଜାୟ ମି ଲାକ୍‌ତୁ ମାନାପ୍ ମାନାପ୍ ଜାୟତୁ ବିସ୍‌ବାସ୍ କିଦୁ । ଜିସୁ ଇୟାଓଜୁ ମାଟା ଇନ୍‌ଜି ଖାରିମାଣାନ୍ ସଲ୍‌ସି ମାର୍‌ଗିଜି ତେବାତାନ୍ ।”

ଲୋକା ଅବିସ୍‌ବାସ୍

୩୭ ଜଦିବା ଜିସୁ ତାମେ ଆଗ୍‌ଡି ନିସା କାବାଆନି ପାଣି କିତାମାହାନ୍, ଆବେବା ଖାନ୍ ଖାନିବାନୁ ବିସ୍‌ବାସ୍ କିଏତାର୍,

୩୮ ଏଣ୍ଡେସ୍ ଜିସାଈୟ ବାବବାଦି ମାଣକୁ ରାସାତି ବାକ୍ୟ ସଡ଼ ଆନାଡ଼ ।

“ଏ ପ୍ରବୁ, ଏନ୍ ମା ନେଗିକାବୁର୍ ମାଟା ବିସ୍‌ବାସ୍ କିତାମାନାନ୍ ?

ମାରି ପ୍ରବୁଦି ସାକ୍ତି ଏମେଖାନି ଲାକ୍‌ତୁ ତର୍‌ତାନ୍ ?”

୩୯ ଇୟାଉଣ୍ଡିଙ୍ଗ୍ ଖାନ୍ ବିସ୍‌ବାସ୍ କିଦେଙ୍ଗ୍ ଆର୍‌ଏଜିମାହାନ୍, ଇରିଙ୍ଗ୍ ଜିସାଈୟ ମାରି ଇର୍ହାମାନାନ୍ ।

୪୦ “ମାପୁରୁ ଖାରି କାଣୁକୁ କାଣା କିତାମାନାନ୍,

ମାରି ଖାରି ଜିବନ୍‌ଡିଙ୍ଗ୍ ଆର୍‌ଖା କିତାମାନାନ୍,
ଏଣ୍ଡେସ୍ ଖାନ୍ କାଣ୍‌କାଙ୍ଗ୍ ୍ସୁଡ଼୍‌ସୁର୍

ମାରି ଜିବନ୍ତୁ ବୁଜାଏର,
ମାରିତେସି ନାବାନ୍ତୁ ରେଏର,
ମାରି ମାପ୍ ଖାରିଙ୍ଗ୍ ନେଗେଣ୍ଟୁ କିଏପ୍ ।”

୪୧ ଜିସାୟ ଇୟାଞ୍ଜିଲ୍ ଇର୍ହାନ୍, “ଇରିଙ୍ଗ୍ ଖାନ୍ ଜିସୁଦି ମହିମା ସୁତୁତାନ୍ ମାରି ଖାନି ବିସୟତାନ୍ ଇର୍ହାନ୍ ।”

୪୨ ଆବେ ଜିହୁଦି ନେତାର୍ ଲୋଇ ବା ନାଣ୍ଡଲୋକ୍ ଜିସୁମାନ୍ତୁ ବିସ୍ବାସ୍ କିତାର୍, ମାତର୍ ଆନାତ୍ସୁଗି ଏସ୍ତ୍ରାଞ୍ଜାଲେ ପାର୍ତନା ଇଲ୍ତାନ୍ ସପ୍ନାର୍, ଇୟାଉଣ୍ଡିଙ୍ଗ୍ ପାରୁସିରିଙ୍ଗ୍ ଡିଲ୍ଲାଜି ଆକା ନାମ୍‌ଏଜି ମାର୍ହାର୍ ।

୪୩ ଇରିଙ୍ଗ୍ ଖାର୍ ଗୌରବ୍ ମାପୁରୁଦି ଖେଡ଼ିକାକିନି ବାଦଲୁ ଲୋକାଙ୍ଗ୍ ଖେଡ଼ିକା ବଦା କିତାର୍ ।

ଜିସୁ ମାଟାଦି ବିସାର୍

୪୪ ଜିସୁ ଆଉଲି ଆଜି ଇର୍ହାନ୍, “ଏନ୍ ନାବାନ୍ ବିସ୍ବାସ୍ କିନାନ୍, ଖାନ୍ କେବଲ୍ ନାବାନ୍ ବିସ୍ବାସ୍ କିଏନ୍, ମାତର୍ ନା ପକ୍ତିଖାନିମାନ୍ତୁ ବିସ୍ବାସ୍ କିନାନ୍ ।

୪୫ ମାରି, ଏନ୍ ନାଙ୍ଗ୍ ସୁତୁତାମାନାନ୍, ଖାନ୍ ନାଙ୍ଗ୍ ପକ୍ତିଖାନିଙ୍ଗ୍ ସୁତୁତାମାନାନ୍ ।

୪୬ ଇୟାଉଣ୍ଡିଙ୍ଗ୍ ନାନ୍ ଦୁନିଆଦି ଜାୟଆଜି ଖାତାମାନା, ଏନ୍ ନାବାନ୍ ବିସ୍ବାସ୍ କିନାନ୍, ଖାନ୍ ଏଣ୍ଡେସ୍ ସିକାଟିଦୁ ବାସାଏନ୍ ।

୪୭ ଏନ୍ ଜଦି ନା ବାକ୍ୟ ଖେନ୍‌ଜି ମାନାଏନ୍, ଆରିଙ୍ଗ୍ ନାନ୍ ଖାନି ବିସାର୍ କିଏ; ଇରିଙ୍ଗ୍ ନାନ୍ ଦୁନିଆଦି ବିସାର୍ କିଦେଙ୍ଗ୍ ରେଏନ୍‌ଶ୍ଟା ମାତର୍ ଦୁନିଆଦିଙ୍ଗ୍ ରକିୟା କିଦେଙ୍ଗ୍ ଖାତାମାନା ।

୪୮ ଏନ୍ ନାଙ୍ଗ୍ ଡିସ୍‌ସି ନା ମାଟା ମାନାଏନ୍, ନା ଖେୟୁଦି ବାକ୍ୟ ଖାନି ବିସାର୍‌କିନିକାତ୍ ଆନାତ୍ । ଆୟା ବାକ୍ୟ ଖିଜ୍‌ନି ଦିନ୍‌ତୁ ଖାନି ବିସାର୍ କିନାତ୍ ।

୪୯ ଇୟା ମାଟା ସତ୍, ଇରିଙ୍ଗ୍ ନାନ୍ ନା ନିଜେଦି ଅଦିକାର୍‌ତାନ୍ ଇନିକା ଇନ୍‌ଏ, ମାତର୍ ନାନ୍ ଇନିକା ଇନା ମାରି ଇନିକା ଖେକ୍‌ନା, ଆକା ନାଙ୍ଗ୍ ପକ୍ତିମାନି ବୁବା ନାଙ୍ଗ୍ ମାଟା ସିତାମାନାନ୍ ।

୫୦ ମାରି ନାନ୍ ନେସନା, ଖାନି ଆଦେସ୍ ଏସ୍‌କାଙ୍ଗ୍‌ଝିଜ୍‌ଜ ଜିବନ୍ ସିନାଡ୍ । ନା ବୁବା ନାଙ୍ଗ୍ ଆମାକା ଇନ୍‌ଡ୍ରେଙ୍ଗ୍ ଆଦେସ୍ ସିତାମାନାନ୍, କେବଲ୍ ନାସ ନାନ୍ ଇଜିନା ।”

୧୩

ଜିସୁ ଖାନି ସିସୁରି ପାଦାମ୍ବୁ ନରତାନ୍

୧ ନିସ୍ତାର ପଣ୍ଡାୟ ଆନି ଆଗ୍‌ଡିରି ନାଣ୍ଟିଙ୍ଗ୍ ଜିସୁ ଇୟା ଦୁନିଆଦାନ୍ ବୁବା ଲାକ୍‌ତୁ ନିଜେ ସନି ସମୟ ଇଗାଝାନିକା ନେସ୍‌ସି, ଦୁନିଆଦୁ ମାନି ନିଜେଦି ଏମେ ଲୋକାଙ୍ଗ୍ ଖାନ୍ ଜିବନ୍ ନଜି ଖାଜିମାର୍ହାନ୍, ଖାରି ଉଣ୍ଟିଙ୍ଗ୍ ନାଣ୍ଟି ଜିବନ୍‌ନୋନିକା ତରତାନ୍ ।

୨ ଜିସୁ ନି ଖାନି ସିସୁରି ଏସ୍‌ତ୍ରିଖାଲେ ନାଡାଦି ବଜିଦୁ ବାସ୍‌ତାମାର୍ହାନ୍ । ଏସ୍‌ତ୍ରିଖାଲେ ସୟତାନ୍ ସିମୋନ ମାରିସି ଇସ୍‌ସାରିୟୋତିୟ ଜିହୁଦାଦି ଜିବନ୍‌ତୁ ଜିସୁଙ୍ଗ୍ ସାତୁରି କିୟୁଦୁ ସରପେ କିଦେଙ୍ଗ୍ ଇଜି ବଦା କିତାଝିସ୍‌ତା ମାର୍ହାନ୍ ।

୩ ନାସ୍‌ତ୍ରିଖାଲେ ବୁବା ଜେ ଝିଜୁ ଜିସୁଦି କିୟୁଦୁ ଝିଜୁ ସାକ୍ତି ସରପେ କିତାମାନାନ୍ ମାରି ଖାନ୍ ଜେ ମାପୁରୁ ମାଣାନ୍ ଖାତାମାନାନ୍, ମାରି ମାପୁରୁମାନୁ ସଲ୍‌ସିନାନ୍, ଇକା ନେସ୍‌ତାମାର୍ହାନ୍ ।

୪ ଆବେଟ୍ ଜିସୁ ଖାନ୍ ଉଣି ମାଣାନ୍ ନିଙ୍ଗ୍‌ତାନ୍‌ନୋ ନିଜେଦି ମୁସ୍‌କୁରି ଆଙ୍ଗ୍ କୁଡ୍‌ସି ଉଣ୍ଟି ପାସିଆ ଅସି ନିଜେଦି ଜୁକିଦୁ ତରାତାନ୍ ।

୫ ଝେନ୍‌କା ଖାନ୍ ନକିଦୁ ଏର୍ ଖାକ୍‌ତାନ୍, ମାରି ସିସୁରି ପାଦାମ୍ବୁ ନରଜିସିଜି ନିଜେଦି ଜୁକିଦୁ ତରାତିମାର୍‌ଇ ପାସିଆଦାନ୍ ତେଲ୍‌ଦେଙ୍ଗ୍ ଆସ୍‌ତାନ୍ ।

୬ ଜିସୁ ସିମୋନ୍ ପିତର୍ ଲାକ୍‌ତୁ ଖାତାନ୍; ଏନ୍ ଖାନିଙ୍ଗ୍ ଇର୍ହାନ୍, “ପ୍ରବୁ, ନିନ୍ ନା ପାଦାମ୍ବୁ ନରବିସକିଜି ସିଜିନି ?”

୭ ଜିସୁ ଖାନିଙ୍ଗ୍ ଇର୍ହାନ୍, “ନାନ୍ ଏମେକା କିଜିନା, ଆକା ନିନ୍ ଇଲେ ନେସ୍‌ଏଜିନି, ମାତର୍ ଝେନ୍‌କା ନେସ୍‌ନି ।”

୮ ପିତର୍ ଜିସୁଙ୍ଗ୍ ଇର୍ହାନ୍, “ନିନ୍ ମୁଡ୍‌ବୁକ୍ ଏସ୍‌କାଙ୍ଗ୍‌ବା ନା ପାଦାମ୍ବୁ ନରଜି ସିଇ ।”

ଜିସୁ ଖାନିଙ୍ଗ୍ ଇର୍ହାନ୍, “ଜଦି ନାନ୍ ନି ପାଦାମ୍ ନରଏ, ଆରିଙ୍ଗ୍ ନା ସିସୁ ଆଦେଙ୍ଗ୍ ଆର୍ବଇ ।”

୯ ସିମୋନ ପିତର୍ ଖାନିଙ୍ଗ୍ ଇର୍ହାନ୍, “ଏ ପ୍ରବୁ, ନିନ୍ କେବଲ୍ ନା ପାଦାମ୍‌କୁ ସିଲେ ନା କିୟ୍ ନି ତାଲା ବା ନରଜ ସିଦା ।”

୧୦ ଜିସୁ ଖାନିଙ୍ଗ୍ ଇର୍ହାନ୍, ଏନ୍ ଏରୁ ଇବାତାମାନାନ୍, ଖାନି ପାଦାମ୍‌କୁ ନରଦେଙ୍ଗ୍ ଡିସ୍‌ତିଙ୍ଗ୍ ମାରି ଇନିକା ଦରକାର୍ ସିଲେ, ଖାନ୍ ସତ୍‌ନେ ନରାତାମାନନାନ୍; ମିର୍ ଓଜେରେ ବା ନରାତିମାନିଦେର୍, କେବଲ୍ ଅରେନ୍ ସିଲେ ।

୧୧ ମାତର୍ ଏନ୍ ଖାନିଙ୍ଗ୍ ସାତୁରି କିୟ୍‌ଦୁ ସର୍‌ପେ କିନ୍‌ନାନ୍, ଜିସୁ ଖାନିଙ୍ଗ୍ ନେସ୍‌ତାମାର୍ହାନ୍, ଆୟାଉଣ୍ଡିଙ୍ଗ୍ ଖାନ୍ ଇର୍ହାନ୍, କେବଲ୍ ଅରେନ୍‌ଖାନିଙ୍ଗ୍ ଡିସ୍‌ତିଙ୍ଗ୍ ମିର୍ ଓଜିଦେର୍ ନରୟାଆତିମାନିଦେର୍ ।

୧୨ ☆ତାନେଝେନ୍‌କା ଜିସୁ ଖାରି ପାଦାମ୍‌କୁ ନରଜି ନିଜେଦି ଆଙ୍ଗ୍ ଆରାଜି ମାରିଡେସି ନିଜେଦି ବାଡିଦୁ ବାସ୍‌ତି ଝେନ୍‌କା ଖାରିଙ୍ଗ୍ ଝେନ୍‌ବାତାନ୍, ନାନ୍ ମି ଉଣ୍ଡିଙ୍ଗ୍ ଇନିକା କିତାମାନା, ଆକା ଇନିକା ମିର୍ ନେସ୍‌ତିମାନିଦେର୍ ?

୧୩ ମିର୍ ନାଙ୍ଗ୍ ଗୁରୁ ନି ପ୍ରବୁ ଇଜି କୁକ୍‌ସିନିଦେର୍, ମାରି ଆକା ସଡ୍ ଇଜିନିଦେର୍; ଇରିଙ୍ଗ୍ ନାନ୍ ତୋ ଆୟାକାନ୍ ।

୧୪ ମାରି, ପ୍ରବୁ ନି ଗୁରୁ ଜେ ନାନ୍ ମାପୁରୁ, ନାନ୍ ଜଦି ମି ପାଦାମ୍‌କୁ ନରତାସିତାମାନା, ଆରିଙ୍ଗ୍ ମିର୍ ବା ନିଜେ ନିଜେଦି ପାଦାମ୍‌କୁ ନରାନିକା ମାନାଡ୍ ।

୧୫ ଇରିଙ୍ଗ୍ ମି ଉଣ୍ଡିଙ୍ଗ୍ ନାନ୍ ଏଣ୍ଡେସ୍ କିତାମାନା, ମିର୍ ବା ଆୟାଖାଜା କିଦୁ, ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଉନ୍‌ଡ୍ରୁ ସାରି ତରତାମାନା ।

୧୬ ☆ସଡ୍ ସଡ୍‌ନେ ନାନ୍ ମିଙ୍ଗ୍ ଇଜିନା, ସାକର୍ ନିଜେଦି ମାଲିକ୍‌ମାଣକୁ ପେରିକାନ୍ ଆଏନ୍, ମାରି କାବୁର୍ ଅନିକାନ୍ ପକ୍‌ତିମାନି ମାଲିକ୍‌ତି ମାଣାନ୍ ପେରିକାର୍ ସିଲେ ।

୧୭ ଜଦି ମିର୍ ଇୟାଞ୍ଜିଦୁ ନେସ୍‌ଡୁ, ଆରିଙ୍ଗ୍ ଆୟାଖାଜା କିତିଙ୍ଗ୍ ମିର୍ ଦନ୍‌ୟ ।

୧୮ ମି ଓଜେରି ବିସୟତାନ୍ ନାନ୍ ଇୟା ମାଟା ଇନ୍‌ଏଜିନା । ନାନ୍ ଏମେଝାରିଙ୍ଗ୍ ଆସ୍‌କିତାମାନା, ଖାରିଙ୍ଗ୍ ନାନ୍ ନେସ୍‌ନା । ମାତର୍

ଦାର୍ମସାସ୍ତ୍ରଦି ଇୟା ମାଟା ସତେନେ ପୁରା ଆନାଡ଼, ଏନ୍ ନା କାଦିଦୁ ପିରିତାନ୍, ଝାନ୍ ନାଙ୍ଗ୍ ଲାଡ଼ ଡାକ୍ତାନ୍ ।

୧୯ ଇଲେଇ ଇକା ଗଟାନି ଆଗଡ଼ିରାନ୍ନେ ନାନ୍ ମିଙ୍ଗ୍ ଇୟା ମାଟା ଝେରସିନା, ଏସ୍ତ୍ରାଲେ ଇକା ଗଟାନାଡ଼, ମିର୍ ବିସ୍ବାସ୍ କିନିଦେର୍ ଜେ, ନାନ୍ ଆମାକାନ୍ ନାନ୍ ଆକାନ୍ ।

୨୦ ☆ସଡ଼ ସଡ଼ନେ ନାନ୍ ମିଙ୍ଗ୍ ଝେରସିନା, ନାଙ୍ଗ୍ ପୋକ୍ତାତିମାନି ଲୋକ୍ତିଙ୍ଗ୍ ଏନ୍ ମାନାନାର୍, ଝାନ୍ ନାଙ୍ଗ୍ ମାନାନାର୍ ମାରି ଏନ୍ ନାଙ୍ଗ୍ ମାନାନାର୍, ଝାନ୍ ନା ପୋକ୍ତାତିମାନି ମାଲିକ୍ତିଙ୍ଗ୍ ବା ମାନାନାର୍ ।

ଜିସୁ ଝାନି ବିସ୍ବାସ୍ତୁ ବିସ୍ ସିନି ଲୋକ୍ତି ବିସୟତାନ୍ ଇର୍ହାନ୍
(ମାତିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇୟାଞ୍ଜି ମାଟା ଇହ୍ ଝେନକା ଆମାଦୁ ଦୁଃକକିତାନ୍ ମାରି ଓଜେରି ଆଗଡ଼ି ସାକ୍ସ ସିଜି ଇର୍ହାନ୍, “ସଡ଼ ସଡ଼ନେ ନାନ୍ ମିଙ୍ଗ୍ ଇଜିନା, ମି ମାଣ୍ଡୁ ଅରେନ୍ ନାଙ୍ଗ୍ ସାତୁରି କିୟୁ ସର୍ପେ କିନାନ୍ ।”

୨୨ ଜିସୁ ଏ ବିସୟତାନ୍ ଇର୍ହାନ୍, ଆୟା ବିସୟତାନ୍ ବୁଜାଦେଙ୍ଗ୍ ଆଟ୍‌ଏଜି ସିସୁର୍ ନିଜେ ନିଜେଦି ମାନ୍ ବେସ୍‌ସିସାଦେଙ୍ଗ୍ ଆସ୍‌ତାର୍ ।

୨୩ ଜିସୁଦି ସିସୁରି ଲୋଇରାନ୍ ଅରେନ୍ ଆମାଞ୍ଜାନିଙ୍ଗ୍ ଜିସୁ ଜିବନ୍‌ନୋଜି ମାର୍ହାନ୍, ଝାନ୍ ଜିସୁଦି ଲାକ୍‌ତୁ ବାସ୍‌ତା ମାର୍ହାନ୍ ।

୨୪ ମାରି, ସିମୋନ ପିତର୍ ଝାନିଙ୍ଗ୍ ଜୁର୍‌ସି ଇର୍ହାନ୍, ଝାନ୍ ଏ ବିସୟତାନ୍ ଝେରସିନାନ୍, ଆକା ଝେନ୍‌ବାଆ ।

୨୫ ଝାନ୍ ଆୟାଞ୍ଜା ବାସ୍‌ସି ମାନ୍‌ଞ୍ଜି ଜିସୁଦି ବକାଦୁ ଗେକାଜିବାସ୍‌ସି ଝାନିଙ୍ଗ୍ ଝେନ୍‌ବାତାନ୍, ପ୍ରବୁ, ଆୟାକାନ୍ ଏନ୍ ?

୨୬ ଆରିଙ୍ଗ୍ ଜିସୁ ଇର୍ହାନ୍, ଆମାଞ୍ଜାନି ଉଣ୍ଡିଙ୍ଗ୍ ନାନ୍ ଇୟା ରୁଟି କାଣ୍ଡେକ୍ ମୁଡ଼କୁନା ମାରି ଆମାଞ୍ଜାନିଙ୍ଗ୍ ସିନା, ଆୟାକାନ୍ ଝାନ୍ । ଆବେନ୍ ଝାନ୍ ଆୟା ରୁଟିକାଣ୍ଡେକ୍ତିଙ୍ଗ୍ ମୁଡ଼ୁକ୍‌ସି ଆକା ଅସି ସିମୋନ ଇସ୍ପାରିୟୋତିୟତି ମାରିସି ଜିହୁଦାଦିଙ୍ଗ୍ ସିତାନ୍ ।

☆ ୧୩:୨୦ ମାତିଉ ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭.

୨୭ ଆୟା ରୁଚି କାଣ୍ଡେକ ପୟତି ଖେନକା ସୟତାନ୍ ଖାନି ମାନୁ ଡୁଗୁତାଡ଼ । ଆବେଟ୍ ଜିସୁ ଖାନିଙ୍ଗ୍ ଇର୍ହାନ୍, ଆମାକା କିଦେଙ୍ଗ୍ ସଲ୍ସିନି, ଆକା ଦାପେଟ୍ କିଆ ।

୨୮ ମାତର୍ ଖାନ୍ ଇନି ବିସୟତାନ୍ ଖାନିଙ୍ଗ୍ ଇୟା ମାଟା ଇର୍ହାମାର୍ହାନ୍, ଆକା ବଜିଦୁ ବାସ୍ତିମାର୍ଜକାର୍ ଏନ୍ ନେସଏତାର ।

୨୯ ଇରିଙ୍ଗ୍ ଜିହୁଦା ଲାକ୍ତୁ ଡାବୁଙ୍ଗ୍ଆସ୍ନି ମଣି ମାରହାଡ଼ଆକା, ପଣ୍ଡୟତି ଉଣ୍ଡିଙ୍ଗ୍ ଇନି ଇନିକା ଦରକାର୍, ଆକା କଡ଼ଦେଙ୍ଗ୍ ମାରି ସିଲିସାତିଖାରିଙ୍ଗ୍ ଏସ ଦାନ୍ କିଦେଙ୍ଗ୍ ଜିସୁ ଖାନିଙ୍ଗ୍ ଇର୍ହାନ୍ ଇଜି ଏନ୍ ଏନ୍ ଅଡ଼ବିତାର ।

୩୦ ଜିହୁଦା ରୁଚି କାଣ୍ଡେକ ଲସ୍ତାନ୍ନୋ, ଖାନ୍ ଆୟାଦାପେ ସତାସର୍ହାନ୍, ନାସ୍ତିଖାଲେ ନାଡ଼ାଆତା ମାର୍ହାଡ଼ ।

ପୁନି ମାଟା

୩୧ ଜିହୁଦା ସତିସରଇ ଖେନକା ଜିସୁ ଇର୍ହାନ୍, “ଇଲେଇ ମନୁସ୍ୟପୁତ୍ରଦି ଦନ୍ୟବାଦ୍ ତରିତାଡ଼ ମାରି ଖାନିମାଣାନ୍ ମାପୁରୁଦି ଗୌରବ୍ ବା ତରାତାଡ଼ ।

୩୨ ଜଦି ମାପୁରୁ ମନୁସ୍ୟପୁତ୍ର ମାଣାନ୍ ଗୌରବ୍ ଆନାନ୍, ମାପୁରୁ ନିଜେଦି ଦନ୍ୟବାଦ୍ ମନୁସ୍ୟପୁତ୍ରଙ୍ଗ୍ ଦନ୍ୟବାଦ୍ କିନ୍ନାନ୍ । ଦାପ୍ରେନେ ଖାନ୍ ଇକା କିଦେଙ୍ଗ୍ ସଲ୍ସିନାନ୍ ।”

୩୩ ☆ଜିସୁ ଇର୍ହାନ୍, ନା କଡ଼ର୍, ନାନ୍ ମାରି ସାଣେକ୍ତିଙ୍ଗ୍ ମି ଖାଲେ ମାନା । ମିର୍ ନାଙ୍ଗ୍ ପୟନିଦେର୍; ମାରି ନାନ୍ ଏମେ ବାଡ଼ିଦୁ ସଲ୍ସିନା, ମିର୍ ଆୟା ବାଡ଼ିଦୁ ସନ୍ଡେଙ୍ଗ୍ ଆର୍ଇଦେର୍, ଇକା ନାନ୍ ଏଣ୍ଡେସ୍ ଜିହୁଦି ନେତାରିଙ୍ଗ୍ ଇର୍ଆମାର୍ହା, ଆୟାଖାଜା ଇଲେଇ ମିଙ୍ଗ୍ ବା ଖେର୍ସିନା ।

୩୪ ☆ମିର୍ ନିଜେନିଜେଦିଙ୍ଗ୍ ଜିବନ୍ନୋଜିସାଦୁ, ଇୟା ପୁନି ମାଟା ନାନ୍ ମିଙ୍ଗ୍ ସିଜିନା; ନାନ୍ ଏଣ୍ଡେସ୍ ମିଙ୍ଗ୍ ଜିବନ୍ନୋତାମାନା, ମିର୍ ବା ଆୟାଖାଜା ନିଜେନିଜେଦିଙ୍ଗ୍ ଜିବନ୍ନୋନିକା ମାନାଡ଼ ।

☆ ୧୩:୩୩ ଜୋହନ ୭:୩୪.

☆ ୧୩:୩୪ ଜୋହନ ୧୫:୧୨, ୧୭; ୧ ଜୋହନ ୩:୨୩; ୨ ଜୋହନ ୧:୫.

୩୫ ଜଦି ମିର ନିଜେନିଜେଦିଙ୍କ ଉଣ୍ଡିଙ୍କ ଜିବନ୍‌ନୋନିଦେର୍, ଆରିଙ୍କ ମିର ଜେ ନା ସିସୁର୍, ଇକା ଝିଜେରେ ନେସ୍‌ନାର୍ ।

ଜିସୁ ଇର୍ହାନ୍ ପିତର୍ ନାଙ୍କ୍ ମାନାଏନ୍

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମୋନ ପିତର୍ ଜିସୁଙ୍କୁ ଝେନ୍‌ବାତାନ୍, “ପ୍ରବୁ, ନିନ୍ ଏମେମାନୁ ସଲ୍‌ସିନି ?” ଜିସୁ ଇର୍ହାନ୍, ନାନ୍ ଏମେମାନୁ ସଲ୍‌ସିନା,

ନିନ୍ ଇଲେଇ ନା ଝେନ୍‌କା ଝେନ୍‌କା ଆବେନ୍‌ ସନ୍‌ଡ୍ରେଙ୍କ୍ ଆର୍‌ଇ, ମାତର୍ ଝେନ୍‌କା ସନି ।

୩୭ ପିତର୍ ଝାନିଙ୍କ୍ ଝେନ୍‌ବାତାନ୍, “ପ୍ରବୁ, ନାନ୍ ଇଲେଇ ଏନ୍‌ ନି ଝେନ୍‌କା ଝେନ୍‌କା ସନ୍‌ଡ୍ରେଙ୍କ୍ ଆର୍‌ଏ ? ନାନ୍ ନି ଉଣ୍ଡିଙ୍କ୍ ନିଜେଦି ଜିବନ୍‌ ସିଦେଙ୍କ୍ ବା ରାଜି ।”

୩୮ ଜିସୁ ଇର୍ହାନ୍, “ନିନ୍ ଇନିକା ନା ଉଣ୍ଡିଙ୍କ୍ ନିଜେଦି ଜିବନ୍‌ ସିନି ? ସଡ୍‌ ସଡ୍‌ନେ ନାନ୍ ମିଙ୍କ୍ ଝେରସିନା, କରୁ କେଡିଇ ଆଗଡିନେ ନିନ୍ ନାଙ୍କ୍ ମୁଜା ନେସେଏ ଇଜି ଇନି ।”

୧୪

ଜିସୁନେ ବୁବାମାନୁ ସନି ସାରି,

୧ ଜିସୁ ଇର୍ହାନ୍, ମି ଜିବନ୍‌ ଦାୟା ଆମାକିଡ୍; ମିର୍ ମାପୁରୁମାନୁ ବିସ୍‌ବାସ୍‌ କିଦୁ, ନା ମାନୁ ବା ବିସ୍‌ବାସ୍‌ କିଦୁ ।

୨ ନା ବୁବାଦି ଇନ୍‌ଡ୍ର ନାଣ୍ଟ ବାକ୍‌ରେଙ୍କ୍ ମାନେ; ଜଦି ସିଲିତିଙ୍କ୍, ଆରିଙ୍କ୍ ନାନ୍ ମିଙ୍କ୍ ଇନ୍‌ଏତାମାନ୍, ନାନ୍ ମି ଉଣ୍ଡିଙ୍କ୍ ବାଡି ତିଆର୍ କିଦେଙ୍କ୍ ସଲ୍‌ସିନା;

୩ ମାରି, ନାନ୍ ସନାନୋ ମି ଉଣ୍ଡିଙ୍କ୍ ବାଡି ତିଆର୍ କିତିଙ୍କ୍ ମାରିଡେସି ଝାନା, ମାରି ନାନ୍ ଏମେ ବାଡିଦୁ ତେବାନା, ମିର୍ ବା ଏଣ୍ଡେସ୍‌ ଆୟା ବାଡିଦୁ ମାନିଦେର୍, ଆୟାଉଣ୍ଡିଙ୍କ୍ ମିଙ୍କ୍ ନିଜେଦି ଲାକ୍‌ଡୁ ଅନା ।

୪ ମାରି, ନାନ୍ ଏମେ ବାଡିଦୁ ସଲ୍‌ସିନା, ଆୟା ସାରି ମିର୍ ନେସ୍‌ନିଦେର୍ ।

୫ ତୋମା ଜିସୁଙ୍କୁ ଖେନବାତାଡ଼, “ପ୍ରଭୁ, ନିନ୍ ଏମେ ବାଡ଼ିଦୁ ସଲ୍‌ସିନି, ଆକା ମାପ୍ ନେସ୍‌ଏଜିନାପ୍; ସାରି ବା ଏଣ୍ଡେସ୍ ନେସ୍‌ନାପ୍ ?”

୬ ଜିସୁ ଖାନିଙ୍ ଇର୍ହାନ୍, ନାନ୍ ସାରି, ସଡ଼ ମାରି ଜିବନ୍; ନାଙ୍ ସିଜି ସଲ୍‌ଇତିଙ୍ ଏନ୍ ବୁବାଦି ଲାକ୍‌ତୁ ସନ୍‌ଡେଙ୍ ଆଟ୍‌ଏନ୍ ।

୭ ଜଦି ମିର୍ ନାଙ୍ ନେସ୍‌ତିଦେର୍‌ମାନ୍, ଆରିଙ୍ ନା ବୁବେଙ୍‌ବା ନେସ୍‌ତିଦେର୍‌ମାନ୍; ଇଲେଇରାନ୍ ଖାନିଙ୍ ନେସ୍‌ତିମାନିଦେର୍ ମାରି ଖାନିଙ୍ ସଡ଼‌ଡୁମାନିଦେର୍ ।

୮ ପିଲିପ୍ ଜିସୁଙ୍କୁ ଇର୍ହାନ୍, ପ୍ରଭୁ, ମାଙ୍ ବୁବେଙ୍ ତରରିସ୍‌କିଆ, ନାସ ମା ଉଣ୍ଡିଙ୍ ନାଣ୍ ।

୯ ଜିସୁ ଖାନିଙ୍ ଇର୍ହାନ୍, ପିଲିପ୍, ନିସସାନ୍ ନାନ୍ ମି ଖାଲେ ମାନା, ମାରି ନିନ୍ ଇନିକା ନାଙ୍ ନେସ୍‌ଏଜିନି ? ଏନ୍ ନାଙ୍ ସୁଡ଼‌ଡୁମାନ୍‌ନାନ୍, ଖାନ୍ ବୁବେଙ୍‌ବା ସୁଡ଼‌ଡୁମାନ୍‌ନାନ୍; ମାଙ୍ ବୁବେଙ୍ ତରରିସ୍‌କିଆ ଇଜି ନିନ୍ ଏଣ୍ଡେସ୍ ଖେର୍‌ସିନିଦେର୍ ?

୧୦ ନାନ୍ ଜେ ବୁବାମାନ୍ ମାନା ମାରି ବୁବା ନାମାନ୍ ମାନ୍‌ନାନ୍, ଇୟା ମାଟା ଇନିକା ବିସ୍‌ବାସ୍ କିଏଜିନିଦେର୍ ? ନାନ୍ ମିଙ୍ ଜେ ଝିଜୁ ବାକ୍ୟ ଖେର୍‌ନା, ଆୟାଝିଜୁ ନାନ୍ ନିଜେଦିମାଣ୍‌କୁ ଇନ୍‌ଏ, ମାତର୍ ବୁବା ନା ମାନ୍ ମାନ୍‌ଜି ନିଜେଦି ପାଣି କିଜିନାନ୍ ।

୧୧ ନାନ୍ ଜେ ବୁବାମାନ୍ ମାନା ମାରି ବୁବା ନା ମାନ୍ ମାନ୍‌ନାନ୍, ନା ଇୟା ମାଟା ବିସ୍‌ବାସ୍ କିଦୁ, ମାରି ନାନ୍ ଏମେ ଝିଜୁ ପାଣି କିତାମାନା ଆୟାକା ସୁଡ଼‌ଡୁ ବିସ୍‌ବାସ୍ କିଦୁ ।

୧୨ ସଡ଼ ସଡ଼ ନାନ୍ ମିଙ୍ ଖେର୍‌ସିନା, ନା ମାନ୍ ଏନ୍ ବିସ୍‌ବାସ୍ କିନ୍‌ନାନ୍, ନାନ୍ ଏମେ ଏମେ ପାଣି କିଜିନା, ଖାନ୍ ବା ଆୟାଝିଜୁ କିନ୍‌ନାନ୍, ମାରି ଆୟାମାଣାନ୍ ବା ନାଣ୍ ପେରି ପାଣି କିନାନ୍, ଇରିଙ୍ ନାନ୍ ବୁବାଦି ଲାକ୍‌ତୁ ସଲ୍‌ସିନା ।

୧୩ ଏଣ୍ଡେସ୍ ମାରିନ୍‌ତିମାଣାନ୍ ବୁବାଦି ଦନ୍‌ସ୍‌ବାଦ୍ ତରାନାଡ଼, ଆୟାଉଣ୍ଡିଙ୍ ମିର୍ ନା ଦର୍‌ତାନ୍ ଇନିକାବା ଲସ୍‌ତିଙ୍, ଆକା ନାନ୍ ସିନା ।

୧୪ ଜଦି ମିର୍ ନା ଦର୍‌ତାନ୍ ଇନି ବିସ୍‌ୟ ନାଙ୍ ଲସ୍‌ତିଙ୍, ଆକା ନାନ୍ କିନା ।

ପବିତ୍ରଆତ୍ମାଦି ଦାନତି ପାରମାଣ୍

୧୫ ଜଦି ମିର୍ ନାଜ୍ ଜିବନ୍ନୋନିଦେର୍, ଆରିଜ୍ ନା ମାଟାଞ୍ଜିନ୍ନୁ ମାନାନିଦେର୍ ।

୧୬ ମାରି, ନାନ୍ ବୁବେଜ୍ ମାଡ଼ିସ୍‌କିନା, ମାରି ମି ଖାଲେ ଶୁଦ୍ଧିଦିନ୍ତିଜ୍ ମାନି ଉଣ୍ଡିଜ୍ ଖାନ୍ ମିଜ୍ ମାରି ଅରେନ୍ ସାହାଜ୍ୟକିନିଞ୍ଜାନିଜ୍ ସିନାନ୍

୧୭ ମାରି ଖାଦ୍ ଆଜିନାଡ଼ ସଡ଼ତି ଆମ୍ବା । ଇୟା ଜଗଡ଼ ଖାନିଜ୍ ମାନାଦେଜ୍ ଆଟ୍‌ଏଡ଼, ଇରିଜ୍ ଜଗଡ଼ ଖାନିଜ୍ ସୁଡ଼ସୁଡ଼ କି ନେସେଡ଼; ମାତର୍ ମିର୍ ଖାନିଜ୍ ନେସ୍‌ନିଦେର୍, ଇରିଜ୍ ଖାନ୍ ଖାଲେ ତେବାନାନ୍, ମାରି ଖାନ୍ ମି ଜିବନ୍‌ତୁ ତେବାନାନ୍ ।

୧୮ ନାନ୍ ସରଇ ଖେନକା, ନାନ୍ ମିଜ୍ ଚୁରା କଡ଼ କିଜ ଡ଼ିସ୍‌ସୋ ସଲ୍‌ଏ, ନାନ୍ ମି ଲାକ୍‌ତୁ ଡେସିଞ୍ଜାନା ।

୧୯ ଉଣା ଖେଡ଼ା ମାନାଡ଼, ଜଗଡ଼ ନାଜ୍ ମାରି ସୁଡ଼ସୁଡ଼; ମାତର୍ ମିର୍ ନାଜ୍ ସୁଡ଼ନ୍ନିଦେର୍, ଇରିଜ୍ ନାନ୍ ଜିବନ୍ ମାନା, ମିର୍ ବା ଜିବନ୍ ତେବାନିଦେର୍ ।

୨୦ ନାନ୍ ମା ବୁବାମାନ୍ ମାରି ମିର୍ ନାମାନ୍ ମାରି ନାନ୍ ମି ମାନ୍ ମାନା, ଇକା ଆୟାନାଣ୍ଡିଜ୍ ଖାଡ଼ିଜ୍ ମିର୍ ନେସ୍‌ନିଦେର୍ ।

୨୧ ଏନ୍ ନା ମାଟାଞ୍ଜିନ୍ନୁ ମାନାଜି ସାଲାନାନ୍, ଖାନ୍ ନାଜ୍ ଜିବନ୍‌ନୋନାନ୍, ମାରି ଏନ୍ ନାଜ୍ ଜିବନ୍‌ନୋନାନ୍, ନା ବୁବା ଖାନିଜ୍ ଜିବନ୍‌ନୋନାନ୍, ମାରି ନାନ୍ ଖାନିଜ୍ ଜିବନ୍‌ନୋନା ମାରି ଖାନି ଲାକ୍‌ତୁ ନିଜେଦିଜ୍ ତରାୟାଆନା ।

୨୨ ଜିହୁଦା, ଇକାନ୍ ଇସ୍‌ଆରିୟୋତିୟ ଜିହୁଦା ଆଏନ୍ ଖାନିଜ୍ ଇର୍ହାନ୍, ଏ ପ୍ରୁ, ଇନିକା ଏଣ୍ଡେସ୍ ଆନାଡ଼ ? ନିଜେଦିଜ୍ ଦୁନିଆ ଲାକ୍‌ତୁ ତରାୟା ଆଏଣ୍‌ଗା ମା ଲାକ୍‌ତୁ ତରତିମାନି ?

୨୩ ଜିସୁ ଖାନିଜ୍ ଇର୍ହାନ୍, ଜଦି ଏନ୍ ନାଜ୍ ଜିବନ୍‌ନୋନାନ୍, ଆରିଜ୍ ଖାନ୍ ନା ବାକ୍ୟ ମାନାନାଡ଼, ମାରି ନା ବୁବା ଖାନିଜ୍ ଜିବନ୍‌ନୋନାନ୍, ମାରି ବୁବା ନି ନାନ୍ ଖାନି ଲାକ୍‌ତୁ ଖାଜି ଖାନି ଖାଲେ ତେବାନାୟ ।

୨୪ ଏନ୍ ନାଜ୍ ଜିବନ୍‌ନୋଏନ୍, ଖାନ୍ ନା ବାକ୍ୟଦିଜ୍ ମାନାଏନ୍, ମାରି ଏମେ ବାକ୍ୟ ମିର୍ ଖେନଜିନିଦେର୍, ଆକା ନାଦି ଆଏଡ଼, ମାତର୍ ନା ପୋକ୍‌ତାତିମାନି ମାଲିକ୍‌ତି ବୁବାଦି ।

୨୫ ନାନ୍ ମି ୱାଲେ ମାନ୍‌ଜି ମାନ୍‌ଜି ମିଙ୍ଗ୍ ଇୟାଞ୍ଜି ମାଟା
ଝେରତା ।

୨୬ ଆୟା ସାହାଜ୍ୟକିନିକାନ୍ ମାରି ପବିତ୍ର ଆମା ଆମାତାନିଙ୍ଗ୍ ବୁବା
ନା ଦରତାନ୍ ପୋକ୍ତାନାନ୍, ୱାନ୍ ମିଙ୍ଗ୍ ଓଁଜୁ ବିସୟତିଙ୍ଗ୍ ସିକିୟା
ସିନାନ୍, ମାରି ନାନ୍ ମିଙ୍ଗ୍ ଆମା ଆମାକା ଝେରତାମାନା, ଆୟାଞ୍ଜି
ମିଙ୍ଗ୍ ଏଡକିବିସ୍ କିନ୍‌ନାନ୍ ।

୨୭ ନାନ୍ ମିଙ୍ଗ୍ ସାନ୍ତି ଦାନ୍ କିତା ସଲ୍‌ସିନା, ନା ନିଜେଦି ସାନ୍ତି
ଦାନ୍ ମିଙ୍ଗ୍ ସିଜିନା; ଜଗତ ଏଣ୍ଡେସ୍ ଦାନ୍ କିନାଡ୍, ନାନ୍ ମିଙ୍ଗ୍
ଆୟାଞ୍ଜା ଦାନ୍ କିଏ । ମି ଜିବନ୍ ଦାନ୍ ନି ତିଲାମାକିଡ୍ ।

୨୮ ନାନ୍ ସଲ୍‌ସିନା ମାରି ମି ଲାକ୍‌ଡୁ ଡେସି ୱାନା, ନା ଇୟା ମାଟା
ତୋ ଝେରଇମାନିଦେର୍ । ଜଦି ମିର୍ ନାଙ୍ଗ୍ ଜିବନ୍‌ନୋଜିମାରିଙ୍ଗ୍,
ଆରିଙ୍ଗ୍ ନାନ୍ ନା ବୁବାଦି ଲାକ୍‌ଡୁ ସଲ୍‌ସିନାନ୍ ଇଜି ଝେଡିକା
ଆତିଦେର୍‌ମାନ୍, ଇରିଙ୍ଗ୍ ନା ବୁବା ନାମାଣକୁ ପେରିକାନ୍ ।

୨୯ ମାରି, ଆକା ଗଟାନି ବେଡାଦୁ ମିର୍ ଏଣ୍ଡେସ୍ ବିସ୍‌ବାସ୍ କିନିଦେର୍,
ଆୟାଞ୍ଜି ଆକା ଗଟାନି ଆଗ୍‌ଡିନେ ନାନ୍ ଇଲେଇ ମିଙ୍ଗ୍
ଝେରତାମାନା ।

୩୦ ନାନ୍ ମି ୱାଲେ ମାରି ନାଣ୍ଟ ସମୟ ୱାର୍‌ଗିଜିସାଦେଙ୍ଗ୍ କେଏନି,
ଇରିଙ୍ଗ୍ ଦୁନିଆଦି ପେରିକାନ୍ ୱାଜିନାନ୍; ମାରି, ନା ମୁସ୍‌କୁ ୱାନି ସାକ୍ତି
ଇନିକା ସିଲେଡ୍;

୩୧ ମାତର୍ ବୁବା ନାଙ୍ଗ୍ ଏଣ୍ଡେସ୍ ଆଦେସ୍ ସିତାମାନାନ୍, ଆୟା
ଇସାବ୍‌ତାନ୍ ନାନ୍ ପାଣି କିନା । ଆତିଙ୍ଗ୍, ନାନ୍ ନା ବୁବେଙ୍ଗ୍
ଜିବନ୍‌ନୋନା ଇଜି ଦୁନିଆ ନେସ୍‌ନାଡ୍ ।

ନିଙ୍ଗ୍‌ଦୁ, ମାଡ୍ ଇୟା ବାଡିଦାନ୍ ସନାଡ୍ ।

୧୫

ଜିସୁ ଅଙ୍ଗୁରତିଝାଦି ୱାଜା

୧ ନାନ୍ ସତେନେ ଅଙ୍ଗୁର୍ ତିଝା, ମାରି ମା ବୁବା ପାଣିକିନିକାନ୍ ।

୨ ନା ମାନ୍ ମାନି ଆମା କମାଦୁ ପଲ୍ ଆସ୍‌ଏତିଙ୍ଗ୍, ଆୟାକା କାଡ୍‌ନା
ପୋକ୍‌ନାନ୍; ମାରି ଆମା କମାଦୁ ପଲ୍ ଆସ୍‌ନାଡ୍, ଆବେନ୍ ନାଣ୍ଟ
ଆସ୍‌ତେଙ୍ଗ୍ ଇଜି ୱାନ୍ ତାନେଙ୍ଗ୍ କୟ୍‌ଜି ସେବା କିନ୍‌ନାନ୍ ।

୩ ନାନ୍ ମିଙ୍ଗ୍ ଏମେ ବାକ୍ୟ ଖେରତାମାନା, ଆୟାଉଣ୍ଡିଙ୍ଗ୍ ମିର୍ ନରୟାଆତି ଝିସ୍ତିମାନିଦେର୍ ।

୪ ନା ମାନୁ ମାନୁଡୁ, ଆବେଟ୍ ନାନ୍ ମିମାନୁ ତେବାନା । ଏଣ୍ଡେସ୍ କମା ଅଙ୍ଗୁର୍ ତିଝାତୁ ମାନୁଏତିଙ୍ଗ୍ ନିଜେଦାନ୍ ପଲ୍ ଆସ୍ତେଙ୍ଗ୍ ଆର୍ଏଡ୍, ଆୟାଝାଜା ମିର୍ ବା ନା ମାନୁ ମାନୁଏତିଙ୍ଗ୍ ପଲ୍ ଆସ୍ତେଙ୍ଗ୍ ଆର୍ଇଦେର୍ ।

୫ ନାନ୍ ଅଙ୍ଗୁର୍ ତିଝା, ମିର୍ କମେଙ୍ଗ୍, ଏନ୍ ନାମାନୁ ମାନୁନାନ୍ ମାରି ନାନ୍ ଏମାନୁ ମାନା, ଝାନ୍ ନାଣ୍ଡ ପଲ୍ ଆସ୍ନାଡ୍; ଇରିଙ୍ଗ୍ ନାଙ୍ଗ୍ ଡିସ୍ତିଙ୍ଗ୍ ମିର୍ ଇନିକା କିଦେଙ୍ଗ୍ ଆର୍ଇଦେର୍ ।

୬ ଏନ୍ ଏସ୍କାଙ୍ଗ୍ ନାମାନୁ ମାନୁଏନ୍, ଆରିଙ୍ଗ୍ ଝାନିଙ୍ଗ୍ କାଡ୍ନିମାନି କମେଙ୍ଗ୍ ଝାଜା ଆତେରେ ପୋକ୍ନାର୍ ମାରି ଝାର୍ନା ସୋନାଡ୍, ଇୟାଝାଜା କମେଆଙ୍ଗ୍ ଲୋକୁ ଉଣ୍ଡା କିଜି ସିସୁଡୁ ପୋକ୍ନାର୍ ମାରି ଆୟା କମେଙ୍ଗ୍ ଝେନ୍ସନ୍ନେ ।

୭ ଜଦି ମିର୍ ନାମାନୁ ମାନୁଡୁ, ମାରି ନା ବାକ୍ୟ ମିମାନୁ ମାନାଡ୍, ଆରିଙ୍ଗ୍ ଆମା ବିସୟ୍ ବଦା କିନିଦେର୍, ଆକା ଲସ୍ତୁ, ମାରି ମି ଉଣ୍ଡିଙ୍ଗ୍ ଆକା ଆନାଡ୍ ।

୮ ମିର୍ ନାଣ୍ଡ ପଲ୍ ଆସ୍ତିଙ୍ଗ୍ ମା ବୁବା ଦନ୍ୟବାଦ୍ ପୟ୍ନାନ, ମାରି ମିର୍ ନା ସଡ୍ତି ସିସୁର୍ ଆନିଦେର୍ ।

୯ ବୁବା ଏଣ୍ଡେସ୍ ଝାଜା ନାଙ୍ଗ୍ ଜିବନ୍ନୋତାମାନାନ୍, ନାନ୍ ବା ଆୟାଝାଜା ମିଙ୍ଗ୍ ଜିବନ୍ନୋତାମାନାନ୍; ନା ଜିବନ୍ନୋନିମାଣାନ୍ ତିର୍ ଆଜି ମାନୁଡୁ ।

୧୦ ନାନ୍ ଏଣ୍ଡେସ୍ ମା ବୁବାଦି ମାଟାଦିଙ୍ଗ୍ ମାନାଜି ଝାନି ଜିବନ୍ନୋନିମାଣାନ୍ ତିର୍ ଆତାମାନା, ଆୟାଝାଜା ମିର୍ ଏସ୍କାଙ୍ଗ୍ ନା ମାଟାଦିଙ୍ଗ୍ ମାନାନିଦେର୍, ଆରିଙ୍ଗ୍ ନା ଜିବନ୍ନୋନିମାଣାନ୍ ତିର୍ ଆନି ତେବାନିଦେର୍ ।

୧୧ ନା ଝେଡ୍ଡିକା ଏଣ୍ଡେସ୍ ମି ମାନୁ ତେବାତାନ୍, ମାରି ମି ଝେଡ୍ଡିକା ଏଣ୍ଡେସ୍ ବଡ୍ ଆନାଡ୍, ଇୟାଉଣ୍ଡିଙ୍ଗ୍ ନାନ୍ ଇୟାଝିଙ୍ଗ୍ ମିଙ୍ଗ୍ ଝେରତା ।

୧୨ ନାନ୍ ଏଣ୍ଡେସ୍ ମିଙ୍ଗ୍ ଜିବନ୍ନୋତା ମାନା, ମିର୍ ବା ଆୟାଝାଜା ନିଜେନିଜେଦିଙ୍ଗ୍ ଜିବନ୍ନନ୍ଦୁ, ଇକା ନା ଆଦେସ୍ ।

୧୩ ନିଜେଦି ସଙ୍ଗତିଲୋକା ଉଣ୍ଡିଙ୍ଗ ନିଜେଦି ଜିବନ୍ ସିନି ବାଦୁଲୁ ଏନ୍ ମାରି ନାଣ୍ଡ ପେରି ଜିବନ୍ନୋନିକା ସିଲେଡ଼ ।

୧୪ ନାନ୍ ମିଙ୍ଗ ଆମା ମାଟା ସିତାମାନା, ଆୟାକା ଜଦି ମାନାନିଦେର୍, ଆରିଙ୍ଗ ମିର୍ ନା ସଙ୍ଗ ।

୧୫ ନାନ୍ ମିଙ୍ଗ ମାରି ସାକର୍ ଇଜି ଇନ୍ଏ, ଇରିଙ୍ଗ ମାଲିକୁ ଇନିକା କିନ୍ନାନ୍, ସାକର୍ ଆକା ନେସ୍ଏପ୍, ମାତର୍ ନାନ୍ ମିଙ୍ଗ ସଙ୍ଗ ଇଜି ଇର୍ହାମାନା, ଇରିଙ୍ଗ ନାନ୍ ମା ବୁବାଦିମାଣ୍ନା ଇନି ଇନିକା ଝେର୍ଆମାନା, ଆୟାଞ୍ଜି ମିଙ୍ଗ ଝେର୍ତାମାନା ।

୧୬ ମିର୍ ନାଙ୍ଗ ଆସ୍‌କିଇଦେର୍, ମାତର୍ ନାନ୍ ମିଙ୍ଗ ଆସ୍‌କିତାମାନା, ମାରି ମିର୍ ଏଣ୍ଡେସ୍ ସୋଲ୍‌ସ ପଲ୍ ଆସିସ୍‌କିଦୁ ମାରି ମି ପଲ୍ ଡିର୍ ତେବାତାନ୍, ଇୟାଉଣ୍ଡିଙ୍ଗ ମିଙ୍ଗ ଆସ୍‌କିତାମାନା । ଆବେର୍ ମିର୍ ନା ଦର୍ତାନ୍ ବୁବେଙ୍ଗ ଆମାକା ଲସ୍‌ନିଦେର୍, ଝାନ୍ ଆକା ମିଙ୍ଗ ସିନାନ୍;

୧୭ ମିର୍ ଏଣ୍ଡେସ୍ ନିଜେନିଜେଦିଙ୍ଗ ଜିବନ୍‌ନଦୁ, ଇୟାଉଣ୍ଡିଙ୍ଗ ନାନ୍ ମିଙ୍ଗ ଇୟାଞ୍ଜି ମାଟା ସିଜିନା ।

ଦୁନିଆ କାଡ଼ନାଡ଼

୧୮ ଜଦି ଜଗଡ଼ ମିଙ୍ଗ କାଡ଼ନାଡ଼, ଆରିଙ୍ଗ ମିଙ୍ଗ କାଡ଼ିନି ଆଗଡ଼ି ଆକା ଜେ ନାଙ୍ଗ କାଡ଼ିତା ମାନାଡ଼, ଇକା ନେସ୍‌ତୁ ।

୧୯ ମିର୍ ଜଦି ଇୟା ଦୁନିଆଦିକାର୍ ଆଡିଦେର୍ ମାନ୍, ଆରିଙ୍ଗ ଦୁନିଆ ମିଙ୍ଗ ନିଜେଦିକାର୍ ଅଡ଼ବିଜି ଲାଡ଼ କିତାଡ଼ମାନ୍; ମାତର୍ ନାନ୍ ମିଙ୍ଗ ଆସ୍‌କିଜି ଦୁନିଆଦାନ୍ ଝେର୍ଏ କିତାମାନା । ଆୟାଉଣ୍ଡିଙ୍ଗ ଦୁନିଆ ମିଙ୍ଗ କାଡ଼ନାଡ଼ ।

୨୦ ☆ସାକର୍ ନିଜେଦି ମାଲିକ୍‌ମାଣୁକୁ ପେରିକାନ୍ ଆଏନ୍, ନାନ୍ ମିଙ୍ଗ ଇୟା ଏମେ ବାକ୍ୟ ଝେର୍ତାମାନା, ଆକା ଏଡ଼କିଦୁ । ଜଦି ଝାର୍ ନାଙ୍ଗ ନିଦା କିତାମାନାର୍, ଆରଡିଙ୍ଗ ମିଙ୍ଗ ବା ନିଦା କିନାର୍; ଜଦି ଝାର୍ ନା ବାକ୍ୟ ମାନାତାମାନାର୍, ଆରିଙ୍ଗ ମି ବାକ୍ୟ ବା ମାନାନାର୍ ।

୨୧ ମାତରୁ ଖାର ନା ପୋକ୍ତିମାନି ମାଲିକ୍ତିଙ୍କ ନେସ୍‌ଏତିମାନିଙ୍କ ନା ଦର ଉଣ୍ଡିଙ୍କ ମିଙ୍ଗିଁ ଇୟାଞ୍ଜିକୁ କିନାର ।

୨୨ ଜଦି ନାନ୍ ଖାଜ ଖାରିଙ୍କ ଇନ୍‌ଏତି ମାରିଙ୍କ, ଆରିଙ୍କ ଖାରି ପାପ୍ ଆସତାତମାନ୍; ମାତରୁ ଇଲେଇ ଖାରି ପାପ୍ ବିସୟତାନ୍ ଖାରି ଇନି ସାଲାକି କିଦେଙ୍କ ଆର୍‌ଏର୍ ।

୨୩ ଏନ୍ ନାଙ୍ଗିଁ କାଡ୍‌ନାନ୍, ଖାନ୍ ମା ବୁବେଙ୍କ ବା କାଡ୍‌ନାନ୍ ।

୨୪ ଏମେ ପାଣିଞ୍ଜିକୁ ମାରି ଏନ୍ କିଏନ୍, ନାନ୍ ଜଦି ଆୟାଞ୍ଜିକୁ ଖାରି ମାନ୍ କିଏତାମାନ୍, ଆରିଙ୍କ ଖାରି ପାପ୍ ଆସତାତମାନ୍; ମାତରୁ ଇଲେଇ ଖାର ସୁଡ଼ତୁମାନାର, ମାରି ନାଙ୍ଗିଁ ମାରି ମା ବୁବେଙ୍କ ରିଏରିଙ୍କବା କାଡ୍‌ତାମାନାର ।

୨୫ ମାତରୁ ଖାର ମାଟାସିଲିକାବା ନାଙ୍ଗିଁ କାଡ୍‌ତାର, ଖାରି ଦାମ୍‌ସାସ୍ତ୍ରୁ ରାସ୍ତିମାନି ଇୟା ବାକ୍ୟ ଏଣ୍ଡେସ୍ ପୁରା ଆନାଡ୍, ଇୟାଉଣ୍ଡିଙ୍କ ଇୟାଖାଜା ଗଟାଜିନାଡ୍ ।

୨୬ ବୁବାଦି ଲାକ୍‌ତୁରାନ୍ ନାନ୍ ମି ଲାକ୍‌ତୁ ଆମା ସାହାଜ୍ୟକିନିଖାନିଙ୍କ ପୋକ୍‌ତାନା, ଖାନ୍ ବୁବାଦିମାଣାନ୍ ଖାନାଡ୍, ଆୟା ସଡ୍‌ତି ଆମା ଖାତିଙ୍କ ନା ବିସୟତାନ୍ ସାକିୟ ସିନାଡ୍;

୨୭ ମାରି, ମିର୍ ନା ବିସୟତାନ୍ ସାକି ଖେରନିଦେର୍, ଇରିଙ୍କ ମିର୍ ଆଗିଡିରାନ୍‌ନେ ନା ଖାଲେ ମାନିଦେର୍ ।

୧୭

୧ ମିର୍ ଏଣ୍ଡେସ୍ ନିଜେଦି ବିସ୍‌ବାସ୍ ଆରାକିମାଟ୍, ଇୟାଉଣ୍ଡିଙ୍କ ନାନ୍ ମିଙ୍ଗିଁ ଇୟାଞ୍ଜିକୁ ମାଟା ଖେର୍‌ସିନା ।

୨ ମିଙ୍ଗିଁ ଲୋକୁ ଖାରି କୁଟୁମ୍‌ତାନ୍ ସପ୍‌ନାର ମାରି ଇୟାଖାଜା ଦିନ୍ ଖାଜିନାଡ୍, ଏସ୍ତିଖାଲେ ଏନ୍ ମିଙ୍ଗିଁ ଡାକ୍‌ନାନ୍, ଖାନ୍ ମାପୁରୁଦି ଇସାବ୍‌ତାନ୍ ଇଜି ଏଡ୍ କିନ୍‌ନାନ୍ ।

୩ ମାରି, ଖାର ଇୟାଞ୍ଜିକୁ କିନାର, ଇରିଙ୍କ ଖାର ବୁବେଙ୍କ ମାରି ନାଙ୍ଗିଁ ନେସ୍‌ଏର୍ ।

୪ ମାତରୁ ଏସ୍ତିଖାଲେ ଇୟାଞ୍ଜିକୁ ଗଟାନି ବେଡା ଇଗାଖାନାଡ୍, ନାନ୍ ମିଙ୍ଗିଁ ଖେର୍‌ତାମାର୍‌ଆ, ଇକା ଏଣ୍ଡେସ୍ ମିର୍ ଏଡ୍‌କିଦୁ, ଇୟାଉଣ୍ଡିଙ୍କ

ନାନ୍ ଇୟାଞ୍ଜିନ୍ତୁ ମାଟା ମିଙ୍ଗ୍ ଝେରତାମାନା । ନାନ୍ ମି ଝାଲେ ମାନିଙ୍ଗ୍
ଆରାମ୍ତାନ୍ ଇୟାଞ୍ଜିନ୍ତୁ ମାଟା ମିଙ୍ଗ୍ ଝେରତା ମାଟ୍ତା ।

ପବିତ୍ର ଆତ୍ମାଦି ପାଣି

୫ ମାତର୍ ଇଲେଇ ନାନ୍ ନା ପୋକ୍ତାତିମାନି ମାଲିକ୍ତି
ଲାକ୍ତୁ ସୋଲ୍ସିନା, ମାତର୍ ମି ଲୋଇରାନ୍ ନାଙ୍ଗ୍ ଏନ୍
ଝେନ୍ବାଇଜିନିଦେର୍, ନିନ୍ ଏମେ ବାତିବୁ ସୋଲ୍ସିନି ।

୬ ମାରି ନାନ୍ ମିଙ୍ଗ୍ ଇୟାଞ୍ଜିନ୍ତୁ ମାଟା ଝେରତିମାନିଙ୍ଗ୍ ମି ଜିବନ୍
ଦୁଃକ୍ତାନ୍ ପୁରା ଆତାମାନାତ୍

୭ ମାତର୍ ନାନ୍ ମିଙ୍ଗ୍ ସତ୍ ଝେରସିନା, ନାନ୍ ସନିକା ମି ଉଣ୍ଡିଙ୍ଗ୍
ନେଗେଡ୍, ଇରିଙ୍ଗ୍ ନାନ୍ ସଲ୍ସତିଙ୍ଗ୍ ଆୟା ସାହାଜ୍ୟକିନିକାନ୍ ମି
ଲାକ୍ତୁ ରେଏନ୍, ମାତର୍ ନାନ୍ ସରିଇଝେନ୍କା ଝାନିଙ୍ଗ୍ ମି ଲାକ୍ତୁ
ପୋକ୍ତାନା ।

୮ ଝାନ୍ ଝାଜି ପାପ୍, ଦାମ୍ବୁ ମାରି ମାପୁରୁଦି ନ୍ୟାୟବିସାର୍କିନି
ବିସୟତାନ୍ ଜଗଡ୍ତିଙ୍ଗ୍ ପାରାମାଣ୍ ସିନାତ୍;

୯ ପାପ୍ ବିସୟତାନ୍ ଝାର ବୁଲ୍ ଇରିଙ୍ଗ୍ ଝାନ୍ ତରନା ସିନାନ୍ ଜେ,
ନା ମାନ୍ତୁ ବିସ୍ବାସ୍ କିଏର୍ ।

୧୦ ଦାମ୍ବୁଦି ବିସୟତାନ୍ ଝାର ବୁଲ୍ ଇରିଙ୍ଗ୍ ନାନ୍ ବୁବାଦି ଲାକ୍ତୁ
ସୋଲ୍ସିନା ମାରି ମିର୍ ନାଙ୍ଗ୍ ମାରି ସୁଡ୍‌ଛୁଦେର୍;

୧୧ ବିସାର୍ ବିସୟତାନ୍ ଝାର ବୁଲ୍ ଇରିଙ୍ଗ୍ ଇୟା ଜଗଡ୍ତି
ପେରିକାନ୍ ବିସାର୍ ଆତାମାନାତ୍ ।

୧୨ ନାନ୍ ମିଙ୍ଗ୍ ମାରି ଗାଦି ମାଟେଙ୍ଗ୍ ଇନିକା ମାନାତ୍, ମାତର୍ ମିର୍
ଇଲେଇ ଆୟାଞ୍ଜିନ୍ତୁ ମାନାଦେଙ୍ଗ୍ ଆର୍‌ଇଦେର୍ ।

୧୩ ମାତର୍ ଏସ୍ତିଝାଲେ ସଡ୍‌ତି ଆମ୍ବା ଝାତିଙ୍ଗ୍, ନାସ୍ତିଝାଲେ ଝାଦ୍
ଞ୍ଜିନ୍ତୁ ସତ୍ ବୁଜାଦେଙ୍ଗ୍ ସାକ୍ତି ସିନାତ୍ । ଝାଦ୍ ନିଜେଦି ଅଦିକାର୍‌ତାନ୍
ଇନିକା ଇନ୍‌ଏଡ୍ । ମାପୁରୁଦି ମାଣାନ୍ ଝାଦ୍ ଆମାକା ଝେରଆ
ମାନାତ୍, କେବଲ୍ ନାସନେ ଝାଦ୍ ଝେରନାତ୍ । ଆମା ଞ୍ଜିନ୍ତୁ ଗଟାଦେଙ୍ଗ୍
ସୋଲ୍ସିନାତ୍ ଝାଦ୍ ମିଙ୍ଗ୍ ଝେରନାତ୍ ।

୧୪ ଝାନ୍ ନାଙ୍ଗ୍ ଦନ୍ୟବାଦ୍ କିନ୍‌ନାନ୍, ଇରିଙ୍ଗ୍ ନାନ୍ ଆମାକା ଇନା
ଝାନ୍ ନାମାଣ୍‌କୁ ଞ୍ଜିନ୍ତୁ ସଡ୍‌ତି ବିସୟକୁ ଅସି ମିଙ୍ଗ୍ ଝେରନାନ୍ ।

୧୫ ଆମା ଆମାକା ବୁବାଦି, ଆୟାଞ୍ଜି ନାଦି; ଇୟାଉଣ୍ଡି ନାନ
ଇର୍ହା, ପବିତ୍ର ଆମା ନାମାଣକୁ ଞ୍ଜି ବିସୟ ଅସି ମିଙ୍ଗ୍ ଶ୍ରେରନାନ
।

ଦୁଃକ୍ ନି ଶ୍ରେଡ଼ିକା

୧୬ “କାଣ୍ଡେକ୍ ବେଡ଼ା ମାନାଡ଼, ମିର୍ ନାଙ୍ଗ୍ ମାରି ସୁଡ଼ୁଦେଙ୍ଗ୍
ଆବ୍‌ଇଦେର୍, ମାରିଡେସି ସାଣେକ୍ ଶ୍ରେନ୍‌କା ମିର୍ ନାଙ୍ଗ୍
ସୁଡ଼ୁଦିଦେର୍ ।”

୧୭ ଆବେର୍ ଖାନି ସିସୁରି ଲୋଇରାନ ଏନ୍ ଏନ୍ ନିଜେନିଜେ
ଇର୍ହାର୍, କାଣ୍ଡେକ୍ ବେଡ଼ା ମାନାଡ଼, ମିର୍ ନାଙ୍ଗ୍ ସୁଡ଼ୁଦେର୍,
ମାରିଡେସି ସାଣେକ୍ ଶ୍ରେନ୍‌କା ମିର୍ ନାଙ୍ଗ୍ ସୁଡ଼ୁଦିଦେର୍ ମାରି ନାନ
ବୁବାଦି ଲାକ୍‌ତୁ ସୋଲ୍‌ସିନା, ଇୟା ଏମେ ମାଟା ଖାନ ମାଙ୍ଗ୍
ଶ୍ରେସିନାନ, ଇକା ଇନିକା ?

୧୮ ଖାର୍ ଇର୍ହାର୍, “କାଣ୍ଡେକ୍ ବେଡ଼ା ଇଜି ଇକାନ ଇନିକା ଇଜିନି ?”
ଖାନ ଇନିକା ଶ୍ରେସିନାନ, ମାପ୍ ବୁଜାଦେଙ୍ଗ୍ ଆବ୍‌ଏଜିନାପ୍ ।

୧୯ ସିସୁର୍ ଖାନିଙ୍ ଶ୍ରେନ୍‌ବାଦେଙ୍ ବଦା କିଜିନାର୍ ଇଜି
ନେସ୍‌ତାନନୋ ଜିସୁ ଖାରିଙ୍ ଇର୍ହାନ, କାଣ୍ଡେକ୍‌ନେ ବେଡ଼ା ମାନାଡ଼,
ମିର୍ ନାଙ୍ଗ୍ ସୁଡ଼ୁଦେର୍, ମାରିଡେସି ସାଣେକ୍ ମାର୍‌ଇ ଶ୍ରେନ୍‌କା
ମିର୍ ନାଙ୍ଗ୍ ସୁଡ଼ୁଦିଦେର୍, ନାନ ଏମେ ଇୟା ମାଟା ଶ୍ରେଡ଼ିକା,
ଆୟା ବିସୟତାନ ଅସି ମିର୍ ଇନିକା ନିଜେନିଜେଦିମାନୁ ଖାର୍‌ଗିଜି
ସାଜିନିଦେର୍ ?

୨୦ ସଡ଼୍ ସଡ଼୍‌ନେ ନାନ ମିଙ୍ଗ୍ ଶ୍ରେସିନା, ମିର୍ ଆଡ଼ାବାନିଦେର୍
ମାରି ଏଡ଼କିଜି କିଜି ଆଡ଼ବାନିଦେର୍, ମାତର୍ ଜଗଡ଼ ଶ୍ରେଡ଼ିକା
ଆନାଡ଼; ମିର୍ ଦୁଃକ୍‌ଆନିଦେର୍, ମାତର୍ ମି ଦୁଃକ୍ ଶ୍ରେଡ଼ିକାଦୁ
ମିସାନାଡ଼ ।

୨୧ ଜନମ୍‌କିନି ବେଡ଼ା ଇଗା ଖାଡ଼ିଙ୍ ଆଇମା ଦୁଃକ୍ ପୟନାଡ଼,
ମାତର୍ ଖାନି କଡ଼ ଜନମ୍ ଆଡ଼ି ଶ୍ରେନ୍‌କା ଦୁନିଆଦୁ ଅରେନ୍ ଲୋକୁ
ଜନମ୍ ଆତାନ, ଇୟା ଶ୍ରେଡ଼ିକା ଉଣ୍ଡିଙ୍ ମାରି କାସୁ ଏଡ଼ କିଏଡ଼ ।

୨୨ ଆୟାଞ୍ଜା ମିର୍ ଇଲେଇ ଦୁଃକ୍ ପୟଜିନିଦେର୍, ମାତର୍ ନାନ
ମାରିଡେସି ମିଙ୍ଗ୍ ତରାୟାଆନା, ମାରି ମି ଜିବନ୍ ଶ୍ରେଡ଼ିକା ଆନାଡ଼
ମାରି ଏନ୍ ମିମାଣୁକୁ ମି ଶ୍ରେଡ଼ିକା ଡଙ୍ଗାକିଜ ଅଏନ୍ ।

୨୩ ଆୟାନାଣ୍ଡିଙ୍ଗ୍ ଖାତିଙ୍ଗ୍, ନାମାଣାନ୍ ମିଙ୍ଗ୍ ମାରି ଇନିକା ଲସ୍ତେଙ୍ଗ୍ ପଡ଼ାଏଡ଼ । ସଡ଼ ଇଜିନା, ନା ଦରତାନ୍ ବୁବା ମାପୁରୁଙ୍ଗ୍ ଆମାକା ଲସ୍ତନିଦେର୍, ଖାନ୍ ଆକା ସିନାନ୍ ।

୨୪ ଇୟାସାନ୍ଦି ମିର୍ ନା ଦରତାନ୍ ଇନିକା ଲସ୍ତଦେର୍; ଇଲେଇ ଲସ୍ତୁ, ମାରି ମି ଖେଡ଼ିକା ଏଣ୍ଡେସ୍ ପୁରୁନ୍ ଆନାଡ଼, ଆୟାଡ଼ଣ୍ଡିଙ୍ଗ୍ ମିର୍ ଆକା ପୟନିଦେର୍ ।

ଦୁନିଆ ମୁସ୍ତୁ ଜିଣାନିକା

୨୫ ନାନ୍ ମିଙ୍ଗ୍ କାତାଦାନ୍ ଇୟାଡ଼ିଙ୍ଗ୍ ମାଟା ଖେରୁତାମାନା; ବେଡ଼ା ଖାଜିନାଡ଼, ଏସ୍ତିଖାଲେ ନାନ୍ ମାରି କାତାଦାନ୍ ମିଙ୍ଗ୍ ଖେରୁଏ, ମାତର୍ ବୁବାଦି ବିସୟ ବୁଜାନିଝାଜା ମିଙ୍ଗ୍ ଖେରୁନା ।

୨୬ ଆୟାନାଣ୍ଡିଙ୍ଗ୍ ମିର୍ ନା ଦରତାନ୍ ଖାନିଙ୍ଗ୍ ଲସ୍ତନିଦେର୍; ମାରି, ନାନ୍ ଜେ ମି ତରିଟାନ୍ ବୁବେଙ୍ଗ୍ ଖେରୁନା, ଇକା ନାନ୍ ମିଙ୍ଗ୍ ଇନ୍ଏ;

୨୭ ଇରିଙ୍ଗ୍ ବୁବା ନିଜେ ମିଙ୍ଗ୍ ଜିବନ୍ନୋନାନ୍, ଆଦେଙ୍ଗ୍ ମିର୍ ନାଙ୍ଗ୍ ଜିବନ୍ନୋତିମାନିଦେର୍ ମାରି ନାନ୍ ଜେ ମାପୁରୁଦି ଲାକ୍ତୁରାନ୍ ଖାତାମାନା, ଆକା ମିର୍ ବିସ୍ବାସ୍ କିତିମାନିଦେର୍ ।

୨୮ ନାନ୍ ବୁବାଦି ଲାକ୍ତୁରାନ୍ ଦୁନିଆଦୁ ଖାତାମାନା; ମାରିଡ଼େସି ନାନ୍ ଦୁନିଆ ଡ଼ିସ୍ସି ବୁବାଦି ଲାକ୍ତୁ ସୋଲ୍ସିନା ।

୨୯ ଇୟା ମାଟା ଖେନ୍ଝି ସିସୁର ଇର୍ହାର୍, ସୁଡ଼ଦୁ, ଇଲେଇ ନିନ୍ ବୁଜାନିଝାଜା ଖେରୁସିନି ମାରି କାତାଦାନ୍ ମାଟା ମାରି ଖେରୁଇ ।

୩୦ ଇଲେଇ ମାପ୍ ନେସ୍ନାପ୍; ନିନ୍ ଖିଙ୍ଗ୍ ବିସୟ ନେସ୍ନି ମାରି ନିନ୍ ଏଙ୍ଗ୍ ଇନି ବିସୟ ଖେନ୍ବାଦେଙ୍ଗ୍ ଦରକାର୍ ସିଲେଡ଼ । ମାପୁରୁଦି ଲାକ୍ତୁରାନ୍ ନିନ୍ ଖାତିମାନି ଇଜି ମାପ୍ ଇୟାମାଣ୍ଡିଙ୍ଗ୍ ବିସ୍ବାସ୍ କିଜିନାପ୍ ।

୩୧ ଜିସୁ ଖାରିଙ୍ଗ୍ ଖେରୁତାନ୍, ମିର୍ ଇନିକା ଇଲେଇ ବିସ୍ବାସ୍ କିଜିନିଦେର୍ ?

୩୨ ସୁଡ଼ଦୁ, ବେଡ଼ା ଖାଜିନାଡ଼, ହୁଁ, ଖାତାଡ଼ନି, ଏସ୍ତିଖାଲେ ମିର୍ ଇନିଙ୍ଗ୍ ଆନିଙ୍ଗ୍ ଆଜି ଖିଜେରେ ନିଜେ ନିଜେଦି ଇଲ୍ଲକାଙ୍ଗ୍ ସନିଦେର୍, ମାରି ନାଙ୍ଗ୍ ଅରେନ୍ଝାନିଙ୍ଗ୍ ଡ଼ିସ୍ସିସନିଦେର୍; ଆରିଙ୍ଗ୍ବା ନାନ୍ ଅରେନ୍ନେ ସିଲେ, ଇରିଙ୍ଗ୍ ବୁବା ନା ଖାଲେ ମାନ୍ନାନ୍ ।

୩୩ ମିର ଏଣେସ ନା ଖାଲେ ମାନଞ୍ଜି ସାନ୍ତି ପୟନିଦେର,
ଇୟାଉଣ୍ଡି ନାନ ମିଙ୍ଗ୍ ଇୟାଞ୍ଜି ବିସୟ ଝେରତାମାନା ।
ଜଗତ୍‌ତୁ ମି ଉଣ୍ଡି କାସ୍ ମାନାତ୍, ମାତର୍ ସାସ୍ ଆସ୍ତୁ, ନାନ
ଜଗତ୍‌ତିଙ୍ଗ୍ ଜିଣାକିତାମାନା ।

୧୭

ସିସୁରି ଉଣ୍ଡିଙ୍ଗ୍ ଜିସୁଦି ପାରତନା

୧ ଜିସୁ ଇୟାଞ୍ଜି ମାଟା ଇନଜି ମୁସକୁପୁରତରିନ୍ ସୁଡ଼ୁ ଇହାନ,
ବୁବା, ବେଡା ଇଗା ଖାତାତନି; ନି ମାରିନତିଙ୍ଗ୍ ଗୌରବ୍ କିଆ, ଏଣେସ
ମାରିନ୍ ବା ନିଙ୍ଗ୍ ଦନ୍ୟବାଦ୍ କିନନାନ୍,

୨ ଏଣେସଖାଜା ନିନ୍ ଖାନିଙ୍ଗ୍ ଆମା ଲୋକାଙ୍ଗ୍ ଖାନି କିୟୁଦୁ
ସିତିମାନି, ଖାରିଙ୍ଗ୍ ଏସକାଙ୍ଗ୍‌ଞ୍ଜିଜିଜ ଜିବନ୍ ସିନି ଉଣ୍ଡିଙ୍ଗ୍ ଖାନିଙ୍ଗ୍ ଞ୍ଜି
ଦୁନିଆଦି ମୁସକୁ ଅଦିକାର୍ ସିତି ।

୩ ମାରି, ନିନ୍ ଜେ ଅରେନ୍‌ମାତର୍ ସଡ଼ତି ମାପୁରୁ, ନିଙ୍ଗ୍
ମାରି ଆମାଖାନିଙ୍ଗ୍ ନିନ୍ ପୋକତାତିମାନି, ଆୟା ଜିସୁ କ୍ରିସ୍ତଙ୍ଗ୍
ନେସ୍‌ନିକାନେ ଏସକାଙ୍ଗ୍‌ଞ୍ଜିଜିଜ ଜିବନ୍ ।

୪ ନିନ୍ ନାଙ୍ଗ୍ ଏମେ ପାଣି କିଦେଙ୍ଗ୍ ସିତିମାନି, ଆକା ନାନ
ଝିସ୍‌ତାନୋ ଦୁନିଆଦୁ ମିଙ୍ଗ୍ ଦନ୍ୟବାଦ୍ କିତାମାନା ।

୫ ମାରି ଇଲେଇ, ଏ ବୁବା, ଦୁନିଆ ତିଆରୁଆତି ପୁର୍ବେନେ ନି ଖାଲେ
ନା ଏମେ ମହିମା ମାର୍ହାତ୍, ଇଲେଇ ନିନ୍ ମାନିମାନ୍ ଆୟା ମହିମା
ନାଙ୍ଗ୍ ସିଦା ।

୬ ନିନ୍ ନାଙ୍ଗ୍ ଦୁନିଆଦି ମାଣ୍‌କୁ ଆମା ଲୋକାଙ୍ଗ୍ ଦାନ୍ କିତିମାନି,
ନାନ ଖାରି ଲାକ୍‌ତୁ ନି ଦର୍ ଝେରତାମାନା; ଖାର ନି ଲୋକ୍ ମାରି ନିନ୍
ଖାରିଙ୍ଗ୍ ନାଙ୍ଗ୍ ଦାନ୍ କିତିମାନି, ଖାର ନି ବାକ୍ୟ ମାନାତାମାନାର୍ ।

୭ ନିନ୍ ନାଙ୍ଗ୍ ଆମା ଆମାକା ଦାନ୍ କିତିମାନି, ଆୟାଞ୍ଜି ଜେ
ନିମାଣ୍‌କୁ ଖାତାମାନାତ୍, ଇକା ଖାର ଇଲେଇ ବୁଜାତାମାନାର୍;

୮ ଇରିଙ୍ଗ୍ ନିନ୍ ନାଙ୍ଗ୍ ଆମାଞ୍ଜି ମାଟା ଦାନ୍ କିତିମାନି, ନାନ
ଖାରିଙ୍ଗ୍ ଆୟାଞ୍ଜି ଦାନ୍ କିତାମାନା, ମାରି ଖାର ମାନାତାମାନାର୍,
ମାରି ନାନ ଜେ ନି ଲାକ୍‌ତୁରାନ୍ ଖାତାମାନା, ଆକା ସଡ଼ତାନ୍

ନେଷ୍ଟାମାନାରୁ ମାରି ନିନ୍ ନାଙ୍କୁ ପୋକ୍ତାତିମାନି ଇଜି ବିସ୍ବାସ କିତାମାନାରୁ ।

୯ ନାନ୍ ଖାରି ଉଣ୍ଡିଙ୍ଗ ପାର୍ତନା କିଜିନା, ଜଗତ୍ତ୍ବି ଉଣ୍ଡିଙ୍ଗ ପାର୍ତନା କିଏ, ମାତର୍ ନିନ୍ ନାଙ୍କୁ ଆମାଝାରିଙ୍ଗ ସିତିମାନି, ଖାରି ଉଣ୍ଡିଙ୍ଗ ପାର୍ତନା କିଜିନା, ଇରିଙ୍ଗ ଖାର୍ ନି ଲୋକ;

୧୦ ଆମା ଆମାକା ନାଦି, ଆୟାଞ୍ଜିକୁ ନିଦି, ମାରି ଆମା ଆମାକା ନିଦି, ଆୟାଞ୍ଜିକୁ ନାଦି, ମାରି, ନାନ୍ ଖାରିମାଣାନ୍ ଦନ୍ୟବାଦ୍ ଆତାମାନା ।

୧୧ ନାନ୍ ମାରି ଇୟା ଜଗତ୍ତ୍ବୁ ମାନ୍ଏ, ମାତର୍ ଇୟାକାର୍ ଜଗତ୍ତ୍ବୁ ମାନ୍ଜିନାର୍; ମାରି, ନାନ୍ ନି ଲାକ୍ତୁ ସୋଲ୍ସିନା । ପବିତ୍ର ବୁବା, ନିନ୍ ସିତିମାନି ଦରତି ସକ୍ତିଦାନ୍ ଖାରିଙ୍ଗ ରକିୟା କିଆ, ଏଣ୍ଡେସ୍ ନିନ୍ ମାରି ନାନ୍ ଅରେନ୍ନେ, ଖାର୍ ଆୟାଞ୍ଜା ଉନ୍ତେମାନୁ ଆଦେଙ୍ଗ୍ ଆର୍ନାର୍ ।

୧୨ ☆ ଖାରି ଖାଲେ ମାନ୍ଜିମାର୍ତ୍ତ୍ବ ଖାଲେ ନାନ୍ ଖାରିଙ୍ଗ୍ ନି ଦରତି ସାକ୍ତିଦାନ୍ ରକ୍ତୟା କିଜି ଖାଜିନା, ମାରି ନାନ୍ ଖାରିଙ୍ଗ୍ ନେଗ୍ନେତାନ୍ ରକିୟା କିତାମାନା ମାରି ଦାମ୍ବୁସାସ୍ତ୍ବି ବାକ୍ୟ ଏଣ୍ଡେସ୍ ପୁରା ଆନାଡ୍, ଇୟାଉଣ୍ଡିଙ୍ଗ୍ ସାନି ମାରିନ୍ତିଙ୍ଗ୍ ଡିସ୍ସି ଖାରି ମାଣ୍ଡକୁ ଅରେନ୍ ଏନ୍ବା ନାସ୍ତ୍ ଆଏର୍ ।

୧୩ ମାତର୍ ନାନ୍ ଇଲେଇ ନି ଲାକ୍ତୁ ଖାଜିନା, ମାରି ଖାରି ଜିବନ୍ତୁ ନା ଖେଡିକା ଏଣ୍ଡେସ୍ ପୁରା ଆନାଡ୍, ଆୟାଉଣ୍ଡିଙ୍ଗ୍ ଦୁନିଆଦୁ ମାନ୍ଜି ନାନ୍ ଇୟାଞ୍ଜିକୁ ଖେରସିନା ।

୧୪ ନାନ୍ ଖାରିଙ୍ଗ୍ ନି ବାକ୍ୟ ସିତାମାନା, ମାରି ଇୟା ଦୁନିଆ ଖାରିଙ୍ଗ୍ କାଡିତା ମାନାଡ୍, ଇରିଙ୍ଗ୍ ନାନ୍ ଏଣ୍ଡେସ୍ ଇୟା ଦୁନିଆଦାନ୍ ସିଲେ, ଆୟାଞ୍ଜା ଖାନ୍ ବା ଇୟା ଦୁନିଆଦାନ୍ ସିଲେର୍ ।

୧୫ ନିନ୍ ଖାରିଙ୍ଗ୍ ଦୁନିଆଦାନ୍ ଅନିଉଣ୍ଡିଙ୍ଗ୍ ପାର୍ତନା କିଏ, ମାତର୍ ଖାରିଙ୍ଗ୍ ତାଗ୍ଲ ପାଣିଦାନ୍ ରକ୍ତୟା କିଦୁ ଇଜି ପାର୍ତନା କିଜିନା ।

୧୬ ନାନ୍ ଏଣ୍ଡେସ୍ ଦୁନିଆଦିକିୟା ସିଲେ, ଖାର୍ ଆୟାଞ୍ଜା ଇୟା ଦୁନିଆଦିକାର୍ ଆଏର୍ ।

୧୭ ସତ୍ତାନ୍ ଖାରିଙ୍ଗ୍ ପବିତ୍ର କିଦୁ; ନି ବାକ୍ୟନେ ତୋ ସତ୍ ।

୧୮ ନିନ୍ ନାଙ୍କୁ ଏଣ୍ଡେସ୍ ଦୁନିଆଦୁ ପୋକ୍ତାତିମାନି, ନାନ୍ ବା ଖାରିଙ୍ଗ୍ ଆୟାଞ୍ଜା ଦୁନିଆଦୁ ପୋକ୍ତାତାମାନା ।

୧୯ ମାରି, ଖାନ୍ ବା ଏଣ୍ଡେସ୍ ସତତାନ୍ ପବିତ୍ର ଆନାର, ଇୟାଉଣ୍ଡିଙ୍ଗ୍ ନାନ୍ ଖାରି ଉଣ୍ଡିଙ୍ଗ୍ ନିଜେଦିଙ୍ଗ୍ ପବିତ୍ର କିଜିନା ।

୨୦ ନାନ୍ କେବଲ୍ ଇୟାଞ୍ଜାରି ଉଣ୍ଡିଙ୍ଗ୍ ପାର୍ତନା କିଏଜିନା, ମାତର୍ ଇୟାଞ୍ଜାରି ବାକ୍ୟଦାନ୍ ଆମାକାର୍ ନା ମାନ୍ ବିସ୍ବାସ୍ କିନାର୍, ଖାରି ଉଣ୍ଡିଙ୍ଗ୍ ବା ପାର୍ତନା କିଜିନା,

୨୧ ଖିଜେରି ଉଣ୍ଡିଙ୍ଗ୍ ପାର୍ତନା କିଜିନା, ଏଣ୍ଡେସ୍ ଖାର୍ ଖିଜେରେ ଉନ୍ତେମାନ୍ ଆନାର୍; ଏ ବୁବା, ନିନ୍ ଏଣ୍ଡେସ୍ ନା ମାନ୍ ମାନି ମାରି ନାନ୍ ନି ମାନ୍ ମାନା, ଖାନ୍ ବା ଆୟାଞ୍ଜା ମାମାନ୍ ମାନିର୍, ଏଣ୍ଡେସ୍ ନିନ୍ ନାଙ୍ଗ୍ ପୋକ୍ତାତିମାନି ଇଜି ଦୁନିଆ ବିସ୍ବାସ୍ କିନାତ୍ ।

୨୨ ମାରି, ନିନ୍ ନାଙ୍ଗ୍ ଆମା ମହିମା ସିତିମାନି, ନାନ୍ ଖାରିଙ୍ଗ୍ ଆକା ସିତାମାନା, ଏଣ୍ଡେସ୍ ନିନ୍ ମାରି ନାନ୍ ଅରେନ୍ନେ, ଆୟାଞ୍ଜା ଖାନ୍ ବା ଉନ୍ତେମାନ୍ ଆଦେଙ୍ଗ୍ ଆର୍ନାର୍ ।

୨୩ ନାନ୍ ଖାରିମାନ୍, ମାରି ନିନ୍ ନା ମାନ୍, ଏଣ୍ଡେସ୍ ଖାର୍ ପୁରାଦାନ୍ ଉନ୍ତେମାନ୍ ଆଦେଙ୍ଗ୍ ଆର୍ନାର୍, ଆରିଙ୍ଗ୍ ଇୟା ଜଗତ୍ ନେସ୍ନାତ୍ ଜେ, ନିନ୍ ନାଙ୍ଗ୍ ପୋକ୍ତାତିମାନି, ମାରି ନାଙ୍ଗ୍ ଏଣ୍ଡେସ୍ ଖାଜା ଜିବନ୍ନୋତିମାନି, ଖାରିଙ୍ଗ୍ ବା ଆୟାଞ୍ଜା ଜିବନ୍ନୋତି ।

୨୪ “ଏ ବୁବା, ନିନ୍ ନାଙ୍ଗ୍ ଏମେ ଲୋକାଙ୍ଗ୍ ସିତିମାନି, ନାନ୍ ଏମେମାନ୍ ମାନା, ଖାନ୍ ବା ଏଣ୍ଡେସ୍ ଆବେନ୍ ନା ଖାଲେ ମାନାର୍ ମାରି ଦୁନିଆ ତିଆରୁଆତି ଆଗ୍ଡିରାନ୍ନେ ନିନ୍ ନାଙ୍ଗ୍ ଜିବନ୍ନୋତିମାନିଙ୍ଗ୍ ନାଙ୍ଗ୍ ଆମା ଗୌରବ୍ ସିତିମାନି, ନା ଆୟା ଗୌରବ୍ ଖାର୍ ଏଣ୍ଡେସ୍ ସୁଡନ୍ନାଟ୍, ଇକା ନା ବଦା ।

୨୫ ଏ ଦାମ୍ବୁଦି ବୁବା, ଜଗତ୍ ନିଙ୍ଗ୍ ନେସ୍ଏଡ୍, ମାତର୍ ନାନ୍ ନିଙ୍ଗ୍ ନେସ୍ତାମାନା; ମାରି, ନିନ୍ ଜେ ନାଙ୍ଗ୍ ପୋକ୍ତାତିମାନି, ଇକା ଇୟାକାର୍ ନେସ୍ତାମାନାର୍;

୨୬ ମାରି, ନିନ୍ ନାଙ୍ଗ୍ ଆମା ଜିବନ୍ନୋତିମାନ୍ ଜିବନ୍ନୋତିମାନି, ଆକା ଏଣ୍ଡେସ୍ ଖାରି ମାନ୍ ତେବାନାତ୍ ମାରି ନାନ୍ ଖାରିମାନ୍ ତେବାନା, ଇୟାଉଣ୍ଡିଙ୍ଗ୍ ନାନ୍ ଖାରିଙ୍ଗ୍ ନି ଦର୍ ଖେରତାମାନା ମାରି ଖେରନା ।”

୧୮

ଜିସୁ ସର୍ପେଆତାନ୍

(ମାତିଉ ୨୬:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇୟା ପାର୍ତନା ଓସ୍‌ଇ ସିସୁରି ଖାଲେ କିନ୍ତୋଣ୍ ଜଲ୍ଲାଦି ଆୟାପାଡ଼କା ସୋର୍ହାର । ଆବେନ୍‌ ଉନ୍‌ତ୍ରି ତତି ମାର୍ହାଡ଼, ମାରି ଖାନ୍ ନି ଖାନି ସିସୁର ଆବେନ୍‌ ଡ଼ଗୁଡ଼ାର ।

୨ ଆମା ଜିହୁଦା ଜିସୁଙ୍କୁ ସାତୁରି କିୟୁଦୁ ସର୍ପେ କିତାନ୍, ଖାନ୍ ବା ଆୟାବାତି ନେସ୍‌ତା ମାର୍ହାନ୍, ଇରିଙ୍‌ ଜିସୁ ନାଣ୍ ଦେବେଙ୍‌ ନିଜେଦି ସିସୁରି ଖାଲେ ଆୟାବାତିଦୁ ସୋଲ୍‌ସିମାର୍ହାନ୍ ।

୩ ମାରି, ଜିହୁଦା ସନ୍‌ସରିଦଲ୍‌ ମାରି ପେରି ଜାଜକର୍ ମାରି ପାରୁସିରିମାଣ୍‌କୁ ମନ୍‌ବିର୍ କାପକିନିଝାରିଙ୍‌ ଅସି ଦିଝା, ମସାଲ୍‌ ମାରି ସାଜୁମାଜୁ ଆସ୍‌ସି ଆବେନ୍‌ ଖାତାର ।

୪ ଆବେଟ୍‌ ଜିସୁ, ଖାନି ଉଣ୍‌ଜି ଆମା ଆମାକା ଗଟାଦେଙ୍‌ ସୋଲ୍‌ସିନାଡ଼, ଆୟାଓଜୁ ନେସ୍‌ତାନ୍‌ନୋ ଆଗ୍‌ତି ସୋଲ୍‌ସି ଖାରିଙ୍‌ ଖେନ୍‌ବାତାନ୍‌, “ମିର୍ ଏଙ୍‌ ପୟ୍‌ଜିନିଦେର୍ ?”

୫ ଖାର ଖାନିଙ୍‌ ଇର୍ହାନ୍‌, “ନାଜରିୟତିୟ ଜିସୁଙ୍କୁ ।”

ଜିସୁ ଖାରିଙ୍‌ ଇର୍ହାନ୍‌, “ନାନ୍‌ ଆୟା ଜିସୁ ।”

ଆମା ଜିହୁଦା ଖାନିଙ୍‌ ସାତୁରି କିୟୁଦୁ ସର୍ପେ କିତାନ୍, ଖାନ୍ ବା ଖାରି ଖାଲେ ନିର୍‌ଆମାର୍ହାନ୍ ।

୬ ଜିସୁ ଏସ୍ତିଖାଲେ ଖାରିଙ୍‌ ଇର୍ହାନ୍‌, “ନାନ୍‌ ଆୟାକାନ୍‌,” ନାସ୍ତିଖାଲେ ଖାର ଖେନ୍‌କା ଗୁସାଜିସୋଲ୍‌ସି ବୁମିଦୁ ଆର୍‌ତାର ।

୭ ଆବେଟ୍‌ ଜିସୁ ଖାରିଙ୍‌ ମାରି ଅର୍‌ସୁ ଖେନ୍‌ବାତାନ୍‌, “ମିର୍ ଏଙ୍‌ ପୟ୍‌ଜିନିଦେର୍ ?”

ଖାର ଇର୍ହାନ୍‌, ନାଜରିୟତିୟ ଜିସୁଙ୍କୁ ।

୮ ଜିସୁ ଇର୍ହାନ୍‌, “ନାନ୍‌ନେ ଆୟାକାନ୍‌,” ଇକା ତୋ ନାନ୍‌ ମିଙ୍‌ ଖେର୍‌ତା । “ଜଦି ମିର୍‌ ନାଙ୍‌ ପୟ୍‌ଜିନିଦେର୍‌, ଆରିଙ୍‌ ଇୟାଖାରିଙ୍‌ ସନ୍‌ଡ୍ରେଙ୍‌ ଡିସ୍‌ତୁ ।”

୯ ଖାନ୍ ଇକା ଇର୍ହାନ୍‌, ଏଣ୍ଡେସ୍‌ ଖାନ୍ ଇର୍‌ମାର୍‌ଇ ଇୟା ବାକ୍ୟ ପୁରା ଆନାଡ଼, ନିନ୍‌ ନାଙ୍‌ ଆମାଖାରିଙ୍‌ ସିତିମାନି, ଖାରି ମାଣ୍‌କୁ ନାନ୍‌ ଅରେନ୍‌ଖାନିଙ୍‌ ବା ଆରାକିଏ ।

୧୦ ସିମୋନ ପିତର୍‌ ଲାକଡ଼ ଉନ୍‌ତ୍ରି କାଆଣ୍‌ ମାର୍ହାଡ଼, ଆୟା କାଆଣ୍‌ ସୋପ୍‌ତାନ୍‌ନୋ ଓଜେରିଙ୍‌ ପେରିଜାଜକରି ସାକର୍‌ତିଙ୍‌

କାତ୍ତାନ ମାରି ଆୟା ସାକରତି ଉଣେରି ଗିଡ଼ଣି କୟତାପୋକ୍ତାନ;
ଆୟା ସାକରତି ଦର୍ ମାଲ୍ଲକ ।

୧୧ ☆ଆବେଟ୍ ଜିସୁ ପିତରତିଙ୍କୁ ଇର୍ହାନ, “ନିନ୍ କାଣ୍ଡାଦିଙ୍କୁ
ଇଡ଼ନିବାଡିତୁ ଇଡିଆ; ବୁବା ନାଙ୍କୁ ଏମେ ତୁବାଇ ସିତାମାନନାନ୍,
ନାନ୍ ଇନିକା ଆବେଣ୍ଟୁ ଉଣୁଏନୋ ?”

ହାନାନଦି ଆଗଡି ଜିସୁ

(ମାତିଡ ୨୭:୫୭-୫୮; ମାର୍କ ୧୪:୫୩-୫୪; ଲୁକ ୨୨:୫୪)

୧୨ ଇୟା ଝେନ୍‌କା ରମିୟ ସନ୍‌ପରିଦଲ୍, ପେରି ସେନାପତିର୍, ମାରି
ଜିହୁଦିରିଙ୍କୁ କାପ୍‌କିନିକାର୍ ଜିସୁଙ୍କୁ ଆସ୍‌ସି ତରତାର୍

୧୩ ମାରି ଝାନିଙ୍କୁ ଆଗଡି ହାନାନଦି ଲାକ୍‌ତୁ ଅତାର୍, ଇରିଙ୍କୁ ଝାନ୍
ଆୟା ବାସେକ୍‌ତି ଝିଜେରିଙ୍କୁ ପେରିଜାଜକ୍ କୟାପାଦି ପତେଲ୍‌ସି
ମାର୍ହାନ ।

୧୪ ☆ଇୟା କୟାପା ଆଗଡି ଜିହୁଦି ନେତାର୍ ଝେରତା ମାର୍ହାନ, ଝିଜୁ
ଲୋକା ନେଗି ଉଣ୍ଟିଙ୍କୁ ଅରେନ୍ ସାନିକା ନେଗେଟ୍ ।

ଜିସୁଙ୍କୁ ପିତର୍ ନେସେଏ ଇଜି ଇର୍ହାନ

(ମାତିଡ ୨୭:୨୯-୩୦; ମାର୍କ ୧୪:୨୭-୨୮; ଲୁକ ୨୨:୫୫-୫୭)

୧୫ ସିମୋନ ପିତର୍ ନି ମାରି ଅରେନ୍ ସିସୁ ଜିସୁଦି ଝାଲେ
ଝାଲେ ସୋଲ୍‌ସିମାର୍ହାନ । ଆୟା ସିସୁ ଝିଜେରିଙ୍କୁ ପେରିଜାଜକ୍‌ଦିଙ୍କୁ
ନେସ୍‌ତିକାନ୍ ମାର୍ହାନ ମାରି ଜିସୁଦି ଝାଲେ ଝିଜେରିଙ୍କୁ ପେରିଜାଜକ୍‌ଦି
ଦୁଆର୍‌ତୁ ଡରିତାର୍;

୧୬ ମାତର୍ ପିତର୍ ଆତେରେ ତେଝା ଲାକ୍‌ତୁ ନିର୍‌ଆ ମାର୍ହାନ
। ମାରି, ଆୟା ଏମେ ଆଇ ସିସୁ ଝିଜେରିଙ୍କୁ ପେରିଜାଜକ୍‌ଦିଙ୍କୁ
ନେସ୍‌ତିକାନ୍ ମାର୍ହାନ, ଝାନ୍ ଆତେରେ ସୋର୍‌ହାନନୋ ତେଝାଦୁ
କାପ୍‌କିନିଝାନିଙ୍କୁ ଝେର୍‌ସି ପିତରତିଙ୍କୁ ଦୁଆର୍ ଲୋଇ ତାତାର୍ ।

୧୭ ଆବେଟ୍ ଆୟା ତେଝାଦୁ କାପ୍‌କିନି ସାକର୍ ପିତରତିଙ୍କୁ ଇର୍ହାଟ୍,
“ନିନ୍ ବା ଇନିକା ଇୟା ଲୋକାଦି ସିସୁରି ଲୋଇରାନ୍ ଅରେନ୍
ଆଇନୋ ?”

☆ ୧୮:୧୧ ମାତିଡ ୨୭:୩୯; ମାର୍କ ୧୪:୩୭; ଲୁକ ୨୨:୪୨.

୧୧:୪୯, ୫୦.

☆ ୧୮:୧୪ ଜୋହନ

ପିତର ଇର୍ହାନ, “ନାନ୍ ସିଲେ ।”

୧୮ ପିନିଦି ଉଣ୍ଡିଙ୍ଗ୍ ସାକର୍ ନି କାପୁକିନିକାର୍ ସିସୁ କାସ୍‌ସିକିଜି ଆବେନ୍‌ ନିର୍‌ଆରୋ ସିସୁ କାୟାଜି ମାର୍ହାନ; ପିତର ବା ଖାରି ଖାଲେ ନିର୍‌ଆନୋ ସିସୁ କାୟାଜି ମାର୍ହାନ ।

ଜିସୁଙ୍ଗ୍ ପେରିଜାଜକ୍‌ଦି ଝେନ୍‌ବାନିକା

(ମାତିଡ ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୭-୭୧)

୧୯ ଆୟାଦାପ୍ରେ ଝିଜେରିଙ୍ଗ୍ ପେରିଜାଜକ୍ ଜିସୁଙ୍ଗ୍ ଖାନି ସିସୁରି ବିସୟତାନ୍ ମାରି ଖାନି ସିକିୟା ବିସୟତାନ୍ ଝେନ୍‌ବାତାନ୍ ।

୨୦ ଜିସୁ ଖାନିଙ୍ଗ୍ ଇର୍ହାନ, “ନାନ୍ ଦୁନିଆ ଲାକ୍‌ତୁ ନେସ୍‌ନିଝାଜା ମାଟା ଇର୍‌ଆମାନା; ଏମେମାନୁ ଝିଜେରେ ଜିହୁଦିର୍ ଉନ୍‌ଡ୍ରେମାନୁ ଆନାର, ଇୟାଝାଜା ପାର୍‌ତନାକିନି ଇଲ୍‌କାଙ୍ଗ୍ ମାରି ମନ୍ଦିର୍‌ତୁ ନାନ୍ ଝିଜୁଦିନ୍ ସିକିୟା ସିତାମାନା; ନାନ୍ ଇନି ବିସୟ ଆଡାକ୍‌ସି ଝାଜା ଇନ୍‌ଏ ।

୨୧ ନାଙ୍ଗ୍ ଏନ୍‌ ଝେନ୍‌ବାଜିନି ? ନାନ୍ ଖାରିଙ୍ଗ୍ ଇନିକା ଇର୍‌ହାମାନା, ଏମେକାର୍ ଝେର୍‌ଆମାନାର୍, ଖାରିଙ୍ଗ୍ ଝେନ୍‌ବାଆ; ସୁଡ଼ୁଆ, ନାନ୍ ଆମା ଆମାକା ଇର୍‌ଆମାନା, ଖାର୍ ଆୟାଝିଜୁ ନେସ୍‌ନାର୍ ।”

୨୨ ଜିସୁ ଇୟା ମାଟା ଇନିଝାଲେ ଜିସୁଦି ଲାକ୍‌ତୁ ନିର୍‌ଇ ମାର୍‌ଇ କାପୁକିନିକାନ୍ ଅରେନ୍ ଜିସୁଙ୍ଗ୍ ସାପାଡା ତାକ୍‌ସି ଇର୍‌ହାନ, “ନିନ୍ ଝିଜେରିଙ୍ଗ୍ ପେରି ଜାଜକ୍‌ ଏଣ୍ଡେସ୍ ଉତର୍ ଝେର୍‌ସିନି ?”

୨୩ ଜିସୁ ଖାନିଙ୍ଗ୍ ଇର୍‌ହାନ, “ଜଦି ନାନ୍ ବୁଲ୍ ଇର୍‌ଆ, ଆର୍‌ଡିଙ୍ଗ୍ ଝିଜେରି ଆର୍‌ଡି ବୁଲ୍‌ତି ସାକି ସିଦାଟ୍; ମାତର୍ ଜଦି ନେଗେନ୍ ଇର୍‌ହା, ଆର୍‌ଡିଙ୍ଗ୍ ଏନ୍‌ ନାଙ୍ଗ୍ ତାକ୍‌ସିନି ?”

୨୪ ଆବେଟ୍ ହାନାନ ଜିସୁଙ୍ଗ୍ ତରାତିମାନି ଡାସାନେ ଝିଜେରିଙ୍ଗ୍ ପେରିଜାଜକ୍ କୟାପାଦି ଲାକ୍‌ତୁ ପୋକ୍‌ତାନ୍ ।

ଜିସୁଙ୍ଗ୍ ପିତର ମାରିଡେସି ନେସେଏ ଇଜି ଇର୍‌ହାନ

(ମାତିଡ ୨୭:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଆବେଟ୍ ସିମୋନ ପିତର ନିର୍‌ଆରୋ ସିସୁ କାୟାଜି ମାର୍ହାନ । ଆବେଟ୍ ଖାର୍ ଖାନିଙ୍ଗ୍ ଝେନ୍‌ବାତାର୍, “ନିନ୍ ବା ଇନିକା ଖାନି ସିସୁରି ଲୋଇରାନ୍ ଅରେନ୍ ଆଇନୋ ?”

ପିତର ନେସେଏ ଇଜି ଇର୍ହାନ, “ନାନ୍ ସିଲେ ।”

୨୭ ଓଜେରିଙ୍ଗ ପେରିଜାଜକଦି ସାକରକା ଲୋଇରାନ୍ ଅରେନ୍, ଅର୍ତ୍ତାତ୍ ପିତର ଆମାଞ୍ଜାନି ଗିତଣି କୟତାପୋକ୍ତା ମାର୍ହାନ୍, ଆୟା ସାକରତି ନିଜେଲୋକ୍ ଇର୍ହାନ, “ନାନ୍ ଇନିକା ନିଙ୍ଗ୍” ଖାନି ଖାଲେ ଡଡିଦୁ ସୁଡ଼ୁ ମାର୍ହା ନୋ ?”

୨୮ ଆବେଟ୍ ପିତର ମାରିଡେସି “ନେସେଏ” ଇଜି ଇର୍ହାନ, ମାରି, ଆୟାଦାପ୍ରେ କରୁ କେଡିତାତ୍ ।

ଜିସୁଙ୍ଗ୍ ପିଲାଡତି ଆଗ୍ଡି ତାତାର୍

(ମାତିଡ ୨୭:୧-୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ଝେନକା ଖାର ଜିସୁଙ୍ଗ୍ କୟାପାଦି ଇଲ୍ତାନ ଅସି ରମିୟ ରାଜାଦି ମେଡ଼ଇଲୁଡୁ ଅତାର୍; ନାସ୍ତିଖାଲେ କରୁ କେଡେପି ଆତାମାର୍ହାତ୍; ମାରି, ଜିହୁଦି ନେତାର୍ ଏଣ୍ଡେସ୍ ତାରୁଇକା ଆଏଣ୍ଗା ନିସ୍ତାର୍ ପଣ୍ଡୟତି ବୋଜି ଉନ୍‌ଣେଙ୍ଗ୍ ଆଟ୍‌ନାର୍, ଇୟାଉଣ୍ଡିଙ୍ଗ୍ ନିଜେ ମେଡ଼ଇଲୁ ଲୋଇ ଡରୁଏତାର୍ ।

୨୯ ମାରି, ରାଜା ପିଲାଡ ଖାରି ଲାକ୍‌ଡୁ ସୋସି ଖାଜି ଝେନବାତାନ୍, “ଇୟା ଲୋକ୍‌ତି ବିରଦ୍‌ତାନ୍ ମି ମାଟା ଇନିକା ?”

୩୦ ଖାର ଖାନିଙ୍ଗ୍ ଇର୍ହାର୍, “ଇୟାକାନ୍ ଜଦି ଦସ୍‌କିତିକାନ୍ ଆଏତାନ୍ ମାଦି, ଆଡତିଙ୍ଗ୍ ମାପ୍ ଖାନିଙ୍ଗ୍ ନି କିୟୁଦି ସର୍‌ପେ କିଏତାପ୍ ମାଦି ।”

୩୧ ଆବେଟ୍ ପିଲାଡ ଖାରିଙ୍ଗ୍ ଇର୍ହାନ, “ମିର୍ ଝେନିଙ୍ଗ୍ ଅସ ମି ନିୟମ୍‌ତାନ୍ ଝେନି ବିସାର୍ କିଦୁ ।”

ଜିହୁଦିର୍ ଖାନିଙ୍ଗ୍ ଇର୍ହାର୍, “ଏଙ୍ଗ୍ ସାନିଦଣ୍ଡ ସିନି ମା ଅଦିକାର୍ ସିଲେଡ୍ ।”

୩୨ ଜିସୁ ଏଣ୍ଡେସ୍ ନାନି ସାନିଦଣ୍ଡ କିଦେଙ୍ଗ୍ ସୋଲ୍‌ସିନାନ୍, ଆବେଣି ସିନା ସିଜି ଖାନ୍ ଆମା ବାକ୍ୟ ଇର୍ହାମାର୍ହାନ୍ ଆକା ଏଣ୍ଡେସ୍ ପୁରା ଆନାଡ୍, ଇୟାଉଣ୍ଡିଙ୍ଗ୍ ଖାର ଇକା ଇର୍ହାର୍ ।

୩୩ ମାରି, ପିଲାଡ ମେଡ଼ଇଲୁ ଲୋଇ ଡରୁିତାନ୍‌ନୋ ଜିସୁଙ୍ଗ୍ କୁକ୍‌ତାନ୍‌ନୋ ଖାନିଙ୍ଗ୍ ଝେନବାତାନ୍, “ନିନ୍ ଇନିକା ଜିହୁଦିର୍ ରାଜା ?”

୩୪ ଜିସୁ ଖାନିଙ୍ଗ୍ ଇର୍ହାନ୍, “ନିନ୍ ଇନିକା ନିଜେଦାନ୍ ଇକା ଇଜିନି, ନୋ ଆଇକାର୍ ନା ବିସୟ୍‌ତାନ୍ ନିଙ୍ଗ୍ ଇକା ଷ୍ଟେର୍‌ତାମାନାର୍ ?”

୩୫ ପିଲାଡ଼ ଇର୍ହାନ୍, “ନାନ୍ ଇନିକା ଅରେନ୍ ଜିହୁଦି ? ମି ନିଜେଦି ଲୋକୁ ମାରି ପେରି ଜାଜକର୍ ନିଙ୍ଗ୍ ନା କିୟୁଦୁ ସର୍‌ପେ କିତାମାନାର୍; ନିନ୍ ଇନିକା କିତିମାନି ?”

୩୬ ଜିସୁ ଇର୍ହାନ୍, “ନା ରାଜି ଇୟା ଦୁନିଆଦି ବିସୟ୍ ଆଏଡ଼; ଜଦି ନା ରାଜି ଇୟା ଦୁନିଆଦି ବିସୟ୍‌ତାନ୍ ଆତାଡ଼ମାନ୍, ଆରତିଙ୍ଗ୍ ନାନ୍ ଏଣ୍ଟେସ୍ ଜିହୁଦି ନେତାର୍ କିୟୁଦୁ ସର୍‌ପେ ଆଏତାମାନ୍, ଆୟାଉଣ୍ଡିଙ୍ଗ୍ ନାଖାଲେ ବୁଲାନିକାର୍ ଜୁଦ୍ କିତାର୍‌ମାନ୍, ମାତର୍ ନା ରାଜି ସଡ଼ତାନ୍‌ନେ ଇୟା ଦୁନିଆ ବିସୟ୍‌ତାନ୍ ସିଲେ ।”

୩୭ ଆବେର୍ ପିଲାଡ଼ ଖାନିଙ୍ଗ୍ ଷ୍ଟେନ୍‌ବାତାନ୍, “ଆରତିଙ୍ଗ୍ ନିନ୍ ଇନିକା ଅରେନ୍ ରାଜା ନୋ ?”

ଜିସୁ ଇର୍ହାନ୍, “ନିନ୍‌ତୋ ଇଜିନି, ନାନ୍ ଅରେନ୍ ରାଜା । ନାନ୍ ଏଣ୍ଟେସ୍ ସଡ଼ତି ତରିନ୍ ସାକି ସିନା, ଇୟାଉଣ୍ଡିଙ୍ଗ୍ ନାନ୍ ଜନମ୍ ଆତାମାନା ମାରି ଦୁନିଆଦୁ ଖାତାମାନା । ଏନ୍ ସଡ଼ତି ମାରିନ୍, ଖାନ୍ ନା ମାଟା ଷ୍ଟେନ୍‌ନାନ୍ ।”

୩୮ ପିଲାଡ଼ ଖାନିଙ୍ଗ୍ ଇର୍ହାନ୍, “ସଡ଼ ଇନିକା ?” ଇକା ଇନ୍‌ଜି ଖାନ୍ ମାରି ଜିହୁଦିଲୋକା ଲାକ୍‌ତୁ ଆଡ଼ରେ ସୋର୍‌ଆନ୍‌ନୋ ଖାରିଙ୍ଗ୍ ଇର୍ହାନ୍, ନାନ୍ ଦଣ୍ଡସିନି ଉଣ୍ଡିଙ୍ଗ୍ ଷ୍ଟେନିମାନ୍ ଇନି ଦୋସ୍ ପୟ୍‌ଏଜିନା ।

ଜିସୁଙ୍କୁ ସାନିଦଣ୍ଡି ଆଦେସ୍ ସିତାର୍

(ମାତିଡ ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୯ ମାତର୍ ନାନ୍ ଜେ ନିସ୍ତାର୍ ପଣ୍ଡୁଡ଼ିଖାଲେ ମି ଉଣ୍ଡିଙ୍ଗ୍ ଅରେନ୍‌ଖାନିଙ୍ଗ୍ ଡିସ୍‌ସିକିନିକା, ଇକା ମି ରିତି ମାନାଡ଼; ମାରି, ଜିହୁଦିର୍ ରାଜେଙ୍ଗ୍ ନାନ୍ ମି ଉଣ୍ଡିଙ୍ଗ୍ ଡିସ୍‌ନା ସିନାପ୍ ଇଜି ଇନିକା ମି ବଦା ?

୪୦ ଆବେର୍ ଖାର୍ ମାରିଡ଼େସି ଆଉଲି ଆଜି ଇର୍ହାର୍, ଇୟା ଲୋକତିଙ୍ଗ୍ “ସିଲେ, ମାତର୍ ବାରକାଙ୍ଗ୍ ଡିସ୍‌ଆ ।” ଇୟା ବାରକା ଅରେନ୍ ତଙ୍ଗାବ୍‌ଏନ୍ ମାର୍ହାନ୍ ।

୧୯

୧ ତାନେଝେନକା ପିଲାତ ଜିସୁଙ୍କୁ ଅସି କୋରତାଦାନ୍ ଡାକସି କିତାନ୍ ।

୨ ମାରି, ସନ୍ଧ୍ୟା ସାମ୍ବାଣି ଟପି ତିଆର୍ କିତାରୋ ଜିସୁଦି ତାଲାଦୁ ଆରିସକିତାର ମାରି ଖାନିଙ୍ଗ ନିଡିଦି ଆଙ୍ଗୁ ଆରିସକିତାର;

୩ ଖାର ଖାନି ଲାକ୍ତୁ ଖାଜି ଇର୍ହାର, ଏ ଜିହୁଦିର ରାଜା, ଖିଜୁଦିନତି ଉଣ୍ଡିଙ୍ଗ ରାଜା ଆଜି ମା ମୁସକୁ ସାସନ୍ କିଆ; ମାରି ଖାର ଖାନିଙ୍ଗ ସାପଡା ଡାକ୍ତେଙ୍ଗୁ ଆସ୍ତାର ।

୪ ପିଲାତ ମାରିଡେସି ଆତେରେ ସର୍ହାନନୋ ଖାରିଙ୍ଗ ଇର୍ହାନ୍, “ସୁଡ଼ୁ, ନାନ୍ ଖାନିମାନୁ ଇନି ଦସୋ ପୟ୍‌ଏଜିନା, ଇକା ଏଣ୍ଡେସ ମିର ନେସ୍‌ନିଦେର୍, ଇୟାଉଣ୍ଡିଙ୍ଗ ନାନ୍ ଖାନିଙ୍ଗ ମି ଲାକ୍ତୁ ସୋପଡା ତାସିନା ।”

୫ ଆବେଟ୍ ଜିସୁ ଆୟା ସାମ୍ବାଣି ଟପି ମାରି ନିଡି କୋଲରତି ଆଙ୍ଗୁ ଆରାତାନନୋ ଆତେରେ ଖାତାନ୍ । ପିଲାତ ଖାରିଙ୍ଗ ଇର୍ହାନ୍, “ସୁଡ଼ୁ, ଆୟା ଲୋକା !”

୬ ଆବେଟ୍ ପେରି ଜାଜକର୍ ମାରି ମନ୍ଦିର୍ କାପକିନିକାର ଜିସୁଙ୍କୁ ସୁଡ଼ୁ ଆଉଲି ଆଜି ଇର୍ହାର, କୁସକାଟ୍‌ତୁ ଏକିସକିଦୁ, କୁସକାଟ୍‌ତୁ ଏକିସକିଦୁ । ପିଲାତ ଖାରିଙ୍ଗ ଇର୍ହାନ୍, ମିର ଖାନିଙ୍ଗ ଅସି କୁସକାଟ୍‌ତୁ ଏକିସକିଦୁ, ଇରିଙ୍ଗ ନାନ୍ ସାନିଦଣ୍ଡୁ ସିଦେଙ୍ଗୁ ଖାନିମାନୁ ଇନି ଦସୋ ପୟ୍‌ଏଜିନା ।

୭ ଜିହୁଦିଲୋକ ଖାନିଙ୍ଗ ଇର୍ହାର, “ମାଦି ଉନ୍‌ଡ୍ରୁ ନିୟମ୍ ମାନାତ୍ ମାରି ଆୟା ନିୟମ୍‌ତି ଇସାବ୍‌ତାନ୍ ଖାନ୍ ସାନିଦଣ୍ଡୁ ଜଗ, ଇରିଙ୍ଗ ଖାନ୍ ନିଜେଦିଙ୍ଗ ମାପୁରୁଦି ମାରିନ୍ ଇଜି ଝେରସିନାନ୍ ।”

୮ ଆବେଟ୍ ପିଲାତ ଇୟା ମାଟା ଝେନ୍‌ଜି ନାଣ୍ଡୁ ତିଲାତାନ୍;

୯ ମାରି, ଖାନ୍ ମାରିଡେସି ମେଡ଼ଇଲୁ ଲୋଇ ଡୁରୁତାନନୋ ଜିସୁଙ୍କୁ ଝେନ୍‌ବାତାନ୍, “ନିନ୍ ଏମେମାଣ୍‌କୁ ଖାତିମାନି ?”

ମାତର୍ ଜିସୁ ଖାନିଙ୍ଗ ଇନିକା ଇନ୍‌ଏତାନ୍ ।

୧୦ ଆବେଟ୍ ପିଲାତ ଖାନିଙ୍ଗ ଇର୍ହାନ୍, “ନିନ୍ ଇନିକା ନା ଖାଲେ ଖାରଗିଇ ? ନିଙ୍ଗୁ ଡିସ୍‌ତେଙ୍ଗୁ ନା ଅଦିକାର ମାନାତ୍ ମାରି ନିଙ୍ଗୁ

କୁସକାର୍ତ୍ତୁ ଏକିସ୍ତେଙ୍ଗ ନା ଅଦିକାର୍ ମାନାଡ଼, ଇକା ଇନିକା ନିନ୍ ନେସ୍‌ଏଜିନି ?”

୧୧ ଜିସୁ ଇର୍ହାନ୍, “ଜଦି ମାପୁରୁଦିମାଣାନ୍ ନିଙ୍ଗ୍ ଅଦିକାର୍ ରେଏଡିଙ୍ଗ୍ ମାନ୍, ଆର୍ଡିଙ୍ଗ୍ ନା ବିରଦ୍‌ତାନ୍ ନିଦି ଇନି ଅଦିକାର୍ ସିଲେତାଡ଼ ମାନ୍; ଏନ୍ ନାଙ୍ଗ୍ ନି କିୟୁଦୁ ସର୍ପେ କିତାମାନାନ୍, ଖାନି ପାପ୍ ନାଣ୍ଡୋସାନିଞ୍ଜାଜା ।”

୧୨ ଆବେଟ୍ ପିଲାଡ଼ ଖାନିଙ୍ଗ୍ ଡିସ୍‌ତେଙ୍ଗ୍ ସେସ୍ କିତାନ୍, ମାତର୍ ଜିହୁଦିଲୋକ୍ ଆଉଲି ଆଜି ଇର୍ହାନ୍, “ଜଦି ନିନ୍ ଇୟା ଲୋକଡିଙ୍ଗ୍ ଡିସ୍‌ନି, ଆର୍ଡିଙ୍ଗ୍ ନିନ୍ ସମ୍ପାର୍ଡି ସଙ୍ଗ୍ ଆଇ; ଏନ୍ ନିଜେଦିଙ୍ଗ୍ ରାଜା ଇଜି ଇନାନ୍, ଖାନ୍ ସମ୍ପାର୍ଡି ତରିନ୍ ମାଟା ଇନାନ୍ ।”

୧୩ ମାରି, ପିଲାଡ଼ ଇୟାଞ୍ଜିଲୁ ମାଟା ୱେରଆନ୍‌ନୋ ଜିସୁଙ୍ଗ୍ ଆଡେରେ ତାଡ଼ତାନ୍‌ନୋ “ଗୁଡିକାଲୁ” ଦର୍ଡି ବାଡିଦୁ ତାତାର୍, ଏବି ବାସାଦାନ୍ ଇୟାତାନି ଦର୍ “ଗବ୍‌ବତା” ଇଜି ଇନାନ୍, ଆୟା ବିଚାରକିନି ବାଡିଦୁ ବାସ୍‌ତାନ୍ ।

୧୪ ଆୟାନାଣ୍ଡିଙ୍ଗ୍ ନିସ୍ତାର୍ ପଶ୍ଚୟ ଡିଆରଆନି ଦିନ୍, ମାରି ନାସିଞ୍ଜାଲେ ୱେଡେ ଆତାମାର୍ହାଡ଼ । ମାରି, ଖାନ୍ ଜିହୁଦିରିଙ୍ଗ୍ ଇର୍ହାନ୍, “ସୁଡ଼ୁ ମି ରାଜା ।”

୧୫ ଆବେଟ୍ ଖାନ୍ ଆଉଲି ଆତାର୍, “ଖାନିଙ୍ଗ୍ ତାକ୍‌ଡୁ, ତାକ୍‌ଡୁ, କୁସକାର୍ତ୍ତୁ ଏକିସ୍‌କିଦୁ ।”

ପିଲାଡ଼ ଖାରିଙ୍ଗ୍ ଇର୍ହାନ୍, “ନାନ୍ ଇନିକା ମି ରାଜେଙ୍ଗ୍ କୁସକାର୍ତ୍ତୁ ଏକିସ୍‌କିନା ?”

ପେରି ଜାଜକର୍ ଇର୍ହାନ୍, “କେବଲ୍ ସମ୍ପାର୍ଡିଙ୍ଗ୍ ଡିସ୍‌ଡିଙ୍ଗ୍ ମାଙ୍ଗ୍ ମାରି ରାଜା ସିଲେନ୍ ।”

୧୬ ଆବେଟ୍ ପିଲାଡ଼ ଏଣ୍ଡେସ୍ କୁସକାର୍ତ୍ତୁ ଏକାନାନ୍, ଇୟାଡଣ୍ଡିଙ୍ଗ୍, ପିଲାଡ଼ ଖାନିଙ୍ଗ୍ ଖାରି ବଦାଦାନ୍ ସର୍ପେ କିତାନ୍, ତାନେଞ୍ଜେନ୍‌କା ଖାନ୍ ଜିସୁଙ୍ଗ୍ ଅତାର୍ ।

ଜିସୁଙ୍ଗ୍ କୁସକାର୍ତ୍ତୁ ଏକିସ୍‌ତାର୍

(ମାତିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ମାରି, ଜିସୁ ନିଜେ କୁସକାର୍ ପିଡିତାନନୋ “ତାଲାଦି କାପାଲ୍ ନାନି” ଦରଡି ବାଡିଦୁ ସୋର୍ହାନ, ଏବ୍ରୁ ବାସାଦାନ ଆୟାବାଡିଦିଙ୍ଗ “ଗଲ୍‌ଗଥା” ଇଜି ଇନାର ।

୧୮ ଆବେନୁ ଖାର ଖାନିଙ୍ଗ କୁସକାର୍‌ତୁ ଏକିସକିତାର ମାରି ଖାନି ଖାଲେ ମାରି ରିଏରିଙ୍ଗ ଏକିସକିତାର, ରିଆଙ୍ଗା ରିଏରିଙ୍ଗ ମାରି ନାଡ଼ମି ଜିସୁଙ୍ଗ ।

୧୯ ମାରି, ପିଲାଡ଼ ଉନ୍‌ଡ୍ରୁ ନଟିସ୍ ଆକୁ ରାସ୍‌ସି କୁସକାର୍‌ତି ମୁସକୁ ଡ଼ତାର । ଆବେନୁ ରାସ୍‌ତା ମାର୍ହାଡ଼, “ନାଜରିୟତିୟ ଜିସୁ, ଜିହୁଦିର୍ ରାଜା ।”

୨୦ ଜିହୁଦିର୍ ଲୋଇରାନ ଏସୋଲୋକ୍ ଇୟା ରାସ୍‌ତିମାନିକା ପଡ଼ାତାର, ଇରିଙ୍ଗ ଏମେ ବାଡିଦୁ ଜିସୁଙ୍ଗ କୁସକାର୍‌ତୁ ଏକିସକିତାମାର୍ହାଡ଼, ଆକା ଗାଡ଼ ଲାକ୍‌ତୁ ମାର୍ହାଡ଼, ମାରି ଆୟା ରାସ୍‌ତିକା ଏବ୍ରୁ, ଲାଟିନ୍ ମାରି ଗ୍ରିକ୍ ବାସାଦାନ ରାସ୍‌ତା ମାର୍ହାଡ଼ ।

୨୧ ଜିହୁଦିରି ପେରି ଜାଜକର୍ ପିଲାଡ଼ତିଙ୍ଗ ଇର୍ହାର, “ଜିହୁଦିରି ରାଜା” ଇଜି ରାସ୍‌ଏଣ୍‌ଗା ମାରି “ନାନ ଜିହୁଦିରି ରାଜା ଇଜି ଖାନ ଇର୍ହାନ, ଇକା ରାସ୍‌ଆଁ ।”

୨୨ ପିଲାଡ଼ ଇର୍ହାନ, “ନାନ ଆମାକା ରାସ୍‌ତାମାନା, ଆକା ବାଦେଲ୍‌କିଦେଙ୍ଗ ଆର୍‌ଏ ।”

୨୩ ସନ୍‌ୟର୍ ଜିସୁଙ୍ଗ କୁସକାର୍‌ତୁ ଏକିସକିତି ଖେନ୍‌କା ନାଲ୍‌ଏର୍ ସନ୍‌ୟର୍ ଖାନି ଖାତି ନାଲ୍‌ଗି ବାଗ୍‌କୁ କିଜି ଖିଜେରେ ଉଣ୍ଡିଙ୍ଗ ଉନ୍‌ଡ୍ରୁ ଉନ୍‌ଡ୍ରୁ ବାଗ୍, ମାରି ଖାର ଖାନି ଆଙ୍ଗ ବା ଅତାର । ଆୟା ଆଙ୍ଗ ସିଲାଲ କିଏଣ୍‌ଗା ମୁସକୁରାନ ଆଡ଼ଗି ସାନ୍ତି ଖିଜୁ ଗୁଡ଼ତା ମାର୍ହାଡ଼ ।

୨୪ ଆଦେଙ୍ଗ ସନ୍‌ୟର୍ ଲୋଇ ଲୋଇ ଇର୍ହାର, ତେନେଙ୍ଗ କିସ୍‌ତେଙ୍ଗ କେଏର୍, ମାଡ଼ର୍ ଇକା ଏନ୍ତି ଆନାଡ଼, ଆୟାଉଣ୍ଡିଙ୍ଗ କୁଡ଼କୁଡ଼ି କିନାର୍, ଏଣ୍ଡେସ୍ ଦାର୍ମୁସାସ୍ତୁ ଇୟା ବାକ୍ୟ ପୁରା ଆନାଡ଼, ଖାର ନିଜେ ନିଜେଦି ମାନୁ ନା ଆଙ୍ଗ ଦିଙ୍ଗ ବାଗ୍ କିତାର, ମାରି ନା ଆରାନି ଆଙ୍ଗ ଉଣ୍ଡିଙ୍ଗ କୁଡ଼କୁଡ଼ି କିତାର । ଆଦେଙ୍ଗ ସନ୍‌ୟର୍ ଇୟାଖିଜୁ କିତାର ।

୨୫ ମାତର ଜିସୁଦି କୁସକାର୍ତ୍ତ ଲାକ୍ଷ୍ମୀ ଖାନି ଆଇସି ମରିୟମ୍, ଖାନି ଆଇସିକା ତାଙ୍କ ସି, କ୍ଳୋପାଦି ଆଡ଼ସି, ମରିୟମ୍ ମାରି ମଗ୍ଦଲିନି ମରିୟମ୍ ନିର୍ଦ୍ଦେଶ ମାର୍ଦ୍ଦେଶ ।

୨୬ ଜିସୁ ନିଜେଦି ଆଇସିକ୍ ମାରି ଏମେ ସିସୁକୁ ଜିବନ୍ନୋଜି ମାର୍ହାନ, ତାନିକ୍ ଲାକ୍ଷ୍ମୀ ନିର୍ଦ୍ଦେଶମାରିକା ସୁଡ଼ୁଆନନୋ ଆଇସିକ୍ ଇର୍ହାନ, “ସୁଡ଼ୁଆ, ନି ମାରିନତିକ୍ !”

୨୭ ତାନେଖେନ୍ଦକା ଜିସୁ ଆୟା ସିସୁକୁ ଇର୍ହାନ, “ସୁଡ଼ୁଆ, ମି ଯାୟା !” ମାରି ଆୟା ସମୟତାନ୍ ଆୟା ସିସୁ ତାନିକ୍ ନିଜେଦି ଇଲୁଡୁ ଅତାନ୍ ।

ଜିସୁଦି ସାନିକା

(ମାତିଡ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାନେଖେନ୍ଦକା ଜିସୁ ଦାର୍ମସାସ୍ତ୍ରଦି ବାକ୍ୟ ଏଣ୍ଡେସ ପୁରା ଆନାଡ, ଇୟାଉଣ୍ଡିକ୍ ଝିନ୍ନୁ ବିସୟ ଇଲେଇ ଝିଜିତାମାନାଡ ଇଜି ନେସସି ଇର୍ହାନ, “ନାଙ୍କ ଏରକିକାର୍ସିନାଡ ।”

୨୯ ଆବେନ୍ନୁ ସୟନିରସ ପୁରାପୁରିମାନି ଉନ୍ନତି ସାଟି ମାର୍ହାଡ; ଖାର ସୟନିରସ ପୁରାମାନି ଉନ୍ନତି ତୁଲାଦୁ କାଣ୍ଡେକ୍ ବାଡିଗାଦିଟିପୁଡୁ ଲାଗିସକିଜି ଖାନି ଝେୟୁ ଲାକ୍ଷ୍ମୀ ସିତାର ।

୩୦ ଆବେର୍ ଜିସୁ ଆୟା ସୟନିରସ ଉତ୍ତାନନୋ ଇର୍ହାନ, “ଝିଜିତାଡ” ମାରି ଖାନ ତାଲା ଆଡ଼ି କିଜି ସାତାନ୍ ।

ଜିସୁକୁ ପାଡ଼କା ତରିଶ୍ଚୁ ଗୁଡ଼ତାର

୩୧ ଆୟାନାଣ୍ଡିକ୍ ନେଗିଦିନ୍ ମାନିକ୍, ମେନ୍ଦଲ୍ଝିନ୍ନୁ ଏଣ୍ଡେସ ରମ୍ପିନାଣ୍ଡିକ୍ କୁସକାର୍ ମୁସକୁ ତେବାଏଡ, ଇରିକ୍ ଆୟା ରମ୍ପିନାଣ୍ଡିକ୍ ପବିତ୍ର ଦିନ୍ ମାର୍ହାଡ, ଆରିକ୍ ଖାରି କାଲକୁ ରୁକିର୍ ମାରି ତାନେଖେନ୍ଦକା ଖାରିକ୍ କୁସକାର୍ତ୍ତାନ୍ ରେପ୍ତେକ୍ ଇଜି ଜିହୁଦି ନେତାର ପିଲାଡତିକ୍ ମାଡ଼ିସକିତାର ।

୩୨ ତାନେଖେନ୍ଦକା ସନ୍ୟତ୍ ଖାଜି ଆଗଡି ଅରେନ୍ଦ୍ଝାନି କାଲକୁ ମାରି ଜିସୁଦି ଝେଲେ ଆମା ଅରେନ୍ଦ୍ଝାନିକ୍ କୁସକାର୍ତ୍ତୁ ଏକିସକିତାମାର୍ହାର, ଖାନି କାଲୁ ବା ରୁକ୍ତାର ।

୩୩ ମାତର ଖାର ଜିସୁ ଲାକଡୁ ଖାଜି ଖାନ୍ ସାତାନ୍ ଇଜି ସୁଡ଼ୁଜି ଖାନି କାଲୁ ରୁକ୍‌ଏତାର୍,

୩୪ ମାଣ୍ଟକୁ ଅରେନ୍ ଇଟାଦାନ୍ ଖାନି ପାଡ଼କାଦୁ ଗୁଡ଼ତାନ୍, ମାରି ଆୟାଦାପ୍ରେ ନେତେର୍ ନି ଏରୁ ଖାଙ୍ଗଜି ଖାତେ ।

୩୫ ଏନ୍ ସୁଡ଼ୁଜା ମାନାନ୍, ଖାନ୍ ସାକିୟ ସିତାମାନାନ୍, ଏଣ୍ଡେସ୍ ମିର୍ ବା ବିସ୍‌ବାସ୍ କିନିଦେର୍; ମାରି, ଖାନି ସାକ୍ୟ ସଡ଼, ମାରି ଖାନ୍ ଜେ ସଡ଼ ଖେର୍‌ସିନାନ୍, ଇକା ଖାନ୍ ନେସ୍‌ନାନ୍ ।

୩୬ ଇରିଙ୍ଗ୍ ଦାମ୍‌ସାସ୍ତ୍ରଦି ଇୟା ବାକ୍ୟ ପୁରା ଆନି ଉଣ୍ଡିଙ୍ଗ୍ ଇୟାଞ୍ଜିକୁ ବିସୟ୍ ଗଟାତାଡ଼, “ଖାନି ଉନ୍‌ଡ୍ରି ପେଡେନ୍ ବା ରୁଙ୍ଗ୍‌ଏଡ଼ ।”

୩୭ ☆ଦାମ୍‌ସାସ୍ତ୍ରଦୁ ମାରି ଉନ୍‌ଡ୍ରି ବାକ୍ୟ ରାସତାମାନାଡ଼, “ଖାର୍ ଆମାଖାନିଙ୍ଗ୍ ଇଟାଦାନ୍ ଗୁଡ଼ତାର୍, ଖାନି ଲୋକୁ ସୁଡ଼ନ୍‌ହା ।”

ଜିସୁଙ୍କୁ ମୁସତାର୍

(ମାତିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ଇୟାଞ୍ଜିକୁ ଗଟ୍‌ନେଙ୍ଗ୍ ଖେନ୍‌କା, ଆମା ହାରାମାତିୟାଦି ଜୋସେପ୍ ଜିସୁଦି ଅରେନ୍ ସିସୁ ମାର୍ହାନ୍, ମାତର ଜିହୁଦି ନେତାରିଙ୍ଗ୍ ତିଲାଜି ନେସେଇ ଖାଜା ମାର୍ହାନ୍, ଜୋସେପ୍ ଜିସୁଦି ମୋନ୍‌ଲ୍ ଅତେଙ୍ଗ୍ ଇଜି ପିଲାଡ଼ତିଙ୍ଗ୍ ମାଡ଼ିସ୍‌ତାନ୍ । ଆବେଟ୍ ପିଲାଡ଼ ଡ଼ିସ୍‌ତାସିତାନ୍ । ଆଦେଙ୍ଗ୍ ଖାନ୍ ଖାତାନ୍‌ନୋ ଖାନି ମୋନ୍‌ଲ୍ ଅତାନ୍ ।

୩୯ ☆ଆମା ନିକଦିମ ଆଗ୍‌ଡି ନାଡ଼ା ଖାନି ଲାକଡୁ ଖାତାମାର୍ହାନ୍, ଖାନ୍ ବା ପୁରା ତିରିସ୍ କେଜି ବାସ୍‌ନାଦୁମିସାତି ନିୟୁ ଆସ୍‌ସି ଖାତାନ୍ ।

୪୦ ଖାର ଜିସୁଦି ମୋନ୍‌ଲ୍‌ତିଙ୍ଗ୍ ଅତାରୋ ଜିହୁଦିର୍ ମୁସ୍‌ନି ରିତିଦାନ୍ ଆକା ବାସ୍‌ନାନିୟୁଦି ଖାଲେ କାଣ୍ଡେକ୍ ପାସିଆଦୁ ତେରେପ୍‌ତାର୍ ।

୪୧ ଜିସୁଙ୍କୁ ଏମେ ବାଡ଼ିଦୁ କୁସ୍‌କାଟ୍‌ତୁ ଏକିସ୍‌କିତାମାର୍ହାନ୍, ଆୟାବାଡ଼ିଦୁ ଉନ୍‌ଡ୍ରି ତଡ଼ି ମାର୍ହାଡ଼, ମାରି ଆୟା ତଡ଼ିଦୁ ଉନ୍‌ଡ୍ରି ପୁନି ମୁସ୍‌ନି ଗୁଟା ମାର୍ହାଡ଼, ଆବେନ୍‌ ଏନ୍ ଆଗ୍‌ଡିରାନ୍ ଏଙ୍ଗ୍‌ବା ମୁସ୍‌ଏର୍ ମାର୍ହାନ୍ ।

୪୨ ମାରି, ଜିହ୍ୱାଦିରି ନେଗିଦିନ୍ତି ଉଣ୍ଡିଙ୍ଗ ଆୟା ବାତିଦୁ ଖାର ଜିସୁଙ୍କୁ
ଇଟ୍ତାର, ଇରିଙ୍ଗ ଆୟା ମୁସ୍ତିବାତି ଲାକ୍ତୁ ମାର୍ହାତ୍ ।

୨୦

ଖାର୍ରି ଗୁଟା

(ମାତିତ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ଖାରାଦି ଆଗଡ଼ିରି ନାଣ୍ଡିଙ୍ଗ ଉର୍ଲା ନାଡ଼ାକାଦେ ସିକାଟି ମାନାପ୍
ମାନବୁନେ ମଗ୍ଦଲିନି ମରିୟମ୍ ମୁସ୍ତିଗୁଟା ଲାକ୍ତୁ ଖାତାଦ
ଆବେଶୁକୁ କାଲୁ ଗୁସାକିତିମାରିକା ସୁଡ଼ୁତାନ୍ ।

୨ ଆଦେଙ୍ଗ୍ ମରିୟମ୍ ଉର୍କୁସି ସୋଲ୍‌ସି ସିମୋନ ପିତର୍ ମାରି
ଜିସୁ ଆମାଖାନିଙ୍ଗ୍ ଜିବନ୍‌ନୋଜି ମାର୍ହାନ୍, ଆୟା ଆଇ ସିସୁରି ଲାକ୍ତୁ
ଖାତାତ୍, ମାରି ଖାରିଙ୍ଗ୍ ଇର୍ହାର୍, “ଖାର୍ ମୁସ୍ତିଗୁଟାଦାନ୍ ପ୍ରବୁଙ୍ଗ୍
ଅତାମାନାର୍, ମାରି ଖାନିଙ୍ଗ୍ ଏମେମାନୁ ଇଟ୍ତାମାନାର୍, ଆକା ମାପ୍
ନେସ୍‌ଜିନାପ୍ ।”

୩ ଆବେଟ୍ ପିତର୍ ମାରି ଆୟା ଆଇ ସିସୁ ମୁସ୍ତିଗୁଟା ଲାକ୍ତୁ
ସନ୍‌ଡ୍ରେଙ୍ଗ୍ ଇଜି ସୋଡାର୍ ।

୪ ଖାର୍ ରିଏର୍ ଅର୍ସେ ଉର୍କୁଡେଙ୍ଗ୍ ଆସ୍ତାର୍, ମାରି ଆୟା ଆଇ
ସିସୁ ପିତରତିଙ୍ଗ୍ ଖେନ୍‌କା ଡିସ୍‌ସି ଆଗଡ଼ି ମୁସ୍ତିବାତି ଲାକ୍ତୁ ଇତାନ୍,

୫ ମାରି, ପାଡ଼ଗିତାନ୍‌ନୋ ଲୋଇ ବେସ୍‌ତାନ୍ ପାତଲ୍‌ତି
ପାସିଏଙ୍ଗ୍‌ଡିଜୁ ଆର୍ତିମାରିକା ସୁଡ଼ୁତାନ୍, ଆତିଙ୍ଗ୍‌ବା ଖାନ୍ ଲୋଇ
ଡ଼ଗୁଏତାନ୍ ।

୬ ତାନେଖେନ୍‌କା ସିମୋନ ପିତର୍ ବା ଖାନି ଖେନ୍‌କା ଖେନ୍‌କା
ଖାଜି ଇତାର୍ ମାରି ମୁସ୍ତିଗୁଟା ଲୋଇ ଡ଼ଗୁିତାନ୍‌ନୋ ସୁଡ଼ୁତାନ୍ ଜେ,
ପାତଲ୍‌ତି ପାସ୍‌ଇଏଙ୍ଗ୍‌ଡିଜୁ ମାନେ,

୭ ମାରି ଜିସୁଦି ତାଲାଦୁ ଆମା ପାଗା ତର୍ତା ମାର୍ହାର୍, ଆୟା
ପାତଲ୍‌ତି ଖାତିଙ୍ଗ୍ ଖାଲେ ମାନ୍‌ଏଶ୍‌ଗା ଖେର୍‌ଏ ଉନ୍‌ଡି ବାତିଦୁ
ଡେର୍‌ବିତା ମାନ୍‌ତା ।

୮ ନାସିଖାଲେ ଆମା ଆଇ ସିସୁ ଆଗଡ଼ି ମୁସ୍ତିବାତି ଲାକ୍ତୁ
ଖାତାମାର୍ହାନ୍, ଖାନ୍ ବା ଲୋଇ ଡ଼ଗୁିତାନ୍‌ନୋ ସୁଡ଼ୁତାନ୍ ମାରି ବିସ୍‌ବାସ୍
କିତାନ୍;

୯ ଭରିଙ୍ଗ ସାତିଝାରି ମାଣକୁ ଜିସୁଙ୍କୁ ଜେ ନିଙ୍ଗୁନିକା ମାନାଡ଼, ଦାର୍ମସାସ୍ତ୍ରଦି ଇୟା ବାକ୍ୟ ଝାଡ଼ ଆୟା ସାନ୍ତି ବୁଜାଏତା ମାହାର ।

୧୦ ଝେନ୍ଦକା ସିସୁର୍ ମାରିଡ଼େସି ଝାରି ଇଲ୍ଲୁ ସୋହାର ।

ମଗ୍ଦଲିନି ମରିୟମତିଙ୍କ ଜିସୁ ତରୟାଆତାନ୍

(ମାତିଡ ୨୮:୯-୧୦; ମାର୍କ ୧୬:୯-୧୧)

୧୧ ମରିୟମ ଆଡ଼ବାଜି ଆଡ଼ବାଜି ଆଡେରେ ମୁସ୍ତିବାତି ଲାକ୍ତୁ ନିରୁଆ ଡେବାଡାଡ଼; ମାରି, ଆଡ଼ବାଜି ଆଡ଼ବାଜି ଝାଡ଼ ପାଡ଼ଗିଜି ମୁସ୍ତିଗୁଟା ଲୋଇ ବେସ୍ତାଡ଼,

୧୨ ମାରି ଜିସୁଦି ମେନ୍ଦଲ୍ ଏମେ ବାଡ଼ିଦୁ ଇଡ଼ତାମାହାର, ଆବେଣି ତାଲା ଲାକ୍ତୁ ଅରେନ୍ ମାରି ପାଦାମ୍ବା ଲାକ୍ତୁ ମାରି ଅରେନ୍, ଇୟାଝାଜା ରିଏରିଙ୍ଗ ଅତିନିଆଙ୍ଗ ଆରାତି ଦୁଡ଼କାଙ୍ଗ ବାସ୍ତିମାରିକା ସୁଡ଼ତୁଡ଼ ।

୧୩ ଝାଡ଼ ମରିୟମତିଙ୍କ ଇହାର, “ଇୟା, ନିନ୍ଦୁ ଏନ୍ଦା ଆଡ଼ବାଜିନି ?”

ଝାଡ଼ ଝାରିଙ୍ଗ ଇହାର, “ଏର୍ ନା ପ୍ରବୁଙ୍କୁ ମେନ୍ଦଲ୍ ଅତାମାନାର, ମାରି ଝାନିଙ୍ଗ ଏମେ ବାଡ଼ିଦୁ ଇଡ଼ତାମାନାର, ଆକା ନାନ୍ ନେସ୍‌ଏଜିନା ।”

୧୪ ଝାଡ଼ ଇକା ଇନ୍ତି ଝେନ୍ଦକା ମାର୍ଜିବେସ୍‌ସି ଜିସୁଙ୍କୁ ନିରୁଇମାରିକା ସୁଡ଼ତୁଡ଼, ମାତର୍ ଝାନ୍ ଜେ ଜିସୁ, ଆକା ନେସ୍‌ଏଡାଡ଼ ।

୧୫ ଜିସୁ ତାନିଙ୍ଗ ଇହାନ୍, “ନିନ୍ଦୁ ଏନ୍ଦା ଆଡ଼ବାଜିନି ? ଏଙ୍ଗ ପୟ୍‌ଜିନି ?” ଝାଡ଼ ଝାନିଙ୍ଗ ଡ଼ଡ଼ିଦୁ ପାଣିକିନିକାନ୍ ଇଜି ଅଡ଼ବିଜି ଇହାର, ଆଜ୍ଜା, “ନିନ୍ଦୁ ଜଦି ଝାନିଙ୍ଗ ଅତିମାନି, ଆରଡ଼ିଙ୍ଗ ଝାନିଙ୍ଗ ଏମେ ବାଡ଼ିଦୁ ଇଡ଼ତିମାନି, ନାଙ୍ଗୁ ଇନ୍‌ଆଁ, ମାରି ନାନ୍ ଝାନିଙ୍ଗ ଅନା ।”

୧୬ ଜିସୁ ତାନିଙ୍ଗ ଇହାନ୍, “ମରିୟମ୍ ।”

ଝାଡ଼ ମାର୍ଜିବେସ୍‌ସି ଏବ୍ରି ବାସାଦାନ୍ ଝାନିଙ୍ଗ ଇହାର, “ରାବୁନି,” ଅର୍ଡାଡ଼, “ଏ ଗୁରୁ ।”

୧୭ ଜିସୁ ତାନିଙ୍ଗ ଇହାନ୍, “ନାଙ୍ଗୁ ଆସ୍‌ସୋ ଇଡ଼ିମା, ଭରିଙ୍ଗ ନାନ୍ ଇୟାସାନ୍ତି ବୁବାଦି ଲାକ୍ତୁ ସୋଲ୍‌ଏନେ; ମାତର୍ ନା ତଡ଼ାନ୍‌କା ମାନ୍ଦୁ

ସୋଲ୍‌ସ ଇନ୍‌ଆଁ, ନାନ୍ ନା ବୁବା ମାରି ଖାରି ବୁବା, ନା ମାପୁରୁ ମାରି ଖାରି ମାପୁରୁ ଲାକଡୁ ସୋଲ୍‌ସିନା ।”

୧୮ ମଗ୍‌ଦଲିନି ମରିୟମ୍ ସଲ୍‌ସି, ନାନ୍ ପ୍ରବୁଙ୍ଗ୍ ସୁଡ଼ୁଆମାନା, ମାରି ଖାନ୍ ନାଙ୍ଗ୍ ଇୟାଞ୍ଜିକୁ ଖେରତାମାନାନ୍ ଇଜି ସିସୁରିଙ୍ଗ୍ କାବୁର୍ ସିତାଡ଼ ।

ଜିସୁ ଖାନି ସିସୁରିଙ୍ଗ୍ ତରୟାଆତାନ୍

(ମାତିଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଆୟାନାଣ୍ଡିଙ୍ଗ୍ ଖାରାଦି ଆଗଡ଼ିରି ନାଣ୍ଡିଙ୍ଗ୍ ମିଲ୍‌ମିଲିକା ବେଡ଼ାଦୁ ଏସ୍ତିଖାଲେ ସିସୁର୍ ଏମେ ଇଲ୍‌ଡୁ ମାର୍ହାର୍, ଆବେଣି ସେର୍‌ଲେଙ୍ଗ୍‌ଞ୍ଜିକୁ ଜିହୁଦିରି ତିଏଲ୍‌ତିଙ୍ଗ୍ କେର୍‌ତା ମାର୍ହାର୍, ନାସ୍ତିଖାଲେ ଜିସୁ ଖାଜି ନେଗି ନାଡ଼ମି ନିରୁଆନ୍‌ନୋ ଖାରିଙ୍ଗ୍ ଇର୍ହାନ୍, “ମିଙ୍ଗ୍ ସାନ୍ତି ଆପିଡ଼ ।”

୨୦ ମାରି, ଇକା ଇନ୍‌ଜି ଜିସୁ ଖାରିଙ୍ଗ୍ ନିଜେଦି କିକୁ ମାରି ପାଡ଼କା ତରତାନ୍ । ଆବେର୍ ସିସୁର୍ ପ୍ରବୁଙ୍ଗ୍ ସୁଡ଼ୁଜି ଖେଡ଼ିକା ଆତାର୍ ।

୨୧ ଜିସୁ ଖାରିଙ୍ଗ୍ ମାରିଡେସି ଇର୍ହାନ୍, “ମିଙ୍ଗ୍ ସାନ୍ତି ଆପିଡ଼; ବୁବା ଏଣ୍ଡେସ୍‌ଖାଜା ନାଙ୍ଗ୍ ପୋକ୍‌ତାତାମାନାନ୍, ନାନ୍ ବା ଆୟାଖାଜା ମିଙ୍ଗ୍ ପୋକ୍‌ତାତାମାନା ।”

୨୨ ଖାନ୍ ଇକା ଇନ୍‌ଜି ଖାରି ମୁସ୍‌କୁ ନେଜ୍‌ଦେଙ୍ଗ୍ ଡିସ୍‌ତାନ୍‌ନୋ ଖାରିଙ୍ଗ୍ ଇର୍ହାନ୍, “ପବିତ୍ରଆମ୍‌ଦିଙ୍ଗ୍ ମାନାଦୁ ।

୨୩ ☆ମିର୍ ଜଦି ଏ ପାପ୍ କେମା କିନିଦେର୍, ଖାନି ପାପ୍ କେମା ଆନାଡ଼, ମାରି, ଜଦି ଏ ପାପ୍ କେମା କିଜ୍‌ଦେର୍, ଖାନି ପାପ୍ କେମା ଆଏଡ଼ ।”

ଜିସୁ ନି ତୋମା

୨୪ ମାତର ଜିସୁ ଏସ୍ତିଖାଲେ ଖାତାମାର୍ହାନ୍, ନାସ୍ତିଖାଲେ ବାରଲୋକା ଲୋଇରାନ୍ ତୋମା ଦର୍‌ତି ଅରେନ୍, ଆମାଖାନିଙ୍ଗ୍ “ଦିଦୁମ୍” ଇନାର୍, ଖାନ୍ ଖାରି ଖାଲେ ସିଲେତାନ୍ ।

୨୫ ମାରି, ଆଇ ସିସୁର୍ ଖାନିଙ୍ଗ୍ ଇର୍ହାର୍, “ମାପ୍ ପ୍ରବୁଙ୍ଗ୍ ସୁଡ଼ୁଆମାନାପ୍ ।”

☆ ୨୦:୨୩ ମାତିଉ ୧୭:୧୯; ୧୮:୧୮.

ମାତର ତୋମା ଖାରିଙ୍ଗ ଇର୍ହାନ୍, “ଖାନି କିୟୁଦୁ କୁଟିଙ୍ଗଣି ସିନେଙ୍ଗ ସୁଡ଼ୁକୁତିଙ୍ଗ ମାରି ଆୟାଞ୍ଜିକୁ ବାଡ଼ିଦୁ ନା ଡାସକେଙ୍ଗ ସିଇତିଙ୍ଗ ମାରି ଖାନି ପାଡ଼କାଦୁ ନା କିୟୁ ଇଡ଼ଇତିଙ୍ଗ ନାନ୍ ମୁଡ଼ୁକ ବିସବାସ କିଏ ।”

୨୭ ଆବୁଦିନ୍ ଖେନକା ଖାନି ସିସୁର୍ ମାରିଡେସି ଲୋଇ ମାର୍ହାର ମାରି ତୋମା ଖାରି ଖାଲେ ମାର୍ହାନ୍ । ସେରଲେଙ୍ଗ ଡିକୁ କେରତିମାରଇ ବେଡାଦୁ ଜିସୁ ଖାଜି ନେଗି ନାଡ଼ି ନିରଥାନ୍ନୋ ଇର୍ହାନ୍, “ମିଙ୍ଗ ସାନ୍ତି ଆପିଡ଼ ।”

୨୮ ଖେନକା ଖାନ୍ ତୋମାଦିଙ୍ଗ ଇର୍ହାନ୍, “ଇବେନ୍ନୁ ନି ଡାସକେଙ୍ଗ ମୁଟ୍‌ଆ ନା କିୟୁଦିଙ୍ଗ ସୁଡ଼ୁଆ ମାରି ନା ପାଡ଼କାଦୁ ନି କିୟୁ ମୁଟ୍‌ଆ; ଅବିସବାସ କିଏଶଗା ବିସବାସ କିଆ ।”

୨୯ ତୋମା ଖାନିଙ୍ଗ ଇର୍ହାନ୍, “ନା ପ୍ରବୁ, ନା ମାପୁରୁ ।”

୩୦ ଜିସୁ ଖାନିଙ୍ଗ ଇର୍ହାନ୍, “ନିନ୍ ଇନିକା ନାଙ୍ଗ ସୁଡ଼ୁତିଙ୍ଗ ବିସବାସ କିତିମାନି ? ମାତର ଏର ସୁଡ଼ୁଶଗା ବିସବାସ କିତାମାନାର, ଖାର ଦନ୍ୟ ।”

ଇୟା ବଇଦି ଉଦେସ

୩୦ ଜିସୁ ସିସୁରି ଆଗଡ଼ି ଇୟାଖାଜା ଏସ ମାରି ଇନିଇନି ଜାତିଦି କାବାଆନି ପାଣି କିତାନ୍, ଆୟାଞ୍ଜିକୁ ଇୟା ବଇଦୁ ରାସାଏଡ଼;

୩୧ ମାତର ମିର୍ ଏଶ୍ରେସ ବିସବାସ କିଦୁ ଜେ, ଜିସୁ ମାପୁରୁଦି ମାରିନ୍ ମସିହ, ମାରି ବିସବାସ କିଜ ଏଶ୍ରେସ ମିର୍ ଖାନି ଦର୍ତ୍ତାନ୍ ଜିବନ୍ ପୟଦୁ, ଇୟାଉଶ୍ରିଙ୍ଗ ଇୟାଞ୍ଜିକୁ ରସାତାମାନାଡ଼ ।

୨୧

ସାଡ଼ ଲୋକୁ ସିସୁରିଙ୍ଗ ଜିସୁ ତରୟାଆତାନ୍

୧ ତାନେଖେନକା ଜିସୁ ତିବିରିୟା ଗାଡା ପାଡ଼ି ସିସୁରିଙ୍ଗ ମାରିଡେସି ତରୟାଆତାନ୍ । ଖାନ୍ ଇୟାଖାଜା ତରୟାଆତାନ୍;

୨ ସିମୋନ ପିତର, ତୋମା, ଏଙ୍ଗ ଦିଦୁମ ଇନାର, ଗାଲିଲିଦି କାନାଦିକାନ୍ ନିତନିଏଲ୍, ଜେବଦିରି ମାରିସିର୍ ମାରି ଖାନି ସିସୁରି ମାଣ୍ଡକୁ ମାରି ରିଏର୍ ଉନ୍ତେମାନ୍ନୁ ମାର୍ହାର ।

୩ ✧ ସିମୋନ ପିତର ୱାରିଙ୍ଗ୍ ଇର୍ହାନ୍, “ନାନ୍ ମିନ୍‌କୁ ଆସ୍‌ତେଙ୍ଗ୍ ସୋଲ୍‌ସିନା ।” ଆଇ ସିସୁର୍ ୱାନିଙ୍ଗ୍ ଇର୍ହାର୍, “ମାପ୍ ବା ନି ୱାଲେ ସନାପ୍ ।” ୱାର୍ ସୋସିସଲ୍‌ସି ଡଙ୍ଗାଁଦୁ ଏକ୍‌ତାର୍ ମାରି ଜାଡ଼ି ପକ୍‌ତାର୍ ମାତର୍ ଆୟା ନାଡ଼ା ଜନିକା ଆସ୍‌ତେଙ୍ଗ୍ ଆଟ୍‌ଏତାର୍ ।

୪ ମାତର୍ ମାରନାଣ୍ଡିଙ୍ଗ୍ ଉର୍‌ଲା ନାଡ଼ାକାଦେ ଜିସୁ ଏର୍ ପାଡ଼ି ନିର୍‌ଆଁମାର୍ହାନ୍; ମାତର୍ ୱାନ୍ ଜିସୁ ଇଜି ସିସୁର୍ ନେସ୍‌ଏତାର୍ ।

୫ ଜିସୁ ୱାରିଙ୍ଗ୍ ଇର୍ହାନ୍, “କଡ଼ର୍ ମି ଲାକ୍‌ତୁ ଜନିକା ଉଣିକା ମାନାଡ଼ ?”

ୱାର୍ ୱାନିଙ୍ଗ୍ ଇର୍ହାର୍, “ସିଲେ ।”

୬ ✧ ଜିସୁ ୱାରିଙ୍ଗ୍ ଇର୍ହାନ୍, “ଡଙ୍ଗାଁଦି ଉଣେରି ତରିନ୍ ଜାଡ଼ି ପୋକ୍‌ତୁ, ମାରି ମିର୍ ଏସ୍ ଆସ୍‌ନିଦେର୍ ।” ଆବେଟ୍ ୱାର୍ ଜାଡ଼ି ପୋକ୍‌ତାର୍, ମାରି ଉଣା ମିନ୍‌କୁ ୱାତେ ଜେ, ୱାର୍ ଜାଡ଼ି ରେଲ୍‌ଦେଙ୍ଗ୍ ଆଟ୍‌ଏତାର୍ ।

୭ ଆବେଟ୍ ଜିସୁ ଆମା ସିସୁଙ୍ଗ୍ ଜିବନ୍‌ନୋଜି ମାର୍ହାନ୍, ୱାନ୍ ପିତରତିଙ୍ଗ୍ ଇର୍ହାନ୍, “ଇକାନ୍ ତୋ ପ୍ରୁ ।” ସିମୋନ ପିତର୍ ଇକାନ୍ ତୋ ପ୍ରୁ ଇଜି ୱେନ୍‌ଜି ତୁମ୍‌ତା ମେନ୍‌ଲ୍ ଆତିମାନିଙ୍ଗ୍ ନିଜେଦି ଆଙ୍ଗ୍ ଆରାଜି ଏର୍‌ତୁ ଗାଡ଼ତାନ୍;

୮ ମାତର୍ ଆଇ ସିସୁର୍ ମିନ୍‌କୁ ବର୍‌ ଆତିମାନି ଜାଡ଼ିଦିଙ୍ଗ୍ ରେଲ୍‌ଜି ରେଲ୍‌ଜି ଇସି ଡଙ୍ଗାଁଦୁ ୱାତାର୍, ଇରିଙ୍ଗ୍ ୱାର୍ ପାଡ଼ିରାନ୍ ନାଣ୍ଡ ଆକ ସିଲେତାର୍, କେବଲ୍ ଦୁଇସ ମୁରା ଆକ ମାର୍ହାନ୍ ।

୯ ୱାର୍ ପାଡ଼ି ରେଡ଼ାର୍‌ରୋ ଆବେନ୍‌ ଡିବ୍‌କାଣି ସିସୁ, ମାରି ତାନି ମୁସ୍‌କୁ ୱେକ୍‌ତି ମିନ୍‌କୁ ମାରି ରୁଟି ଇଟ୍‌ତିମାରିକା ସୁଡ଼ତୁର୍ ।

୧୦ ଜିସୁ ୱାରିଙ୍ଗ୍ ଇର୍ହାନ୍, “ମିର୍ ଇଲେଇ ଏମେ ମିନ୍‌କୁ ଆସ୍‌ତିମାନିଦେର୍, ଆବେନ୍‌ ଏସ୍ ତାଗାଟ୍ ।”

୧୧ ସିମୋନ ପିତର୍ ସୋଲ୍‌ସି ସଏ ପସାସ୍‌ତିନି ପେରି ପେରି ମିନ୍‌କୁ ବର୍‌ ଆତିମାନି ଜାଡ଼ିଦିଙ୍ଗ୍ ପାଡ଼ି ରେଲ୍‌ଜିତାତାନ୍; ମାରି ନିସା ମିନ୍‌ୱାତିଙ୍ଗ୍‌ବା ଜାଡ଼ି ତେଉଏତାଡ଼ ।

୧୭ ଜିସୁ ଖାରିଙ୍ଗ୍ ଇର୍ହାନ୍, “ଖାଜ ଉନ୍ତୁ ।” ସିସୁରି ମାଣ୍ଡକୁ ଏନ୍ ନିନ୍ତୁ ଇଜି ଖାନିଙ୍ଗ୍ ଖେନ୍ବାଦେଙ୍ଗ୍ ସାହାସ୍ କିଏଜିମାର୍ହାର୍, ଇରିଙ୍ଗ୍ ଖାନ୍ ଜେ ପ୍ରବୁ, ଇକା ଖାର୍ ନେସ୍ତାମାର୍ହାର୍ ।

୧୮ ଜିସୁ ଖାଜି ରୁଟି ଅସି ଖାରିଙ୍ଗ୍ ସିତାନ୍, ମାରି ଆୟାଖାଜା ମିନ୍ତୁ ବା ସିତାନ୍ ।

୧୯ ସାତିଖାରି ମାଣ୍ଡକୁ ଜିବନ୍ଆଜି ନିଙ୍ଗ୍ ଖେନ୍କା ଜିସୁ ସିସୁରିଙ୍ଗ୍ ଇକା ମୁନ୍ତ୍ର ଦେବେଙ୍ଗ୍ ତରୟାଆତାନ୍ ।

ଜିସୁ ନି ପିତର୍

୧୫ ଖାର୍ ଉଟି ଖେନ୍କା ଜିସୁ ସିମୋନ ପିତରତିଙ୍ଗ୍ ଖେନ୍ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ତୁ ଇନିକା ନାଙ୍ଗ୍ ଖାରିମାଣ୍ଡକୁ ନାଣ୍ଡ ଜିବନ୍ନୋଜିନି ?”

ଖାନ୍ ଖାନିଙ୍ଗ୍ ଇର୍ହାନ୍, “ହୁଁ, ପ୍ରବୁ,” ନାନ୍ ଜେ ନିଙ୍ଗ୍ ଜିବନ୍ନୋଜିନା, ଆକା ନିନ୍ ନେସ୍ନି ।

ଜିସୁ ଖାନିଙ୍ଗ୍ ଇର୍ହାନ୍, “ନା ମେଣ୍ଡାପିଲେକାଙ୍ଗ୍ ସାରାକିଆ ।”

୧୬ ଜିସୁ ମାରିଡେସି ରୁଣ୍ଡି ଦେବେଙ୍ଗ୍ ଖାନିଙ୍ଗ୍ ଖେନ୍ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ତୁ ଇନିକା ନାଙ୍ଗ୍ ଜିବନ୍ନୋଜିନି ?”

ଖାନ୍ ଖାନିଙ୍ଗ୍ ଇର୍ହାନ୍, “ହୁଁ, ପ୍ରବୁ,” ନାନ୍ ଜେ ନିଙ୍ଗ୍ ଜିବନ୍ନୋଜିନା, ଆକା ନିନ୍ ନେସ୍ନି ।

ଜିସୁ ଖାନିଙ୍ଗ୍ ଇର୍ହାନ୍, “ନା ମେଣ୍ଡେଆଙ୍ଗ୍ ନେଗେନ୍କିଜି ସାରାକିଆ ।”

୧୭ ଜିସୁ ମୁନ୍ତ୍ର ଦେବେଙ୍ଗ୍ ଖାନିଙ୍ଗ୍ ଖେନ୍ବାତାନ୍, “ଏ ଜୋହନତି ମାରିନ୍ ସିମୋନ, ନିନ୍ତୁ ଇନିକା ନାଙ୍ଗ୍ ଜିବନ୍ନୋଜିନି ?”

ନିନ୍ତୁ ଇନିକା ନାଙ୍ଗ୍ ଜିବନ୍ନୋଜିନି, ଇକା ଇନ୍ତି ଖାନ୍ ମୁନ୍ତ୍ର ଦେବେଙ୍ଗ୍ ପିତରତିଙ୍ଗ୍ ଖେନ୍ବାନିଙ୍ଗ୍ ଖାନ୍ ଦୁଃକ୍ ଆଜି ଖାନିଙ୍ଗ୍ ଇର୍ହାନ୍, “ପ୍ରବୁ, ନିନ୍ତୁ ଖିଜୁ ବିସୟ ନେସ୍ନି; ନାନ୍ ଜେ ନିଙ୍ଗ୍ ଜିବନ୍ନୋଜିନା, ଆକା ନିନ୍ ନେସ୍ନି ।”

ଜିସୁ ଖାନିଙ୍ଗ୍ ଇର୍ହାନ୍, “ନା ମେଣ୍ଡେଆଙ୍ଗ୍ ସାରାକିଆ ।

୧୮ ସଡ୍ ସଡ୍ନେ ନାନ୍ ନିଙ୍ଗ୍ ଖେର୍ସିନା, ମୁରୁଲି ମାନିଖାଲେ ନିନ୍ ନିଜେଦି ଜୁକିଦୁ ଗାଟି ତରାଜ ଏମେ ତରିନ୍ ବଦା, ଆୟା ତରିନ୍

ବୁଲାଇମାରୁ, ମାତର ଡକ୍ତା ଆତିଙ୍କ ନିନ୍ ନିଜେଦି କିୟୁ ପେରିନି ମାରି ଆଇକାନ୍ ଅରେନ୍ ନି ଜୁକିଦୁ ଗାଟି ତରୁନାନୋ, ଏମେ ତରିନ୍ ନିଙ୍ଗୁ ବଦା ସିଲେଡ, ଆୟା ତରିନ୍ ନିଙ୍ଗୁ ଅନାନ୍ ।”

୧୯ ପିତର ଏଣ୍ଡେସ୍‌ଜାଜା ସାନିଦଣ୍ଡୋତି ମାଣ୍ଡୁ ମାପୁରୁକୁ ଦନ୍ୟବାଦ୍ କିନାନ୍, ଆବେଣି ମାଟା ସିଜି ଖାନ୍ ଇକା ଇର୍ହାନ୍ । ତାନେଝେନ୍‌କା ଜିସୁ ଖାନିଙ୍ଗୁ ଇର୍ହାନ୍, “ନା ଝେନ୍‌କା ରାଆ ।”

ଜିସୁ ନି ଖାନି ଆଇ ସିସୁ

୨୦ ☆ଜିସୁ ଏମେ ସିସୁକୁ ଜିବନ୍‌ନୋଜି ମାର୍ହାନ୍ ମାରି ଏନ୍‌ବା ନାଡ଼ାରିବଜିଦି ବେଡ଼ାଦୁ ଜିସୁଦି ବକାପାଡ଼କାଦୁ ଗେକାତାନୋ, “ପ୍ରବୁ, ନିଙ୍ଗୁ ଏନ୍ ସାଡୁରି କିୟୁଦୁ ସରପେ କିନାନ୍ ଇଜି ଝେନ୍‌ବାତା ମାର୍ହାନ୍, ଆୟା ସିସୁକୁ ପିତର ମାରଜିବେସସି ଝେନ୍‌କା ଖାଜିମାରିକା ସୁଡ଼ତୁନ୍ ।”

୨୧ ପିତର ଖାନିଙ୍ଗୁ ସୁଡ଼ଜି ଜିସୁକୁ ଝେନ୍‌ବାତାନ୍, “ପ୍ରବୁ, ଇୟାଖାନି ବିସୟତାନ୍ ଇନିକା ଇଜିନି ?”

୨୨ ଜିସୁ ଖାନିଙ୍ଗୁ ଇର୍ହାନ୍, “ନାନ୍ ମାରିଡେସିଖାନି ସାନ୍ଦି ଖାନ୍ ଜିଜ ମାନିନ୍ ଇଜି ଜଦି ନାନ୍ ବଦା କିନା, ଆରଡିଙ୍ଗୁ ଆବେଟ୍ ନିଙ୍ଗୁ ଇନିକା ମାନାଡ଼ ? ନିନ୍ନୁ ନା ଖାଲେ ରାଆ ।”

୨୩ ଆବେଟ୍ ଆୟା ସିସୁ ଜେ ସାଏନ୍, ତଡ଼ାନ୍‌କା ଲୋଇ ଇୟା ମାଟା ଝେଙ୍ଗୁ ତାଡ଼, ମାତର ଖାନ୍ ସାଏନ୍ ଇଜି ଜିସୁ ଖାନିଙ୍ଗୁ ଇନ୍‌ଏନ୍ ମାର୍ହାନ୍, ମାତର ନାନ୍ ଡେସିଖାନି ସାନ୍ଦି ଖାନ୍ ଜିଜ ମାନିନ୍ ଇଜି ଜଦି ନାନ୍ ବଦା କିନା, ଆରଡିଙ୍ଗୁ ଆବେଟ୍ ନିଙ୍ଗୁ ଇନିକା ମାନାଡ଼ ଇଜି ଝେରଡାମାର୍ହାନ୍ ।

୨୪ ଏନ୍ ଇୟାଞ୍ଜିକୁ ବିସୟତି ସାକ୍ୟ ସିଜିନାନ୍ ମାରି ଇୟାଞ୍ଜିକୁ ରାସଡାମାନାନ୍, ଖାନ୍ ଆୟା ସିସୁ: ମାରି, ଖାନି ସାକୟ ଜେ ସଡ଼, ଆକା ମାପ୍ ନେସ୍‌ନାପ୍ ।

ସାରାସାରିମାଟା

୨୫ ମାରି, ଜିସୁ ମାରି ନାଣ୍ଡ ପାଣି ବା କିତାମାର୍ହାନ୍, ଆୟାଞ୍ଜିକୁ ଜଦି ଉନ୍‌ଡ୍ର ଉନ୍‌ଡ୍ର କିଜି ରାସାତିଙ୍ଗୁ ମାନ୍ଦି, ଆରଡିଙ୍ଗୁ ନିସ ବଇଙ୍ଗୁ ରାସାତେ

ମାନ୍ଦି ଜେ, ନା ବିସାରତୁ ସାରାଦୁନିଆଦୁ ଆୟାତ୍ତିଦୁ ବଇଙ୍ଗ୍ ଇଡ୍‌ନି
ଉଣ୍ଡିଙ୍ଗ୍ ବାଡି ଆଏତାଡ୍‌ମାନ୍ଦି ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 6 May 2025 from source files
dated 7 May 2025

506ae627-08e2-556a-b39e-5315f886d95a